

राजमणि जैन

मी.ए.वी.ट्री.

श्रीपरमात्मने नमः ।

स्वर्गीय कविकार धानतरायजी विरचित

धर्मविलास ।

(धानतविलास)



प्रकाशक—

श्रीजैनग्रन्थरहाकरकार्यालय—बंबई ।

सुद्रक—

निर्णयसागर प्रेस—बंबई ।



श्रीवीरनिर्वाण संवत् २४४०

छोटी मोटी
ही छोटे रूपमें
छप गये हैं और
नहीं समझी गई ।

३ जिम्मे प्रानत-

१८८५
चत्वारी दिनांकित
१८८५

Published by Nathuram Premi Proprietor Shri Jain Granth
Ratnakar Karyalaya Hirabag, near C. P. Tank Bombay.

Printed by R. Y. Shedge, at the Niranaya-Sagar Press
23 Kolbhat Lane, BOMBAY.

२०८८ वर्ष की पुस्तक निवेदन।

पाठक शहाशय,

लगभग दो वर्ष पहले इस ग्रन्थके छपानेका कार्य प्रारंभ किया गया था, आज इतने समयके बाद तैयार होकर यह आपके हाथोंमें पहुँचता है। इच्छा थी कि इसके साथ कविवर व्यानतरायजीका परिचय और उनकी रचनाओंकी आलोचना आपकी भेट की जाय; परन्तु इस समय मेरे शरीरकी जो अवस्था है उसके अनुसार यही बहुत है कि यह ग्रन्थ किसी तरह पूरा होकर आपतक पहुँच जाता है। लगभग चार महीनेसे मैं अस्वस्थ हूँ और इस कारण बहुत कुछ सावधानी रखनेपर भी इसमें कहीं कहीं कुछ अशुद्धियाँ रह गई हैं उनके लिए मैं आपसे क्षमा चाहता हूँ। यदि कभी इसके दूसरे संस्करणका अवसर मिला तो ये अशुद्धियाँ भी न रहेंगी और ग्रन्थकर्ता का परिचय और ग्रन्थालोचन भी लिख दिया जायगा।

धर्मविलास बहुत बड़ा ग्रन्थ है। व्यानतरायजीकी प्रायः सब ही छोटी मोटी रचनाओंका इसमें संग्रह है। परन्तु आप इस ग्रन्थको बहुत ही छोटे रूपमें देखेंगे। इसका कारण यह है इसमेंके कई अंश जुदा छप गये हैं और इस लिए उनकी इसमें शामिल करनेकी आवश्यकता नहीं समझी गई।

इसका एक अंश तो जैनपदसंग्रह (चौथा भाग) है जिसमें व्यानतरायजीके सबके सब पदोंका संग्रह है। यह हमने जुदा छपवाया है।

दूसरा अंश प्राकृत द्रव्यसंग्रहका पदानुवाद है जो द्रव्यसंग्रह सान्वयार्थके साथ साथ छपा है।

तीसरा अंश चरचाशतक है जो इसी वर्ष सुन्दर भाषाटीकासहित प्रकाशित किया गया है।

चौथा अंश भाषापूजाओंका संग्रह है। यह लगभग चार पाँच कार्मका होगा। इसे हम इसीमें शामिल करना चाहते थे; परन्तु सर्वसाधारण पूजाप्रेमी लोगोंके लिए इसका जुदा छपवाना ही उचित समझा गया। इसकी कापी तैयार है। बहुत शीघ्र छप जायगा।

इस तरह इन सब अंशोंके मिलानेसे धर्मविलास पूर्ण हो जायगा।

चुम्बई

३०-१२-१३

}

नाथूराम प्रेमी।

विषयसूची ।

पृष्ठां

		पृष्ठां
१	मंगलाचरण	२
२	उपदेशशतक	५
३	सुबोध पंचासिका	४३
४	धर्मपञ्चीसी	४९
५	तत्त्वसार भाषा	५२
६	दर्शनदशक	६०
७	ज्ञानदशक	६४
८	द्रव्यादि चौबोल-पञ्चीसी	६८
९	व्यसनत्याग षोडश	८१
१०	सरधा चालीसी	८७
११	सुखबत्तीसी	९२
१२	विवेक-बीसी	९६
१३	भक्ति-दशक	१०२
१४	धर्मरहस्य-बावनी	१०६
१५	दानबावनी	११६
१६	चार सौ छह जीवसमाप्त	१२७
१७	दशस्थान चौबीसी	१३०
१८	व्यौहारपञ्चीसी	१३९
१९	आरतीदशक	१४९
२०	दशबोल पञ्चीसी	१५७
२१	जिनगुणमाल सप्तमी	१६४
२२	समाधिमरण	१६७
२३	आलोचनापाठ	१६९

२४	एकीभावस्तोत्र	190
२५	खयंभूतोत्र	193
२६	पार्श्वनाथस्तवन	199
२७	तिथिषोड़शी	196
२८	स्तुतिबारसी	190
२९	यतिभावनाष्टक	190
३०	सज्जनगुणदशक	180
३१	वर्तमान-बीसी-दशक	187
३२	अध्यात्मपंचासिका	189
३३	अक्षर-बावनी	194
३४	नेमिनाथ-बहत्तरी	197
३५	वज्रदन्तकथा	204
३६	आठ गणछन्द	206
३७	धर्म-चाह गीत	208
३८	आदिनाथस्तुति	210
३९	शिक्षापंचासिका	213
४०	जुगलआरती	218
४१	वैरागछत्तीसी	221
४२	वाणीसंख्या	225
४३	पल्ल-पच्चीसी	236
४४	षट्गुणी हानिवृद्धिबीसी	241
४५	पूरणपंचासिका	247

जैनग्रन्थरताकरकार्यालय बम्बईके छपाये हुए जैनग्रन्थ।

१ प्रद्युम्नचरित्र-हिन्दी भाषामें वहुत ही बढ़ियाँ २॥)
२ मोक्षमार्गप्रकाश-पं० टोडरमलजीकृत १॥)	
३ सप्तव्यसनचरित्र-हिन्दीवचनिका ॥=)	
४ बनारसीविलास-बनारसीदासजीके विस्तृत जीवनचरित्रसहित १॥)	
५ प्रवचनसारपरमागम-कविवर वृदावनजीकृत अध्यात्मका ग्रन्थ १॥	
६ वृदावनविलास-वृन्दावनजीकी समस्त कविताका संग्रह ... ॥॥)	
७ क्षत्रचूड़ामणिकाव्य-हिन्दी भाषानुवादसहित ॥॥)	
८ भाषापूजासंग्रह- ॥॥)	
९ मनोरमा उपन्यास-बावू जैनेन्द्रकिशोरजीकृत ॥॥)	
१० ज्ञानसूर्योदयनाटक-श्रीनाथरामप्रेमीकृत ॥॥)	
११ तत्त्वार्थसूत्र-बालबोधिनी भाषाटीकासहित ॥॥)	
१२ जैनपदसंग्रह प्रथमभाग-दौलतरामजीकृत, बड़ा अक्षर ... ॥=)	
१३ जैनपदसंग्रह दूसरा भाग-भागचंद्रजीकृत, ॥=)	
१४ जैनपदसंग्रह तीसरा भाग-भूधरदासजीकृत भजन ... ॥=)	
१५ जैनपदसंग्रह चौथा भाग-द्यानतरायजीकृत भजन ... ॥=)	
१६ जैनपदसंग्रह पांचवाँ भाग-बुधजनजीकृत ॥=)	
१७ उपमितिभवप्रपञ्चकथा-पहलाभाग ॥॥)	
१८ उपमितिभवप्रपञ्चकथा-दूसरा भाग ॥=)	
१९ चर्चाशतक-सरल भाषाटीकासहित ॥॥)	
२० न्यायदीपिका-सरल भाषाटीकासहित ॥॥)	
२१ धर्मप्रश्नोत्तर-प्रश्नोत्तर रूपमें धर्मके सब विषयोंका वर्णन है ... २)	

२२ नागकुमारचरित-	१०
२३ यशोधरचरित-	१०
२४ यात्रादर्पण-यात्रियोंके बड़े ही सुभीतेका है	३०
२५ भाषानित्यपाठसंग्रह-रेशमी जिल्द ॥), साधा	१०
२६ प्रतिभा उपन्यास-नाथूराम प्रेमीकृत	१०
२७ सूक्तिमुक्तावली-मूल भाषाकविता और टीका	१०
२८ सज्जनचितवल्लभ-मूल, कविता और भा. दी. सहित	१०
२९ परमार्थजकड़ीसंग्रह-१५ जंकड़ियोंका संग्रह	१०
३० विनतीसंग्रह-२४ विनतियोंका संग्रह	१०
३१ नित्यनियमपूजा-संस्कृत और भाषा	१०
३२ भक्तामरस्तोत्र-अन्वय अर्थ भावार्थ और हिन्दी कवितासहित	१०
३३ जैनबालबोधक प्रथमभाग-	१०
३४ शीलकथा-भारामलजीकृत ।) दर्शनकथा	१०
३५ श्रुतावतारकथा-श्रुतस्कंधविधानादिसहित	१०
३६ अरहंतपासाकेवली-पाँसा डालकर शुभ अशुभ जाननेकी रीति -॥	१०
३७ भक्तामर-हेमराजजीकृत भाषा और मूल संस्कृत	१०
३८ पञ्चमंगल-अभिषेकपाठ और पंचामृताभिषेकपाठसहित	१०
३९ मृत्युमहोत्सव-और समाधिमरण	१०
४० धूर्ताख्यान-पुराणोंकी पोलें	१०
४१ प्राणप्रियकाव्य-भा. दी. सहित	१०
४२ जैनविवाहपद्धति-	१०
४३ क्रियामंजरी-श्रावकोंकी प्रतिदिनकी क्रिया	१०

पता—मैनेजर, जैनग्रन्थराजकर कार्यालय
हीराबाग पो० गिरगांव, बम्बई।



दि. मै. मुनिर्धर्मसागा यथ
भांडा स अकलूग, न.

श्रीवीतरागाय नमः ।

स्व० कविवर द्यानतरायजी विरचित ।

धर्मविलास ।

(द्यानतविलास ।)

मंगलाचरण ।

छप्य ।

बन्दौं आदि जिनेस, पापतमहरन दिनेस्वर ।

बन्दत हौं प्रभु चंद, चंद दुख तपन हनेस्वर ॥

सांतिनाथ बंदामि, मेघसम सान्तिप्रकासक ।

नमौं नमौं महावीर, वीर भौ-पीर-विनासक ॥

चौवीसौं जिनराजका, धर्म जगतमैं विस्तरौ ।

सुभ ज्ञान भगति वैरागमय, धर्म विलास प्रगट करौ ॥१॥

उपदेशशतक ।

तीर्थेकरस्तुति, छप्य ।

गुण अनंतकरि सहित, रहित दस आठ दोषकर ।

विमल जोति परगास, भास निज आन विषेहर ॥

सकल सुरासुरवृद्धवंद्य, नर इंद्र चंद्र गन ।

राग द्वेष मद मोह क्रोध, छल लोभ सकल हन ॥

१ माया ।

महिमा अनंत भगवत् प्रभु,
जगत् जीव असरन् सरन् ।
कर जोरि भविक बंदत् चरन्,
तारि तारि तारन् तरन् ॥ १ ॥

सहित अनंत चतुष्ट, नष्ट हुव चारि घाति जब ।
कहत वेद मुख चारि, चारि मुख लखत जगत् सब ॥
दहिय चौकरी चारि, चारि संज्ञा बल चुक्कौ ।
चारि प्रान् संजुगत, चारिगति गमन विमुक्तौ ॥
चहुसंघसरन् बंधन हरन, अजर अमर सिवपदकरन ।
कर जोरि भविक बंदत् चरन्, तारि तारि तारन् तरन् ॥ २ ॥

सवैया इकतीसा (मनहर) ।

धर्मको बखानत है कर्मनिको भैनत है,
लोकालोक जानत है ज्ञानको प्रकासकै ।
ममता तजै खिरी है वानी जो अनच्छरी है,
सुधारूप है झरी है इच्छाविना जासकै ॥
सिंघासन सोहत है सक्र मन मोहत है,
तीनि छत्र चौसठि चमर ढरै तासकै ।
आनंदकौ कारक है भव्यनकौ तारक है,
ऐसौ अंरहंत देव बंदौ मद नासकै ॥ ३ ॥

रागभाव टाख्यौ तातैं परिगह गहै नाहिं,
दोषभाव जाख्यौ तातैं आयुध न पेखिये ।

१ आहार, भय, मैथुन, परिग्रह । २ काय, श्वासोच्छ्वास, भाषा, आयु ।
३ नष्ट करता है । ४ शब्द हथियार ।

मोहभाव माथ्यौ तातैं गहलता दूरि भई,
 अंतराय नासतैं अनंत बल पेखिये ॥
 ज्ञानावरनी विनासि केवल प्रकास भयौ,
 दर्शनावरनी गएँ लोकालोक देखिये ।
 ऐसे महाराज जिनराज हैं जिहाज सम,
 तिनकौ सरूप लखि आपकौ विसेखिये ॥ ४ ॥
 जान्यौ जिनदेव जिन और देव त्याग कीयौ,
 कीयौ सिववास जगवास उद्वासकै ।
 पूज्यौ जिनराज सो तौ पूजनीक जिन भयौ,
 पायौ निज थान सब करम विनासकै ॥
 ध्यायौ वीतराग तिन पायौ वीतराग पद,
 भयौ है अडोल फेरि भववन नासकै ।
 जिनकी दुहाई जिन गहौ और देव कोऊ,
 जातैं लहै मोक्ष कभी जगमै न आ सकै ॥ ५ ॥
 सैव्या तेईसा (मत्तगयन्द) ।

जो जिनराज भजै तजि राज, वहै शिवराज लहै पलमाहीं ।
 जो जिननाथ करै भवि साथ, सु होत अनाथ सबै गुण पाहीं ॥
 जो जिन ईस नमै निज सीस, वहै जगदीस तजै पैरछाई ।
 जो जिनदेव करै नित सेव, लहै शिव एव महा सुखदाई ॥ ६ ॥
 छंद मल्लिकमाला ।

देखि भव्य वीतराग कीन घातिकर्म त्याग,
 तास रूप पेखि भाग लज्ज कामरूप ।

— १ छोड़कर । २ निश्वल । ३ मत गहो । ४ अनाथ अर्थात् जिसका कोई
 नाथ न हो, स्वयं सबका नाथ । ५ पराई अर्थात् पुद्दलकी छायाको छोड़ देता
 है, उससे रहित हो जाता है । अथवा छायारहित (केवली) हो जाता है ।

आठ वर्ष धाटि जोय कोटि पुच्च आयु होय,
लेत ना अहार सोय जोर है अनूप ॥
इंद्र औ फनिद चंद जच्छ औ नरिद विन्द
तीन काल तास बंदि होत मोखभूप ।
सर्वज्ञयकौ प्रमाज तुच्छ कालिमाहि जान ॥
ताहि बंदिये सुजानि छांडि दौरधूप ॥ ७ ॥

क्रहा छन्द ।

संवृति हुँ लोक सु अलोक तिहुँकालके,
सहित परजाय निज ज्ञानमाही ।
देखियौ जास परतच्छ जिमि करतलैं,
तीन हू रेख आंगुरी पाही ॥
जासकै राग औ द्वेष भय चपलता,
लोभ जम जरा गद आदि नाही ।
सो महादेव मैं नमौं मन बचन तन,
दीजियै नाथ मुझ मोक्ष ठाही ॥ ८ ॥

कुंडलिया ।

बीते जाके धातिया, राग दोष भ्रम नास ।
सुरपति सत वंदत चरन, केवलज्ञान प्रकास ॥
केवलज्ञान प्रकास, भास केवलसुख जाकै ।
दरसन जास अपार, सार वल प्रगव्यौ ताकै ॥
गुण अनंत धनरास, आस त्रासा भय जीते ।
ताकौं चंदौं सदा, धातिया जाके बीते ॥ ९ ॥

१ यह छन्द अकलंकारके “त्रैलोक्यं सकलं त्रिकालविषयं” आदि
श्लोकका भावानुवाद है ।

धृपय ।
भरम हरिय मन मरिय, जरिय मद टरिय मदनवल ।
सकलि फुरिय अव दुरिय, तुरिय गज तजिय सुरथ दल ॥
परम लखिय पर नसिय, चखिय निजरस रस विरचिय ।
धरम वसिय दुख नसिय, खसिय गद जनम मरण तिय ॥

वसु करम दलन भव भय हरन,
विभुवनपतिनुत तुम चरन ।
तुम अभय अखय निरमल अचल,
जय जिनवर असरन सरन ॥ १० ॥

जै जै स्वामी आदिनाथ, मैं तेरा बंदा ।
जै जै स्वामी आदिनाथ, काटी भव फंदा ॥
जै जै स्वामी आदिनाथ, देवोंके देवा ।
जै जै स्वामी आदिनाथ, मैं कीनी सेवा ॥
तू जै जै स्वामी आदिजी, मेरी सेवा जानही ।
तातै मोर्यै कीजै कृपा, वासा दीजै पास ही ॥ ११ ॥

क्रहा ।

करम-धनहर पवन, परम निजसुखभवनै,
भरमतम रवि र्मदन,-तपत-चंदा ।

कोपगिरि वज्रधर, मान गज हरन हंर,
कपट वन हर दैहन लोभ मंदा ॥

१ सुरायमान हुई । २ भाग गये । ३ तुरग-घोड़ा । ४ खिसक गये,
दूर हो गये । ५ तीन अर्थात् रोग जन्म और मरण । ६ वादल । ७ घर ।
८ कामदेवरूपी तापको शमन करनेके लिये चन्द्रमाके समान शीतल । ९ इन्द्र ।
१० सिंह । ११ आग ।

करन अहि मंत्र वर; मरण रिपु हनन सेर,
पतित उद्धरण जिन नाभिनंदा ॥ १२ ॥

सकल दुख दहन धन, दिपत जस कनक तन,
सरव सुर असुर नर चरन वंदा ॥ १३ ॥

दर्शनस्तुति, छण्य ॥

तुव जिनिंद दिठ्यौ, आज पातक सब भजे।
तुव जिनिंद दिठ्यौ, आज वैरी सब लजे ॥

तुव जिनिंद दिठ्यौ, आज मैं सरवस पायौ।
तुव जिनिंद दिठ्यौ, आज चिंतामणि आयौ ॥

जै जै जिनिंद विभुवन तिलक,
आज काज मेरो सख्तौ ॥

कर जोरि भविक विनती करत,
आज सकल भवदुख टख्तौ ॥ १४ ॥

तुव जिनिंद मम देव, सेव मैं तुमरी करिहौं।
तुव जिनिंद मम देव, नाम तुम हिरदै धरिहौं ॥

तुव जिनिंद मम देव, तुहीं साहिव मैं वंदा ।
तुव जिनिंद मम देव, मही कुमुदनि तुव चंदा ॥

जै जै जिनिंद भवि कमल रवि, मेरो दुःख निवारिकै।
लीजै निकाल भव जालतैं, अपनो भक्त विचारिकै ॥ १५ ॥

अष्टदश्य चढ़ानेका फल, सवैया इकतीसा ॥

नीरके चढ़ायैं भवनीर-तीर पावै जीव,
चंदन चढ़ायैं चंद सेवैं दिन रात है ॥

१ इन्द्रिय । २ वाण ।

अक्षतसौं पूजतैं न पूजै अक्ष सुख जाकौं,
फूलनिसौं पूजै फूलज्ञातिमैं न जात है ॥

दीजै नइवेद तातैं लीजै निरवेद पद,
दीपक चढ़ायैं ज्ञानदीपक विरल्यात है ।

धूप खेये सेती भ्रम दौर धूप खइ जाय,
फलसेती मोक्ष फल अर्ध अघ घात है ॥ १५ ॥

वर्तमान चौबीसीके नाम, कवित (३१ मात्रा) ।

तिद्धस्तुति, सवैया इकतीसा ।

ज्ञान भावके विलासी छैदी जिनौं भवफाँसी,
कर्म शत्रुके विनासी त्रासी दुःख दोषके ।

चेतन दरवभासी अचल सुंधामवासी,
जिनकै है निधि खासी पोषे सुधा चोषके ॥

मन वच काय नासी सिद्ध खेतके निवासी,
ऐसे सिद्ध सुखरासी ज्ञाता ज्ञेयकोषके ।

भव्य जगतैं उदासी हैकै मनमैं हुलासी,
तीन काल तिन्हैं ध्यासी वासी सुख मोषके ॥ १६ ॥

साधुस्तुति, कुंडलिया ।

पंच महाव्रत जे धरैं, पंच समिति प्रतिपाल ।

पाँचौं इंद्री वसि करै, पडावसिक गहि चाल ।

१ अचल मोक्ष स्थान । २ जीवादि पदार्थ समूहके । ३ ध्यान करेगा ।

(८)

षडावसिक गहि चाल, टाल मंजन कंच लुंचे ।
एक ब्रार ठाड़े अहार, लघु अंवर मुंचै ॥ १४ ॥
भूमिसैन दंतवन त्याग, निजभावविषै रत ।
ते वंदौ मुनिराज, धरै जे पंच महाव्रत ॥ १५ ॥
सर्वयुलस्तुति, सबैया इकतीसा (सर्व गुरु एक लघु) ।
काहसौ ना बोलै वैना जो बोलै तौ साता दैना,
देखै नाहीं नैनासेती रागी दोषी होइकै ।
आसा दासी जानै पाखै माया मिथ्या दूर नाखै,
रंधा हीयेमाहीं राखै सूर्धी दृष्टि जोइकै ॥ १६ ॥
इद्वी कोई दौरै नाहीं आपा जानै आपामाहीं,
तेर्झ पावै सोख ठांहीं कर्मै मैले धोइकै ।
ऐसे साधू वंदौ प्रानी हीया वाचा काया ठानी,
जातै कीजै आपा ज्ञानी भर्मै बुद्धी खोइकै ॥ १७ ॥
करखा (सर्व लघु, एक गुरु) ।

नगन नैगपर रहत, मैदन मद नहिं गहत,
मैमत मत नहिं लहत, दहत आसा ।
केरनसुख घटत जस, मरन भय हटत त्रस,
सरन बुध छुटत पुनि, मद विनासा ॥ १८ ॥
अमल पद लखत जब, समल पद लखत सत्र,
परम रस चखत तब, मन निरासा ॥ १९ ॥
नमत मन वचन तन, सकल भव भय हरन,
अज अमर पद करन, शिव निवासा ॥ २० ॥

१ सुमतिरूपी त्रीको । ३ पर्वतपर । ३ कामदेव । ४ यह मेरा है, इस
शकार ममत्वुद्धि । ५ इन्द्रियसुख ।

(९)

पंचपरमेश्वीको नमस्कार, छप्पर ।
प्रथम नमू अरहंत, जाहि इंद्रादिक ध्यावत ।
वंदूं सिद्ध महंत, जासु सुमिरत सुख पावत ॥
आचारज वंदामि, सकल श्रुत ज्ञान प्रकासत ।
बंदत हाँ उवझाय, जास बंदत अघ नासत ॥
जे साधु सकल नरलोकमै, नमत तास संकट हरन ।
यह परम मंत्र नित प्रति जपौ, विघ्न उलटि मंगल करन ॥ ११ ॥
सुबुद्धिताजिनस्तुति, करखा ।

राग रंगति नहीं दोष संगति नहीं,
मोह ब्रापै न निजकला जागी ।
धातिया खै गयौ ज्ञान परगट भयौ ।
ज्ञेयकौ जानि परदर्व त्यागी ॥

सकल औगुण गये, सकल गुणनिधि भये,
सकल तन जस सुकुल रीति पागी ।

कृपा करि कंतकौ मोख पद दीजिये,
कहत है सुबुधि जिनपाय लागी ॥ २१ ॥

करखा छंद ।

कहत है सुबुद्धि जिननाथ बिनती सुनो,
कंत तौ मूढ समुझै न क्यौं ही
घोर संसारके हेत जे विषय हैं,
जिन्हैं भोगत चहै सुख स्यौं ही ॥ २२ ॥

जाइगौ नर्क तब विषय फल जानसी,
तहाँ पिछतात सिर धुनै यौं ही ।

१ ज्ञानावरण यांच, दर्शनावरण जब, मोहनीय अद्वाईस, अंतराय प्रांच ।

(१०)

देहु उपदेश अब रहै जु सुहागमुझ,
छांडि जग चलै शिव और ल्यौ ही॥ २४॥
कहौं इस भाँति सुनि चिदानंद वावरे,
कौन विधि नारि पर हियै पैठी ।
कुजसकी खानि दुख दोषकी बहिनि है,
तुमैं दुख देति जो मंहाहेठी ॥ २५॥
छांडि वह संग तुम परम सुख भोगवो,
सुमतिके संग निज हिये वैठी ।
छांडि जगवास शिववास पलमैं लहौ,
परत हौं पाप कहुं जीव ऐठी ॥ २५॥

व्यवहार हितोपदेश वर्णन, सवैया तेझ्सा (मत्तगयन्द) ।

चेतनजी तुम चेतत क्यौं नहिं, आव घटै जिम अंजुलिपानी ।
सोचत सोचत जात सबै दिन, सोबत सोबत रैनि विहानी ॥
“हारि जुवारि चले कर ज्ञारि,” यहै कहनावत होत अज्ञानी ।
छांडि सबै विषया सुखस्वाद, गहौ जिनधर्म सदा सुखदानी ॥२६
पुन्य उदै गज वाजि महारथ, पैदक दौरत है अगवानी ।
कोमल अंग सरूप मनोहर, सुंदर नारि तहां रति मानी ॥
दुर्गति जात चलै नहिं संग, चलै पुनि संग जु पाप निदानी ।
यौं मनमाहिं विचारि सुजान, गहौ जिनधर्म सदा सुखदानी ॥
मानुष भौ लहिकै तुम जो न, कर्खौ कछु तौ परलोक करौगे ।
जो करनी भवकी हरनी, सुखकी धरनी इस माहिं वरौगे ॥
सोचत हौं अब वृद्धि लहैं, तब सोचत सोचत काठ जरौगे ॥२८

१ नीच स्वभाववाली । २ आयु । ३ पश्चाद सेवक ।

(११)

आव घटै छिन ही छिन चेतन, लागि रहौ विषयारसहीको ।
फेरि नहीं नर आव तुमैं, जिम छांडत अंध वटेर गैहीको ॥
आगि लगै निकसै सोई लाभ, यही लखिकै गहु धर्म सहीको ।
आव चली यह जात सुजान, “गई सुगई अब राखि रहीको”
कुंडलिया ।

यह संसार असार है, कदली वृक्ष समान ।
यामैं सारपनो लखै, सो मूरख परधान ॥
सो मूरख परधान, मानि कुसुमनि नैभ देखै ॥
सलिल मधै धृत चहै, श्रंग सुंदर खैर पेखै ॥
अगनिमाहिं हिमै लखै, सर्पमुखमाहिं सुधा चह ॥ ३० ॥
जान जान मनमाहिं, नाहिं संसार सार यह ॥ ३० ॥

कवित (३१ मात्रा) ।

तात मात सुत नारि सहोदर, इन्हैं आदि सब ही परिवार ।
इनमैं वास सराय सरीखो, ‘नदी नाव संजोग’ विचार ॥
यह कुदुंब स्वारथकौ साथी, स्वारथ विना करत है ख्वार ।
तातैं ममता छांडि सुजान, गहौ जिनधर्म सदा सुखकार ॥३१
चेतनजी तुम जोरत हो धन, सो धन चलै नहीं तुम लार ।
जाकौं आप जानि पोषत हौं, सो तन जरिकै है है छार ॥
विषै भोगिकै सुख मानत हौं, ताकौं फल है दुःख अपार ।
यह संसार वृक्ष सेमरकौ, मानि कह्यौ मैं कहुं पुकार ॥३२॥

सवैया इकतीसा ।

सीस नाहिं नम्यौ जैन कान न सुन्यौ सुवैन,
देखै नाहिं साधु नैन ताकौ नेह भीन रे ।

१ पकड़ी हुई वटेरको । २ आकाशके कुसुम अर्थात् फूलोंको । ३ गधे के सींग । ४ ठंडापन । ५ सेमरका वृक्ष जिसका फूल तो सुहावना होता है, पर कलमें निस्तार धुआ निकलता है । ६ ल्याग दे ।

(१२)

बोल्यौ नाहिं भगवान करतै न दयौ दान,
उरमै न दया आन याँ ही परवान रे ॥ ३३ ॥
पाप करि पेट भरि पीछि दी न तीव पर,
पाँव नाहिं तीर्थ कर सही सेती(?) जान रे ॥ ३४ ॥
स्याल कहै बार बार अरे सुनि श्वान यार,
इसकौं तू डारि डारि देह निंद्यखान रे ॥ ३५ ॥

देखो चिदानंद राम ज्ञान दिष्टि खोल करि,
तात मात भ्रात सुत स्वारथ पसारा है ।
तू तौ इन्हैं आपा मानि ममता मगन भयौ,
बह्यौ भ्रममाहिं जिनधरम विसारा है ॥ ३६ ॥

यह तौ कुदुंब सब दुःखहीकौ कारन है,
तजि मुनिराज निजकारज विचारा है ।
तातै गहौ धर्म सार स्वर्गमोक्षसुखकार,
सोई लहै भवपार जिन धर्म धारा है ॥ ३७ ॥

सोचत हौ रैनि दिन किहिं विधि आवै धन,
सो तौ धन धर्म विना किनहू न पायौ है ।
यह तौ प्रसिद्ध वात जानत जिहान सब,
धर्मसेती धन होय पापसौं विलायौ है ॥ ३८ ॥

धर्मके कियेतै सब दुःखकौ विनास होत,
सुखकौ निवास परंपरा मोख गायौ है ।
तातै मन वच काय धर्मसौं लगन लाय,
यह तौ उपाय वीतरागजी बतायौ है ॥ ३९ ॥

(१३)

व्यवसायब्रह्मक ।
केर्द सुर गावत हैं केर्द तौ वजावत हैं,
केर्द तौ बनावत हैं भांडे मृत्ति सानिके ।
केर्द खाक फटकै है केर्द खाक गटकै हैं,
केर्द खाक लपटै है केर्द स्वांग आनिके ॥
केर्द हाट बैठत हैं अंबुधिमैं पैठत हैं,
केर्द कान एंठत हैं आप चूक जानिके ।
एक सेर नाज काज अपनो सरूप ल्याज,
डोलत हैं लाज काज धर्म काज हानिके ॥ ३६ ॥
शिष्यकौं पढ़ावत हैं देहकौं बढ़ावत हैं,
हेमकौं गढ़ावत हैं नाना छुल ठानिके ।
कौड़ी कौड़ी मांगत हैं कायर हैं भागत हैं,
ग्रात उठि जागत हैं स्वारथ पिछानिके ॥
कागदको लेखत हैं केर्द नख प्रेखत हैं,
केर्द कूपि देखत हैं अपनी प्रवानिके ।
एक सेर नाज काज अपनो सरूप ल्याज,
डोलत हैं लाज काज धर्म काज हानिके ॥ ३७ ॥
केर्द नटकला खेलैं केर्द पटकला वेलैं,
केर्द घटकला झेलैं आप वैद मानिके ।
केर्द नाच नाचि आवै केर्द चित्रकौं बनावै,
केर्द देश देश धावै दीनता बखानिके ॥
मूरखको पास चहैं नीचनकी सेवा बहैं,
चोरनिके संग रहैं लोक लाज मानिके ।

१ राग । २ वर्तन, मिट्टिके । ३ समुद्रमें । ४ सोनेको । ५ खेती ।

(१४)

एक सेर नाज काज अपनो सरूप त्याज,
डोलत हैं लाज काज धर्म काज हानिके ॥ ३८ ॥
केर्दी सीसको कटावें केर्दी सीस बोझ लावें,
केर्दी भूपद्वार जावें चाकरी निदानके ।
केर्दी हरी तोरत हैं पाहनको फोरत हैं,
केर्दी अंग जोरत हैं हुनर विनानके ।
केर्दी जीव धात करें केर्दी छंदकों उचरें,
नानाविधि पेट भरें इन्हें आदि ठानके ।
एक सेर नाज काज अपनो सरूप त्याज,
डोलत हैं लाज काज धर्म काज हानिके ॥ ३९ ॥

गृहदःखचतुष्क ।

रुजगार बनै नाहिं धन तौ न घरमाहिं,
खानेकी फिकर बहु नारि चाहै गहना ।
दैनेवाले फिरि जाहिं मिलै तौ उधार नाहिं,
साझी मिलै चोर धन आवै नाहिं लहना ॥
कोऊ पूत ज्यारी भयौ घरमाहिं सुत थयौ,
एक पूत मरि गयौ ताकौ दुःख सहना ।
युत्री वर जोग भई व्याही सुता जम लई,
एते दुःख सुख जानै तिसै कहा कहना ॥ ४० ॥
देहमाहिं रोग आयौ चाहिजै जिया भरायौ,
फटि गये अंवर चरणदासी हैं नही ।
नारी मन जार भायौ तासौं चित्त अति लायौ,
यह तौ निवल वह देत दुःख अतिही ॥

१ नौकरीकी इच्छा करके । २ विज्ञान ।

(१५)

गृहमाहिं चोर परें आगी लगे सब जरैं,
राजा लेहि लद्द वांधे मारै सीस पनही ।
इष्टकौ वियोग औ अनिष्टकौ संजोग होइ,
एते दुःख सुख मानै सो तौ मूढ़मति ही ॥ ४१ ॥
जेठमास धूप परे प्यास लगे देह जरैं,
कहीं सुनी शादी गमी तहां जायौ चहिये ।
वर्षमैं चुचात भौन लकरी निवरि गई,
ताकौं चलौं लैन पाँव डिगौं दुःख लहिये ॥
शीतके सहायमाहिं अंवर नवीन नाहिं,
भूख लगे प्रात मिलै नाहिं कष सहिये ।
जे जे दुःख गृहमाहिं कहांलैं खाने जाहिं,
तिन्हें सुख जानै सो तौ महामूढ़ कहिये ॥ ४२ ॥
तिनकौं पुरानो घर कौड़ी सौ न धान जामैं,
मूसे चिल्ही सांप वीदू न्योले जु रहत हैं ।
भाजन तौ मृत्तिकाके फूटे खाली धान नाहिं,
दूटी जो खरैरी खाट मछिकौं लहत हैं ॥
कुटिल कुरुप नारी कानी काली कलहारी,
कर्कश वचन बोलै औगुन महत है ।
हाहा मोहकर्मकी विटंवना कही न जाइ,
ऐसौं गृह पाय मूढ़ त्यागौ ना चहत है ॥ ४३ ॥
जिंदगी सँहलपै नाहक धरम खोवै,
जाहिर जहान दीखै ख्वावका तमासा है ।

१ फूसका । २ चुभनेवाली । ३ खटमल । ४ शोदीसी । ५ खप्त ।

(१६)

फैदीलेके खातिर तू काम बद करता है,
अपना गुलक छोड़ि हाथ लिया कांसा है ॥
कौड़ी कौड़ी जोरि जोरि लाख कोरि जोरता है,
फालकी कुमक आएं चलना न मासा है ॥
सोइत न फेरामोश हजिये गुर्दीयाको,
यही तौ सुखन खूब ये ही काम खासा है ॥ ४४ ॥

कथित (३१ मात्रा) ।
हर छिन नाथ लेइ सार्दीका, दिलका कुफर सबै करि दूर।
पाक वेएव हमेश भिर्त दे, दोजकं-फंद करै चकचूर ॥
हमां सुमां जहान सब बूझें, नाहीं बूझें बंदै ते कुर ।
वेचि मूल वेचमन साहिब, चैसमों अंदर खड़ा हुजूर ॥ ४५ ॥

सफरस फास चाहै रसना हू रस चाहै,
नासिका सुवास चाहै नैन चाहै रूपकौ ।
श्रवन शबद चाहै काया तौ प्रमाद चाहै,
वचन कथन चाहै मन दौर धूपकौ ॥
क्रोध क्रोध कस्यौ चाहै मान मान गहौ चाहै,
माया तौ कपट चाहै लोभ लोभ कूपकौ ।
परिवार धन चाहै आशा विषे-सुख चाहै,
एते वैरी चाहैं नाहीं सुख जीव भूपकौ ॥ ४६ ॥

वैरी दूर करनेका उपाय ।
जीव जो पै स्थाना होय पाँचौं इंद्री वसि करै,
फास रस गंध रूप सुर राग हरिकै ।

१ परिवार । २ अपना राज्य । ३ भिक्षाका पात्र । ४ चढ़ाई । ५ क्षण-
भर भी । ६ भूल जाना । ७ मलिनता । ८ मोश । ९ नरका जंजाल । १० हम
हुम सब । ११ आखोके ।

(१७)

आसन बतावै काय वचकौं सिखावै मौन,
ध्यानमाहिं मन लावै चंचलता गरिकै ॥
क्षमा करि क्रोध मारै विनै धरि मान गारै,
सरलसाँ छल जारै लोभदसा टरिकै ।
परिवार नेह त्यागै विषे-सैन छांडि जागै,
तब जीव सुखी होय वैरी वस करिकै ॥ ४७ ॥

नरकनिगोददुःख कथन ।

बसत अनन्तकाल बीतत निगोदमाहिं,
अंखर अनन्त भाग ग्यान अनुसरै है ।
छासठि सहस तीनसै छतीस बार जीव,
अंतर मुहरतमै जन्मै और मरै है ॥
अंगुल असंखभाग तहां तन धारत है,
तहांसेती क्यौं ही क्यौं ही क्यौं ही कै निसरै है ।
इहां आय भूलि गयौ लागि विषे भोगनिमै,
ऐसी गति पाय कहा ऐसे काम करै है ॥ ४८ ॥

निगोदके छतीस कारण ।

मन वच काय जोग जाति रूप लाभ तप,
कुल बल विद्या अधिकार मद करना ।
फरस रसन ग्रान नैन कान मगनता,
भूपति असन नारि चोरका उच्चरना ॥

१ संख्या प्रमाण; श्रुतज्ञानके अक्षरोंका भाग श्रुतकेवलीके ज्ञानमें देनेपर
जो लब्ध आवे, उसको अक्षर कहते हैं। उसमें अनन्तका भाग दिया जाय
किर जो लब्ध आवै, उसका एक भाग सूक्ष्म निगोद लब्ध्यपर्याप्तका ज्ञान
होता है। २ राजकथा, भोजनकथा, स्त्रीकथा और चोरकथाका कहना।

ध. वि. २

(१६)

कंवीलेके खातिर तू काम वद करता है,
अपना मुँलक छोड़ि हाथ लिया कांसा है ॥
कौड़ी कौड़ी जोरि जोरि लाख कोरि जोरता है,
कालकी कुँमक आएँ चलना न मासा है ।
सौइत न फरामोश हूजिये गुसईयाको,
यही तौ सुखन खूब ये ही काम खासा है ॥ ४४ ॥

कवित (३१ मात्रा) ।

हर छिन नाव लेइ साँईका, दिलका कुँफर सबै करि दूर ।
पाक वेएव हमेश भिर्त दे, दोजकं-फंद करे चकचूर ॥
हँमां सुमां जहान सब वूझैं, नाहीं वूझैं वंदे ते कूर ।
वेचि मूल वेचमन साहिव, चैसमों अंदर खड़ा हुजूर ॥ ४५ ॥

जीवके वैरी वणन, सवैया इकतीसा ।

सफरस फास चाहै रसना हू रस चाहै,
नासिका सुवास चाहै नैन चाहै रूपकों ।
श्रवन शबद चाहै काया तौ प्रमाद चाहै,
वचन कथन चाहै मन दौर धूपकों ॥
क्रोध क्रोध कस्तौ चाहै मान मान गहाँ चाहै,
माया तौ कपट चाहै लोभ लोभ कूपकों ।
परिवार धन चाहै आशा विष-सुख चाहै,
एते वैरी चाहैं नाहीं सुख जीव भूपकों ॥ ४६ ॥

वैरी दूर करनेका उपाय ।

जीव जो पै स्याना होय पांचाँ इंद्री वसि करे,
फास रस गंध रूप सुर राग हरिकं ।

१ परिवार । २ अपना राज्य । ३ भिक्षाका पात्र । ४ चदाई । ५ क्षण-
भर भी । ६ भूल जाना । ७ मलिनता । ८ मोक्ष । ९ नरकका जंजाल । १० हम
तुम सब । ११ आखोंके ।

(१७)

आसन वतावै काय वचकौं सिखावै मौन,
ध्यानमाहिं मन लावै चंचलता गरिकै ॥
क्षमा करि क्रोध मारै विनै धरि मान गारै,
सरलसाँ छल जारै लोभदसा टरिकै ।
परिवार नेह त्यागै विष-सैन छांडि जागै,
तब जीव सुखी होय वैरी वस करिकै ॥ ४७ ॥

नरकनिगोददुःख कथन ।

वसत अनंतकाल वीतत निगोदमाहिं,
अंखर अनंत भाग ग्यान अनुसरै है ।
छासठि सहस तीनसै छत्तीस बार जीव,
अंतर मुहूरतमै जन्मै और मरै है ॥
अंगुल असंख्यभाग तहां तन धारत है,
तहांसेती क्यों ही क्यों ही क्यों ही के निसरै है ।
इहां आय भूलि गयों लागि विष भोगनिमैं,
ऐसी गति पाय कहा ऐसे काम करै है ॥ ४८ ॥

निगोदके छत्तीस कारण ।

मन वच काय जोग जाति रूप लाभ तप,
कुल वल विद्या अधिकार मद करना ।
फरस रसन धान नैन कान मगनता,
भूपति असन नारि चोरका उच्चरना ॥

१ संदया | प्रमाण; ध्रुतज्ञानके अक्षरोंका भाग ध्रुतकेवलीके ज्ञानमें देनेपर
जो लघु अनें, उसको अक्षर कहते हैं। उसमें अनन्तका भाग दिया जाय
फिर जो लघु आवे, उसका एक भाग सूक्ष्म निगोद लघ्यपर्याप्तका ज्ञान
होता है। २ राजकथा, भोजनकथा, स्त्रीकथा और चोरकथाका कहना ।

ध. वि. २

(१८)

ज्वा मांस मद दाँरी आखेट चोरी पर,-
नारी विसन क्रोध मान माया लोभ धरना ।
एकांत विनय विपरीत संसय अग्यान,
ई भाव लागिकै निगोद पंथ हरना ॥ ४९ ॥

नरकदुःख ।
सीत नर्कमाहि परै मेरुसम उस्त गोला,
उस्त नर्क सीत गोला बीचमै विलायौ है ।
छेदनता भेदनता काटनता मारनता,
चीरनता पीरनता नाना भाँति तायौ है ॥
रोग छ्यानवै विख्यात एक एक अंगुलमै,
परनारी भोगी आगि-पूतली जलायौ है ।
सागरोंकी थिति पूरी करी तै अनंती वार,
अजहूं न समझै है तोहि कहा भायौ है ॥ ५० ॥
भ्रूख तौ विसेस जो असेस अन्न खाइ जाइ,
मिलै नाहिं एक कन एतौ दुःख पायौ है ।
तृषा तौ अपार सब अंबुधिकौ नीर पीवै,
पावै नाहिं एक वृँद एतौ कट गायौ है ॥
आँखकी पलक मान साता तौ तहां न जा, ।
क्रोधभाव भूरि वैर उद्धत बतायौ है ।
सागरोंकी थिति पूरी करी तै अनंती वार ॥ ५१ ॥
अजहूं न समझै है तोहि कहा भायौ है ।
पुण्यपाप कथन, छप्य ।

कबहुं चढ़त गजराज, बोझ कबहुं सिर भारी ।
कबहुं होत धनवंत, कबहुं जिम होत भिखारी ।
१ रंडीबाजी ।

(१९)

कवहुं असन लहि सरस, कवहुं नीरस नहिं पावत ।
कवहुं वसन सुभ सघन, कवहुं तन नगन दिखावत ॥
कवहुं सुछंद वंधन कवहुं, करमचाल वहु लेखिये ।
यह पुन्यपाप फल प्रगट जग, राग दोप तजि देखिये ॥ ५२ ॥
कवहुं रूप अति सुभग, कवहुं दुर्भग दुखकारी ।
कवहुं सुजस जस प्रगट, कवहुं अपजस अधिकारी ॥
कवहुं अरोग सरीर, कवहुं वहु रोग सतावत ।
कवहुं वचन हित मधुर, कवहुं कछु वात न आवत ॥
कवहुं प्रवीन कवहुं मुंगध, विविधरूप जन पेखिये ।
यह पुन्यपापफल प्रगट जग, राग दोप तजि देखिये ॥ ५३ ॥

मिथ्यादृष्टि कथन, सबैया इकतीसा ।

नारीरस राचत है आठौ मद माचत है,
रीझि रीझि नाचत है मोहकी मगनमै ।
ग्रंथनकौ वांचत है विषकौ न वैंचत है,
आपनेपो वांचत है भ्रमकी पगनमै ॥
स्वारथकौ जांचत है स्वारथ न जांचत है,
पाप भूरि सांचत है कामकी जगनमै ।
पोपत है पांचर्नकौ सहै नर्क आंचनकौ,
ऐसी करतूति करै लोभकी लगनमै ॥ ५४ ॥
ग्रंथनके पढ़ै कहा पर्वतके चढ़ै कहा,
कोटि लच्छि वढ़ै कहा कहा रंकपनमै ।

१ स्वच्छन्द, स्वतंत्र । २ मुग्ध, मूर्ख । ३ विषयोंको नहीं छोड़ता है
४ आत्मत्वसे वंचित होता है । ५ अपने मतलबके लिये याचना करता है
६ आत्महित । ७ संचित करता है । ८ पांचों इंद्रियोंको ।

(२०)

संज्ञम आचरै कहा मौनव्रत धरै कहा,
तपस्याके करै कहा कहा फिरै बनमै ॥
छंद करै नये कहा जोगासन भये कहा,
दानहूके दये कहा वैठै साधुजनमै ।
जौलैं ममता न छूटै मिथ्याडोरी हू न छूटै,
ब्रह्मज्ञान विना लीन लोभकी लगनमै ॥ ५५ ॥

सर्वेया तेझेसा ।

मौन रहै बनवास गहै, वर काम दहै जु सहै दुख भारी ।
पाप हरै सुभरीति करै, जिनवैन धरै हिरदे सुखकारी ॥
देह तपैं वहु जाप जपैं, न वि आप जपैं ममता विसतारी ।
ते मुनि मूढ़ करै जगरूढ़, लहैं निजगेहन चेतनधारी॥५६॥

यह शिष्यके प्रश्नोत्तर ।

सोचत जात सबै दिनरात, कछू न वसात कहा करिये जी ।
सोच निवार निजातम धारहु, राग विरोध सबै हरिये जी ॥
याँ कहिये जु कहा लहिये, सुवहै कहिये करुना धरिये जी ।
पावत मोख भिटावत दोप, सु याँ भवसागरकौं तरिये जी ॥५७
वीतरागस्तुति, छपय ।

वीतरागकौं धर्म, सर्व जीवनकौं तारन ।
वीतरागकौं धर्म, कर्मकौं करै निवारन ॥
वीतरागकौं धर्म, प्रगट क्रोधादिक नासै ।
वीतरागकौं धर्म, ग्यान केवल परगासै ॥
जय वीतरागकौं धर्म यह, राग दोप जामै नही ।
संसार परत इस जीवकौं, धर्म सरन जिनवर कही ॥५८

(२१)

धर्मदा महत्त्व, सर्वेया इकतीमा ।
चिंतामनि पोरसा (?) रसायन कल्पवृच्छ,
कामधेनु चिंतावेलि पारस प्रमान रे ।
इन्हैं आदि उत्तम पदारथ हैं जगतमै,
मिलैं एक भव सुख देत परधान रे ॥
परभौ गमन किये चलत न संग कोउ,
विना पुन्य उदै एज मिलत न आन रे ।
धर्मसौं अनेक सुख पावै भव भव जीव,
तातै गहौं धर्म परंपरा निरवान रे ॥ ५९ ॥

मिथ्यादृष्टिवर्णन ।

असिधारी देव मानै लोभी गुरु चित्त आनै,
हिसामै धरम जानै दूरि सो धरमसौं ।
माटी जल आगि पौन वृच्छ पशु पंखी जौन,
इन्हैं आदि सेवैं कैसैं छूटै ते करमसौं ॥
रोम चाम हाड़ विष्टा आदि जे अपावन हैं,
तिन्हैं सुचि मानै आंखि मूँदी है भरमसौं ।
दीरघ संसारी तिन्हैं देखि संत चुप्पु धारी,
सबसौं वसाय न वसाय वेसरमसौं ॥ ६० ॥

सम्प्रदायीकी इच्छा, सर्वेया (मदिरा) ।

आगमकौं पढिवौ जिनवंदन, संगति साधरमीजनकी ।
संज्ञमवंत गुनज्ञ कथा, गहि मौन कथा सठ लोगनकी ॥
सर्वनिसौं हितवैन उचारन, भावन पावन चेतनकी ।
ए प्रगटौ भवभौ मुझ तौ लग, जौलग मोख न कर्मनकी॥६१॥

१ पवित्र आत्माकी भावना ।

(२२)

व्यवहारसम्यक्त्व तथा निश्चयसम्यक्त्व, छप्पय ।
 नमौं देव अरहंत, अष्टदश दोप रहित हैं ।
 वंदों गुरु निरग्रंथ, ग्रंथ ते नाहिं गहत हैं ॥
 वंदों करुनाधर्म, पापगिरि दलन वज्र वर ।
 वंदों श्रीजिनवचन, स्यादवादांक सुधाकर ॥
 सरधान द्रव्य छह तत्त्वकौ, यह सम्यक विवहार मत ।
 निहचैं विसुद्ध आतम दरव, देव धरम गुरु ग्रंथ नुता ॥६२॥
 सोचके छोड़नेका वर्णन, सवैया तेइसा ।
 काहेकौं सोच करै मन मूरख, सोच करै कछु हाथ न एहै ।
 पूरव कर्म सुभासुभ संचित, सो निहचैं अपनो रस दै है ॥
 ताहि निवारन को वलवंत, तिहूं जगमाहिं न कोइ लसै है ।
 तातैं हि सोच तजौ समता गहि, ज्यौं सुख होइ जिनंदकहै है ॥

उद्यम वर्णन, सवैया इकतीसा ।

रोजगार विना यार यारसौं न करै प्यार,
 रोजगार विना नार नाहर ज्यौं धूरै है ।
 रोजगार विना सब गुण तौ चिलाय जाय,
 एक रोजगार सब औगुनकौं चूरै है ॥
 रोजगार विना कटू बात बनि आवै नाहिं,
 विना दाम आठौं जाम वैठो धाम झूरै है ।
 रोजगार बनै नाहिं रोज रोज गारी खाहिं,
 ऐसौं रोजगार एक धर्म कीये पूरै है ॥ ६४ ॥

ज्ञानीचिन्तवन, सवैया तेइसा ।

कर्म सुभासुभ जो उद्योगत, आवत हैं जव जानत ज्ञाता ।
 पूरव भ्रामक भाव किये वहु, सो फल मोहि भयौं दुखदाता ॥

(२३)

सो जड़रूप सरूप नहीं मम, मैं निज सुद्ध सुभावहि राता ।
 नास करौं पलमै सबकौं अब, जाय वसौं सिवखेत विख्याता ॥
 सिद्ध हुए अब होइ जु होइगे, ते सब ही अनुभौंगुनसेती ।
 ताविन एक न जीव लहैसिव, घोर करौं किरिया वहु केती ॥
 ज्यौं तुपमाहिं नहीं कनलाभ, किये नित उद्यमकी विधि जेती ।
 यौं लखि आदरिये निजभाव, विभाव विनास कला सुभ एती,
 ज्ञानीका वलवर्णन, छप्पय ।

धाम तजत धन तजत, तजत गज वर तुरंग रथ ।
 नारि तजत नर तजत, तजत भुवपति प्रमादपथ ॥
 आप भजत अघ भैजत, भजत सब दोप भयंकर ।
 मोह तजत मन तजत, सजत दल कर्म सत्रुपर ॥
 अरि चैद्वचद्व सब कट्करि, पट्टैपट्ट महि पैद्व किय ।
 करि अड नंड भैवकड दहि, सद्व सद्व सिव संदृलिय ॥६७॥
 तजत अंग अरधंग, करत थिर अंग पंग मन ।
 लखि अभंग सरवंग, तजत वचननि तरंग मन ॥
 जित अनंग थिति सैलसिंग, गहि भावलिंग वर ।
 तप तुरंग चढ़ि समर रंग रचि, करम जंग करि ॥
 अरि जद्व जद्व मद हंड करि, सद्व सद्व चौपट्ट किय ।
 करि अड नंड भव कड दहि, सद्व सद्व सिव सद्व लिय ॥६८॥
 भरम नष्ट भय नष्ट, कष्ट तन सहत धीर धर ।
 वचन मिष्ट गहि रहत, लहत निज धाम पुष्टकर ॥

१ मैं अपने शुद्ध सुभावमें रक्त हूं । २ भागते हैं । ३ चटाचट, चटपट ।
 ४ काटकरके । ५ पटापट । ६ पृथ्वीपर । ७ पद्माड दिये । ८ नष्ट ।
 ९ भवकष । १० पा लिया । ११ शैलशंग, पर्वतका शिखर ।

(२४)

सुज्जद्विष्ट लखि दुष्ट, सिष्टकौ हेत विहंडित ।
करम थान करि भिष्ट, भाव उतकिष्ट सुमंडित ॥
सुभ परम मिष्ट समता सुधा, गट्ट गट्ट तिन गट्ट किय ।
करि अठ नठ भव कठ दहि, सट्ट सट्ट सिव सट्ट लिय ॥६९॥
गहत पंच त्रत सार, रहित परपंच करन पैन ।
समिति पंच प्रतिपाल, जपत नित इष्ट पंच मन ॥
धरत पंच आचार, पंच विग्यान विचारत ।
लहत पंच सिवहेत, पंच चारित्त चितारत ॥
अरि छट्ट छट्ट परिकट्ट करि, तट्ट तट्ट दहवट्ट किय ।
करि अठ नठ भवकठ दहि, सट्ट सट्ट सिव सट्ट लिय ॥७०॥

सिद्धात्मादि सिद्धपर्यंत अवस्थाएँ, सबैया इकतीसा ।

मिथ्या भाव मारत हैं सम्यककौं धारत हैं,
अन्रतकौं टारत हैं गारत हैं समता ।
महात्रत पारत हैं श्रेणीकौं सँभारत हैं,
वेदभाव जारत हैं लोभ भाव ममता ॥
धातिया निवारत हैं ज्ञानकौं पसारत हैं,
लोकालोककौं निहारै इंद्र आय नमता ।
जोगकौं विडारत हैं मोखकौं विहारत हैं,
ऐसी गति धारै सुख होत अनोपमता ॥ ७१ ॥

सर्वगुरुत्वि वर्णन, छंद करवा ।

मोहकौं भानिकै, आपकौं जानिकै,
ज्ञानमै आनिकै, होत ग्याता ।

१ पंच इंद्रिय । २ पंचपरमेष्ठी ।

(२५)

मारकौं मारिकै, वामकौं टारिकै,
पापकौं डारिकै, पुन्य पाता ॥
क्रोधकौं जारिकै, मानकौं गारिकै,
वंककौं दारिकै, लोभ हाता ।
कर्मकौं नासिकै, मोखमै वासिकै,
ताहिकौं चित्तमै, भव्य ध्याता ॥ ७२ ॥

उपदेश, सबैया इकतीसा ।
जगतके निवासी जगहीमै रति मानत हैं,
मोखके निवासी मोखहीमै ठहराये हैं ।
जगके निवासी काल पाय मोख पावत हैं,
मोखके निवासी कभी जगमै न आये हैं ॥
एतौ जगवासी दुखवासी सुखरासी नाहिं,
वे तो सुखरासी जिनवानीमै वताये हैं ।
तातै जगवासतै उदास होइ चिदानंद,
रत्नत्रयपंथ चलै तेर्इ सुखी गाये हैं ॥ ७३ ॥
याही जगमाहिं चिदानंद आप डोलत हैं,
भरम भाव धरै हरै आत्मसक्तकौ ।
अष्टकर्मरूप जे जे पुद्गलके परिनाम,
तिनकौं सरूप मानि मानत सुमतकौ ॥
जाहीसमै मिथ्या मोह अंधकार नासि गयौ,
भयौ परगास भान चेतनके ततकौ ।
तहीसमै जानौ आप आप पर पररूप,
भानि भव-भावैरि निवास मोख गतकौ ॥ ७४ ॥

१ कामदेवको । २ मायाको । ३ ब्रह्मण ।

(२६)

रागदोष मोहभाव जीवकौ सुभावनाहिं,
जीवकौ सुभाव सुख्चेतन वखानियै ।
दर्व कर्मरूप ते तौ भिन्न ही विराजते हैं,
तिनकौ मिलाप कहो कैसैं करि मानियै ॥
ऐसो भेद ज्ञान जाके हिरदै प्रगट भयौ,
अमल अवाधित अखंड परमानियै ।
सोई सु विचंच्छन मुक्त भयौ तिहुँकाल,
जानी निज चाल पर चाल भूलि भानियै ॥ ७५ ॥

मूर्खदशा वर्णन ।

जैसैं गजराज कोई पाहनफटिक जौई,
प्रतिविंव लखि सोई दंत दंतसौं अख्यौ ।
वानर मूढी विसेख पराधीन धरै भेख,
कूपमाहिं सिंह देख सिंह देखकै पख्यौ ॥
कांचभौनमाहिं स्वान सोर करै आप जान,
नलिनीकौ सूवा मान मोहि किन पक्ख्यौ ।
तैसैं पसु-मोह व्याप परहीकौं कहै आप,
भ्रमसेती आपनपो आपन ही विसख्यौ ॥ ७६ ॥

जीवकी पूर्वदशा ।

स्वपर न भेद पायौ परहीसौं मन लायौ,
मन न लगायौ निजआतम सरूपसौं ।
रागदोषमाहिं सूताँ विभ्रम अनेक गूर्ता,
भयौ नाहिं वूताँ जो निकसौं भवकूपसौं ॥

१ विद्वान् । २ स्फटिक पत्थर । ३ देखकरके । ४ कांचका घर । ५ सोता
। ६ गूर्था, उलझा रहा । ७ सामर्थ्य ।

(२७)

अब मिथ्यातम सान प्रगटों प्रवोध-भान,
महा सुखदान आन मोह दोर धूपमां ।
आप आपरूप जान्यौं परहीकौं पर मान्यौं,
आपरस सान्यौं टान्यौं नेह सिवभूपमां ॥ ७७ ॥

ज्ञानवर्णन ।

सरसौं समान सुख नहीं कहै गृहमाहिं,
दुःख तौं अपार मन कहांलौं चताइयै ।
तात मात सुत नारि स्वारथके सगे चात,
देह तौं चलै न साथ और कौन गाइयै ॥
नरभौं सफल कीजै और स्वाद छांडि दीजै,
क्रोध मान माया लोभ चित्तमैं न लाइयै ।
ज्ञानके प्रकासनकौं सिद्धधान वासनकौं,
जीमैं ऐसी आवै है कि जोगी होइ जाइयै ॥ ७८ ॥

अद्योक्षपुण्यमंजरी छंद ।

रागभाव टारिकै सु दोपकौं विडारिकै,
सु मोहभाव गारिकै निहारि चेतनामई ।
कर्मकौं प्रहारिकै सु भर्मभाव ढारिकै,
सुचर्म दृष्टि दारिकै विचार सुखता लई ॥
ज्ञानभाव धारिकै सु दृष्टिकौं पसारिकै,
लखौं सरूप तारिकै अपार मुँझता खई ।
मत्तभाव मारिकै सु मारभाव छारिकै,
सु मोखकौं निहारिकै विहारकौं विदा दई ॥

१ ज्ञानसूर्य । २ सुखता, अज्ञान ।

(२८)

भर्मभाव भानिकै सुभावकौं पिछानिकै,
सुध्यानमाहिं आनिकै सु आन-बुद्धि खै गई ।
धर्मकौं वखानिकै सुधासुभाव पानिकै,
सुप्रानभाव जानिकै सुजान चेतनामई ॥
सुद्धभाव ठानिकै सुवानिकौं प्रवानकै,
सुरूप सुद्ध मानिकै सु मान सुद्धता नई ।
अष्टकर्म हानिकै सुदिष्टिकौं प्रधानकै,
सुग्यानमाहिं आनिकै अग्यानकौं बिदा दई ॥८०॥
चेतना सरूप जीव ज्ञानदृष्टिमैं सदीव,
कुंभ आन आन धीव त्यौं सरीरसौं जुदा ।
तीनलोकमाहिं सार सास्वतो अखंडधार,
मूरतीकौं निहार नीरकौं बुद्धबुद्धा ॥
सुद्धरूप बुद्धरूप एकरूप आपभूप,
आतमा यही अनूप पर्मजोतिकौं उदा ।
स्वच्छ आपने प्रमानि रागदोष मोह भानि,
भव्यजीव ताहि जानि छांडि शोक औं मुँदा ॥८१॥
सुद्ध आतमा निहारि राग दोष मोह टारि,
क्रोध मान वंक गारि लोभ भाव भानु रे ।
पापपुन्यकौं विडारि सुद्धभावकौं सँभारि,
भर्मभावकौं विसारि पर्मभाव आनु रे ॥
चर्मदृष्टि ताहि जारि सुद्धदृष्टिकौं पसारि,
देहनेहकौं निवारि सेतर्ध्यान ठानु रे ।

१ चर्मबुद्धि । २ सम्यग्दर्शन । ३ बुद्धबुद्धा । ४ मोह, हर्ष । ५ नष्टकर ।
६ शुक्लध्यान ।

(२९)

जागि जागि सैन छार भव्य मोखकौं विहार,
एक वारके कहे हजार वार जानु रे ॥८२॥

जीव चेतनासहित, आपगुन परगुन जानै ।
पुगलद्रव्य अचेत, आप पर कछु न पिछानै ॥
जीव अमूरतिवंत, मूरती पुगल कहियै ।
जीव ज्ञानमयभाव, भाव जड़ पुगल लहियै ।
यह भेद ज्ञान परगट भयौ, जो पर तजि अनुभौ करै ।
सो परम अर्तिंद्री सुखें सुधा, भुंजत भौसागर तिरै ॥८३॥
यहै असुद्ध मैं सुद्ध, देह परमान अखंडित ।
असंख्यातपरदेस, नित्य निरभै मैं पंडित ॥
एक अमूरति निर उपाधि, मेरो छेय नाहीं ।
गुनअनंतज्ञानादि, सर्व ते हैं मुझमाहीं ।
मैं अतुल अचल चेतन विमल, सुखअनंत मोरै लसै ।
जब इस प्रकार भावत निपुन, सिद्धखेत सहजै बसै ॥८४॥

स्वेया तेहसा ।
केवलग्यानमई परमात्म, सिद्धसरूप लसै सिवठाहीं ।
ग्यायकरूप अखंड प्रदेस, लसै जगमै जग सौं वह नाहीं ॥
चेतन अंके लियै चिनमूरति, ध्यान धरौ तिसकौ निजमाहीं ।
राग विरोधि निरोध सदा, जिम होइ वही तजिकै विधि-छाहीं ।
राग विरोध नहीं उरअंतर, आप निरंतर आतम जानै ।
भोगसँयोगवियोगविषै, ममता न करै समता परवानै ॥

१ सोना छोड़ । २ सुखरूपी अमृत । ३ पुद्गलद्रव्य । ४ नाश । ५ चिह्न
६ द्वेष । कर्मोक्ती छाया ।

(३०)

आन वखान सुहाइ नहीं, परधान पदारथसौं रति मानै ।
सो बुधिवान निदानं लहै सिव, जो जगके दुख यौं सुख मानै॥
ज्ञायकरूप सदा चिनमूरति, राग विरोध उभै परछाहीं ।
आप सँभार करै जब आतम, वे परभाव जुदे कछु नाहीं ॥
भाव अज्ञान करै जबलौं, तबलौं नहिं ग्यान लखै निजमाहीं ।
च्छामकभाव वढाव करै जग, चेतनभाव करै सिवठाहीं॥८७॥

सिंहावलोकन-छप्पय ।

सुनहु हसें यह सीख, सीख मानौं सदगुरकी ।
गुरकी औन न लोपि, लोपि मिथ्यामति उरकी ॥
उरकी समता गहौ, गहौ आतम अनुभौ सुख ।
सुख सरूप थिर रहै, रहै जगमै उदास रुख ॥
रुखें करौ नहीं तुम विषयपर, पर तजि परमात्म मुनैहु ।
मुनहु न अजीव जड़ नाहिं निज, निज आतम वर्नन सुनहु ॥
भजत देव अरहंत, हंत मिथ्यात मोहकर ।
करत सुगुरु परनाम, नाम जिन जपत सुमन धर ॥
धरम दयाजुत लखत, लखत निजरूप अमलपद ।
पूर्दमभाव गहि रहत, रहत हुव दुष्ट अष्ट मद ॥
मदर्नवल घटत समता प्रगट, प्रगट अभय ममता तजत ।
तजत न सुभाव निज अपर तज, तज सुदुःख सिव सुख भजत
लहत भेदविज्ञान, ज्ञानमय जीव सु जानत ।
जानत पुगल अन्य, अन्यसौं नातौ भानंत ॥

१ अखिरकार । २ है आत्मन् । ३ आज्ञा । ४ अभिलापा । ५ समझो ।
६ कमलकी तरह अलिप्त रहकर । ७ रहित । ८ कामदेवका जोर । ९ नाश
करता है ।

(३१)

भानत मिथ्या-तिमिर, तिमिर जासम नहिं कोई ।
कोई विकल्प नाहिं, नाहिं दुविधा जस होई ॥
होई अनंत सुख प्रगट जब, जब प्रानी निजपद गहत ।
गहत न ममत लखि गेय सब, सब जग तजि सिवपुर लहत ॥
जपत सुद्धपद एक, एक नहिं लखत जीव तन ।
तनक परिग्रह नाहिं, नाहिं जहूं राग दोप मन ॥
मन वच तन थिर भयौ, भयौ वैराग अखंडित ।
खंडित आसंवद्वार, द्वारसंवर प्रभु मंडित ॥
मंडित समाधिसुख सहित जब, जब कपाय अरिगन खपत ।
खप तनममत्त निरमत्त नित, नित तिनके गुण भवि जपत ॥
ज्ञाता साता कथन, सबैया (शुन्दरी) ।

जिनके घटमैं प्रगत्यौ परमारथ,
रागविरोध हिये न विथैरै ।
करकै अनुभौ निज आतमकौ,
विषया सुखसौं हित मूल निवारै ॥
हरिकै ममता धरिकै समता,
अपनौ वल फोरि जु कर्म विडारै ।
जिनकी यह है करतूति सुजान,
सुआप तिरैं पर जीवन तारै ॥ ९२ ॥

सबैया इकतीसा ।

चेतनासहित जीव तिहुंकाल राजत है,
ग्यान द्रसन भाव सदा जास लहिए ।

१ आत्मामें कर्म आनेका रास्ता । २ आत्मामें नवीन कर्मका न आना ।
३ विस्तरैं-फैलें ।

(३२)

रूप रस गंध कास पुदगलकौ विलास,
मूरतीक रूपी विनासीक जड़ कहिए ॥
याही अनुसार परदर्वकौ ममत्त डारि,
अपनौ सुभाव धारि आपमाहिं रहिए ।
करिए यही इलाज जातै होत आपकाज,
राग दोष मोह भावकौ समाज दहिए ॥ ९३ ॥
मिथ्याभाव मिथ्या लखौ ग्यानभाव ग्यान लखौ,
कामभोग भावनसौं काम जोरजारिकै ।
परकौ मिलाप तजौ आपनपौ आप भजौ,
पापपुन्य भेद छेद एकता विचारिकै ॥
आतमं अकाज करै आतम सुकाज करै,
पावै भवपार मोख एतौ भेद धारिकै ।
यातै हूं कहत हेर चेतन चेतौ सबेर,
मेरे मीत हो निचीत एतौ काम सारिकै ॥ ९४ ॥

अदिल ।

अहो जीव निरग्रंथ, होय विषयन तजौ ।
निरविकल्प निरद्वंद, सुद्ध आतम भजौ ॥
तत्त्वनिमैं परधान, निरंजन सोइ है ।
अविनासी अविकार, लखैं सिव होइ है ॥ ९५ ॥

मंदाकान्ता ।

देखौं देखौं भविक ऐधुना, राजते नाभिनंदा ।
घोरं दुःखं भजते, सेवते सौख्यकंदा ॥

मूह । २ इस समय ।

(३३)

जाकौ नामै जपत अमरा, होत ते मुक्तिराजा ।
एई, एई भवदधिविष्णैं, धर्मरूपी जिहाजा ॥ ९६ ॥

ज्ञाताका चिन्तावन ।

सिद्धौ सुद्धौ अमल अचलौ, निर्विकल्पौ अवंधौ ।
स्वच्छं भावं अजर अमरौ, निर्भयौ ज्ञानवंधौ ॥
बर्नातीतौ रसविरहितौ, फासभिन्नं अगंधौ ।
सोहं सोहं निज निजविषै, पश्यतो नैव अंधौ ॥ ९७ ॥
बुद्धातीतौ अखल अतुलं, चेतनं निर्विकारौ ।
क्रोधं मानं रहित अछलं, लोभभिन्नं अपारौ ॥
रागं दोषं रहित अखर्यं, पर्म आनंदसिंधौ ।
सोहं सोहं निज निजविषै, पश्यतो नैव अंधौ ॥ ९८ ॥
अक्षातीतौ गुणगणनिलौ, निर्गदौ अप्रमादौ ।
लोकालोकं सकल लखितं, निर्ममत्तौ अनादौ ॥
सारं सारं अतनु अमनं, शब्दभिन्नं निरंधौ ।
सोहं सोहं निजनिजविषै, पश्यतो नैव अंधौ ॥ ९९ ॥

षट्द्वयकथन—सवैया इकतीसा ।

जीव और पुद्दल धरम अधरम व्योम,
काल एई छहाँ द्रव्य जगके निवासी हैं ।
एक एक दरवमैं अनंत अनंत गुण,
अनंत अनंत परजायके विकासी हैं ॥

१ वर्णरहित । २ देखता नहीं है ।

ध. वि. ३

(३४)

अनंत अनंत सक्ति अजर अमर सबै,
सदा असहाय निजसत्ताके विलासी हैं ।
सर्व दर्व गेयरूप परभाव हेयरूप,
सुद्धभाव उपादेय यातैं अविनासी हैं ॥ १०० ॥

द्वादश अधिकार ।

परिनामी दोय जीव पुद्गल प्रदेसी पांच,
कालविना करतार जीव भोगे फल है ।
जीव एक चेतन अकास एक सर्वगत,
एक तीन धर्म और अधर्म भेद लहै ॥
मूरतीक एक पुदगल एकक्षेत्री व्योम,
नित्य चार जीव पुदगल विना सु लहै ।
हेतु पंच जीवकौ है क्रिया जीव पुदगलमैं,
जुदे देस आनपञ्च भाषत विमल है ॥ १०१ ॥

नवतत्त्वखरूप वर्णन ।

जीवतत्त्व चेतन अजीव पुगलादि पंच,
कर्मनके आवनकौं आस्वव वखानिए ।
आतम करमके प्रदेस मिलैं वंध कह्यौ,
आस्वव निरोध ताहि संवर प्रमानिए ॥
कर्म उदै देय कहूँ खिरैं निर्जरा प्रसिद्ध,
सत्तातैं कर्मकौ विनास मोख मानिए ।
ई सात तत्त्व यामैं पुन्य पाप और मिलैं,
एही हैं पदारथ नौ भव्य हिये आनिए ॥ १०२ ॥

(३५)

बीस स्थानोंके नाम ।
गुणथान चौदै जीव-थान चौदै पर्याप्त,
षट प्रैण दस संज्ञां गति चारि चार हैं ।
इंद्री पांच काय पठ जोगे पंद्रे वेद तीन,
हैं कपाय चारि ज्ञान आठ परकार हैं ॥
संज्ञम हैं सात चारि दर्शन लेस्या हैं पट,
भव्य दोय जानि पठ संम्यक विधार हैं ।
सैनी दोय आहारक दोय उपयोग वारै,
बीसठान आतमाके भाखे गणधार हैं ॥ १०३ ॥

कुबुद्धि वचन (निन्दा स्तुति) करखा ।

कहत है कुबुधि सुनि कर्त मेरौ कह्यौ,
भूलि जिनैं जाहु जिननाथ पासैं ।
जाहुगे कहैगे छांडि धन धाम तिय,
गहौ तप सहौ दुख भूख प्यासैं ॥

१ वादर एकेन्द्रिय सूक्ष्मएकेन्द्रिय द्वीन्द्रिय त्रीन्द्रिय चतुरिन्द्रिय असंज्ञी पंच-
न्द्रिय संज्ञी पंचेन्द्रिय इनके, पर्याप्त और अपर्याप्त इसप्रकार १४ जीव समास
हैं । २ आहार शरीर इन्द्रिय श्वासोद्घास भाषा मन इसप्रकार छह पर्याप्ति होती
हैं । ३ पांच इन्द्रिय मनोबल वचनबल कायबल श्वासोद्घास और आयु इसप्रकार
१० प्राण हैं । ४ आहार भय मैथुन परियह ये चार संज्ञा हैं । ५ सत्य मनो-
योग असत्य मनोयोग उभय मनोयोग अनुभय मनोयोग इसतरह चार वचन
योग और औदारिक काययोग औदारिकमिश्र काययोग वैकियिक काययोग
वैकियिक मिश्र काययोग आहारक काययोग आहारक मिश्रकाययोग कार्माण
काययोग इसप्रकार १५ योग हैं । ६ अवत देशवत सामायिक छेदोपस्थापन
परिहारविशुद्धि सूक्ष्मसांपराय यथाख्यात इसतरह सात संयम हैं । ७ मिथ्या
सासादन मिथ्र औपशमिक क्षायोपशमिक और क्षायिक ये ६ सम्यकत्वके भेद
८ पति । ९ मत जाओ ।

(३६)

जहांकौ गयौ बाहुरौ कोई नहीं,
देत वह वास जगवासमासै ।
खान नहिं पान नहिं टकटकापुरीसम,
मोहि तजि चलौ हौं कहाँ कासै ॥ १०४ ॥

जिनस्तुति वर्णन—सवैया इकतीसा ।

स्याल ज्यौं जुरैं अनेक काम तौ सरै न एक,
सिंह होय एक तौ अनेक काज हुही है ।
तारे जो असंख्य मिलैं कहा अंधकार दावैं,
एक भानैं—ज्योति दसौंदिसा जोति उही है ॥

पाथर अपार भरे दारद न कहूँ टरे,
चिंतामनि एक मन चिंता जिन दुही है ।
तैसैं भगवान गुनखान करुनानिधान,
सब देव आनमैं प्रधान एक तुही है ॥ १०५ ॥

ज्ञाता तथा मूढदशा, छप्पय ।

मिथ्यादृष्टी जीव, आपकौं रागी मानै ।
मिथ्यादृष्टी जीव, आपकौं दोषी जानै ॥

मिथ्यादृष्टी जीव, आपकौं रोगी देखै ।
मिथ्यादृष्टी जीव, आपकौं भोगी पेखै ॥

जो मिथ्यादृष्टी जीव सो, सुझातम नाहीं लहै ।
सोई ज्ञाता जो आपकौं, जैसाका तैसा गहै ॥ १०६ ॥

ज्ञानकथन, सवैया इकतीसा ।

चेतनके भाव दोय ग्यान औ अग्यान जोय,
एक निजभाव दूजौ परउतपात है ।

लौटकर आया । २ सूर्यका प्रकाश ।

(३७)

तातैं एक भाव गहौ दूजौ भाव मूल दहै,
जातैं सिवपद लहौ यही ठीक बात है ॥

भावकौ दुखायौ जीव भावहीसौं सुखी होय,
भावहीकौं केरि फेरै मोखपुर जात है ।

यह तौ नीकौ प्रसंग लोक कहैं सरवंग,
आगहीकौ दाँधौ अंग आग ही सिरात है ॥

ज्ञाता आलोचना कथन ।

आत्मा सचेतन है पुगल अचेतन है,
जीव अविनेस्वर सरीर छबि छारसी ।

यह तौ प्रगट भेद आलसी न जानै क्यौं हूँ,
जानै उद्यमीक सो तौ मोखकौं विहारसी ॥

घटमैं दयाविसेख देख और जीवनकौं,
आत्मगवेषी बुध झूर मन नारसी ।

जहां देखौ ग्याताजन तहां तौ अचंभौ नाहिं,
आरसीके देखै उर लागत है आरसी ॥ १०८ ॥

मूढकथन ।

ग्यानके लखनहारे विरले जगतमाहिं,
ग्यानके लखनहारे जगमै अनेक हैं ।

भासैं निरपेक्षवैन सज्जन पुरुप केई,
दीखत वहुत जिन्हैं वचनकी टेक हैं ॥

चूक परैं रिसखात ऐसे बहु जीव भ्रात,
औसर अचूक थोरे धरें जे विवेक हैं ।

१ जला हुआ । २ जिसका कभी निरन्वय (सर्वथा) नाश न हो

ग्याता जन थोरे मूढ़मती बहुतेरे नर,
जानै नाहिं ग्यान संर कूपकैसे भेक हैं ॥ १०९ ॥

हितोपदेश वर्णन, मत्तगयन्द ।

ज्ञान सोई जु करै हितकारज,
ध्यान सोई मनकौं वसि आनै ।
बुद्ध सोई जु लखै परमारथ,
मीरै सोई दुविधा नहिं ठानै ॥
भूप सोई उर नीत विचारत,
नारि सोई भरता सनमानै ।
द्यानतं सो न गहै परकौं धन,
पीर सोई परपीरकौं जानै ॥ ११० ॥

छन्दशास्त्रके आठगणोंके नाम, स्वरूप, स्वामी, फल, कवित २१ मात्रा ।

यगन आंदिलघु, उंदक, देत सुंत,
भगन आदि गुरु, ससि, जस देह ।
रगण मध्य लघु, अगनि, मृत्यु फल,
जगन मध्य गुरु, रवि, गंदगेह ॥
तगन अंतलघु, व्योम, अफल है,
सगन अंतगुरु, पवन, भजेह ।
नगन त्रिलघु, सुर, आयु प्रदाता,
मगन त्रिगुरु भू, लच्छि भरेह ॥ १११ ॥

१ तालव । २ मैडक । ३ पंडित । ४ मित्र । ५ दयानन्ददार अर्थात् ईमानदार और प्रन्थकर्ता का नाम । ६ पराया कष्ट । ७ यगणके आदिमें लघु होता है, शेष दो वर्ण गुरु होते हैं । ८ यगणका देव जल है । ९ यगण पुत्रका दाता है । १० रोगोंका घर ।

अंतर्लापिका, छप्य ।

कौनं धर्म है सार, आनन्द भजै कि नाहीं ।
किहि त्यागै है सुजस, भरत हारे किहि ठाहीं ॥
किहि थिर कीनै ध्यान, कौन वंदै अथ नासै ।
लोभवंत धन देह, श्रवणतैं कहा अभ्यासै ॥

बहु पाप कौनतैं बुद्धि सठ,
दया कौनकी धरहि मन ।
मुनिराज कहा कहि भव्य प्रति,
जैनधरम सुन सुमन जन ॥ ११२ ॥

शार्दूलविकीडित ।

चैतन्यं अमलं अनादि अचलं, आनंद भावं मयं ।
त्रैलोक्ये अख्यं अखंडित सदा, सारं सुजानं स्वयं ॥
राग द्वेष त्रिकर्म सर्व रहितं, स्वच्छं स्वभावं जुतं ।
सोहं सिद्ध विशुद्ध एक परमं, ज्ञानं उपाधिच्युतं ॥ ११३ ॥

जीवके नव दृश्यन्त, सवैया इकतीसा ।

जैसौ रैनिदीपक अरुन परकास वन्यौ,
तैसौ परकास सुद्ध जीवकौ वस्वान्यौ है ।
दधिमाहिं धीव खीरमाहिं नीर पाहनमैं,
धात जैसैं तैसैं जीव पुद्गलमैं जान्यौ है ॥

१ इस छप्यमें किये हुए सब प्रश्नोंके उत्तर जैन धरम मुन जन इस पदमें निकलते हैं । इस पदके प्रत्येक अक्षरके साथ अन्तर्व मिलानेसे क्रमसे १२ प्रश्नोंके इस प्रकार १२ उत्तर होते हैं—१ जैन ३ धन, ४ रन, ५ मन, ६ मुन(नि), ७ न न, ८ सुन, ९ मन, १० जन, १२ जैन धरम मुन सुमन जन ।

(४०)

जैसै हेमरूपो और फटिक जु निर्मल है,
तैसैं जीव निर्मल सुदिष्टिसौं पिछान्यौं है।
नव दृष्टान्त करिकै जीवकौ सरूप जान्यौं,
परभाव भान्यौं सुद्ध भाव मन आन्यौं है ॥ ११४ ॥

हर्ष-शोकजय मंत्र ।

केर्ड केर्ड बार जीव भूपति प्रचंड भयौ,
केर्ड केर्ड बार जीव कीटरूप धख्यौ है ।
केर्ड केर्ड बार जीव नौग्रीवक जाय वस्यौ,
केर्ड बार सातमैं नरक अवतस्यौ है ॥
केर्ड केर्ड बार जीव राधौ मच्छ होइ चुक्यौ,
केर्ड बार साधारन तुच्छ काय वस्यौ है ।
सुख और दुःख दोऊ पावत है जीव सदा,
यह जान ग्यानवान हर्ष सोक हस्यौ है ॥ ११५ ॥

ज्ञानीमहिमा, कुंडलिया ।

समदिष्टी निजरूपकौं, ध्यावत है निजमाहिं ।
कर्मसञ्च छय करत है, जाकै ममता नाहिं ॥
जाकै ममता नाहिं, आप परभेद विचारै ।
छहौं द्व्यतैं भिन्न, सुद्ध निजआतम धारै ॥
करै न राग विरोध, मिलै जो इष्ट अनिष्टी ।
सो सिवपदवी लहै, वहै जो है समदिष्टी ॥ ११६ ॥

उपसंहार ।

बार बार कहैं पुनरुक्त दोष लागत है,
जागत न जीव तूतौ सोयौ मोह झगमैं ।

(४१)

आतमासेती विमुख गहै राग दोपरूप,
पंचइंद्रीविषेषुखलीन पगपगमैं ॥
पावत अनेक कष्ट होत नाहिं अष्ट नष्ट,
महापद भिष्ट भयौ भमै सिष्टमगमैं ।
जागि जगवासी तू उदासी वैहैक विषयसौं,
लागि सुद्ध अनुभौ ज्यौं आवै नाहिं जगमैं ॥ ११७ ॥

ग्रन्थमहिमा ।

जो इसकौं सुनै तिसै काननकौं हितकारी,
जो इसकौं सुनै तिसै मंगलकौं मूल है ।
जो इसकौं पढ़ै ताहि ज्ञान तौ विशेष वढ़ै,
यादि करै सो तौ पावै भव दधिकौं कूल है ॥
सकल ग्रंथनिमैं सार सार निज आतमा है,
सुध उपयोगमई ताकौं जो न भूल है ।
सोई साध सोई संत सोई सव गुनवंत,
लहै जु अनंत सुख नासै कर्म धूल है ॥ ११८ ॥

कविलधुता ।

पिंगल न पढ़ैयौ नहीं देखी नाममाला कोऊ,
व्याकरण काव्य आदि एक नाहिं पढ़ैयौ है ।
आगमकी छाया लैकै अपनी सकति सार,
सैलीके प्रभावसेती स्वर कोट (?) गढ़ैयौ है ॥
अच्छर अरथ छंद जहां जहां भंग होंय,
तहां तहां लीजै सोध ग्यान जिन्हैं बढ़ैयौ है ।
वीतराग थुति कीजै साधरमी संग लीजै,
आगम सुनीजै पीजै ग्यानरस कढ़ैयौ है ॥ ११९ ॥

१ किनारा ।

(४२)

सत्रैसौ ठावन मगसिरवदी छटि बढ़ी,
आगरेमैं सैली सुखी निजमनधनसौ ।
मानसिंहसाह औ विहारीदास ताकौ शिष्य,
जिहिविधि जानौ निजआतम प्रगट होइ,
बीतरागधर्म बढ़े सोई करौ तनसौ ।
दुखित अनादिकाल चेतन सुखित करौ,
पावै सिवसुखसिंधु छूटै दुःख बनसौ ॥ १२० ॥
वानी तौ अपार है कहांलग बखान करौ,
गणधर इंद्र आदि पार नहीं पायौ है ।
तुच्छमती जीव ताकी कौन वात पूछत है,
जे तौ कहू कहै ते तौ तहां ही समायौ है ।
अच्छर अरथ वानी तीनौ तौ अनादि मानी,
करै कहै कौन मूढ़ कहत मैं गायौ है ।
याही ममतासौ चिरकाल जगजाल रुलै,
ग्यानी सब्दजाल भिन्न आपरूप पायौ है ॥ १२१ ॥

इति उपदेशशतक ।



(४३)

अथ सुदोध पंचासिका ।

सोरठा ।

ओंकार मझार, पंचपरमपद वसत है ।
तीन भवनमैं सार, बंदौ मनवचकायसौ ॥ १ ॥
अच्छरज्ञान न मोहि, छंदभेद समझौ नहीं ।
तुधि थोरी किम होय, भाषा अच्छर-वाचनी ॥ २ ॥
आतम कठिन उपाय, पायौ नरभौ क्यौं तजै ।
राई उदधि समाय, ढूँढ़ी किर नहिं पाइए ॥ ३ ॥
इहविधि नरभौ कोइ, पाय विषैरससौ रमै ।
सो सठ अंमृत खोय, हालाहल विष आचरै ॥ ४ ॥
ईसुर भाख्यौ एह, नरभव मति खोवै वृथा ।
फिर न मिलै यह देह, पछितावौ वहु होइगौ ॥ ५ ॥
उत्तम नर अवतार, पायौ दुखकरि जगतमै ।
यह जिय सोच विचार, कछु तोसा सँग लीजिए ॥ ६ ॥
ऊरधगतिकौ बीज, धर्म न जो नर आदरै ।
मानुष जौनि लही जु, कूप पैर नर दीप लै ॥ ७ ॥
रिस तजिकै सुन बैन, सार मनुष सब जोनिमै ।
ज्यौं मुख ऊपर नैन, भान दिपै आकासमै ॥ ८ ॥

छन्द चाल ।

रीझ रे नर नरभौ पाया, कुल गोत विमल तू आया ।
जो जैनधरम नहिं धारा, सब लाभ विषै सँग हारा ॥ ९ ॥
लिखि बात हिये यह लीजै, जिनकथित धर्म नित कीजै ।
भवदुखसागरकौं तरिए, सुखसौं नौका जो वरियै ॥ १० ॥

(४४)

लीन विष्णु डंक अहि भरिया, ऋममोहतै मोहित परिया ।
विधिना जब दइ है धुमरिया, तब नरकभूमि तू परिया ॥ ११ ॥
ए नर करि धर्म अगाऊ, जब लौं धनजोवन चाऊ ।
जब लौं नहिं रोग सतावै, तुहि काल न आवन पावै ॥ १२ ॥
ऐन हैं तुव आसन नैना, जब लौं तुव प्रकृति फिरै ना ।
जब लौं तुव बुद्धि सराई, करि धर्म अगाऊ भाई ॥ १३ ॥
ओस जल ज्याँ जोवन जै है, करि धर्म जरा फिरि ऐहै ।
ज्याँ वूदा वैल थकै है, कछु कारज करि न सकै है ॥ १४ ॥
औ खिन संयोग वियोग, खिन जीवन खिन मृत रोगा ॥
खिनमैं धन जोवन जावै, किहिविधि जगमैं सुख पावै ॥ १५ ॥
अंवर धन जीतव गेहा, गर्जकरन चपल धन एहा ॥
तन दरपन छाया जानौ, यह वात सदा उर आनौ ॥ १६ ॥

दाल परमार्दीकी ।

अः जम ले नित आव, क्याँ नहिं धर्म सुनीजै ।
नैन तिमिर नित हीन, आसन जोवन छीजै ॥ १७ ॥
कमला चलै न पैँड, मुख ढाँके परियारा ।
देह थकै वहु पोषि, क्याँ न लखै संसारा ॥ १८ ॥
खन नहिं छोड़ै काल, जो पाताल सिधारै ।
बसै उदधिके बीच, जो कहुं दूर पथारै ॥ १९ ॥
गन सुर राखै तोहि, राखै उदधि मर्यादा ।
तबहु न छोड़ै काल, दीप पतंग परेया ॥ २० ॥
घर गो सौना दान, मणि औपध सब याँ ही ।
मंत्र यंत्र करि तंत्र, काल मिटै नहिं क्याँ ही ॥ २१ ॥

^१ शर्योके कानके सहस्र धन चंचल है ।

(४५)

नरकतने दुख भूरि, जो तू जीव सम्हारै ।
ताँ न रुचै आहार, अब सब परिग्रह डारै ॥ २२ ॥
चेतन गरभ मँझार, नरक अधिक दुख पायौ ।
वालपनेकौ खेद, सब जग परगट गायौ ॥ २३ ॥
छिनमैं धनकौ सोक, छिनमैं विरह सतावै ।
छिनमैं इष्टवियोग, तरुन कवन सुख पावै ॥ २४ ॥

दाल दोहरेकी ।

मन भाई रे, चेत मन भाई रे ॥ टेक ॥
जरापनै दुख जे सहे, सुन भाई रे,
सो क्याँ भूलै तोहि, चेत मन भाई रे ॥
जो तू विषयनमैं लग्यौ, मन भाई रे,
आतमहित नहिं होइ, चेत मन भाई रे ॥ २५ ॥
झूठ पाप करि ऊपज्यौ, मन भाई रे,
गरभ वस्यौ वस पाप, चेत मन भाई रे ।
सात धात लहि पापतै, मन भाई रे,
अजहु पापरत आप, चेत मन भाई रे ॥ २६ ॥
नहीं जरा गद आइ है, मन भाई रे,
कहां गयौ जम जच्छ, चेत मन भाई रे ।
जो निचिंत तू हूँ रह्यौ, मन भाई रे,
ए सब हैं परतच्छ, चेत मन भाई रे ॥ २७ ॥
दुक सुखकौं भवदधि पस्यौ, मन भाई रे,
पाप लहर दुख देत, चेत मन भाई रे ।
पकरौ धर्म जिहाजकौं, मन भाई रे,
सुखसौं पार करेत, चेत मन भाई रे ॥ २८ ॥

(४६)

ठीक रहै धन सासतौ, मन भाई रे,
होइ न रोग न काल, चेत मन भाई रे ।
तबहू धर्म न छाँड़ियै, मन भाई रे,
कोटि कर्तृं अधजाल, चेत मन भाई रे ॥ २९ ॥
डरपत जो परलोकतैं, मन भाई रे,
चाहत सिवसुख सार, चेत मन भाई रे ।
क्रोध मोह विषयनि तजौ, मन भाई रे,
धर्मकथित जिन धार, चेत मन भाई रे ॥ ३० ॥
ढील न करि आरंभ तजौ, मन भाई रे,
आरंभमें जियघात, चेत मन भाई रे ।
जीवघाततैं अघ वढ़े, मन भाई रे,
अघतैं नरकनिपात, चेत मन भाई रे ॥ ३१ ॥
नरक आदि तिहु लोकमैं, मन भाई रे,
इह परभव दुखरास, चेत मन भाई रे ।
सो सब पूरव पापतैं, मन भाई रे,
जीव सहै वहु त्रास, चेत मन भाई रे ॥ ३२ ॥

दाल, वारचिंदकी ।

तिहु जगमैं सुर आदि दे जी, जो सुख दुःख सार ।
सुंदरता मनभावनी जी, सो दे धर्म अपार ॥
रे भाई, अब तू धर्म सँभार, यह संसार असार, रे भा० ३३
थिरता जस सुख धर्मतैं जी, पावै रतन भँडार ।
धर्मविना ग्रानी लहै जी, दुख नाना परकार ॥रे भा० ३४
दान धर्मतैं सुर लहै जी, नरक होत करि पाप ।
इहविध जानै क्याँ पढ़े जी, नरकविष्ट तू आप॥रे भा० ३५

(४७)

धर्म करत सोभा लहै जी, जय धनरथ गज वाजै ।
प्रासुकदान प्रभावसौं जी, घर आवै मुनिराज॥रे भा० ३६
नवल सुभग मनमोहना जी, पूजनीक जगमाहिं ।
रूप मधुर वच धरमतैं जी, दुख कोउ व्यापै नाहिं॥रे भा० ३७
परमारथ यह वात है जी, मुनिकौं समता सार ।
विनै मूल विद्यातनी जी, धर्म दया सिरदार ॥ रे भा० ३८
फिर सुन करुना धर्मसौं जी, गुरु कहियै निरग्रंथ ।
देव अठारह दोप विनजी, यह सरधा सिवपंथ॥रे भा० ३९
विन धन घर सोभा नहीं जी, दान विना घर जेह ।
जैसैं विषई तापसी जी, धर्म दयाविन तेह ॥ रे भा० ४०
दोहा ।

भाँदू धनहित अघ कर, अघसौं धन नहिं होय ।
धरम करत धन पाइयै, मन मानै कर सोय ॥ ४१ ॥
मति जिय सोचै किंच तू, होनहार सो होय ।
जे अच्छर विधिना लिखे, ताहि न मंटे कोय ॥ ४२ ॥
यह वह वातै वहु कराँ, पैठौ सागरमाहिं ।
सिखर चढँा वस लोभके, अधिकौ पावौ नाहिं ॥ ४३ ॥
रैनि दिना चिता चिंता,—माहिं जलै मति जीव ।
जो दीया सो पाय है, और न होय सदीय ॥ ४४ ॥
लागि धरम जिन पूजियै, साँच कहै सब कोय ।
चित प्रभुचरन लगाइयै, तब मनवांछित होय ॥ ४५ ॥
बहु गुरु हो मम संजमी, देव जैन हो सार ।
साधरसी संगति मिलौ, जव लौं भव अवतार ॥ ४६ ॥

१ पोंडा ।

(४८)

शिवमारग जिन भासियौं, किंचित जानै कोइ ।
 अंत समाधिमरण करै, चहुँ गति दुख छय होइ ॥ ४७ ॥
 बंदू द्वै गुण सम्यक गहै, जिनवानी रुचि जास ।
 सो धनसौं धनवान है, जगमैं जीवन तास ॥ ४८ ॥
 सरधा हिरदै जो करै, पढ़ै सुनै दे कान ।
 पाप करम सब नासिकै, पावै पद निरवान ॥ ४९ ॥
 हितसौं अरथ बताइयौं, सुगुरु बिहारीदास ।
 सब्रह सौं वावन बदी, तेरस कातिकमास ॥ ५० ॥
 ग्यानवान जैनी सबै, वसै आगरेमाहिं ।
 अंतरग्यानी बहु मिलैं, मूरख कोऊ नाहिं ॥ ५१ ॥
 छय उपशम बल, मैं कहे, व्यानत अच्छर एहु ।
 दोष सुवोधपचासिका, बुधजन सुज्ज करेहु ॥ ५२ ॥

इति सुवोधपचासिका ।



१ निःशांकित, निःकाक्षित, निर्विचिकित्सित, अमूढदृष्टि, उपगृहन, स्थितिकरण, वात्सल्य, प्रभावना, ये पटद्वै अधार्तु आठ सम्बद्धानके अंग हैं।

(४९)

धर्मपश्चीसी ।

—○—○—

दोहा ।

भव्य-कमल-रवि सिज्ज जिन, धर्मधुरंधर धीर ।
 नमत संत जग-तम-हरन, नमौं त्रिविधि गुरु वीर ॥ १ ॥

गोपाई (१५ गाथा ।)

मिथ्याविपयनिमैं रत जीव, तातैं जगमैं भमै सदीव ।
 विविध प्रकार गहै परजाय, श्रीजिनधर्म न नेक सुहाय २
 धर्मविना चहुँ गतिमैं परै, चौरासी लख फिरि फिरि धरै ।
 दुखदावानलमाहिं तपंत, कर्म करै फल भोग लहंत ॥ ३ ॥
 अति दुर्लभ मानुप परजाय, उत्तम कुल धन रोग न काय ।
 इस औसरमैं धर्म न करै, फिर यह औसर कवधौं वरै ॥ ४ ॥
 नरकी देह पाय रे जीव, धर्म विना पशु जान सदीव ।
 अर्थकाममैं धर्म प्रधान, ताविन अर्थ न काम न मान ॥ ५ ॥
 प्रथम धर्म जो करै पुनीत, सुभसंगम आवै करि प्रीत ।
 विघ्न हरै सब कारज सरै, धनसौं चाखौं कौनै भरै ॥ ६ ॥
 जनम जरा मृतुके बस होय, तिहंकाल जग ढोलै सोय ।
 श्रीजिनधर्म रसायन पान, कबहुं न रुचिउपजै आग्यान ७
 ज्याँ कोई मूरख नर होय, हालाहल गहि अंमृत खोय ।
 त्याँ सठ धर्म पदारथ त्याग, विपयनिसौं ठानै अनुराग ॥ ८ ॥
 मिथ्याग्रह-गहिया जो जीव, छांडि धरम विपयनि चित दीव ।
 यौं पसु कल्पवृक्षकौं तोड़ि, वृक्ष धतूरेके बहु जोड़ि ॥ ९ ॥
 नरदेही जानौं परधान, विसरि विषै करि धर्म सुजान ।

त्रिभुवन इंद्रतने सुख भोग, पूजनीक हो इंद्रन जोग ॥ १० ॥

ध. वि. ४

(५०)

चंद विना निसि गज विन दंत, जैसे तरुण नारि विन कंत ।
 धर्म विना त्यौं मानुष देह, तातैं करियै धर्म सनेह ॥ ११ ॥
 हय गय रथ बहु पायक भोग, सुभट बहुत दल चमर मनोग ॥
 ध्वजा आदि राजा विन जानि, धर्म विना त्यौं नरभौ मानि ॥ १२ ॥
 जैसैं गंध विना है फूल, नीर विहीन सरोवर धूल ।
 ज्यौं धन विन सोभित नहिं भौन, धर्म विना त्यौं नर चिंतौन ॥
 अरचै सदा देव अरहंत, चरचै गुरुपद करुनावंत ।
 खरचै दाम, धर्मसौं प्रेम, न रचै विषै सफल नर एम ॥ १४ ॥
 कमला चपल रहै थिर नाहि, जोबन कांति जरा लपटाहि ।
 सुत मित नारि नावसंजोग, यह संसार सुपनका लोग ॥ १५ ॥
 यह लखि चित धरि सुज्ज सुभाव, कीजै श्रीजिनधर्म उपाव ।
 यथा भाव जैसी मति गहै, तैसी गति तैसा सुख लहै ॥ १६ ॥
 जो मूरख धिषनांकरि हीन, विषै-ग्रंथै-रत्र ब्रत नहिं कीन ।
 श्रीजिनभाषित धर्म न गहै, सो निगोदकौ मारग लहै ॥ १७ ॥
 आलस मंदबुद्धि है जास, कपटी विषैमगन सठ तास ।
 कायरता मद परगुण ढकै, सो तिरजंच जोनि लहि सकै ॥ १८ ॥
 आरत रौद्र ध्यान नित करै, क्रोध आदि मच्छरता धरै ।
 हिंसक वैरभाव अनुसरै, सो पापिष्ठ नरकगति परै ॥ १९ ॥
 कपटहीन करुणाचितमाहिं, हेय उपादे भूलै नाहिं ।
 भक्तिवंत गुणवंत जु कोय, सरलभाषि सो मानुष होय ॥ २० ॥
 श्रीजिनवचनमगन तपवान, जिन पूजै दे पात्रहिं दान ॥
 रहै निरंतर विषय उदास, सोई लहै सुरग आवास ॥ २१ ॥

१ हिताहित बुद्धिरे । २ परिप्रहरै ।

(५१)

मानुषजोनि अंतकी पाय, सुनि जिनवचन विषै विसराय ।
 गहै महाब्रत दुद्धरवीर, सुकलध्यान थिर लहि सिव धीर ॥ २२ ॥
 धरम करत सुख होय अपार, पाप करत दुख विविधप्रकार ।
 बाल गुपाल कहैं सब नारि, इष्ट होय सोई अवधारि ॥ २३ ॥
 श्रीजिनधर्म मुकतिदातार, हिंसाधरम करत संसार ।
 यह उपदेश जानि बड़ भाग, एक धर्मसौं करि अनुराग ॥ २४ ॥
 ब्रत संयम जिनपद शुति सार, निर्मल सम्यक भावन वार ।
 अंत कषाय विषय कृश करौ, ज्यौं तुम मुकतिकामिनी वरौ ॥ २५ ॥
 दोहा ।

बुधकुमुदनि ससि सुख करन, भवदुख सागर जाँन ।
 कहै ब्रह्म जिनदास यह, ग्रंथ धर्मकी खान ॥ २६ ॥
 व्यानत जे वाँचैं सुनैं, मनमैं करैं उछाह ।
 ते पावैं फल सासतौ, मनवांछित फल-लाह ॥ २७ ॥

इति धर्मपञ्चीती ।



(५२)

तत्त्वसार भाषा ।

देह ।

आदिसुखी अंतःसुखी, सिद्ध सिद्ध भगवान् ।
 निज प्रताप परताप विन, जगदर्पन जग आन ॥ १ ॥
 ध्यान दहन विधि-काठ दहि, अमल सुद्ध लहि भाव ।
 परम जोतिपद वंदिकै, कहूं तत्त्वकौ राव ॥ २ ॥
 चौपाई ।

तत्त्व कहे नाना परकार, आचारज इस लोकमङ्गार ।
 भविक जीव प्रतिबोधन काज, धर्मप्रवर्तन श्रीजिनराज ॥३
 आत्मतत्त्व कह्यौ गणधार, स्वपरभेदतैं दोइ प्रकार ।
 अपनौ जीव सुतत्त्व बखानि, पर अरहंत आदि जिय जानि
 अरहंतादिक अच्छर जेह, अरथ सहित ध्यावै धरि नेह ।
 विविध प्रकार पुन्य उपजाय, परंपराय होय सिवराय ॥५
 आत्मतत्त्वतने द्वै भेद, निरविकल्प सविकल्प निवेद ।
 निरविकल्प संवरकौ मूल, विकल्प आस्वय यह जिय भूल ६
 जहांन व्यापै विषय विकार, है मन अचल चपलता डार ।
 सो अविकल्प कहावै तत्त, सोई आपरूप है सत्त ॥७ ॥
 मन थिर होत विकल्पसमूह, नास होत न रहै कछु रुह ।
 सुद्ध सुभावविषय है लीन, सो अविकल्प अचल परवीन ॥८
 सुद्धभाव आत्म दृग ग्यान, चारित सुद्ध चेतनावान ।
 इन्हें आदि एकारथ वाच, इनमै मगन होइकै राच ॥९ ॥
 परिग्रह त्याग होय निरग्रंथ, भजि अविकल्प तत्त्व सिवपंथ ।
 सार यही है और न कोय, जानै सुद्ध सुद्ध सो होय ॥१०

(५३)

अंतर वाहिर परिग्रह जेह, मनवच तनसौ छाँड़े नेह ।
 सुद्धभाव धारक जब होय, यथा ग्यान मुनिपद है सोय ॥१
 जीवन मरन लाभ अरु हान, सुखद मित्र रिपु गनै समान ।
 राग न रोष करै परकाज, ध्यान जोग सोई मुनिराज ॥२ ॥
 काललघिवल सम्यक वरै, नूतन बंध न कारज करै ।
 पूरब उदै देह खिरि जाहि, जीवन मुकत भविक जगमाहि ॥
 जैसै चरनरहित नर पंग, चढ़न सकत गिरि मेरु उतंग ।
 त्याँ विन साध ध्यान अभ्यास, चाहै करौ करमकौ नास ॥४
 संकितचित्त सुमारग नाहिं, विषैलीन वांछा उरमाहिं ।
 ऐसै आस कहै निरवान, पंचमकाल विषै नहिं जान ॥५ ॥
 आत्मग्यान दृग चारितवान, आत्म ध्याय लहै सुरथान ।
 मनुज होय पावै निरवान, तातै यहां मुकति मग जान ॥६ ॥
 यह उपदेस जानि रे जीव, करि इतनौ अभ्यास सदीव ।
 रागादिक तजि आत्म ध्याय, अटल होय सुख दुख मिटि
 जाय ॥ १७ ॥

आप प्रमान प्रकास प्रमान, लोक प्रमान, सरीर समान ।
 दरसन ग्यानवान परधान, परतै आन आतमा जान ॥८
 राग विरोध मोह तजिवीर, तजि विकल्प मन वचन सरीर ।
 है निर्चित चिंता सब हारि, सुद्ध निरंजन आप निहारि ॥९ ॥
 क्रोध मान माया नहिं लोभ, लेस्या सत्य जहां नहिं सोभ ।
 जन्म जरा मृतुकौ नहिं लेस, सो मैं सुद्ध निरंजन भेस ॥१० ॥
 बंध उदै हिय लबधि न कोय, जीवथान संठान न होय ।
 चौदह मारगना गुनथान, काल न कोय चेतना ठान ॥११ ॥

१ सम्प्रदर्शन ।

(५४)

फरस वरन रस सुर नहि गंध, वर्ग वरगनाँ जास न सेंधा
नहिं पुदगल नहिं जीवविभाव, सो मैं सुद्ध निरंजन रावा॥२२॥
विविध भाँति पुदगल परजाय, देह आदि भारी जिनराया
चेतनकी कहियै व्योहार, निहचैं भिन्न भिन्न निरधार॥२३॥
जैसैं एकमेक जल खीर, तैसैं आनौ जीव सरीर।
मिलैं एक पै जुदे त्रिकाल, तजै न कोऊ अपनी चाल॥२४॥
नीर खीरसौं न्यारौ होय, छांछिमाहिं डारै जो कोय।
त्यौं ग्यानी अनुभौ अनुसरै, चेतन जड़सौं न्यारौ करै॥२५॥

दोहा ।

चेतन जड़ न्यारौ करै, सम्यकहट्टी भूप।
जड़ तजिंकैं चेतन गहै, परमहंसचिदूप॥ २६॥
ज्ञानवान अमलान प्रभु, जो सिवखेतमङ्गार।
सो आतम भम घट वसै, निहचैं फेर न सार॥ २७॥
सिद्ध सुद्ध नित एक मैं, ग्यान आदि गुणखान।
अगन प्रदेस अमूरती, तन प्रमान तन आन॥ २८॥
सिद्ध सुद्ध नित एक मैं, निरालंब भगवान।
करमरहित आनंदमय, अँभै अँसै जग जान॥ २९॥
मनथिर होत विषै घटै, आतमतत्त्व अनूप।
ज्ञान ध्यान वल साधिंक, प्रगटै ब्रह्मसूप॥ ३०॥
अंवर धन फट प्रगट रवि, भूपर करै उदोत।
विषय कपाय घटावतै, जिय प्रकास जग होत॥ ३१॥

१ समान अविभाग प्रतिच्छेदोंके थारक प्रलेक क्षमेपरमाणुको कर्ग कहते हैं।
२ वर्गके समूहको वर्गण कहते हैं। ३ स्कन्ध। ४ निर्क्षय। ५ अक्षय।
६ आकाशमें।

(५५)

मन वच आय विकार तजि, लिरविक्षरता आर।
प्रगट दोय निज आदमा, परमादस्यद् भार॥ ३२॥
मौनगहित आलन भहित, चिन चिक्षाचल दोय।
पूरव सत्तामैं गंडै, नयं लँडै भिव दोय॥ ३३॥
भव्य करै चिक्षाचल तप, लँडै न भिव चिन न्यान।
न्यानवान ततकाल ढी, याँवै पद निरवान॥ ३४॥
देह आदि परद्व्यर्म, भमता करै गंवार।
भव्यौ परस्मै ठीन यो, वाँवै करै अशार॥ ३५॥
इंद्रियिर्मगन रहै, राग दोष वटमार्हि।
क्रोध मान क्लुधिन ढुक्की, ग्यानी ऐसी नाहिं॥ ३६॥
देवते सो चेतन नहीं, चेतन देवी नाहिं।
राग दोष क्लिहिसौं करौं, हीं मैं उभतामाहिं॥ ३७॥
थावर जंगम भित्र रियु, देवै आप उमान।
राग विरोध करै नहीं, चोई उभतावान॥ ३८॥
सब असुखपरदेशजुत, जनमैं मरै न जोय।
गुणत्रनंत चेतनमई, इच्छिदिष्टि धरि जोय॥ ३९॥
निहचै रूप अमेद है, भेदल्प व्योहार।
स्वादवाद मानै सदा, तजि रागादि विकार॥ ४०॥
राग दोष क्लोलविन, जो मन जल यिर होय।
सो देवते निवल्पकौं, और न देवै कोय॥ ४१॥
अमल मुथिर सरवर भवै, दीनै रतनमँडार।
त्यौं मन निरमल यिरविं, दीमै चेतन भार॥ ४२॥
देवते विमलसह्यकौं, इंद्रियिर्मगार।
होय मुक्ति लिन आवमै, तजि नरमौ अवतार॥ ४३॥

(५६)

स्थानरूप निज आतमा, जड़सरूप परं मान ।
जड़तज्जि चेतन ध्याइये, सुद्धभाव सुखदान ॥ ४४ ॥
निरमल रत्नव्यधरै, सहित भाव वैराग ।
चेतन लखि अनुभौ करै, वीतरागपद जाग ॥ ४५ ॥
देखै जानै अनुसरै, आपविष्णु जब आप ।
निरमल रत्नव्य तहां, जहां न पुन्य न पाप ॥ ४६ ॥
थिर समाधि वैरागजुत, होय न ध्यावै आप ।
भागहीन कैसैं करै, रतन विसुद्ध मिलाप ॥ ४७ ॥
विश्वसुखनमैं मगन जो, लहै न सुद्ध विचार ।
ध्यानवान विश्वनि तजै, लहै तत्त्व अविकार ॥ ४८ ॥
अधिर अचेतन जड़मई, देह महादुखदान ।
जो यासौं ममता करै, सो बहिरातम जान ॥ ४९ ॥
तरै परे आमय धरै, जरै मरै तन एह ।
हरि ममता समता करै, सो न वरै पन-देह ॥ ५० ॥
पापउदैकौं साधि, तप, करै विविध परकार ।
सो आवै जो सहज ही, बडौ लाभ है सार ॥ ५१ ॥
करमउदय फल भोगतैं, करै न राग विरोध ।
सो नातैं पूरव करम, आगै करै निरोधै ॥ ५२ ॥

चौपाई (१५ मात्रा)

कर्मउदै सुख दुख संजोग, भोगत करै सुभासुभ लोग ।
तातैं वाँधैं करम अपार, ध्यानावरनादिक अनिवार ॥ ५३ ॥
जबलौं परमानूसम राग, तबलौं करम सकैं नहिं त्याग ।
परमारथ ध्यायक मुनि सोय, रागतजैं विनु काज न होय ॥ ५४ ॥

१ पर अर्थात् शरीरहि पुद्दल । २ रोग । ३ संवर ।

(५७)

सुख दुख सहै करम बस साध, करै न रागविरोध उपाध ।
ग्यानध्यानमैं थिर तपवंत, सो मुनि करै कर्मकौ अंत ॥ ५५ ॥
गहै नहीं पर तजै न आप, करै निरंतर आतमजाप ।
ताकैं संवर निर्जर होय, आस्रव वंध विनासै सोय ॥ ५६ ॥
तजि परभाव चित्त थिर कीन, आप-स्वभावविष्णु है लीन ।
सोई ग्यानवान दगवान, सोई चारितवान प्रधान ॥ ५७ ॥
आतमचारित दरसन ग्यान, सुद्धचेतना विमल सुजान ।
कथन भेद है वस्तु अभेद, सुखी अभेद भेदमैं खेद ॥ ५८ ॥
जो मुनि थिर करि मनवचकाय, त्यागै राग दोष समुदाय ।
धरै ध्यान निज सुद्धसरूप, बिलसै परमानंद अनूप ॥ ५९ ॥
जिह जोगी मन थिर नहिं कीन, जाकी सकति करम आधीना
करइ कहा न फुरै बल तास, लहै न चेतन सुखकी रास ॥ ६० ॥
जोग दियौ मुनि मनवचकाय, मन किंचित चलि वाहिर जाय ।
परमानंद परम सुखकंद, प्रगट न होय घटामैं चंद ॥ ६१ ॥
सब संकल्प विकल्प विहंड, प्रगट आतमजोति अखंड ।
अविनासी सिवकौ अंकूर, सो लखि साध करमदल चूरा ॥ ६२ ॥
विषय कथाय भाव करि नास, सुद्धसुभाव देखि जिनपास ।
ताहि जानि परसौं तजि काज, तहां लीन हूजै मुनिराज ॥ ६३ ॥
विषय भोगसेती उचटाइ, शुद्धतत्त्वमैं चित्त लगाइ ।
होय निरास आस सब हरै, एक ध्यानअसिंसौं मन मरै ॥ ६४ ॥
मरै न मन जो जीवै मोह, मोह मरै मन जनम न होय ।
ज्ञानदर्शआवर्न पलाय, अंतरायकी सत्ता जाय ॥ ६५ ॥

१ बादलोंकी घटामैं । २ परसौं-परपदार्थोंसे । ३ ध्यानरूपी तलवारसे ।

(५८)

जैसे भूप नर्से सव सैन, भाग जाइ न दिखावै नैन ।
 तैसे मोह नास जब होय, कर्मधातिया रहै न कोय ॥ ६६ ॥
 कीनै चारिधातिया हान, उपजै निरमल केवलग्यान ।
 लोकालोक त्रिकाल प्रकास, एक समैमै सुखकी रास ॥ ६७ ॥
 त्रिभुवन इंद्र नमै कर जोर, भाजै दोषचोर लखि भोर ।
 आवै जु नाम गोत वेदनी, नासि भयै नूतन सिवधनी ॥ ६८ ॥
 आवागमनरहित निरवंध, अरस अरूप अफास अगंध ।
 अचल अवाधित सुख विलसंत, सम्यकआदि अष्टगुणवंत ६९
 मूरतिवंत अमूरतिवंत, गुण अनंत परजाय अनंत ।
 लोक अलोक त्रिकाल विथार, देखै जानै एकहि वार ॥ ७० ॥

सोरठा ।

लोकसिखर तनुवात, कालअनंत तहां बसै ।
 धरमद्रव्य विख्यात, जहां तहां लौं थिर रहै ॥ ७१ ॥
 ऊरधगमन सुभाव, तातै वंक चलै नहीं ।
 लोकअंत ठहराव, आगै धर्मदरव नहीं ॥ ७२ ॥
 रहित जन्म मृति एह, चरम्देहतैं कछु कमी ।
 जीव अनंत विदेह, सिद्ध सकल वंदौं सदा ॥ ७३ ॥
 ते हैं भव्य सहाय, जे दुस्तर भवदधि तरैं ।
 तत्त्वसार यह गाय, जैवंतौ प्रगटौ सदा ॥ ७४ ॥
 देवसेन मुनिराज, तत्त्वसार आगम कह्यौ ।
 जो ध्यावै हितकाज, सो ग्याता सिवसुख लहै ॥ ७५ ॥

(५९)

सम्यकदरसन ग्यान, चारित सिवकारन कहे ।
 नय व्यवहार प्रमान, निहचैं तिहुमैं आतमा ॥ ७६ ॥
 लाख वातकी वात, कोटि ग्रंथकौ सार है ।
 जो सुख चाहौ भ्रात, तो आतम अनुभौ करौ ॥ ७७ ॥
 लीजौं पंच सुधारि, अरथ छंद अच्छर अमिल ।
 मो मति तुच्छ निहारि, छिमा धारियौ उरवियैं ॥ ७८ ॥
 व्यानत तत्त्व जु सात, सार सकलमैं आतमा ।
 ग्रंथ अर्थ यह भ्रात, देखौ जानौ अनुभवौ ॥ ७९ ॥

इति तत्त्वसार ।



१ राजके मर जानेपर । २ आयुःकर्म । ३ अनंतज्ञान वीर्य सुख दर्शन
 सूख्य अव्यावाय अवगाहन अगुहलघु । ४ अन्तिम शरीरसे । ५ शरीररहित ।
 ६ मूलग्रन्थ (७४ गाथा) देवसेनसूरिका प्राकृतमें है, उसका यह अनुवाद है ।

(६०)

देवनदशक ।

—
—
—
—
—

ठम्य ।

देखे श्रीजिनराज, आज चब विधन विलये ।
देखे श्रीजिनराज, आज चब मंगल आये ॥
देखे श्रीजिनराज, काज करना कछु नाहो ।
देखे श्रीजिनराज, हाँच पूरी सनसाहो ॥
तुम देखे श्रीजिनराजपद, भौजल अंजुलिजल भया ।
वित्तमनि पारस कलपतरु, मोह सवनिसाँ उठि गया ॥१॥
देखे श्रीजिनराज, भाज अथ जाहि दिसंतर ।
देखे श्रीजिनराज, काज चब होइ निरंतर ॥
देखे श्रीजिनराज, राज मनवांछित करिए ।
देखे श्रीजिनराज, नाथ दुख कवहु न भरिए ॥
तुम देखे श्रीजिनराजपद, रोमरोम सुख पाइए ।
बनि आजद्वन्द धनि अब घरी, माय नाथको नाइए ॥२॥
बन्द बन्द जिनधर्म, कर्मकाँ छिनमैं तोरै ।
बन्द बन्द जिनधर्म, परमपदसाँ हित जोरै ॥
बन्द बन्द जिनधर्म, भर्मकी मूल मिटावै ।
बन्द बन्द जिनधर्म, संर्मकी राह वतावै ॥
जग बन्द बन्द जिनधर्म यह, सो परगट तुमनैं किया ।
भवि खेत पाप-तप तपतकाँ, मेघरूप है सुख दिया ॥३॥
तेज सूर्यसम कहुं, तपत दुखदायक प्रानी ।
काँति चंदसम कहुं, कलंकित मूरति मानी ॥

१ कल्याणकी, बालमहिती । २ पापरूपअमिते वस । ३ सूर्यसद्वा ।

(६१)

वारिविसम गुण कहुं, सारमैं कौन भल्पन ।
पारससम जस कहुं, आपसम करै न परन्तन ॥
इन आदिपदारथ लोकमैं, तुम समानं क्याँ दीजिये ।
तुम महाराज अनुपमदसा, मोहि अनुपम कीजिये ॥४॥
तब विलंब नहिं कियौ, चीर द्रोपदिक्को बाढ़यौ ।
तब विलंब नहिं कियौ, सेठ सिंहासन चाढ़यौ ॥
तब विलंब नहिं कियौ, सियातैं पावक टाढ़यौ ।
तब विलंब नहिं कियौ, नीरै मातग उवाढ़यौ ॥
इहविधि अनेक दुख भगतके, चूर दूर किय सुख अवैनि ।
प्रभु मोहि दुःख नासनविष्यैं, अब विलंब कारन कवना ॥५॥
कियौ भौन्तैं गौनं, मिटी आरति संसारी ।
राह आन तुम ध्यान, फिक्र भाजी दुखकारी ॥
देखे श्रीजिनराज, पापमिथ्यात विलायौ ।
पूजा थुति वहु भगति, करत सम्यकगुन आयौ ॥
इस मार्वार संसारमैं, कल्पवृक्ष तुम दरस है ।
प्रभु मोहि देहु भौभौविष्यैं, यह वांछा मन सरस है ॥६॥
जै जै श्रीजिनदेव, सेव तुमही अघनासक ।
जै जै श्रीजिनदेव, भेवं पटद्रव्य प्रकासक ॥
जै जै श्रीजिनराज, एक जो प्रानी ध्यावै ।
जै जै श्रीजिनदेव, टेव अहमेव मिटावै ॥

१ परावे शरीरको अर्थात् दूसरी धातुओंको । २ पटतर, उपमा ।
३ जलमेंसे । ४ हाथी । ५ पृथ्वीमें । ६ घरसे । ७ गमन । ८ मारवाड़हारी
(बृक्षरहित सूखेदेश) संसारमें । ९ भेद ।

(६२)

जै जै श्रीजिनदेव प्रभु, हेय करमरिपु दलनकौं ।
हूजै सहाय सँघरायजी, हम तयार सिवचलनकौं ॥ ७॥

जै जिनंद आनंदकंद, सुरवृंदवंद पद ।
स्थानवान सब जान, सुगुन-मनि-खान आन पद (?) ॥

दीनदयाल कृपाल, भविक भौजाल निकालक ।
आप बूझ सब सूझ, गूझ नहिं बहुजन पालक ॥

प्रभु दीनबंधु करुनामई, जगउधरन तारन तरन ।
दुखरास निकास स्वदासकौ, हमैं एक तुम ही सरन ॥ ८॥

देखनीक लखि रूप, बंदि करि बंदनीक हुव ।
पूजनीक पद पूज, ध्यान करि ध्यावनीक धुव ॥

हरष बढ़ाय बजाय, गाय जस अंतरजामी ।
दरब चढ़ाय अधाय, पाय संपति निधि स्वामी ॥

तुम गुण अनेक मुख एकसौं, कौन भाँति वरनन करौं ।
मन वचन काय बहु प्रीतिसौं, एक नामहीसौं तरौं ॥ ९॥

चैत्यालय जो करै, धन्य सो श्रावक कहिए ।
तामैं प्रतिमा धरै, धन्य सो भी सरदहिए ॥

जो दोनौं विस्तरै, संघनायक ही जानौ ।
बहुत जीवकौं धर्म-मूल कारन सरधानौ ॥

इस दुखमकाल विकराल मैं, तेरौं धर्म जहां चलै ।
हे नाथ काल चौथौं तहां, इति॑ भीति सब ही टलै ॥ १०॥

१ गद ऐसा भी पाठ है । २ संदेह । ३ देखनेलायक । ४ अतिवृष्टि
अनावृष्टि आदि सात । ५ इहलोक परलोक भय आदि सात ।

(६३)

दर्सनदसक कवित्त, चित्तसौं पहै त्रिकालं ।
प्रतिमा सनमुख होय, खोय चिंता गृहजालं ॥

सुखमैं निसिदिन जाय, अंत सुरराय कहावै ।
सुर कहाय सिवपाय, जनम मृति जरा मिटावै ॥

धनि जैनधर्म दीपक प्रगट, पापतिमिर छ्यकार है ।
लखि साहिवराय सु आँखिसौं, सरधा तारनहार है ॥ ११॥

इति दर्शनदशक ।



(६४)

ज्ञानदशक ।

इंडिया ।

देखें मूरत स्वामिकी, जीवराग ए आप ।
रागभाव इनको गयाँ, रही चेतना व्याप ॥
रही चेतना व्याप, आपकी सोई जानै ।
गयाँ भाव पर जान, स्वान निहचै दर आनै ॥
ते सोई निजल्प, भूप चिवसुंदर पेखै ।
स्वाता आठाँ चामै, स्वामिकी मूरति देखै ॥ १ ॥
जिननै जिन नैननैनसौं, देखै दर्विलास ।
दरवित अविनासी सदा, उपजै उतपति नास ॥
उपजै उतपति नास, तासैतैं चक्षा सावी ।
निजगुन गुनी अभेद, वेद सुखरीत अराधी ॥
साधक साध उपाध, व्याध गजि दीनी तिननै ।
आप आपरसमग्न, लगन लौ कीनी जिननै ॥ २ ॥
मानी क्रोधी कौन है, जिनै छिमाधर कोय ।
मान जिनै चित्तधारतैं, जीवभाव नहिं होय ।
जीवभाव नहिं होय, जोय विकल्प उपजावै ।
नाभक्षण स्वमेलाप, आप निरनाम कहावै ॥
नय परमान निषेप, लेपकी कौन कहानी ।
आप आप निरंवाच, राच हमनै यह मानी ॥ ३ ॥
मैं मैं काहे करत हूँ, तन धन भवन निहार ।
तू अविनासी आतमा, जिनासीक संसार ॥

३ प्रहर । २ उत्पादन्वर्गीयम् । ३ अमयुक्त है, सिष्या है । ४ निवंश-
अवच्छय ।

(६५)

जिनासीक संसार, सार तेरौ तोमाहीं ।
आप आप सिरमौर, और उपमा जग नाहीं ॥
जिन जानै चिरकाल, जाल जग फिरौ वहुत तैं ।
सुद्ध बुद्ध अविल्ल, आतमा सो मैं सो मैं ॥ ४ ॥
करता क्रिया कर्मकौं, करे जीव व्योहार ।
निहचै रतनत्रयमई, है अभेद निरधार ॥
है अभेद निरधार, धारना ध्यान न जाँकै ।
साहब सेवक एक, टेक यह वरतै ताँकै ॥
आप आपमैं आप, आपकौं पूरन धरता ।
सुखंवेद निजधरम, करम क्रियाकौं करता ॥ ५ ॥
म्यानी जानै म्यानमैं, नमैं वचन मन काय ।
कायम परमारथविषै, विषै-रीति विसराय ॥
विषै रीति विसराय, राय चेतना विचारै ।
चारै क्रोध विसार, सार समता विसतारै ॥
तारै औरनि आप, आपकी कौन कहानी ।
हानी समता-नुद्धि, नुद्धिअनुभौतैं म्यानी ॥ ६ ॥
सोहं सोहं होत नित, साँस उसासमंझार ।
ताकौं अर्थ विचारियै, तीन लोकमैं सार ॥
तीन लोकमैं सार, धार सिवखेतनिवासी ।
अष्टकर्मसौं रहित, सहित गुण अष्टविलासी ॥
जैसौं तैसौं आप, याप निहचै तजि सोहं ।
अजपा-जाप संभार, सार सुख सोहं सोहं ॥ ७ ॥

१ आमानुभव ।

घ. वि. ५

(६६)

दरव कर्म नोकरमतैँ, भावकर्मतैँ भिन्न ।
विकल्प नहीं सुबुद्धकै, सुद्ध चेतनाचिन्न ॥
सुद्ध चेतनाचिन्न, भिन्न नहिं उदै भोगमै ।
सुखदुख देहमिलाप, आप सुद्धोपयोगमै ॥
हीरा पानीमाहिं, नाहिं पानी गुण है कव ।
आग लगै घर जलै, जलै नहिं एक नभदरव ॥ ८ ॥

जो जानै सो जीव है, जो मानै सो जीव ।
जो देखै सो जीव है, जीवै जीव सदीव ॥
जीवै जीव सदीव, पीव अनुभौरस प्रानी ।
आनन्दकंद सुवंद, चंद पूरन सुखदानी ॥
जो जो दीसै दर्व, सर्व छिनभंगुर सो सो ।
सुख कहि सकै न कोइ, होइ जाकौं जानै जो ॥ ९ ॥

सब घटमै परमातमा, सूनी ठौर न कोइ ।
वलिहारी वा घट्की, जा घट परगट होइ ॥
जा घट परगट होइ, धोइ मिथ्यात महामल ।
पंच महात्रत धार, सार तप तपै ग्यानवल ॥
केवल जोत उदोत, होत सरवग्य दसा तव ।
देही देवल देव, सेव ठानै सुर नर सब ॥ १० ॥

१ पुद्गल पिण्डको द्रव्यकर्म कहते हैं । २ कर्मके उदयको जो सहकारी द्रव्य वह नोकर्म द्रव्य है । ३ पुद्गलपिण्डमें आत्मगुण धातनेकी जो शक्ति सो भाव कर्म है । ४ मन्दिर ।

(६७)

द्यानत चक्री जुगलिये, भर्वनपती पाताल ।
सुर्गइंद्र अहमिंद्र सब, अधिक अधिक सुख भाल ॥
अधिक अधिक सुख भाल, काल तिहुं नंत गुनाकर ।
एकसमै सुख सिद्ध, रिद्ध परमात्मपद धर ॥
सो निहचै तू आप, पापविन क्यों न पिछानत ।
दरस ग्यान थिर थाप, आपमै आप सु द्यानत ॥ ११ ॥

इति द्यानदशक ।



१ भवनवासी । २ व्यंतर ।

(६८)

द्रव्यादि चौबोल-पचीसी ।

वंश ।

दरव खेत अह काल, भाव दरव घट तत्त्व नव ।
न्वावक दीनदयाल, सो अरहंत नमाँ सदा ॥ १

द्रव्यादि गिन्दी । सुर्वश द्रव्यादि ।

जघन एक वर्मद्रव्य, कालानू असंस्यात,
तार्ते अनंते अमव्य, सुव दव्य गहे हैं ।
ताहीर्ते अनंते सिद्ध, वंदी मन वच काय,
सिद्धर्ते अनंते चीव, निगोद्मै लहे हैं ॥
यार्ते अनंते निगोद, पांचाँडीआववर्ते,
अनंते सो परमानू उतकिष्टे कहे हैं ।
यद्दी द्रव्य भेद है, जघन्य मव्य उतकिष्ट,
सरधा करते, सरधानी सरदहे हैं ॥ २ ॥

द्रव्यादि गिन्दी ।

जघन एक आकासकौ प्रदेश अनूसुम,
सर्व दर्वेशनिकौ थानदान देत है ।
आठ परदेश मेन्दलैं जीव छुवै नाहिं,
जघन निगोद देह असंस्यात खेत है ॥
अंगुल जाँ हाथ धनुष कोस जोजनभेद,
सैनी औं प्रतर लोक दर्वकौ निकेत है ।

१ चुर्यादिनिगोदमें । २ निलनिगोदमें । ३ लव्यपयासुकनिगोदिवाकी
जघन्यावगाहना । ४ द्रव्यादि ।

(६९)

लोकर्ते अनंत है अलोकर्ते उतकिष्ट,
चौमसी अमल मेरी आतमा सचेत है ॥ ३ ॥

द्रव्यादि गिन्दी ।

जघन काल एक ही समैकौ है वर्तमान,
तीन समै अनाहार आवली उसास है ।
वरी दिन मास वर्ष पूरवांग आदि भेद,
इकतीस ताके अंक ढेड़सी विलास है ॥
पल सागर छभेद नाना भाँति और एक
ताहीर्ते अनंतता अतीत समै रास है ।
याहीर्ते अनंत गुनै समै हैं अनांगतके,
काल उतकिष्ट सब ग्यानमें प्रकास है ॥ ४ ॥

नावदी गिन्दी ।

भावकौ जघन्य कहाँ सूच्छम निगोदिवाको,
एक समै एक अंस खुल्याँ निरावर्न है ।
तीनसै चाँतीस स्वास छह हजार वारै वार,
जनम मरन करे अंत वेर मर्न है ॥
भयाँ है कलेस घोर खुली है तनक कोर,
दूजे समै वहै ग्यान विधिकौ आचर्न है ।

१ मरने वाद जीव जघनक आहारवर्णणाको प्रहण नहीं करता है, उस समयतक
उसे अनाहारक कहते हैं । २ व्यवहारपत्य उद्धारपत्य अदापत्य इसीतरह व्यवहार
सागर उद्धारसागर अदासागर । ३ आनेवाला काल । ४ सूजनिगोद लव्यपयासक
जीवके उत्तम होनेके प्रथम समयमें सबसे छोटा हमेशा प्रकाशमान और
त्रिमुख छोड़ द्वंद्व ढकनेवाला नहीं है ऐसा ज्ञान होता है, उसको निराव-
रण कहते हैं । ५ ज्ञानावरणादि कर्मोका ।

(७०)

मति श्रुति औधि मनपरजै अनेक भेद,
उतकिटो केवल सरव संसै हर्न है ॥ ५ ॥
छह द्रव्यके वारह अविकार ।

परिनामी दोय जीव पुगल प्रदेसी पांच,
काल विना करतार जीव भोगै फल है ।
जीव एक चेतन आकास एक सर्वगत,
एक तीन धर्म औ अधर्म नभदल है ॥
मूरतीक एक पुदगल एक छेत्री व्योम,
नित्य चार जीव पुदगल विना सु लहै ।
हेत पांच जीवकौ है क्रिया जीव पुगलमै,
जुदे देस आन पच्छ भासतु विमल है ॥ ६ ॥
छह द्रव्यकी और प्रदेशोंकी संख्या ।

धर्म औ अधर्म एक दर्व देस असंख्यात,
व्योम एक है ताके परदेस अनंत है ।
काल असंख्यातके प्रदेस असंख्यात जुदे,
चेतन अनंत एकके असंख नंत है ॥
पुगल अनंतानंत दर्व तीन भाँति देस,
संख भी असंख भी अनंत भी महंत हैं ।
एही छहों दर्व लोक आगै और है अलोक
देत हैं त्रिकाल धोक जामै झलकंत हैं ॥ ७ ॥

३ अवधि ज्ञान । २ एक हालतको थोड़कर दूसरी हालतमें जानेवाले ।
३ यहुत प्रदेशवाले । ४ एक अर्थात् अखंड द्रव्य । ५ मिथ्या दर्शन अविरति
प्रमाद कथाय और योग ये वंच कारण हैं । ६ यह कवित्त शृष्टि ३४ में भी
आ चुका है ।

(७१)

निगोद जीवसंख्या ।
खंध हैं निगोद गोल लोकतैं असंख गुणे,
एक खंधे अंडर असंख लोक कहे हैं ।
एक एक अंडरमै आवास असंख लोक,
पुलवी आकासमै असंख लोक लहे हैं ॥
एक एक पुलवी असंख लोक हैं सरीर,
एक तन सिद्धसौं अनंत जीव गहे हैं ।
आठ थानमाहिं नाहिं भरे तीन लोकमाहिं
आप जान दया आन ग्याता सरदहे हैं ॥ ८ ॥
क्षेत्रका भेद, परमाणुसमप्रदेशसे योजनतक ।
अनंते परमानूकौ खंध सन्नासन्न नाम,
त्रटरैन त्रसरैन रथरैन सुने हैं ।
कुरुहरि हैमवत भर्त वाल लीख तिल,
जौ अंगुल वारै भेद आठ आठ गुने हैं ॥
अंगुल चौवीस हाथ चार हाथकौ है चाप,
चाप दो हजार कोस चौ जोजन मुने हैं
पंच सत गुना महा जोजनकौ पैँछकूप,
बंदत हैं ग्यान जिन संसै सब धुने हैं ॥ ९ ॥

१ लोकसे असंख्यात गुणे स्कंध होते हैं । २ एक एक स्कंधमें उससे असंख्यात लोकगुणे अंडर हैं इसीतरह सर्वत्र जानना । ३ पृथिवी, जल, तेज वायु, केवली, आहारक, देव और नारकियोंके शरीरमें निगोद नहीं रहते हैं ।
४ अनंत परमाणु समूहके स्कंधको सन्नासन कहते हैं (यद्यपि अनंते परमाणु, पुंजको अवसन्नासन और आठ अवसन्नासनको एक सन्नासन कहते हैं, तथापि यहां उसकी विविधा नहीं है) ५ सन्नासनसे आठगुना त्रटरैन । ६ कुरुक्षेत्रके जीवोंके वाल रथरैनसे आठ गुणे हैं, इसी प्रकार हरिक्षेत्रमें समझना ।
७ व्यवहारपत्यका गढ़ ।

(७२)

जंबूदीपसे शामोके द्वीपरात्रि फिरते २ गुणे हैं ।

जंबू एक लाख दो दो दोनौं और छोनोरुपि,
सब पांच सूची गुनी पचीस फलाइए ।
दीप एकली निकार चौधीस समुद्रधार,
जंबूसौं चौधीस गुणे उदधि घटाइए ॥
धातखंड चार चार सब सूची तेरहकी,
गुनौं सौ उनहत्तरि पचीस घटाइए ।
जंबूसेती एक सौ चवाल गुनौं धातखंड
आगैं दधि दीप यौं ही जिनवानी गाइए ॥ १० ॥
गोजनसे लेकर लोकाकाशतक क्षेत्रभोद ।

विवहारपल्ल रोम एक एक रोमनिपै,
असंख्यात कोट वर्ष समै रोम राखिए ।
यह पैल उद्धार कोराकोरी पचीसगुनौं,
एते दीप सागरकौं रौंजू अभिलाखिए ॥

१ लवण समुद्र । २ एक समुद्र या द्वीपके सिरेसे लेकर दूसरे सिरे तककी रेखाके प्रमाणको जो कि केन्द्रमें होकर जाती है सूची कहते हैं । इसप्रकार १ लाख जंबू द्वीप, दोनों तरफ दो दो लाख लवणसमुद्र सब मिलकर पांच लाख, इसको इसीको गुणनेसे पचीस हुए । इसमेंसे जंबूदीपकी एक लाखसूचीको घटानेपर जंबूदीपसे लवणसमुद्र चौधीस गुणा भया । इसीप्रकार लवणसमुद्रके दोनों तरफ चार चार धातकी खंड है, सब मिलकर १३ हुए । इसको इसीसे गुणनेसे १६९ हुए । इसमेंसे पचीस घटानेसे १४४ गुना जंबूदीपसे धातकी खंड भया । इसी प्रकार सर्वत्र जानना । ३ व्यवहार पत्यके प्रत्येक रोमके ऊपर असंख्यातकोट वर्षके समय प्रमाण रोम रखनेसे उद्धार पत्य होता है । ४ उद्धार पत्यसे पचीसगुने (अढाइ सागर प्रमाण) सब द्वीप समुद्र होते हैं । इतने प्रमाणहीको एक राजू कहते हैं ।

(७३)

सावराज ओकमेनी उमआयराज्ञिनी,
ओककी प्रवर ढोनीं गुणीं ओक आखिए ।
मेद खेतके अनेक मैनं कहा छोड़े पक्ष,
करिंक यिंक आप सांकरय आखिए ॥ ११ ॥
उपर्युक्त लक्षण उपर्युक्त व्याख्या ।
असंख्यात सर्वे पक्ष आयरी अस्त्रानी अस्त्री,
संख आयरी मिन्द्रेतं होत पक्ष व्याप्त है ।
मैतीसुसं तिहत्तरि व्याप्त पक्ष मुद्दरत,
तीस पक्ष दिन दिन तीस पक्ष मास है ॥
वारे मास वर्ष व्याप्त चतुर्थी पूर्वांग,
गुणाकर सौ पूर्व आर्गं भेद रास है ।
नक्ष्यर्गं अवस्थित गुनवान मारगना,
व्यानमैं प्रकास द्वयं देन्त्रो वट वास है ॥ १२ ॥
क्षात्रके वारे भेद आरु अल्पसंक्ष ।
चारि तीन दोर्यं पक्षं कोराकोरी द्वित्रि चौथा,
चीयालीस धार्ट दो वियालीस हजार है ।
तीन दोर्यं पक्षं पत्य आव कोर पूर्वकी,
चीसाँ सौं चीसं वर्षं नर त्रिजंच धार है ॥

१ सात राजू प्रमाण जगन्देशी होती है । २ उद्धारात् गुद्दाच लोक प्रदर्श होता है । ३ चौरासी लाखको चौरासी लाखसे गुणा उत्तेजे द्वृष्टम होता है । ४ प्रथम सुखमा दुखमा काल चार कोडाकोडी सागरका होता है । ५ दूसर्य सुखमा काल तीन कोडाकोडी नागरका । ६ तीसर्य सुखमा दुखमा दो कोड़-कोडी सागरका । ७ चौथा दुखमा सुखमी ४२००० वर्षकम पक्ष कोडाकोडी सागरका । ८ पांचवां दुखमाकाल २१ हजार वर्षका, इसी तरह छठा दुखमा दुखमा सी होता है । ९ चौथे आठमें उद्धार पक्ष एवं व्योद्ध व्योद्ध वर्षके होते हैं । १० पंचमें १२० वर्षकी । ११ छठमें चीस वर्षकी ।

(७४)

तीन दोय एक दिन बीतें लेत हैं अहार,
एक वार दोय वार वह वार कार हैं ।
अवसरिनी छह काल उत्सर्पिनी उलटी,
बीस कोराकोर भन्यौ प्रभुजी उद्धार है ॥ १३ ॥

पत्य सागर और निगोद ।

कूप रोम सौ सौ वर्ष विवहार पत्य बीज,
तातैं असंख्यातकौ उधार पत्य नाम है ।
यातैं असंख्यात गुणौ पत्य अद्वा उत्किष्ट,
दस कोरा कोरीकौ इक साँगर स्वाम है ॥

बीस कोरा कोरी दधि ताकौ एक कल्प नाम,
ता मध्य चौबीसी दोय तिनकौ प्रनाम है ।
निकलि निगोद दो हँजार-दधि इहां रहे,
पावै सिव नाहीं जावै वही सही ठाम है ॥ १४ ॥

भाव चेतना तीन प्रकार, पांचो ज्ञानके मूल भाव पांच, उत्तर भाव त्रेपन ।

भाव एक चेतनसौं तीन कँर्म फल ग्यान,
ग्यान एक पंच भेद भाषत मुनीस हैं ।

१ कल्पकाल । २ एक योजन (चारकोस) लंबे चौडे कूपमें एक दिनसे सात दिन तकके भेड़के बचेके जिनका कि कैचीसे दूसरा खंड न हो सके ऐसे भरे हुए बालोंमेंसे एक २ बालको सौ २ वर्षमें निकाले । जितने वर्षोंमें खाली होवे, उसे व्यवहार पत्य कहते हैं । ३ दश कोड़ा कोड़ी पत्यका सागर होता है । ४ सागर । ५ दो हँजार सागर । ६ आत्मगुण । ७ कर्मचेतना, कर्म-फलचेतना, ज्ञानचेतना (सम्यगदृष्टिके होनेवाली) ।

(७५)

मति तीनसै छतीस श्रुत ग्यान भेद बीसं,
अंग अंग-वाहज पूरव सौ चालीस हैं ॥
औधि तीन धैट भेद मर्नपरजै दो भेद
केवल अभेद पांच भाव सिद्ध ईस हैं ।
मूल पंच भावके तरेपन उत्तर भाव,
वंदत हों एक जहा सर्व भाव दीस हैं ॥ १५ ॥

त्रेपनभाव और चौदह गुणस्थान ।

मिथ्या गुनथान भाव, चौतीस वत्तीस दूजे,
तीजेमैं तर्तीस, चौथे छतीसं वखानिए ।

१ वहु, वहुविधि, क्षिप्र, अनिःसृत अनुक, श्रुत इनके उलटे एक, एकविधि, अक्षिप्र, निःसृत, उक्त, अभुव, इनको अवग्रह ईहा अवाय धारणसे गुण करनेसे ४८ हुए । इनको पांच इन्द्रिय छेष मनसे गुण करनेसे २८८ हुए । व्यञ्जनविग्रह चतुः और मनसे नहीं होता, इस लिये चार इन्द्रियोंसे गुणकरनेसे ४८ हुए । सब मतिज्ञानके भेद ३३६ हुए । २ पर्याय पर्यायसमास (सूक्ष्मनिगोद लघ्यपर्यायसक्का) अक्षर, अक्षरसमास, पद, पदसमास, संधात, संधातसमास, प्रतिपत्ति, प्रतिपत्ति-समास, अनुयोग, अनुयोगसमास, प्राभृतप्राभृत; प्राभृतप्राभृतसमास, प्राभृत, प्राभृतसमास, वस्तु, वस्तुसमास, पूर्व, पूर्वसमास, ये २० भेद श्रुतज्ञानके हैं । ३ अंगवाह्य । ४ देशावधि, परमावधि, सर्वावधि । ५ अनुग्रामिनी, अनुग्रामिनी, वर्धमान, हीयमान, अवस्थित, अनवस्थित । ६ ऋजुमति, विपुलमति । ७ कुमति, कुशुत, विभंगावधि, चक्षुर्दर्शन, अचक्षुर्दर्शन, दान, लाभ, भोग, उपभोग, वीर्य, पांच लघ्य, चार गति, चार कषाय, तीन लिङ्ग, मिथ्यादर्शन, अज्ञान, असंयत, असिद्ध, छै लेद्या, जीवत्व, भव्यत्व और अभव्यत्व ये चौतीस भाव मिथ्यात्व गुणस्थानमें हैं । ८ दूसरे गुणस्थानमें, मिथ्यादर्शन अभव्यत्व छोड़कर ३२ भाव होते हैं । ९ पिछले ३२में अवधिदर्शन और मिलानेसे ३३ होते हैं । १० तीन अज्ञानकी जगह तीन सम्यग्ज्ञान और औपशमिक क्षायोपशमिक क्षायिक सम्यकत्व मिलानेसे ३६ होते हैं ।

(७६)

पांच छठे साते, इक्तीस आठे अठाईस,
नौमें अठाईस दसे बाईस प्रमानिए ॥
ग्यारहे इक्कीस बारे बीसे तेरे चौदह,
चौदहमें तेरे सिद्धमाहिं पांच जानिए ।
सम्यक दरस ग्यान जीवत अनंत बल,
दर्व दिष्ट सासतो सुभाव आप मानिए ॥ १६ ॥

सामान्य विशेष २१ सभाव ।

असंत नासत नित्य अनित्य अनेक एक,
भव्य औ अभव्य भेद औ अभेद पर्म है ।
चेतन अचेतन अमूरत मूरत सुख
असुख विभाव एक परदेस पर्म है ॥
बहु परदेस उपचार दस ए विसेस
पहली तुकके ग्यारे ते समान पर्म हैं ।

२ नरक, देव गति और तीन अशुभ लेश्य पटानेसे तथा असुय-
तकी जगह संयत होनेसे ३१ होते हैं । इसी प्रकार छठे में सातवेंमें संयता-
संयतकी जगह क्षायोपशमिक चारित्र तथा तिर्थगतिकी जगह मनःपर्यय
ज्ञान जोड़नेसे ३१ होते हैं । २ शुभ आदिकी दो लेश्य क्षायोपशमिक सम्यक्त्व
पटानेसे २८ होते हैं । ३ आदिकी तीन व्याय तीन चेद पटानेसे २२ भाव होते हैं
४ सुख लोभकोविना २१ भाव होते हैं । ५ क्षीयशमिक सम्यक्त्व पटानेसे २० होते
हैं । ६ तीन दर्शन तीन ज्ञान पटानेसे १४ होते हैं । ७ एकलेश्य पटानेसे १३
भाव होते हैं । ८ अनंतज्ञान बीर्य दर्शन मुख जीवत्व ये पांच भाव सिद्धोंमें
हैं । ९ अतित्व नातित्व नित्यत्व अनित्यत्व अनेकत्व एकत्व भव्यत्व अभव्यत्व
भेद अभेद और परम (पारणामिक भावकी प्रधानतासे) ये द्रव्योंके ग्यारह सामान्य
सभाव हैं और चेतन अचेतन मूरत अमूरत शुद्ध अशुद्ध विभाव एकप्रदेश अनेक-
प्रदेश और उपचरित ये द्रव्योंके दश विशेष सभाव हैं ।

(७७)

जीवके इक्कीस पुदगल वीस धर्माधर्म
नभ सोलै काल 'पंद्रे जानै होत सर्म है ॥ १७ ॥

द्रव्य क्षेत्र काल अल्प बहुरुप राथा इनके राशोंके नाम रामवाग ।

अणूसौं अनंत काल समैसौं अनंत खेत,
नभसौं अनंतानंत भाव ग्यान मानिए ।

दर्वसौं समान धर्म दर्व औ अधर्म दर्व
खेतसौं समान पंच पैताला वस्तानिए ॥

कालसौं समान आव सागर तेतीस तहां
सर्वारथसिद्ध नर्के माघवी प्रवानिए ।

भावसौं समान ग्यानरूप है सरव जीव
एक आदि भेद वहु आगमते जानिए ॥ १८ ॥

पद द्रव्य नव तस्थके द्रव्य क्षेत्र कालभावका शुद्ध २ प्रमाण ।

दर्वकी प्रमान, जीव सिद्धसौं अनंत गुणा,
खेतकी प्रमान जीव लोकते अनंत है ।

कालकी प्रमान, जीव अनूसौं अनंत गुणा,
भाव नभसौं अनंतानंत ज्ञानवंत है ॥

पांच दर्व नव तत्त्व, इनके प्रमान चार,
पंचसंग्रे ग्रंथमाहिं, भाषो विरतंत है ।

इहां कहै भेद वहै विरता न कौन पढ़ै,

जाही ताही भांति आप जानै सोई संत हैं ॥ १९ ॥

१ चेतनस्यभाव मूरतस्यभाव अशुद्धस्यभाव विभावस्यभाव और उपचरितस्यभाव
ये पांच पटानेसे धर्मादि तीनमें सोलह रहते हैं । २ अनेक प्रदेश पटानेसे
कालमें पन्द्रह खभाव हैं । ३ गोमठसारका दूसरा नाम पंचसंपद भी है ।

(७८)

छहों द्रव्य लोकमें हैं ।

छहों दर्व भरे लोक, कोई कहै कक्ष नाहिं,
अहं शब्दसेती जीव जानियै प्रतच्छ है ।
पुगल प्रगट देह धन आदि दीसत हैं,
धर्मविना सिद्ध चले जाहिंगे कुपच्छ है ॥

अधरम दर्व विना थिरता सहाय कौन,
मास वर्ष बोद्धा नया, कालहीसौं लैच्छ है ।
व्योम विना रहैं कहां, सरधा मुकत मूल,
मोखपुरपंथी ताहि यह राह दच्छ है ॥ २० ॥

छहों द्रव्य क्षेत्र काल भाव उत्पाद व्यय ग्रौव्य स्वभाव विभाव ।

दर्व सत्तारूप आपखेते परदेस माप,
काल समै मरजादा, भाव मूल सत्त है ।
चार-मई आप तिहुं काल सर्व दर्व लसै,
गुन द्रव्य परजाय होत नास व्यक्त है ॥

चारौंके सुभाव ग्यात ग्रौव्य व्यय उत्पात,
सुभाव विभाव जीव जड़ सेतं रक्त है ।
पांचनिसौं कौन काज अपनौं विभाव त्याज,
कीजियै इलाज सुद्ध भाव बड़ी भक्ति है ॥ २१ ॥

१ आत्मामें अहं (मैं) ऐसा संसंवेदन प्रलक्ष होता है । २ पुराना । ३ देश जाता है । ४ धर्म धर्ममें अभेद विवक्षासे सत्त्वरूप पदार्थके देश ही स्वद्रव्य है । ५ आकाशमें स्थित अपने देशांश ही स्वक्षेत्र है । ६ निजगुणांश (ऊर्ध्वांश पर्याय) स्वकाल है । ७ निज ज्ञानादिगुण स्वभाव हैं । ८ स्वभावपरिणमन शुद्ध जीवस्वरूप है । ९ विभावपरिणमन पुदशलका भाग है । यहां केवल पुदशल पर्यायकी ही विवक्षा है । १० सफेद ।

शजमल जैन

(७९)

धी प वी टी

पटद्रव्यके दश सामान्य गुण और सोलह विशेष गुण ।

अस्त वस्त दरव अगुरु-लघु परमेय,
परदेस चेतन अचेतन अमूरती ।
मूरतीक समान दस हैं गुन दर्वनके,
जुदे जुदे आठ आठ भाषे बुध-पूरती ॥

ग्यान दर्स सुख बल वर्न रस गंध फास,
गंति थिति अवगाह वरतेना मूरती ।
चेतन अचेतन अमूरत विसेस सोलै,
दोके षट चौके तीन जानै आप सूरती ॥ २२ ॥

पटद्रव्य पंचास्तिकाय ।

जीव पुगल धरम अधरम व्योम पंच,
अस्तिकाय काल मिलैं पट द्रव्य कहिए ।

एक एक दरवमै अनंत अनंत गुन,
अनंत अनंत परजाय सक्ति लहिए ॥

ब्रह्मा करै विष्णु धरै ईस हरै कभी नाहिं,
तिहुं काल अविनासी स्वयं-सिद्ध गहिए ।

१ अस्तित्व, वस्तुत्व, द्रव्यत्व, अगुरुलघुत्व, प्रमेयत्व, प्रदेशत्व, चेतनत्व, अचेतनत्व, अमूरतत्व, और मूरतत्व दश गुण द्रव्योंके सामान्य हैं । २ चलनेमें सह-कारीपना । ३ रुक्नेमें सहायपना । ४ अन्यवस्तुको अपनेमें जगहका देना । ५ वस्तुके रूपान्तर करनेमें सहाय होना । ६ जीवके ज्ञान दर्शन सुख वीर्य चेतनत्व और अमूरतत्व ये छै विशेष गुण हैं । ७ जीवके स्वर्ण रस गंध वर्ण मूरतत्व और अचेतनत्व ये छै विशेष गुण हैं । ८ धर्ममें गतिहेतुत्व अमूरतत्व अचेतनत्व हैं । अधर्ममें स्थितिहेतुत्व अमूरतत्व अचेतनत्व है । आकाशमें अवगाहहेतुत्व अमूरतत्व अचेतनत्व है । कालमें वर्तनाहेतुत्व अमूरतत्व अचेतनत्व हैं ।

(८०)

सब भेद जानौ जड़ मिलेकौं जुदा ही मानौ,
आप आप-विषै देखै तातै दुःख दहिए ॥ २३ ॥

अन्त मंगल । कवित (३१ मात्रा)

दरव प्रछन्न काल कालानू, खेत प्रछन्न अलोक प्रदेस ।
भाव ग्यान केवल मिथ्याती, काल अतीत अनागत भेस ॥
दरव खेत अरु काल भाव सब, देखौ जानौ तुमहि जिनेस ।
हाथ जोरि बंदना करत हैं, हर मेरौ संसार कलेस ॥ २४ ॥
कवित वनाए सबनि सुनाए, मन आए गाए गुन ग्यान ।
चरचा कूप अनूपम वानी, हंस भूप चिद्रूप-निसान ॥
गोमटसार धार द्यानतनै, कारन जीव-तत्त्वसरधान ।
अच्छर अरथ अमिल जो देखौ, लेखौ सुज्ज छिमा उर आन ॥

इति द्रव्य चौबोल पच्चीसी ।



(८१)

व्यसनत्याग घोड़श ।

सर्वया तेहेसा (मत्तगयन्द) ।

पापकौं ताप कलेस असेस,
निसेसं यथा छिनमाहिं हरैं हैं ।
देव नमैं गन-मौलि दिधैं,
मनि नील मनौं औलि सेव करैं हैं ॥
नाम ही सांत करै जिनकौं,
तिनकौं जस इंद्र कहा उचरैं हैं ।
सांतिप्रभू जिन-रायके पैय-
पयोज भजै भवतै निकरैं हैं ॥ १ ॥

ग्यारह प्रतिमा । सर्वया इकतीसा ।
दंसनविसुद्ध वरै वारै ब्रतसौं न टरै,
सामायिक करै धरै पोसह विधानकै ।
सरब सचित्त टारि छाँरिकै निसा अहार,
सदा ब्रह्मचार धार निरारंभ ठानकै ॥
परिगह त्याग देत पापसीखसौं न हेत,
याके काज किया लेत ना भोजन दानकै ।
श्रावक ग्यारह पालैं पहलैं विसन टालैं,
एक हू न प्रतिमा है एक विस्तवानकै ॥ २ ॥

कवित (३१ मात्रा) ।
ग्यारै प्रतिमा भिन्न भिन्न सब, कहीं सातमैं अंगमङ्गार
ताके सरब भेद लखि कीनैं, आचारजौं श्रावकाचार ॥

१. चन्द्रमाके समान । २. भौंरा । ३. पाद-पयोज-चरणकमल । ४. प्रेषण-
प्रतिमा ।

ध. वि. ६

(८२)

अंग देखिके ग्रंथ येखिकै, जानौ सकल शृंही-व्योहार ।
संज्ञम नीव मनुष-भौ-सोभा, विसन त्याग-विधि कहूँ विचार ॥
सप्तव्यतनोंके नाम । अडिल छन्द ।

जूबा आमिष, मदिरा दाँरी छोरिए ।
आखेट्क चोरी, पर-तियहित तोरिए ॥
महा-सूर ए सात, विषम-दुख दैनकौं ।
सात नरकनैं भेजे, जग-जिय लैनकौं ॥ ४ ॥
जूबा व्यसन । कवित्त (३१ मात्रा) ।

अजसं-धाम सबविसनस्वाम, इक नरक गौरेंकौं सौनैं निहर
सकल-आपदा-नदी-सैर्ल यह, पाप विरछकौं वीज विचार ॥
धन सुभ धर्म सर्म सब खंडे, मंडे झूठ वचन-व्योहार ।
दूत भूत वस ऊत परै मति, परगट देख देख संसार ॥ ५ ॥

वर्णया इकतीसा ।

आरति अपार करै, मार सांचसौं विगार,
जस सुख दर्व पुन्य प्रभुता विनास है ।
जीतेकौं त्रिपति नाहिं हारे पै न गांठिमाहिं,
लेत है उधार देत महा दुःखरास है ॥
और कौन बात तातकौं न इतवाँर जात,
नारिकौं नहीं सुहात मात झूलन पास है ।
चौपड़ हूँ त्याग धर्मध्यान लाग बड़भाग,
आयु तौ तनक सोऊँ होत सदा नास है ॥ ६ ॥

१ वेश्यागमना । २ शिकार । ३ अक्षीर्तिका घर । ४ जानेके लिये । ५ ज़ीता,
जीतियाँ । ६ पर्वत । ७ विश्वास ।

(८३)

आमिष-व्यसन ।

यानी पांक गंदी देह लोकमाहिं कहै ऐह,
पाकसेती पाक गंधसेती गंध होत है ।
जलसेती मेवा नाज उत्तम सरव साज,
भैत-भयौ मांस कैसैं उत्तम उदोत है ॥
हिंसा विना वनै नाहिं करकै नरक जाहिं,
सहंज भयौ अनंत जीवकौ निगोत है ।
नाम लैनौ छूवनौ देखनौ नाहिं संतनिकौं,
अंगीकार कौन बात वँधै नीच गोत है ॥ ७ ॥

फिरत अनादि-काल एक एक जीवनिसौं,
तात मात सुत नारि नाते वहु भए हैं ।
एक जीव घात कियैं सब ही कुदुंब हत्यौ,
हिंसाके भावनिसौं निज हूँ मर गए हैं ॥

जोई जीव मरै सोई कोधकी लगनसेती,
मारै भव भव ताहि वैर-भाव छए हैं ।
जीतवता चाही जिनौं जीवौंकौं विराधे नाहिं,
भांति भांति पोष सुख आपनिकौं लए हैं ॥ ८ ॥

मदिरा-व्यसन ।

कवित्त (३१ मात्रा)

मदिरा पीय मातसौं कु-नैजर, महानिलज ताकौं कहि कोय ।
देखौ और राहमैं चाटै, स्वान पूतमुख मीठा होय ॥

१ पवित्र । २ अपवित्र । ३ प्राणीसे पैदा हुआ । ४ आप ही आप हुआ
अर्थात् खयं मरे हुए प्राणीका मांस । ५ दुरी नजर-कामवासना ।

(८४)

और लैन आयौ कहि हमकाँ, दीजै इसतैं अधिका होय ।
ऐसौ मद को गहै विचच्छन, भांग खाय नहिं उत्तम सोय ॥ १ ॥

वेश्या-व्यसन ।

मत्तगयन्द सर्वया ।

माँसकाँ खात सुहात सदा मंद, वात मृपां तन नीचनि भींटा ।
कीरत दाहक जीरत चाहक, दामकी गाहक ज्यों गुर-चींटा ॥
कूर सुभाव उपाव विना नर, अंवर छूवत लेत हैं लींटा ।
नर्कसखी लख आन मिलैं, गनिका कहैं जेम कुहारीकों वींटा ॥

शिकार-व्यसन ।

सर्वया इकतीसा ।

दर्व नाहिं हरै पर नरसौं न वात करै,
वेश्या मदकौ न काज जूवा नाहिं जानती ।
पंज ऐव सरै विना सदा दाँत धरै तिना,
पुरसौं दई निकास वनवास ठानती ॥
कछू नहीं पास भय-त्रास रच्छासौं निरास
सवकौ सहाय दिलीपति तोहि मानती ।
साहनिका साह पातसाह महंमदसाह
साहबसौं मृगी दीन बीनती बख्वानती ॥ ११ ॥

चोरी-व्यसन ।

भावौ कोइ दर्व हरौ भावौ कोइ प्रान हरौ,
दोऊ हैं समाने के इ मूढ़ यों कहत हैं ।

१ शराव । २ शठ । ३ छुआ हुआ । ४ मनमें संभोग चाहनेवाली । ५ जैसे
गुडपर चीटे आ लगते हैं । ६ यदि किसीने वेश्या का वश छू जाये, तो उसे
चींटा लेने पड़ते हैं—ज्ञान करना पड़ते हैं । ७ कुलहारीमें जो लकड़ी पोई
जाती है, उसे बीया या बेट कहते हैं । ८ चाहै ।

राजमल जेन

३५

(८५)

दर्व लैन काज प्रान दैन जात रनमाहि,
याकौ नाव जीतवसौं जीतव रहत हैं ॥
प्रान हरैं एक नास दर्वसौं कुटंव त्रास,
प्रानसेती दर्व-दुःख अति ही महत हैं ।
यातैं चोर भाव निरवार है द्यानतदार
सत्तकी पदवी सार सज्जन लहत हैं ॥ १२ ॥

परब्रीव्यसन ।

साधनिनैं त्रिया जात लखी सुता सुसौं मात
हीनसरक सरै छांड़ि व्याही एक वरी है ।
रावनकौं देखौं सव परनारि सेईं कव,
अवलौं अकीरति दसौं दिसामैं भरी है ॥
चोरी दोप जिहमाहि संतान रहत नाहिं,
हाकिमकौं दंड पंच फिटकार परी है ।
एते दुःख इहां आगैं पूतली नरक जहां,
कच्छ-लंपटी है कौन जाकी बुद्धि खरी है ॥ १३ ॥

सातों व्यसन ज्ञासे उत्पन्न होते हैं ?

* कंथां यह स्वामी ? नहीं सर्फरी गहन जाल
खेलत सिकार ? कभी मांस चाह भएतैं ।

१ द्यानतदार अर्थात् ईमानदार । २ पुत्री । ३ वहिन । ४ हीनशक्ति
होनेके कारण—ब्रह्मचर्यकी सामर्थ्य न होनेके कारण । ५ कथरी । ६ मछली
पकड़नेका जाल ।

* एक राजाको ज्ञासे खेलनेकी आदत पड़ गई थी । उसे छुड़ानेके लिए
उसका मंत्री साधूका वेप धरकर आया । साधूका जब राजा भक्त हो गया,
तब एक दिन राजाने उससे जो प्रश्न किये और उनके जो उत्तर पाये, वे सब
इस कवितमें वर्णित हैं ।

(८६)

मांस हृ भखत ? कभी दारुकी खुमारीमांहिं
सुरापान करो ? कभी वेश्या-धर गएते ॥
वेश्या हृ गमन ? परनारी जोपै मिलै नाहिं
परनारी भोगो ? कभी दाम चोर लपेते ।
चोरी हृ करत ? कभी जूदे माहिं हार होय
सचै गुन भरे नष्ट भाव परनपेते ॥ १४ ॥

एक एक व्यासनके भारक पुरुष ।

छप्पन ।

पंडपूत दुख दूत, भूप बक मांस दुखी भुव ।
जादौं मदजल छार, चारदत वेस्यावस हुव ॥
ब्रह्मदत्त कु सिकार धार, सिवभूत चोर विध ।
रावन तिय अविवेक, एक इक विसन गई रिध ॥
ए सात विसन दुखमूल जग, सात नरक करतार हैं ।
करि सात तत्त्व सरधान दस, लच्छन पार उतार हैं ॥ १५ ॥
सात विसन इक थूल, भूल परनामनिकेरी ।
जब जब चलै कुराह, वाहि तब फेरि सबेरी ॥
जथासकति ब्रत धरी, करौं नरभौं सफला इम ।
धन जोवनकौं चाव, आव चंचल चपला जिम ॥
यह विसनत्याग श्रावक कथा, निज परहित व्यानत कही ।
सुनि विसन राग दुखत्वानि है, मानहिंगे सज्जन सही ॥ १६ ॥

इति व्यसनत्याग षोडश ।

(८७)

सरधा चालीसी ।

दोहा ।

बंदौं हो परमात्मा, जगग्यायक जगभिन्न ।
दरपन सब परगट करै, होय न सवसौं चिन्न ॥ १ ॥

नास्तिक निन्दा ।

पट मत मानै ईसकाँ, जाप ध्यान तप दान ।
महा निंदमत नास्तिक, सदा पापकी खान ॥ २ ॥

नास्तिकके चार प्रश्न ।

कहै जीव नाहीं कहीं, पुन्य पाप नहिं दोय ।
मुरग नरक दोनाँ नहीं, करि फल लहै न कोय ॥ ३ ॥

चौपाई ।

नास्तिकप्रश्न—लोहमई इक मंदिर करौं,
छिद्र विना तामैं नर धरौ ।
ताकाँ काढो जब मरि जाय,
किहि मग जीव गयौं समझाय ॥ ४ ॥

उत्तर—ता मंदिरमैं राखो ढोल, ताहि वजावौं करौं किलोल ।
वाहर मुनियैं छेक न होय, तैसैं जीव दरब है लोय ॥ ५ ॥

प्रश्न—फिरि बोल्याँ-इक प्रानी लेय, ताकौं तौलौं ठीक करेय ।
मूए पीछैं तोलौं सोय, घटै नहीं जी कैसैं होय ॥ ६ ॥

उ०—मसक एकमैं भरिए वार्य, मुखकौं वाँधि तौल मन लाया ।
पाँन काढ़ि फिरि तौलि सुजान, घटै नहीं त्याँ चेतनमान

१-२ हवा ।

(८८)

प्रश्न—चोर! एक ले दो खँड करौ, सौ हजार लाखों विस्तरौ।

जुदे जुदे देखौ निरधार, दीसै नहीं कहीं जिय सार।

उत्तर—अरनैकी लकड़ी लै चीर, टूंक किरोर करौ किन धीर

विना धसै न अगनि परगास, त्यो आतम अनुभौ अभ्यास।

प्रश्न—भूजल अगन पवन नभ मेल, पांचौं भए चेतना खेल।

ज्यों गुड़ आदिकतैं मद होय, मद ज्यों चेतन थिर नहिं कोय।

दोहा ।

उत्तर—पांचौं जड़ ए आप हैं, जड़तैं जड़ ही होय।

गुड़ आदिकतैं मद भयौ, चेतन नाहीं सोय ॥११॥

भू जल पावक पौन नभ, जहां रसोई जान।

क्यों नहिं चेतन ऊपजै, यह मिथ्या-सरधान ॥१२॥

प्रश्न—जल बुद्बुदवत जीव है, उपजै और विलाय।

देह साथ जनमै मरै, जैसै तरवरछाय ॥१३॥

चौपाई ।

उत्तर—बालक मुखमै थनकौं लेय, दावै अचै दूध पिवेय।

जो अनादिकौं जीव न होय, सीखविना क्यों जानै सोय ॥१४॥

मरिकै भूत होय जे जीव, पिछली वातैं कहैं सदीव।

सिर चढ़ि बोलैं निज घर आय, तातैं हंस अमर ठहराय ॥१५॥

प्रश्न—पुन्य पाप भाषै जगमाहिं, पै काहूनै देखे नाहिं।

भिड़हाँ चाल चलै संसार, समझै कोई समझनिहार ॥१६॥

१ जंगलकी । २ जहां रसोई बनती है, वहां पांचों भूत एकत्र होते हैं।

३ भेड़चाल, जहां एक भेड़ जावे, वहां उसके पीछे सब जाती हैं।

(८९)

उत्तर—एक भूप मुख करै अनेक, पेट भरि सकै नाहीं एक।

परगट दीखै धोखा कौन, चार वरन छत्तीसौं पाँन ॥१७॥

प्रश्न—सुरग नरक नाहीं निरधार, जिन देखे सो कहौं पुकार।

खंजर वेग? कहैं सब लोग, लरकै डरपावैं हित जोग ॥१८॥

करिकै धरम सुरग गयो, कह्याँ न फिरि जिह आय।

भयों पापतैं नारकी, क्यों नहिं आयो भाय ॥ १९ ॥

चौपाई ।

उत्तर—पापी पकरयौ औगुनकार, पगवेरी गल संकल धार।

घेरैं रहैं निकास न होय, ल्यों आवै नहिं नारक कोय ॥२०॥

न्हाय सुगंध वसन सुम-माल, नेवज दीप धूप फल थाल।

पूजन चल्यों दिसाकौं जाय, तैसैं नहिं आवै सुरराय ॥२१॥

तुम निचिंत तप करौ न चीर, हम तप करैं धरैं मन धीर।

जौ परलोक न हम तुम सोय, है परलोक तुमैं दुख होय ॥२२॥

प्रश्न—खेती कीनी सुपनैमाहिं, पै काहूनै खाई नाहिं।

कोई काट कोई खाय, कोई हाथ धरैं मरि जाय ॥ २३॥

उत्तर—कोई काहूकौं दे दाम, ताहीपै मांगै अभिराम।

जोई खाय पेट ता भरै, जहर खाय है सोई मरै ॥ २४॥

दोहा ।

जो काहूकौं धन हरै, मारै काहू कोय।

जनम जनम सो ओधतैं, हरै प्रान धन दोय ॥२५॥

१ जातियाँ । २ यदि परलोक नहीं है तो हम तुम वरावर हैं, और यदि कहीं हुआ तो तुम्हें दुख भोगना पड़ेगा हम आनन्दसे रहेंगे ।

(९०)

चौपाई ।

जो तरु बोवै सो फल होय, नरतैं नर पसुतैं पसु होय ।
करै सुपावै बोवै लुनै, परगट बात लोग सब सुनै ॥ २६ ॥

दोहा ।

जीव धरम परलोक फल, चारौं हैं निरधार ।
तातैं सरवग सेइयै, वांछितफलदातार ॥ २७ ॥

चौपाई ।

मिथ्यातीकी शंका—सरवग कहा कहाँ है सोय,
देखो सुनो न हमनैं कोय ।
ऐसे मिथ्या वचन सुनेय, जैनी हित लखि उत्तर देय ॥ २८ ॥

समाधान—इस पिरथी इस कालमङ्घार,
न कहाँ तौ तुम वच सत सार ।
और लोक अरु कालमङ्घार, है सरवग सब जाननहार ॥ २९ ॥

शंका—तीन लोक तिहुं कालनि माहिं,
हम जानैं हैं सरवग नाहिं ।

समाधान—तुम जाने तिहुं जग तिहुं काल,
तुम ही सरवग दीनदयाल ॥ ३० ॥

दोहा ।

जब यह वचन प्रगट सुन्यौ, जान्यौ जिनमत सार ।
छांडि नासतिक निपुन नर, कर जोरे सिर धार ॥ ३१ ॥

अथ पंच मतवालोंके वचन ।

चौपाई ।

कोई कहै छहाँ मतमाहिं, निज निज किया करैं सिव जाहिं ।
जैसैं एक महल षट द्वार, छहाँ राह पहुचैं नर नारि ॥ ३२ ॥

(९१)

दोहा ।

उत्तर—कहै लाख नौंका वरु(?), सबको एक दुवार ।
बहुत भेद मतकल्पना, एक जैन सिवकार ॥ ३३ ॥

चौपाई ।

अंधे पांच खरे इक ठौर, आगैं गज इक आयौ दौर ।
एक एक अँग सबनैं गहा, सो सरधान जीवमै लहा ॥ ३४ ॥

सूंडि पकरि गज मूसल होय, छाँज कानतैं मानैं कोय ।
माना थंभ पकरि पग अंग, पेट पकरि चौंतरा अभंग ॥ ३५ ॥

पूँछ पकरि लाठी सरदहा, पाँचौनैं गजभेद न लहा ।
झगरैं लरैं करैं बहु रार, समझाए सब देखनहार ॥ ३६ ॥

उपदेश वर्णन ।

सरवग देव सुगुरु निरग्रंथ, दया धरम तीनौं सिवपंथ ।
पहली यह सरधा थिर करौ, पीछैं सकति देखि व्रत धरौ ॥ ३७ ॥

दोहा ।

अंतरतत्त्व सु आप लखि, बाहर दया निहार ।

दोनौं धरि करि हूजियै, सिव-वनिता-भरतार ॥ ३८ ॥

निकटभव्य जे पुरुष हैं, तिनकौं यह उपदेस ।

दीरघ-संसारी सुनैं, धारैं अधिक कलेस ॥ ३९ ॥

द्यानत जिनमत न्याय लखि, किए छंद चालीस ।

पढँ सुनैं तिनके हियैं, सरधा विस्वावीस ॥ ४० ॥

इति सरधाचालीसी ।

१ सूप । २ देखनेवाले सूजतेने ।

(९२)

अथ सुखवत्तीसी ।

दोहा ।

सिद्ध सरव बंदौं सदा, सुखसरूप चिद्रूप ।
जाकी उपमा देनकौं, वसत न तिहुँजगभूप ॥ १ ॥

सिद्धोंका सुखवर्णन ।
चौपाई ।

जो कोई नर औगुनधार, नख सिख बंध बँध्यौ निरधार ।
एक सिथिल कीनैं सुख होय, सब टूटैं ता सम नहिं कोय ॥ २ ॥
वाय पित्त तप कफ सिर-वाह, कोढ़ जलोदर दम अरु दाह ।
एक गए कछु साता गहै, सरव गए परमानंद लहै ॥ ३ ॥
एक सात्र जो पढ़े पुमान, कछु संदेह होय हैरान ।
ताकौं समझैं हरष अपार, क्यौं न सुखी सब जाननहार ॥ ४ ॥

दोहा ।

नरक गरभ जनमन मरन, अधिक अधिक दुख होय ।
जहाँ एक नहिं पाइयै, सुखिया कहियै सोय ॥ ५ ॥

नरकदुःख ।

तन दुख मन दुख खेत दुख, नारक असुर करंत ।
पांचौं दुख ये नरकमैं, नारक जीव सहंत ॥ ६ ॥

तिर्यंचदुःख ।

भूमि खोदि जल गरम करि, अगिनि दाह दुख जोय ।
पौन बीजना तरु कर्तैं, ब्रस निरोध दुख होय ॥ ७ ॥

चौपाई ।

छुधा तृष्णा करि पीड़ित रहै, गलमैं फाँस सीस तप सहै ।
मारखाय अरु भोल बिकाय, बिन विवेक पसुगति दुख दाय ॥

(९३)

खगं मृग मीन दीन अति जीव, मारै हिंसक भाव सर्दीव ।
तेहू मरै महा दुख पाय, भौ भौ वैर चल्यौ सँग जाय ॥ १ ॥

मनुष्यगतिदुःख ।

हीन होय अरु गर्भ विलाय, जनमत मरै ज्वान मर जाय ।
इष्ट वियोग अनिष्ट सँयोग, महादुखी नर व्यापै सोग ॥ २ ॥
मूतनि हगनि महा दुख वीर, द्रव्य उपावन गहर गँभीर ।
चाहदाहदुख कह्यौ न जाय, धन्न सिद्ध अविनासी काय ॥ ३ ॥

दोहा ।

रुखा भोजन करज सिर, और कलहिनी नार ।
चौथे मैले कापड़े, नरक निसानी चार ॥ ४ ॥
उद्दिम बिन अरु मांगना, वेटी चलनाचार ।
सब दुख जिनके मिट गए, तेई सुखी निहार ॥ ५ ॥

चौपाई ।

रस-लोह-अरु मांस वखान, मेद हाड़ अरु मज्जा जान ।
वीरज सात धात नहिं जहाँ, सुज्ज सरूप विराजं तहाँ ॥ ६ ॥

दोहा ।

कान आंख मुख नाक मल, मूत पुरीपै पसेवै ।
सातौं मल जाँके नहीं, सोई सुखिया देव ॥ ७ ॥

देवगतिदुःख ।

चौपाई ।

हीन होय पर-संपति देख, मरन वार दुख करै विसेव ।
देव मरै एकेद्वी होय, जनम मरन वसि ढौँडै सोय ॥ ८ ॥

१ पक्षी । ३ प्राखाना । ३ परीना ।

(९४)

चारचौं गतिमैं दुःख अपार, पांचपरावर्तन संसार ।
करम काटि जे सिव-पुर गए, तिनके सुख कौनै वरनए ॥१५॥
सिद्धस्वरूपवर्णन ।

दोहा ।

तीन लोकके सीसपै, ईस रहें निरधार ।
छहाँ दरस मानै सदा, एक अंग लखि सार ॥१६॥
चौपाई ।

सुर-नर-असुर-नाथ थुति करै, साध तपै सो पद मन धरै।
ध्यावै ब्रह्मा विष्णु महेस, विन जानै वहु करै कलेस ॥१७॥
जो जो दीसै दुख जगमाहिं, ताकौ एक अंस हू नाहिं ।
जा दुखकौं सुख जानै जीव, सरव करम तन भिन्न सदीव ॥१८॥
इह भव भै पर भव भै दोय, रोग मरन भै सबकौं होय ।
रच्छक नहीं चोर भै महा, अकस्मात जीतै सुख लहा ॥१९॥
देसभूप परभूप विगार, वहु वरसै वरसै न लगार ।
मूसे तोते टीड़ी वधैं, सात ईति विन सब सुख सधैं ॥२०॥
फरस दंतिै रस मीनै पतंग, रूप गंध झॅलि कान कुरंग ।
एक एक वस खोवै प्रान, पांचौं नहीं सुखी सो मान ॥२१॥
व्यापै क्रोध लराई करै, व्यापै काम नारि वस परै ।
व्यापै मोह गहै दुख भूर, जहाँ नहीं सो सुख भरपूर ॥२२॥
दोष अठारह जिनकै नाहिं, गुन अनंत प्रगटे निजमाहिं ।
अमर अजर अज आनँदकंद, ग्यायक लोकालोक सुछंद ॥२३॥
व्यापै भूख जलै सब अंग, व्यापै लोभ दाह सरवंग ।
तन दुरगंध महादुखवास, जहाँ नहीं सोई सुखरास ॥२४॥

१ इव्य क्षेत्र काल भाव भव । २ हाथी । ३ मछली । ४ मोरा । ५ हरिण ।

(९५)

दोहा ।

अमल अनाकुल अचल पद, अमन अवचन अकाय ।
ग्यानस्वरूप अमूरती, समाधान मन ध्याय ॥२७॥
चौपाई ।

नरक पसू दोन्यौं दुखरूप, वहु नर दुखी सुखी नरभूप ।
तातैं सुखी जुगलिए जान, तातैं सुखी फनेस वखान ॥२८॥
तातैं सुखी सुरगकौ ईस, अहमिंदर सुख अति निस दीस ।
सब तिहुँ काल अनंत फलाय, सो सुख एक समै सिवराय ॥२९॥

दोहा ।

परम जोति परगट जहाँ, ज्यौं जलमै जलबुंद ।
अविनासी परमातमा, निराकार निरदुंद ॥३०॥
सिद्धनिके सुख को कहै, जानै विरला कोय ।
हमसे मूरख पुरुषकौं, नाम महा सुख होय ॥३१॥
द्यानत नाम सदा जपै, सरधासौं मनमाहिं ।
सिववांछा वांछाविना, ताकौं भौदुख नाहिं ॥३२॥

इति सुखवत्तीसी ।



(९६)

विवेकचीर्ति ।

छन्द ।

जनम जरा नृति भरति, राग भैं दोष मोह भद्र ।
निंता विसै नींद, भूत तित्त तोग स्वेद गद ॥
खेद अवरे चूरि, इूरि धातिया भगाए ।
गुन अनंत भगवंत, छवालिस परगट गाए ।
देवाधिदेव अरहंत पद, सुरन्नर-पति पूजा करै ।
बंदों त्रिकाल तिहुं जोगताँ, विघ्नपुंज छिनमैं हरै ॥ १ ॥
इति प्रसंसा ।

कारतिकी रति नाहिं, मान कविता न करनको ।
न्यान गान गुदरान (?) जैन परवान धरनको ॥
आपद संपद सचै, कवै पुण्यलके माहीं ।
मैं निज सुद्ध विसुद्ध, सिद्ध सम दूजौ नाहीं ॥
इम आठ पहर जाकी दसा, गुसा खात हूँ न्यानलै ।
द्यानत सोई न्याता महा, कहा करै जमराज भै ॥ २ ॥
न्यानकूप चिद्रूप, भूप सिवरूप अनूपम ।
रिद्ध सिद्ध निज वृद्ध, सहज ससमृद्ध सिद्ध सम ॥
अमल अचल अविकल्प, अजल्प, अनल्प मुखाकर ।
सुद्ध बुद्ध अविरुद्ध, सुगुन-गन-मनि-रतनाकर ॥
चरपात-नास-धुव साव सत, सचा दरख सु एकही ।
द्यानत आनंद अनुभौ दसा, वात कहनकी है नहीं ॥ ३ ॥
क्रोध कर्मपै करै, मूलसेती इह भानाँ ।
मान महा परचंद, त्रिजगपति हों किह मानाँ ॥
कपट-स्वान परवान, स्वाद अनुभौ न वतावै ।

(९७)

लोभी दूजौ नाहिं, सुगुन धन दै न दित्तावै ॥
भैं करै चहुं-गति गसनकौ, दया विसन लीनौ पकर ।
तव करम जाहके हुकमतैं, चढ़यो मुकति गढ़ ग्वालियरा ॥ ४ ॥
तिय सुख देखनि अंध, भूक निश्चात भननकौं ।
वधिर दोष पर सुनन, लुंज पटकाय हननकैं ॥
पंगु कुतीरथ चलन, सुन्न हिय लोभ धरनकौं ।
आलसि विषयनिमाहिं, नाहिं बल पाप करनकौं ॥
यह अंगहीन किह कामकौ, करै कहा जग वैठकैं ।
द्यानत तातै आठौं पहर, रहै आप धर वैठकैं ॥ ५ ॥
होनहार सो होय, होय नहिं अनहोना नर ।
हरप सोक क्यों करै, देख सुख दुःख उड़कर ॥
हाथ कङ्क नहिं परै, भाव-संसार बढ़ावै ।
मोह करमकौं लियो, तहां सुख रंच न पावै ॥
यह चाल महा मूरखतर्नी, रोय रोय आपद सहै ।
न्यानी विभाव नामन नियुन, न्यानल्प लति सिव लहौ ॥ ६ ॥
अरचैं नित अरहंत, सुगुह्यदयंकज चरचैं ।
परचैं तत्त्वनिमाहिं; धरम कारज धन लरचैं ॥
पात्र दान नित दैहिं, लैहिं व्रत निरमल याहैं ।
छुधित त्रिपित जन पोख, मोखमारगमल दाहैं ॥
धरमी सज्जनसाँ हित धरैं, इन गृहस्य शुर्ति बुव करैं ।
जे मोह-जालमैं फँसि रहे, ते चहुंगति दुख-द्यो चरैं ॥ ७ ॥
तत्त्व दोष परकार, सु-पर भाष्यो जिन-स्वामी ।
पर अरहंत सरूप, पुन्यकारन जग नामी ॥
आप तत्त्व दो भेद, सहित विकल्प निरविकल्प ।
निरविकल्प निरवंव, वंव विकल्प ममता जव ॥

ब. वि. ३

(९८)

निजदरव भाव नोकर्मसौं, भिन्न सरूप विवेक है ।
 सरधान आन दुख दान सब, व्यानत अनुभौ टेक है ॥१॥
 निहचै अरु विवहार, ताल दो हाथन बाजै ।
 दरबतने परजाय, सौंठ गुड़ मारत भाजै (?) ॥
 उदै उद्यमी भाव, दोय कर मथ धी लहियै ।
 ग्यान क्रियासौं मोख, पंग अँध मिलि पथ गहियै ॥
 इमि स्यादवाद नै समझकै, तत्त्वज्ञान निहचै किया ।
 व्यानत सोई ग्याता पुरुष, बाहर मन अंतर दिया ॥२॥
 भोग रोगसे देखि, जोग उपयोग बढ़ायै ।
 आन भाव दुख दान, ग्यानकौ ध्यान लगायै ॥
 सकलप विकलप अलप, बहुत सब ही तजि दीनै ।
 आनँदकंद सुभाव, परम समतारस भीनै ॥
 व्यानत अनादि भ्रमवासना, नास कुविद्या मिट गई ।
 अंतर बाहर निरमल फटक, झटक दसा ऐसी भई ॥३॥
 पंचमेद धर्मवर्णन ।

एक दया उर धरौ, करौ हिंसा कछु नाहीं ।
 जति श्रावक आचरौ, मरौ मति अब्रतमाहीं ॥
 रतनत्रै अनुसरौ, हरौ मिथ्यात अँधेरा ।
 दसलच्छन गुन वरौ, तरौ दुख-नीर सवेरा ॥
 इक सुद्ध भाव जल घट भरौ, डरौ न सु-पर-विचारमै ।
 ए धर्म पंच पालौ नरौ, परौ न फिरि संसारमै ॥४॥

सज्जा साधु ।

सोई साँचौ साध, व्याध भै नाहीं जाकै ।
 सोई साँचौ साध, आध आपौ भौ भानै ॥

(९९)

सोई साँचौ साध, बाध लाहेकौं जानै ।
 सोई साँचौ साध, लाध आपौ भौ भानै ॥
 सोई जोगी भोगी नहीं, ताहीकी ल्यौ लाइए ।
 सोई ग्याता ध्याता वही, सोई साता पाइए ॥५॥
 छप्पय (सर्व लघु) ।

सदय हृदय नित रहत, कहत नहिं असत वचन मुख ।
 दत अनदत नहिं गहत, चहत नहिं छिन मनमथ-सुख ।
 सब परिगह परिहरत, करत थिर मन वच तन तिय ॥
 दुख सुख अरि मित जनम, मरन सम लखत हरख हिय ॥
 सहत सुवलधर परिसह सरव, दरव अमल पद मन धरत ।
 तजि थविरकलप जिनकलप तनि, धनि मुनिवर सिवतिय
 वरत ॥ १३ ॥

दयाविचार ।

अंगहीन धन भी न, लीन बहु रोग लोग हुव ।
 जीवभाव परभाव, चहै जीवन न मरन धुव ॥
 तीन लोककौ राज लेय, नवि देय प्रान छिन ।
 यह विचार मनमाहिं, राजकौं हरै मोह विन ॥
 ऐसे प्यारे निज प्रानकौ, दान समान सु दान नहिं ।
 तप सील भाव सब ही रहै, सुखसौं करुना ग्यान महिं ॥४॥
 सुरग राग ब्रत नाहिं, नरक अति दुखी भयंकर ।
 पसु विवेक नहिं रंच, मनुष तप विरत जयंकर ॥
 सो तैं नरभौ पाय, कियौ परमारथ कछु ना ।
 नाम तिहारौ बड़ौ, राय चेतन पर चछु ना ॥
 जिनधर्म रसायन पायकै, जिन अपना कारज किया ।
 सोधन्य पुरुष संसारमै, तिन ही नर-लाहा लिया ॥५॥

(१००)

वहिर भाव सब खोय, होय अंतर आत्म सम ।
परमात्म लख भ्रात, बात यह बड़ी अनूपम ॥
देव धरम गुरु जान, आन सरधान अकंपत ॥
पूजा दान विधान, करौ सफली घर संपत ॥
अरु बहुत बात कहियै कहा, ग्यान क्रियामै मन धरौ ।
तुझ बीती रीती आव सब, अबै समझि कारज करौ ॥१६॥
एक वृद्ध लहि सीप, अमल मुकताफल होई ।
एक वृद्ध गहि सर्प, महाविष उपजै सोई ॥
एक वृद्ध तरु कदलि, सुद्ध कर्पूर विराजै ।
ताते तए मङ्गार, तासकौ नाम न पाजै ॥
इम स्वाति वृद्ध वहु भेदसौं, संगति फल परवानियै ।
तिम सुगुरु वचन नर भेदसौं, भेद अनेक पिछानियै ॥१७॥
एक सौ सेंतालीस शुभाशुभाक्रियाओंका लाग ।

मन वच तनसौं एक, एक मन वच इक मन तन ।
इक वच तन इक वचन, एक मन जान एक तन ॥
जोगभेद ए सात, सात कृत कारित अनुमत ।
उनचास विध वरत,-मान सु अतीत अनागत ॥
इक सौ सेंतालिस सब क्रिया, पुन्य पाप ममता तजौ ।
निज परमानन्द समरस दंसा, आप आपमै नित भजौ ॥१८॥
कुकवि मुकवि वर्णन ।

कुमति रात तम नैन, प्रगट मारग नहिं पावै ।
कुकवि कुमूत रज डारि, अंध भौ-वन भरमावै ॥

१ केलेके वृक्षमें । २ पावै ।

(१०१)

सुकवि ग्यान रवि जोति, मुकतिकौ पंथ चलावै ।
भंविनि राह दिखलाय, आप सिव पदवी पावै ॥
जिम मोह मिटै वैराग वढ़, सो बानी उर लेखियै ।
धनि द्यानत तारन तरन जग, सुगुरु जिहाज विसेखियै ॥१९॥
अन्तमंगल ।
नमौं देव अरहंत, सिद्ध बंदौं जग ग्यायक ।
आचारज उवज्ञाय, साधु तीनौं सुखदायक ॥
पंच समान न आन, ध्यान तिनकौ करि लीजै ।
और उपाव न कोय, मनुष-भौ लाहो लीजै ॥
द्यानत विवेकवीसी सदा, पढ़ौ महागुनकार है ।
निज आनेंदमगन सदा रहौ, सब ग्रंथनकौ सार है ॥२०॥

इति विवेकवीसी ।



१ भव्य जीवोंको । २ पंच परमेश्वी ।

(१०२)

भक्ति-दशक ।

सर्वेया इकतीसा ।

रिपभ अजित संभौ अभिनंदन सुमति,
पदम सुपास चंदाप्रभु जिन गाईये ।
सुविधि सीतल श्रेयांस वासुपूज्य विमल,
अनंत धरम सांति कुंथु उर भाईये ॥
मलि मुनिसुवरत नमि नेमि पारसजी,
वर्धमान सुखदान हिये आन ध्याईये ।
आदि मेर दक्खिनके वर्तमान बीस कहे,
नाए सीस निस दीस रिद्धि सिद्धि पाईये ॥ १ ॥

आदिनाथ तीर्थकरके भवान्तर ।

जयवर्मा दिच्छावल विद्याधर महावल,
दूजे स्वर्ग ललितांग वज्रजंघ दानी जू ।
भोगभूमिमाहिं जाय सम्यक दरस पायौ,
सीधर ईसानमैं सुविधि भूप ध्यानी जू ॥
सोलहैं सुरग इंद्र वज्रनाभि चक्री भए,
सर्वारथसिद्धि वसे आदिनाथ ग्यानी जू ।
वसे मोखदेस जाय द्वादस अवस्था पाय,
गावै मनवचकाय द्यानत कहानी जू ॥ २ ॥
गरभ जनम तप ग्यान निरवान भोग,
लोग कहैं महाजोग धारयौ वन जाय जी ।
वादी सिच्छ विक्रिया अवधि सुत मनपर्जे,
केवली गनेस धरे को तज्जौ वताय जी ॥

(१०३)

चामकी अपावन महा दुर्गधं नारि छारि,
मोख नारि कंठ लाई सीलवान राय जी ।
द्यानत चरित्र तेरे हमकौं पवित्र करौ,
बड़ेई विचित्र 'राग विनांल्यो बुलाय जी ॥ ३ ॥
चोरीकौं अधोरी थोरी वारमैं दया द्याल,
कियौं है निरंजन तैं अंजनके नामतैं ।
पांडीसे जुवारी अविचारी राजरिद्धि हारी,
किरपा तिहारी सिव धारी भव धामतैं ॥
कीचक सौ नीच चाही द्रौपदी सती जीवीच,
सौज तौ लियौ नगीच धोय कीच कामतैं ।
द्यानत अचंभ कहा तपसौं बैकुंठ लहा,
अधम उधारन हौं स्वामी जी प्रनामतैं ॥ ४ ॥

धरममैं अलसानौ खान पानकौं सयानौ,
कहालौं वखानौं सब जानौ वात हमरी ।
चाहत हौं मोप वरयौं दोपनिकै कोष पोष,
कोटीधुज भयौ चाहौं गांठमैं न दमरी ॥
दया भक्ति नई कई (?) पामरी तिहारी दई,
धरमैं है उठौ नाहिं डारि लोभ कमरी ।
द्यानत कहाऊं दास यह तौ बड़ौ लिवास,
कीजियै उदास नास जाय आस चैमरी ॥ ५ ॥
बड़े धनवान इंद्र धरनिंद चक्रवर्ति,
जेऊ जाहि जाचैं ऐसे साहव हमारे हैं ।

१ अंजन चोर । २ पाण्डव । ३ मनमैं । ४ समीप । ५ चमारेन नीच ।

(१०४)

फरसतें न्यारे रस न्यारे रूप गंध न्यारे,
सबदतें न्यारे पै सब जाननहारे हैं ॥
जैसा कोई भाव धरै तैसा सोई फल वरै,
आरसी सुभाव रागदोपसेती न्यारे हैं ।
पास कछु राखें नाहिं दाता मनवांछितके,
ऐसे देव जानें जिन पाँतिग विदारे हैं ॥ ६ ॥

सब सुख लायक सरव गेय ग्यायक,
सकल लोकनायक हौं धायक करनके ।
मैन फैन नासत हौं नैन ऐन भासत हौं,
वैन हुं प्रकासत हौं पापके हरनके ॥
कर्म भर्म चूरत हौं पर्म धर्म पूरत हौं,
हुनर वतावत हौं भौं-जल तरनके ।
द्यानतके ठाकुर हौं दासपै कृपा कर हौं,
हर हौं हमारे दुख जनम मरनके ॥ ७ ॥
देखौं जिनराज जिन राजकौं गुमान देखौं,
मान देखौं देव मान मान पाईयत हैं ।
जपके कियैतें जप तपकौं निधान होत,
ध्यानके कियैतें आन ध्यान ध्याईयत है ॥
नामके लियैतें पर नामकी न रहै चाह,
चाहके कियैतें चाह दाह धाईयत है ।
ऐसे जिन साहबके द्यानत मुसाहब,
भए हैं पद पूज दूज चंद गाईयत है ॥ ८ ॥

१ पातक पाप । २ इन्द्रिय विषय ।

(१०५)

अर्ह अरहंत अरिहंत भगवंत संत,
ब्रह्मा विष्णु सिव जिन वीतराग बुद्ध हौं ।
दाता देव देवदेव परब्रह्म सुरसेव,
मुनीस रिसीस ईस जगदीस सुद्ध हौं ॥
अनादि अनंत सार सरवग्य निराकार,
जित-मार निराधार साहब विसुद्ध हौं ।
भगवान गुनखान जती व्रती धनी नाथ,
राजा महाराजा आप द्यानत सुबुद्ध हौं ॥ ९ ॥
ग्रंथ हैं अपार सब केतक पढ़ेगा कव,
जामैं ना परेंगी सुधि तामैं पचि मरि है ।
दान जोग लच्छ लच्छ कोरि जोरि पापनितैं,
तिनहीकी थापनितैं दुर्गतिमैं परि है ॥
संजम अराध तीनौं जोग साध पुन्य महा,
चित्तके चलायैं घट दुःकृतसौं भरि है ।
द्यानत जो पूछै मोहि प्रानी सावधान होय,
वीतराग नाव तोहि वीतराग करि है ॥ १० ॥
आवके वरस धनै ताके दिन कई गनै,
दिनमैं अनेक स्वास स्वासमाहिं आवली ।
ताके वहु समै धार तामैं दोप हैं अपार,
जीव भावके विकार जे जे वात वावली ॥
ताकौं दंड अव कहा लैन जोग सक्ति महा,
हौं तौं बलहीन जरा आवति उतावली ।
द्यानत प्रनाम करै चित्तमाहिं प्रीत धरै,
नासियै दया प्रकास दासकी भवावली ॥ ११ ॥

इति भक्तिदशक ।

(१०६)

धर्मरहस्यवाचनी ।

मंगलाचरण । सैवया वेदर्णा (मत्तगयन्द) ।

पंचनिर्म कहिये परमेसुर, पंच हु अच्छर नाम दियेतैँ ।
 'अंतम'कार सर्व सिर ऊपर, पंचनिर्त उतपत्ति कियेतैँ ॥
 लोक अलोक त्रिकालम नाहिं, कोई तिनकी सम देख हियेतैँ ।
 आठहि रिद्धि नवाँ निधि सिद्धिकाँ, व्यानत पाइये गाय लियेतैँ ।
 भाँ-अरि हंत भए अरिहंत, जपै नित संतनिके दुख-त्राता ।
 सिद्धि भई निज रिद्धिकी सिद्धिकाँ, नाम गहै लहै सेवक साता ।
 साधत मोखकाँ तीनहु साथ मैं, साध अराधमै व्यानत राता ।
 ए पद इष्ट महा उतकिष्ट सु, मंगल मिष्ट सुदिष्टके दाता ॥२॥
 जा पदमैं सब केवली व्यानत, जानत सो अरहंत हियेतैँ ।
 जा पद सुज्ज सर्व जिय रिद्धिकाँ, पाइये सिद्धिकाँ नाम लियेतैँ ॥
 जी गुण थानक सातके वंदिय, सूरि गुरु मुनि जाप दियेतैँ ।
 घोर उदंगल संचक वंचक, पंचक मंगलचार कियेतैँ ॥३॥

अरहंतस्तुति ।

गर्भ छमास अगाऊ रखे पुर, जन्म सुरासुर मेरु नहुलावै ।
 देव रिसीस विरांगि करै थुति, व्यानविभौ हम कौन वतावै ॥
 आपनि जातकी वात कहा सिव, वातनिर्त परकाँ पहुंचावै ।
 पंचकल्यानक थानक व्यानत, जानत क्याँ न महा सुख पावै ॥४
 केवलग्यान अखेंदगवान, महासुखखान सुवीरज पूरा ।
 व्यानत इंद नरिं फर्निदनि, वंदित धाति किये चकचूरा ॥
 चौतिस आठ नमौं गुन पाठ, दुवादस कोठनिकौ हित पूरा ।
 भाँ-अरिहंत सु मो अरिहंतहु, नाम जपौं तुमठाम हजूरा ॥५॥

१ आचार्य, उपाध्याय, मर्यासाधु ।

(१०७)

मानुपतैं थुति देव करै वहु, देवनिर्त अति इंद्र वखानै ।
 इंद्रनिर्त मृतकेवलि भासत, केवलिर्त गनजी अधिकानै ॥
 ताहौपे ओर न पुब्व किरोरन, काल गये हम कौन समानै ।
 व्यानत पाय परै सिर नाय, विसेस वताय कहा हम जानै ॥६॥

आदिनाथस्तुति ।

आदि नरेसुर आदि मुनीसुर, आदि जिनेसुर आदिवतारी ।
 सागर कोर किरोर अठारह, आरज रीति कुरीति निवारी ॥
 स्वर्ग विलासकै मोख निवासकै, राह चलाय कुराह विदारी ।
 व्यानत देव पसूनर को कहि, नारककौ सुखकारक भारी ॥७॥

चंद्रभस्तुति ।

पावन वावन चंदन मोहके, द्रोहकी दाह हरै न हरै तू ।
 ताप लियै रविरूप उजासक, सांत अरूप प्रकास करै तू ॥
 व्यानत चंद असंखतैं जोति, अनंत गुनी प्रभु चंद धरै तू ।
 अञ्जुत राग विरागि कहावत, रागनिके घर रिद्धि भरै तू ॥८॥

शान्तिनाथस्तुति ।

सांति जिनेस निसेस दिनेसर्तैं, तेज विसेस सुरेस न बोलै ।
 कामपदी वर चक्र-विभौधर, आपनि रिद्धि कहै किहतैलै ॥
 चंदत चर्न निकंदत मर्न सु, वर्न दुई भव-वंधन खोलै ।
 व्यानत हाथ गहै किन नाथ, रहै तुम साथ नहीं भव डोलै ॥९॥

नेमिनाथस्तुति ।

नेमकुमारसौं पेम किए विन, केम कहै सुख हे मन पावै ।
 आनंद-लायक भौ-गद-धायक, स्यौ-पद-दायक ताहि न ध्यावै ।
 तीरथ दूरि अनेकनि धावत, गावत जीभ कहा घसि जावै ।
 व्यानत आप समान करै तोहि, चाहत और कहा सु वतावै ॥१०॥

(१०८)

पार्श्वतामसुति ।

पारसकों भजि आरसकों तजि, जा रसका रसता रस पाए ।
कार सजाय सु आरस पाथ, सुधारस काथ-जरा जरि जाए ॥
पारस पास कुपात विनास, सुधात प्रकास घरी न लगाए ।
नागिनि नाग किए धड़ भाग सु, चानत और न चौन गिनाए ॥
महानीरसुति ।

बीर महा महावीर जिनेसुर, गोतम भान-धनेसुर नाए ।
चालक चालमैं सील धरेसुर, चंदना देखत धंध सुलाए ॥
मैंडक हीन किए अमरेसुर, दान सबै मन-यांछित पाए ।
चानत आज लौं ताहीकौ मारग, सागर है सुख होत रवाए ॥
तिदसुति ।

सिद्धकीरिद्धि प्रसिद्ध कहा कहुं, सूच्छम औपहु ग्यानी न जानै
लोक अलोक त्रिकाल समाय, गए किम थूलको मान प्रयानै ॥
बैन न आवत बुद्धि न पावत, चित्तमैं प्रीतिसौं नाम हू जानै ।
ग्यानत ठानत जा पदकौं तप, सो पद आप ही दै भगवानै ॥१३
आनार्थसुति ।

पंच अचार विना अतिचार, करावनहार सु पांच हु धारी ।
चारि हु ग्यान दुआदस बान, रचै परवान लहैं रिधि भारी ।
बैकुल सुद्ध करै प्रतिबुद्ध सु, चानत भव्यनके उपकारी ।
तास अचारजके पद-वारज, मंगल-कारज धोक हमारी ॥१४
उपाध्यायसुति ।

ग्यारह अंग सु चौदह पूरव, आप पढ़ैं सु पढ़ैं सब, यातैं ।
जीव अपार परे भवधार, निहार विचार द्यामय बातैं ॥
आतम ग्यान सहैं दुख जान, करै थुति ग्यान सुबुद्ध कहातैं ।
चानत ते उबझायनि पायनि, गायनिके गुन गाय हियातैं ॥१५

(१०९)

पर्वताध्यायसुति ।

शीतम-गोग नज्जी पहि जीग, गैंजोग वियोग गगान निहारै ।
चंदन लावत गर्हि कलावत, गुण चढ़ावत लगि प्रहारै ॥
देहगों गिरावचैं निज निज, न विज्ञ परीगहर्मि तुम भरै ।
चानत गाप गमापि शापिक, गोह निवारिके जीति विषारै ।
भू जल पावक वृच्छ गर्हि रवि, गोष गर्म गुग आवृह गरै ।
शीत गर्वित शीपा गुप्ता, पावग वृच्छतर्हि निग दरै ।
पञ्च परि नहिं ग्यान दरै, गिर-वाहक चाहवी दूह विदरै ।
ग्यानत गाप गमापि शापिक, गोह निवारिके जीति विषारै ।
शावकरुति ।

देवग गुज गहैं प्रत मुज, विगज गमापिकरी विधि दाईं ।
पोसह ठान रानित गमान, तर्हि निगि भान गु धील गैंगाईं ॥
आईग छंड परिगह छंडग, पापायी वात कहैं न तिकाईं ।
ग्यानत भोजन लेहि उष्णइ, इकादश भूमि गरायक चाईं ॥१६
जाट धरैं गुनमूल दुआदस, गृह गहैं तप द्वादस माईं ।
चारि हु दान गिरैं जल छान, न राति भर्यैं ममता-रस दरैं ॥
ग्यारह भेद लहैं प्रतिगा सुभ, दर्गन ग्यान चरिता अराईं ।
ग्यानत व्रेपन भेद प्रिया यह, पालत टालत कर्म-उपाईं ॥१७

जिनवाणीध्यायसुति ।

देव गुरु सुभ धर्मकौं जानियै, सम्यक आनियै मोखनिसानी ।
सिद्धनियैं पहलैं जिन मानियै, पाठ पढ़ैं दूजियै छुतग्यानी ॥
सूरज दीपक मानक चंद्रतौं, जाय न जो तम सो तम हानी ।
ग्यानत मोहि कृपाकर दो वर, दो कर जोरि नमैं जिनवानी ॥

(११०)

ईप्सदाद(१) न धात्र भावा जड़, काष्ठ-कला कवि सीरा परी ।
विश्व भसता विरक किए तिन, देख विसेख मिथा परसरी है ॥
रूप बड़े सुनि ताप छू तिन, धान शरी उधरी न घरी है ॥
धानत धात कहा यह मात, किमा तुमरैं सिव नारि घरी है ॥

प्रतिमा-गाहारण ।
वैद्यु श्रीगरहस्यके विष्कौं, धात पखानके भव्य घनाए ।
वैत विना सिव राह घतायत, आसन ध्यान अनोपम गाए ॥
धानत आन सिंगार न सोहत, गोहत तीन हु लोक सदाए ॥
पूजन गायन ध्यायन को कहि, देखत ही पद वांछित पाए ॥२२
केवलग्यानि इहाँ न सुखेतमै, सिज्ज प्रसिज्ज न आँखिन पेखै ।
सूरि गुरु महावीर मनै किय, साध नजीक न जाय विसेखै ॥
बाति विसुज्ज लसै न धसै बुध, धानत सीख यही उर लेखै ।
पञ्च-निकारक भौजल तारक, प्रात उठें प्रतिमा मुख देखै ॥२३
पूर्णमस्तुति ।

इंद्र फानिंद नरिंदतैं कामतैं, रूप अनुप कष्टौ नहिं जाई ।
शीपक मानिक चंदकी सूरकी, जोतितैं देहकी जोति सवाई ॥
चंदतैं चंदनहूतैं कपूरतैं, पालतैं सीतल धानि बताई ।
धानत एगुनकौ नहिं पार सु, केवलग्यानिकी कौन वड़ाई ॥२४
रंचक राग नहीं जिनरायकै, सर्व परिग्रह त्याग दिया है ।
दोष कहा कहियै बिन कारन, आयुध एक न संग लिया है ॥
साम्यतया निज ध्यान भया सब, कर्म विनास प्रकास किया है ।
आनन्दकंद महा सुख साहब, धानत नैं तकि याद किया है ॥२५
ज्ञान ।

पौवनिसौं कछु पावनौं नाहिं है, याहीतैं आवन जान तजा है ।
हाथनिसौं करना कछु काम न, लंबै किए कर आप भजा है ॥

(१११)

आखिनसौं सध देखि लियाँ प्रभु, नाक अनी लव ध्यान सजा है
कानचिसौं सुननाँ न लियाँ घन, वांधि निराकुल ध्यान धजा है
धावांछकदशा ।

लोगनिसौं मिलनौं हमकौं दुख, साहनिसौं मिलनौं दुख भारी ।
भूपतिसौं मिलनौं मरनै सम, एक दसा मोहि लागत ध्यारी ॥
ध्याहकी दाह जलैं जिय मूरख, वे-परवाह महा सुखकारी ।
धानत याहीतैं ग्यानी अबंछक, कर्मकी चाल सबै जिन टारी

गहावीर गग्यानगी धन्दनाके लिए धेणिकका गमन ।

ध्यान प्रधान लहा महावीरनै, सेनिक आनन्द भेरि दिवाई ।
मत्त मतंग तुरंग बड़े रथ, धानत सोभत इंद्र सवाई ॥
वांभन छत्रिय वैस जु सूद, सु कामिनि भीर घटा उमडाई ।
कान परीन सुनै कोऊ धान सु, धूरके पूर कला रवि छाई ॥२८
आदिनाथगी धानावस्था ।

भ्रीपम काल जलैं भुवि जाल, खरे गिरि सीस सिलापर स्वामी ।
ईधन कर्म उदासकी पौनतैं, ध्यानकी आगि जलैं अभिरामी ॥
ता निकलौं कन जाम उभै दिन, सीस दिपै छविसौं रवि नामी ।
आदि जिनेसुर हौं परमेसुर, वंदत पायँ कराँ सिवगामी ॥२९

नार प्रकारके गुणा ।

धानत उत्तम आतम चिंत, करैं न डरैं जमराज बलीतैं ।
मध्यम पूजन दान करैं, निकरैं दुरगीत (?) अँधेर गलीतैं ॥

—कायोरसगार्गताङ्गो जगति जिनपतिनीभिसूर्महामा,
मध्याह्ने यस्य भास्यानुपरि परिगतो राजते सोम्प्रसूर्मिः ।
चक्रे कर्मन्धनानां अतियहुदहतो दूरमौदास्यवात्—
स्फूर्जस्यानवह्नेरिष रुचिरतरः प्रोद्गतो विस्फुलिङ्गः ॥
—पश्चननिदपश्चविदतिका ।

अद्भुत जी रुजगार बखानत, भानत पेटमैं आगि वलीतै ।
अद्भुत अद्भुत पाप उपार्जत, गाज उठै मुख वात चलीतै ॥३०॥
भावनाचतुर्क ।

धावर जंगम जीव सबै, समता धरि आप समान बखानै ।
दर्सन ग्यान चरित्त गुनाधिक, देख विसेख विनै अतिठानै ॥
भूख त्रपादि महा दुखवंतनि, संत भयौ करुना मन आनै ।
साम्यदसा विपरीतनसौं बुध, द्यानत चार विचच्छन जानै
ज्ञाताको उपदेश ।

मैल भरयौ दुरगंध महाजल, गंग सुगंग प्रसंग हुएतै ।
काठ अपार निहारि भयौ दब, लागत नैकसी आग फुएतै ॥
द्यानत क्यौं नहिं देखहु वारिधि, वारिदकौ जल वृँद चुएतै ।
आतमतै परमात्म होत है, वाती उदोत है दीप बुएतै ॥३२॥
जाहीकौं ध्यावत ध्यान लगावत, पावत हैं रिसि पर्म पदीकौं ।
जा थुति इंद फनिंद नरिंद, गनेस करै सब छांडि मदीकौं ॥
जाहीकौं वेद पुरान वतावत, धारि हरै जमराज वदीकौं ।
द्यानत सो घट माहिं लखौं नित, त्याग अनेक विकल्प नदीकौं

ज्ञातादशा ।

धातनके घर नीव महा वर, सोच नहीं छिनमैं ढहिजातै ।
पुत्र पवित्र सु मित्र विचित्र न, चित्र जहां लखिए जम खातै ॥
द्यानत इंद फनिंद नरिंदकी, संपत कंपत काल-कलातै ।
हानन दीननकै सुख कौन, प्रवीन कहा विषयारस रातै ? ॥३४॥

—सत्त्वेषु मैत्री गुणिषु प्रमोदं क्षिष्ठेषु जीवेषु कृपापरत्वम् ।
माध्यस्थ्यभावं विपरीतवृत्तौ सदा ममात्मा विदधातु देव ॥
—अमितगतिसूरि ।

वात कहैं न गैं हट रंचक, वाद विवाद मिटै सब यातै ।
कान सुनैं वहु बान मुनैं लह, हंस सुभाव सुकारज रातै ॥
बोलत डोलत पापनि छोलत, खोलत मोख किवार धकातै ।
द्यानत संतनकी यह रीत, दया रस पीत अनीतनि यातै ॥३५॥

मूढदशा ।

पापकी वातनि प्रातकी प्रातलौं, जापकी वात न एक धरी हू ।
खानकौं आप सु वाप सुता सुत, दानके भाव न नैक लरी हू ॥
भौन चुनावनकौं गहना धरि, जैनके भौन न ईंट परी हू ।
ता पर चाहत हौं सुख द्यानत, जानत मोहिन मौति मरी हू ॥
भूख गई घटि, कूख गई लटि, सूख गई कटि, खाट पख्यौ है ।
वैन चलाचल नैन टलावल, चैन नहीं पल, व्याधि भस्यौ है ॥
अंग उपंग थके सरवंग, प्रसंग किए जन नाक सख्यौ है ।
द्यानत मोहचरित्र विचित्र, गई सब सोभ न लोभ टख्यौ है ॥
बालक बालखियालिनि ख्याल, जुवानि त्रियान गुमान भुलानै
मे घरबार सबै परिवार, सरीर सिंगार निहार फुलानै ॥
वृद्ध भए तन वृद्धि गए खसि, सिद्धत काम न खाट तुलानै (?) ।
द्यानत काय अमोलक पाय, न मोख दुवार किवार खुलानै ॥
प्रात उठै सुमथैं विकथा रस, कै जल छान तमाखु भरावै ।
रात ही जात तगाद उगाहनि, भोजन त्यार भए हिंग खावै ॥
सोच करै रुजगारके कारन, काम कहा किहके घर जावै ।
संकट चूरत मंगल मूरत, द्यानत पारसनाथ न गावै ॥३९॥
जामहिं खाध किधौं विटिता, सठ ता रुजगार लगोई रहै है ।
जामहिं नित्त नफा सब जानत, ताहि लग्यौ यह नाहिं कहै है ॥
स्वारथ देस विदेस भमै धन, कर्मवसात लहै न लहै है ।
द्यानत आतम स्वारथ है ढिग, आलस त्याग करौ न चहै है ॥४०॥

घ. वि. ८

(११४)

हाट बनायकै बाट लगायकै, टाट विछायकै उद्यम कीना ।
लैनकौं बाढ़ सु दैनकौं घाट, सुबाँटनि फेरि ठगे बहु दीना ॥
ताहमैं दानकौं भाव न रंचक, पाथरकी कहुँ नाव तरी ना ।
द्यानत याहीतैं नर्कमैं वेदनि, कोर किरोरन ओर सही ना ॥४६
खानकौं आतर ध्यानकौं कातर, मान महातर-डार चहेंहैं ।
दैनकौं आरस लैन महा रस, वैन कहा रस रीति गहेंहैं ॥
काम अनाहक दामके गाहक, राम अचाहक चाह महेंहैं ।
द्यानत या कलिकालके पंडित, ग्यान नहीं उर, पाठ पहेंहैं ॥४७
उपदेश ।

क्रोध फसे गति नर्क वसे दुख,-नाग डसे फिर कोप कला रे ।
माया लए तिरजंच गए बहु, कष्ट सए फिर माया वला रे ॥
द्यानत कामके भावनि भाव, निवाह न होय कुलोभ जला रे ।
त्यागि कषाय छिमा सुखदाय, सुनाय कहुँ अव दाव भलारे ॥४८
नर्कनिमाहिं कहे नहिं जाहिं, सहे दुख जे जब जानत नाहीं ।
गर्भमझार कलेस अपार, तलैं सिर था तब जानत नाहीं ॥
धूलके बीचमैं कीच नगीचमैं, नीच क्रिया सब जानत नाहीं ।
द्यानत दाव उपाव करौ जम, आवहिंगौ अव जानत नाहीं ॥४९
उद्यम ।

अंचर डार अडंचर टार, दिंगंचर धार सु संचर कीना ।
मंगल आस उदंगल नास, सु जंगल वास सुधातम भीना ॥
कोह निवारिकै लोह विडारिकै, मोह विदारिकै आपप्रवीना ।
कर्मकौं भेदिकै पर्मकौं वेदिकै, द्यानत मोखविषैं चित दीना ॥५०
निंदक नाहिं छमा उरमाहिं, दुखी लखि भाव दयाल करै हैं ।
जीवकौं धात न झूठकी वात न, लैहि अदात न सील धरै हैं ।
गर्व गयौ गल नाहिं कहुँ छल, मोम सुभावसौं जोम हरै हैं ।
देहसौं छीन हैं ग्यानमैं लीन हैं, द्यानत ते सिवनारि वरै हैं ॥५१

(११५)

द्वैतैं आय बड़ा कुल पाय, हुए भुवि राय सदा सुख कीनैं ।
सेवग जोगनि जाचक लोगनि, दान सबै मनवंछित दीनैं ॥
त्यागकै मौन भये सिव सौन, करैं युति कौन महा रस भीनैं ।
साधके पायनमैं सिर नाय, कहैं जस होत हैं पापतं हीनैं ॥५२
साधुके अश्वगुण ।

भूमि समान छमा गुनवान, अकास सरूप अलेप रहे हैं ।
निर्मल ज्यौं जल आग ज्यौं तेज, सदा फलदायक वृच्छ गहे हैं ॥
पापमहातमनासक सूरज, आनंददायक चंद लहे हैं ।
मेघ समान सबै विध पोपक, आठ महा गुण साध कहे हैं ॥५३
जो दुख देख विसेख दुखी जन, तामहिं धीरजसौं थिर ठाढे ।
ग्रीष्म सैल सिला तरु पावस, सीतमैं चौपथ भावनि गाढे ॥
वज्र परै न समाधि टरै निज, आतम लौ रत आनंद वाढे ।
द्यानत साधनकौं जस को कहि, चंदत पाप महा वन दाढे ॥५४
एककौं देखनि जात सबै जग, कई देखै कई देख न पावै ।
एक फिरै नित पेटके काज, मिलै नहिं नाज दुखी विललावै ।
सो यह पुन्यरु पाप प्रतच्छ, न राग विरोध सुधी सम भावै ।
द्यानत आतम काज इलाज, सुखी जनमाहिं सुखी कहलावै ।
बैठि सभा रस रीति सुनाय, कला कवि गायकै मूढ़ रिङावै ।
ऐसे अनेक भरे भुवि लोकमैं, आपनि झूवत और झुवावै ॥
ते धनि जे परमातम ग्यान, बखान सुमारगमाहिं लगावै ।
द्यानत ते विरले इस कालमैं, आपमैं आप जथारथ ध्यावै ॥५५
धर्म पचास कवित्त उभैजुत, भक्ति विराग सुग्यान कथा है ।
आपनि औरनिकौं हितकार, पढ़ौ नर नारि सुभाव तथा है ॥
अच्छर अर्थकी भूल परी जहाँ, सोध तहाँ उपकार जथा है ।
द्यानत सज्जन आपविषैरत, हो यह वारिधि शब्द मथा है ॥५६
इति धर्मरहस्यवाचनी ।

(११६)

दान वावनी ।

छप्पम् ।

वंदे आदि जिनिंद, वृत्त-तीरथ परगास्यौ ।
 नमौ स्थियांसं नरिंद, दान-तीरथ अभ्यास्यौ ॥
 दोऽज चक अवक, धर्मरथकौं लहि नामी ।
 सिवपुर पुर वहु गए, जाहिं जै हैं आगामी ॥
 ए वडे पुरुष संसारमें, कौन महातम ऊचरै ।
 सोई जानौ मानौ चतुर, विरत दान रचिसौं करै ॥१॥

उवैदा इक्कांसा ।

सबके अंतरजामी तीनलोकपति स्वामी,
 आदिनाथ प्रभु नामी गामी सिव भौनके ।
 तिनकौं दियौं अहार हथिनापुर मझार,
 ताके गुन कहैं सार ऐसे गुन कौनके ॥
 उज्जल सरद धन चंद जस व्यापि रह्यौ,
 लोकमैं सुगंध फैलि जाय चलैं पैनके ।
 तेर्दि सिरीअंस मोहि, लोभकौं विधंस करौ,
 धरौ हियै ग्यान हरौ दुख आवागौनके ॥२॥
 कुरुवंसी-भूप-भनिमालमधि नायक हैं
 सिरीअंस दानेखर दानीमैं गिनाईयै ।
 चार मासके उपास किये आदिनाथ तास,
 दियौं जी गिरास जास कैसैं जस गाईयै ॥
 अनंद भयौं अकास वरसे रतन रास,
 तनतैं पृथ्वीकौं वसुधा कहि बुलाईयै ।

(११७)

सो दिन अजौं लौं चिद्ध अखैतीज है प्रसिद्ध,
 कौनसी न रिद्ध सिद्ध नाम लेत पाईयै ॥ ३ ॥

सर्वैदा तेइसा । (मत्तगगन्द)

दुल्लभ मानुष भौं सु विभौ जुत, पाय कहा गरवाय अनारी ।
 आव कला कमला पट पेखनि, देखनिकौं चपला उनहारी ॥
 लोभ महा तम कूप परे तिन, देखि दया हम चित्त विचारी ।
 तास निकारन कारन वैन, कहैं पकरौं निकरौं मतिधारी ॥४॥
 उत्तम नारि सपूत कुमार, भयौं धन सारतैं मोह वढ़यौ है ।
 चार न पार समुद्र विषैं सुभ, दान विधान जिहाज चढ़यौ है ॥
 स्वेष्ट भावसौं प्रीति भई तव, भीति गई सुख राह पढ़यौ है ।
 धर्म जिहाज इलाज विना, दुख वारिधितैं जिय कौन कढ़यौ है

बडिल ।

बहुत जीव हितकार, सार धन संग्रहा ।
 पात्र दान विधि जान, सफल गिरही कहा ॥
 पावै सुभगतिद्वार, धारकैं दानकौं ।
 ज्यौं वारिधि तरि जाय, पायकैं यानकौं ॥ ६ ॥

सर्वैदा तेइसा ।

देस विदेस कलेस अनेक, करोर उपाय कमाय रमा रे ।
 नारि सुहात न पूत ददात न, आपनि खात न जोरि जमा रे ॥
 ऐसौं महा धन प्यारौ लहा जन, संत कहैं सुनि वैन हमारे ।
 ताइक दान सु गति(?) विना दुख, चेति अवै फिरि नाहिं समारे
 कवित ।

भोजन आदिमाहिं जो जन धन, नित प्रति खात जात है सोया ।
 ताकौं सुपनै विषैं न दरसन, ताते तए बूँद अवलोय ॥

(११८)

मुनिवर दान जोग सुभ खरच्यौ, सोई दरव लहै परलेय ।
इक वट बीज सुखेत बोयकैं, फल अनेक पावै सब कोय ॥१॥
जिन अहार दीनौं मुनिवरकौं, तिननैं धख्यौ मोखपुर माहिं ।
निज हू अमर नगर घर कीनौं, उच्च संगतै धोखा नाहिं ॥
जैसे राज चुनैं जिनमंदिर, तिनकै साथहि ऊरध जाहिं ।
दैहिं दान अभिमान लोभ तजि, धन चंचल है ढरती छाहिं ॥

अडिल ।

जो थोरौ हू दान भगतिसौं देत है ।
साधुनिकौं सु अनंतगुनौं फल लेत है ॥
जैसैं खेतमझार बीज कछु डारियै ।
तातैं अति बहु पुंज प्रतच्छ निकारियै ॥ १० ॥

कवित ।

जिननैं दान दियौ साधुनिकौं, निरमल मनवच काय लगाय ।
तिननैं पुन्य बीज उपराज्यौ, जातैं भौ वारिधि तरि जाय ॥
ताकी इंद करै अभिलाषा, कव मैं दैहुं मनुज भव पाय ।
तू क्यौं ढील करत है प्रानी, जानी वात देहि मन लाय ॥ ११ ॥

अडिल ।

मोख हेत रतनत्रै, मुनिवर धरत हैं ।
काय सहाय उपाय, सु भोजन करत हैं ॥
मुनिकौं दान भगतिसौं, जिन स्नावक कस्यौ ।
तिन गृह जननैं, सिव मारगमै लै धख्यौ ॥ १२ ॥

कवित । (३१ मात्रा)

जप तप संजम सील विविध वृत, स्नावकैं संपूरन नाहिं ।
आरंभ झूठ वचन चंचल मन, पाप पुंज बाढ़े घर माहिं ॥

(११०)

दान एक पूरौ सब गुनमै, देकैं सुरग लोकमै जाहिं ।
मन वच काय सुख है दीजै, कीजै नहिं वांछा तिह ठाहिं ॥३॥
भौन-सैलतैं दान तनक जल, सरता जेम बड़े विसतार ।
लछमी सलिल वढ़े दिन दिन प्रति, सुजसफैन सिवदधिलग सार
सम्यकवंत पुरुप सरधासौं, दियौ दान सुभ पात्र विचार ।
वात कहत नहिं वस्तु लहत है, 'देय लेय' परगट व्यौहार ॥४॥
धरि परिगहकौ भार माहिं नहिं, थिरता परमात्मकौ ग्यान ।
सिव विन तीनौं अर्थ सधत हैं, सावैं साध चार सुख दान ॥
चारौं हाथ बीच हैं जाके, देय प्रीतिसौं पात्र दान ।
‘भवन दान वन माहिं तपस्या,’ यह तौं परगट वात जहान ॥५॥
सोरथ ।

सिव-पुर-पंथी साध, नाम रटे पातग हटै ।
चारौं दान अराध, तिरै जगत अचिरज कहा ॥ १६ ॥

सवैया तेइसा । (मत्तगयन्द)

भौन कहा जहां साध न आवत, पावन सो भुव तीरथ होई ।
पाय प्रछालकै काय लगायकै, देहकी सर्व विथा नहिं खोई ॥
दान करयौं नहिं पेट भख्यौ वहु, साधकी आवन वार न जोई ।
मानुष जोनिकौं पायकै मूरख, कामकी वात करी नहिं कोई ॥७॥
देव कहा जहां भाव विकार, भजौं कि न देव विरागमई है ।
साधु कहा जिसकै नहिं ग्यान, गुरु वह जास समाधि भर्दई है ॥
धर्म कहा जिसमै करुना नहिं, धर्म दया अघरीति खई है ।
दानविना लछमी किह कारन, 'हाथ दई तिन साथ लई है' ॥८॥

कवित । (३१ मात्रा)

गुन बहु भए ग्यान नहिं पायौ, बहुत भोग नहिं वृत्त लगार ।
धनकौं पाय दान नहिं दीनौं, गुन धन भोगनिकौं धिक्कार ॥

तीन जगत यस करन हरन दुख, धरम मंत्र न जर्ये सुखकार।
 'बहते पानी हाथ न धोई' फिरि पछिताय होय का सारा॥१॥
 पात्र दानमें जो धन सरचं, इह पर भौं सुख विविध प्रकार।
 आप देस परदेस भोगवै, राजलच्छमी कहियै सार॥२॥
 दान विना इह भौंमें दारिद, पर भौं दुरगति दुःख अपार।
 दान समान न आन पुन्य कछु, देहि ढील मति करं लगार॥३॥
 काय पायकै ब्रत नहिं कीनैं, आगम पढ़ि नहिं मिटी कथाय।
 धनकौं जोरि दान नहिं दीनौं, कहा काम कीनौं इह आय॥४॥
 लीनौं जनम मरनकै कारन, रतन हाथसाँ चलौं गमाय।
 तीनौं वात फेरि कव पावै, साखग्यान धन नर-परजाय॥५॥
 सर्वया इक्तीसा (मनहर) ।

पापकौं इलाज त्याज पुन्य काजके समाज,
 खात हैं परायौं नाज आनंदकौं खेत है।
 ग्यानकौं जगावत हैं मानकौं भगावत है,
 पारकौं लगावत है, जैनधर्म केत है॥१॥
 मानुष जनम पाय, तप कीजै मन लाय,
 भौंसागर सुखसेती, तरिकेकौं सेत है।
 बुरौं धन धरमाहिं, पूजा दान वनै नाहिं,
 दुर्गतिके दुख हाँहिं तासाँ कहा हेत है॥२॥

अद्वितीय (२१ मात्रा) ।

श्रीजिनचरनकमलकी पूजा ना करी।
 देखि संयमी दान भगति नहिं आदरी॥१॥
 धाममाहिं वसि काम, कहा तैनैं किया।
 गहरे जलमें, नरभौंकौं पानी दिया॥२॥

भौं सागरमें भमत, कठिन नरभौं लहै।
 भौं-नन-भोग विराग, धन्य जो तप गहै॥१॥
 जौं न वनै तौं घरमें, अनुव्रत पालियै।
 पात्रदानविधि, दिन दिन अधिक संभालियै॥२॥
 चल्यौं धामतैं गाम, वहुत तोसा लिया।
 राहमाहिं दुख नाहिं, सदा सुख तिन किया॥३॥
 भवतैं पर-भव जात, दान ब्रत जो धरै।
 अकुत पुन्य उपाय, साहबी सो करै॥४॥
 सर्वया तेईसा (मत्तगयन्द) ।

या जगमें नर भोग विधारन, कीरत कारन काम वनावै।
 पाप उदैमहिं जोग वनै नहिं, आपकौं दुःखकी वेलि वढ़ावै॥५॥
 दैनके भाव सदा अति उत्तम, दान दियैं वहु-पुन्य कमावै।
 दानकौं देत है भाव समेत है, सो जगमें जनम्यौं कहलावै॥६॥
 शीता।

निज सत्रु जो धरमाहिं आवै, मान ताकौं कीजियै।
 अति ऊंच आसन मधुर वानी, बोलिकै जस लीजियै॥७॥
 भगवान सुगुन-निधान मुनिवर, देखि क्यौं नहिं हरखियै।
 पड़गाहि लीजै दान दीजै, भगति वरखा वरखियै॥८॥

कुंडलिया।

दान देत है साधकौं, नित प्रति प्रीति लगाय।
 जा दिन मुनि आवै नहीं, दुख मानै अधिकाय॥९॥
 दुख मानै अधिकाय, पुत्र मृतुतैं अति भारी।
 अहो कर्म दुर्भाग्य, वात तैं कहा विचारी।
 विफल आज दिन गयौ, भयौ नहिं धर्महेत है।
 चित उदार तजि लोभ, साधकौं दान देत है॥१०॥

(१२२)

सर्वेया इकतीसा ।

साधनकाँ दान देय सो तौ फल-पुंज लेय
 ताकाँ लखि अभिलाखै सो भी फल पावै है ।
 चंदकांत मनि देखौ सुधा झरै चंद देखि,
 भावना ही फलै जो कै नीकै मन भावै है ॥
 धन होतैं साध पाय दान देत जो न मूढ़,
 धरमी कहावै आप मायाकौ बढ़ावै है ।
 विजली कपट परलोक सुख-गिरि फोड़ै
 जापै दान वनि आवै मोहि सो सुहावै है ॥ २९ ॥

अडिल (२१ मात्रा) ।

ग्रास अर्ध चौथाई नित प्रति दीजियै ।
 जथा सकति ज्यौं आपन भोजन कीजियै ॥
 आवत है जम भील न ढील लगाइयै ।
 मनवांछित धन साध समा कव पाइयै ॥ ३० ॥

दोहा ।

मिथ्याती पसु दानरुचि, भोग भूमि उपजंत ।
 कल्पवृच्छ दस सुख लहै, क्यौं न लेत नर संत ॥ ३१ ॥

कवित (३१ मात्रा) ।

जैसैं खान निधान पाय तजि, और ठौर खोदै अग्यान ।
 तैसैं घरमै दैन जोग सब, नैननि देखै मुनि गुन खान ॥
 दानबुद्धि जाकै नहिं उपजै, तासौं महा मूढ़ को आन ।
 पुन्य जोगतै द्रव्य कमायौ, सो न लगायौ उत्तम थान ॥ ३२ ॥
 ज्यौं नर रतन गमाय जलधिमै, छूड़े भागौं पावै कोय ।
 त्यौं चिरकाल भमत भवसागर, कठिन मनुष भौं प्रापति सोय

(१२३)

दैननि जोग सँजोग दरवकौ, दान देय नहिं मूरख जोय ।
 बढ़ै सछिद्र जिहाज रतन लै, सागर पार कौन विधि होय ॥ ३३
 चौपाई ।

जो धनवान करै नहिं दान, इह भौं जस पर भौं सुख खान ।
 ता नरकौ साहब है और, सेवक भेजौ रच्छा-ठौर ॥ ३४ ॥

सर्वेया तेईसा ।

संजममै तन-भोग लखै पन, इंद्रनसौं रन जीतवौं चाहै ।
 ध्यान विषै मन चाह रहै वन, कोप नहीं छन सांत दसा है ॥
 पूजा विषै मन पोख दुखी जन, दान विषै धनकौं निरवाहै ।
 धर्म लगै लछमी अपनी वह, आन लहै धन औरनका है ॥ ३५ ॥
 पुन्य घटै विघटै लछमी घर, दान दियै न घटै धन भाई ।
 सोच निवारहु कूप निहारहु, काढ़ततै जल वाढ़त जाई ॥
 पात्रकौं दान निरंतर ठान, हियैं सरधान महासुखदाई ।
 खाय गयौं वह खोय गयौं नर, लेय गयौं जिह और खिलाई ॥ ३६ ॥

कवित (३१ मात्रा) ।

खान पान पट भौन गौनमै, लोभ अकीरतवान वखान ।
 पूजामाहिं नाहिं जल फल सुभ, दीजै नीरस दानविधान ॥
 इह परलोक थोक सुख चूरै, महालोभ पूरै दुखदान ।
 लोभी होइ लोभ तजि भाई, देय हाथ ले साथ निदान ॥ ३७ ॥

सर्वेया तेईसा ।

लच्छि भई न भई घरमै, नरमै उपगार महा मन ढीलौ ।
 जन्म भयौ न भयौ तिनकौ, जिनकौ चित नाहिं दयारस गीलौ
 संखकी भाँति मुए जगमै, जिनकौ कोऊ नाम सुनै नहि कीलौ ।
 दोष नहीं पर नाउ न लै जन, लेत हि होत अहारकौ हीलौ ॥ ३८ ॥

(१२४)

रोडकी ।

स्वान पेट निज भरै, भ्रूप हू पेट भरै है ।
कहा बड़ाई भई, साय दुरगंध करै है ॥
पात्रदान नित देइ, लेइ नर-भौ-फल तेइ ।
अंत रहै कछु नाहिं, नाम तिनकौ जग लेइ ॥ ३९ ॥

कवित (३१ मात्रा) ।

इंद फानिंद नरिंदन स्वामी, गामी सिवमारगके साथ ।
लोक अलोक सकल परकासत, निरमल रतनत्रै आराध ॥
तिनकी विरता होत असनतै, दै भोजन करि भगति अगाध ॥
यह गृहि-धर्म कौन नहिं चाहै, एक दान विन सबै उपाध ॥ ४० ॥

बद्धि ।

धरा धरामै द्रव्य, पैंड इक ना टलै ।
परिजन मरघट थाप, आप धरकौं चलै ॥
भली विचारी लकड़ी, जो साथैं जलै ।
आगैं दीरथ राह, धरम कीनौं फलै ॥ ४१ ॥
जस सौभाग्य सल्लप, सूर सुख कुल भला ।
जाति लाभ सुभ नाम, विभौं पंडित कला ॥
सरव संपदा पात्र, दानतैं पाइयै ।
जतन करौं किन जीव, चहुत क्या गाइयै ॥ ४२ ॥

सर्वैया वेईसा ।

भौन करौं सुत नारि वरौं, धन गाहि धरौं कठिनी महिं सैहौं ।
काम धने इतने करने, अव दान सदा मनवंचित दैहौं ॥
लोभ मलीन प्रवीन लखै निज, जानहुंगा जव ही कर लैहौं ।
सोचत सोचत आय गई थिति, तौन कहै अवकैं मरि जैहौं ॥ ४३ ॥

(१२५)

दुमकौं जीवन है जगमै कहा, आपन साय म्याय न जर्है ।
दर्के वंधनमाहिं वंथ्याँ इद, दानकी वान पूर्ण नर्है, कर्है ॥
तातैं बहु गुन कागमै देखिंथ, जात बुद्धायर्हं पूर्णन ग्रहै ।
लोभ बुरौं सब औगुनमै इक, ताहि तजै नियमै इम याहै इह
दीनकौं दीजियै होय दया मन, मानकौं दीजियै प्राप्ति इहै ।
सेवक दीजियै काम करै चहु, साहव दीजियै आदर वर्है ॥
सद्गुरौं दीजियै वेर रहै नहिं, भाटकौं दीजियै इरहै भर्है ।
साधकौं दीजियै मोखके कारन, द्वाध दियाँ न अद्वाध अर्है ।
वर्है ।

दाता पुरुषनि पास, नाम हू जान हू ।

रहैं सूर धर माहिं, मुहाग विलान हू ॥

विद्या पंडित धाम, सौनि दुख को नहै ।

लड्ही कृपनकौं पाय, महा साता गंहू ॥ ४३ ॥

कवित (३१ मात्रा) ।

उत्तम पात्र साध सिवसाधक, मध्यम पात्र सरावग भार ।
जघन पात्र समकिती अविरती, विन समकित कुपात्र वत-धार
समकित विरत-रहित अपात्र हैं, पांच भेद भास्ते निरवार ।
उत्तम मध्यम जघन भेदसौं, एड़ पंद्रे पात्र विचार ॥ ४७ ॥
उत्तम मध्यम जघन पात्रतं, तीनौं भोगभूमिसुख होय ।
लहै कुभोग कुपात्र दानतं, दान अपात्र दियैं दुख होय ।
वीज सु सेत डारि फल खड़यै, ऊसर डारि वीज मति खोय ।
तातैं मन वच काय प्रीतिसौं, पात्रदान दीजौं सब कोय ॥ ४८ ॥

१ शूरं व्यजामि वैवव्याहुदारं लब्या पुनः ।
सापव्यात्पिष्ठतमपि तस्मात्कृपणमाश्रये ॥

(१२६)

साख अमै आहार ओषधी, चारौं दान वडे संसार ।
 निहचैं सुरग मुक्तिके दाता, दाता भुगता देखि निहार ॥
 गो गज राज वाजि दासी रथ, कनक भूमि तिल मंदिर नारि ।
 दसौं कुदान पापके कारन, देत लेत सो नरक मझार ॥४९
 जो दीजै चैत्याले कारन, भूमि आदि वहु वस्तु अपार ।
 तामैं श्रीजिनविंव विराजैं, चमर छत्र सिंहासन सार ॥
 पूजा करै पढँ जिनवानी, चारौं संघ मिलैं निरधार ।
 वहुत काललौं वडे जैनमत, धरम मूल पर-भौ-सुखकार ॥५०
 दान वखान किया हमनैं यह, कृपन दुःख सवकौं सुखदाय ।
 पाय चमली अलिगन गुंजै, काग न जानै गुन समुदाय ॥
 चंद किरनितैं कुमुदनि विकसै, पाथर कौन भाँति हरखाय ।
 भान तेज दसदिसि उजियारौ, एक उल्ल दुख नाहिं उपाय ॥५१
 रतनत्रै आभरन विराजैं, वीरनंदि गुरु गुनसमुदाय ।
 तिनकै चरन कमल जुग सुमिरत, भयौ प्रभावग्यान अधिकाय ।
 तब श्रीपद्मनंदिनैं कीनैं, दान प्रकास काव्य सुखदाय ।
 पद्मनंदिपद वंदि बनाई, दानवावनी व्यानतराय ॥५२ ॥

इति दानवावनी ।

(१२७)

चारसौ छह जीवसमास ।

दोहा ।

बंदौं नेमि जिनंद पद, सब जीवन सुखदाय ।
 बालब्रह्मचारी भए, पसुगनवंध छुड़ाय ॥ १ ॥
 जीवसमास अनेक विधि, भाखे गोमटसार ।
 नेमिचंद गुरु वंदिकैं, कहुं एक अधिकार ॥ २ ॥
 चौपाई ।

पृथ्वीकाय दुभेद वखान, कोमल माटी कठिन पखान ।
 पानी पावक पौन विचार, नित्य इतर साधारन धार ॥ ३ ॥
 सातौं सूच्छम सातौं थूल, इनकै चौदै भेद कवूल ।
 कहीं प्रतेककाय दो जात, परतिष्ठत अप्रतिष्ठत भ्रात ॥ ४ ॥
 दोहा ।

दूब बेलि छोटा विरख, वडा विरख अरु कंद ।
 पंच भेद परतेकके, लखत नाहिं मतिमंद ॥ ५ ॥
 जब इनमाहिं निगोद हैं, तब परतिष्ठत जान ।
 जब निगोद नहिं पाइए, अपरतिष्ठत तब मान ॥ ६ ॥
 जाति दसौं परतेककी, वे चौदह चौबीस ।
 परज अपरज अलब्धसौं, भेद बहत्तरि दीस ॥ ७ ॥
 वे ते चौं इंद्री त्रिविधि, परज अपरज अलब्ध ।
 विकलत्रैक भेद नव, हिंसा करै निपिछ ॥ ८ ॥
 चौपाई ।

करम भूमि तिरजंच विख्यात, गर्भज सनमूर्छन दो जात ॥
 गर्भज परज अपरज प्रवीन, अलब्ध हूं सनमूर्छन तीन ॥ ९ ॥

(१२८)

सौनी पंच असौनी पंच, दसों भेद जलचर तिरजंच ।
दसों भेद थलचर पसुकाय, दसों व्योमचर उड़े सुभाय ॥
करम भूमि तिरजंच मझार, तीस भेद भाले निरधार ।
भोग भूमि अब सुनौ सुजान, थलचर नभचर दो सरधान ॥
परज अपर्जपति दो भेद, चारि भेद जानौ चिन खेद ।
उत्तम मधम जघन भूतनै, बाँरे भेद जिनागम भनै ॥ १२ ॥
दोहा ।

पंचेद्री तिरजंचके, कहे छियालिस भेद ।
तेरे भेद मनुष्यके, समझौ गरभ उछेद ॥ १३ ॥
चौपाई ।

उत्तम भोगभूमि सुख खान, उत्तम पावदानफल जान ।
मध्यम जघन भोग भुव दोय, चौथे कुभोग भू नर जोय ॥ १४
पंचम मलेछ खंड मझार, छट्ठे आरज गरभज सार ।
परज अपरज दुवादस जान, अलवधि नर इनमै नहिं मान ॥ १५
अहिल ।

नारि जोनि थन नाभि, कांखमै पाइए ।
नर नारिनकै, मल मूतरमै गाइए ॥ १६ ॥
मुरदेमै संमूर्छन, सैनी जीयरा ।
अलवध परजापती, दया धरि हीयरा ॥ १७ ॥
सोरठा ।

नरक पटल उनचास, परज अपरजापत कहे ।
जीवसमास प्रकास, सातौर्मै अद्वानवै ॥ १८ ॥
चौपाई ।

त्रेसठ पटल सुरगके पाठ, भुवनपती दस व्यंतर आठ ।
जोतिस पांच छियासी भए, परज अपरजापति गति लए ॥ १९ ॥

(१२९)

दोहा ।
नरक गाहिं अंडानवै, पसु इक सौ तेईस ।
नर तेरे सब देष्कै, सतक बहसरि दीस ॥ २० ॥
बाँधिल ।

परजापत एक सौ, छियासी जानियै ।
अपरजापत एक सौ, अछासी मानियै ॥
अलवध परजापत जीय, चाँतीस हैं ।
चब सत पट पर करना, कर्म मुनीस हैं ॥ २१ ॥
दोहा ।

नियत एक घेतनमर्ह, भेद सरय व्याहार ।
निहचै अरु व्याहारका, जाननहारा सार ॥ २२ ॥
सुदया समता आपमै, यह परदया विचार ।
द्वानत सुपरदया करै, ते विरले संमार ॥ २३ ॥

इति चारसी-छह-आशयाय ।



घ. वि. ९

(१५०)

दशाखानश्चीर्थीमी ।

प्रथम ।

रिपभद्रेष रिपिरेष, धीर गंभीर धीर भुगि ।
चार धीर जगदीस, ईरा तोईरा पुगुन गुनि ॥
मुरग-ठाग निज नाम, मात पुर तात घरन तन ।
आव काय सुभ विष, मुकत आसन थम घरनन ॥
जस गाय पुन्य उपजाय शुभि, पाय फरौं मंगल अमर ।
सिर नाय नमौं जुग जोर कर, भोजिनिंद भव-ताप-हरा ॥

त्रिपात्रैत ।

रिपभद्रेष रिपिनाथ, वृपभ लच्छन तन सोहै ।
नाभिराय-कुल-कमल, मात मरुदेवी मोहै ॥
चौरासी लख पुब्ब आव, सत पंच धनुष तन ।
नगर अजोध्या जनम, कनक वपु घरन हरन मन ॥
सदर्थसिद्धते गमन पद,-मासन केवल ग्यान वर ।
सिर नाय नमौं जुग जोरि करि, भोजिनिंद भव-ताप-हरा ॥

शतितानाथ ।

अजित अजित रिपु अजित, हेम तन गज लच्छन भन ।
पिता राय जितसञ्चु, अत्र (१) खरगासन आसन ॥
लाख बहत्तरि पुब्ब, आव पुर जनम अयोध्या ।
धनुष चारिसे साठि, गाह बच बहु प्रतिबोध्या ॥
तजि विजय थान परधान पद, वसे विजैसैना उदर ।
सिर नाय नमौं ॥ ३ ॥

(१५१)

द्वितीय ।

संभय संभय-हरन, पुरी मावेसी जानौं ।
मात सुर्पना स्य, भूप दिद्वारा ज प्रवानौं ॥
खरगासन सुप्य स्वादि, आदि व्रीवकर्त आए ।
चिन्न तुरंग उतंग, रंग कंचनम गाए ॥
थिति साठि लाख पूरब भुगति, धनुष चारिसे लखि चतुरा
सिर नाय नमौं ॥ ४ ॥

अभिनन्दन ।

अभिनन्दन अभिनन्द,-कंद सुख भूप स्वयंवर ।
माता सिद्धारथा, कथा सुवरन तन मनहर ॥
तीन सतक पंचास, धनुष तन नगरि विनीता ।
पुब्ब लाख पंचास, तास कपि लांछन मीता ॥
खरगासन विजय विमानते, करम नास परकास कर ।
सिर नाय नमौं ॥ ५ ॥

त्रिपात्रैत ।

सुमति सुमतिदातार, सार वस वैजयंत मन ।
भूप मेघरथ तात, मात मंगला कनक तन ॥
पुब्ब लाख चालीस, ईस तन धनुष तीनसै ।
चकवाक लखि चिन्न, खरग आसन सुख विलसै ॥
छहमास अगाऊ गरभते, भयो विनीता सुर-नगर ।
सिर नाय नमौं ॥ ६ ॥

पद्मप्रभ ।

पदम पदम भवि भमर, पदम लांछन सुखदाई ।
धरन भूप गुनकूप, सरूप सुसीमा माई ॥

१ श्रावस्ती नगरी ।

(१३२)

अंतम ग्रीवक वास, दुसे पंचास चाप तन ।
खरगासन बहु सकत, रक्त तन हरख करन मन ॥
थिति तीस लाख पूरब पुरी, कौसंबी सब जन सुधर ।
सिर नाय नमौ० ॥ ७ ॥

सुपार्शनाथ ।

देत सुपास सुपास, पंच ग्रीवकते आए ।
सुपरतिष्ठ भूपाल, पृथीसैना मन भाए ॥
नगर बनारस धाम, स्वाम खरगासन राजै ।
चिन्न साथिया बीस, लाख पूरब थिति छाजै ॥
तन हरित वरन दोसे धनुष, सुर ढारै चौसठ चमर ।
सिर नाय नमौ० ॥ ८ ॥

चंद्रप्रभ ।

चंद्रप्रभू प्रभ चंद, चंदपुर चंद चिन्न गन ।
महासैन विख्यात, मात लछमना स्वेत तन ॥
बैजयंतते आय, काय खरगासनधारी ।
आव पुञ्च दस लाख, भए सबकौं सुखकारी ॥
डेडसै धनुष तन भविक जन, हंस पाय तुम मानसर ।
सिर नाय नमौ० ॥ ९ ॥

पुण्डन्त ।

सुबुधि सुबुधि करतार, सार प्रानतके थानी ।
महा भूप सुग्रीव, जीव जयवामा रानी ॥
उज्जल वरन सरीर, धीर खरगासन जानौ ।
काकंदीपुर साख, लाख दो पूरब मानौ ॥

१ लाल ।

(१३३)

तन धनुष एक सौ भौ-रहित, सहित चिन्न जलचर मकर ।
सिर नाय नमौ० ॥ १० ॥

शीतलनाथ ।

सीतल सीतल वचन, भद्रपुर आरन स्वर वर ।
दिदरथ तात विख्यात, सुनंदा माता अवतर ॥
नवै धनुषकौ देह, धीर कंचनमय गायौ ।
आव पुञ्च इक लाख, खरगासन सुख पायौ ॥
श्रीवृच्छ चिन्न केवल प्रगट, भिन्न भिन्न भाख्यौ सुपरा ।
सिर नाय नमौ० ॥ ११ ॥

ध्रेयांसनाथ ।

भज स्नेयांस स्नेयास, स्वर्ग सोलमके वासी ।
विस्मृराज महाराज, मात नंदा परकासी ॥
असी चाप तनमाप, आप गैडेकौ लच्छन ।
खरगासन भगवान, सिंहपुर कनक वरन तन ॥
चौरासी लाख वरस भुगत, दुख-दावानल-मेघ-झर ।
सिर नाय नमौ० ॥ १२ ॥

वासुपूज्य ।

वासुपूज्य वसुपूज्य, भूप वसु विधिसौं पूजौ ।
दसम लोकते आय, रक्त सुभ काय न दूजौ ॥
सत्तर चाप सरीर, धीर चंपापुर आए ।
लंछन महिष मनोग, जोग पदमासन गाए ॥
थिति लाख वहत्तरि वरसकी, जयावती माता सुमर ।
सिर नाय नमौ० ॥ १३ ॥

(१३४)

विमलनाथ ।

विमल विमल अवलोक, लोक द्वादस वस स्वामीं ।
कंपिहापुर आय, काय कंचन जग नामी ॥
कृतवर्मा भूपाठ, भाल जयस्यामा माता ।
सूकर चिन्नि निसान, साठि धनु तन अति साता ॥
धिति साठि लाख वरसन सुखी, खरगासन सवते जुवरा
सिर नाय नमौ० ॥ १४ ॥

अनन्तनाथ ।

सुगुन अनंत अनंत, अंत सुर सोल जिनेस्वर ।
सिंघसैन नृपराय, माय जयस्यामाके घर ॥
कनक वरन परगास, तास पंचास चाप तन ।
आव लाख है तीस, ईसकौ सेही लंछन ॥
खरगासन कौसलपुर जनम, कुसल तहाँ आठौं पहरा
सिर नाय नमौ० ॥ १५ ॥

धर्मनाथ ।

धर्म धर्म परकास, वास सरवारथसिध भुव ।
भान राज जस स्वात, मात सुप्रभादेवी हुव ॥
खरगासन निहपाप, चाप चालीस पंच तन ।
आव लाख दस वरस, सरस कंचनमय है तन ॥
लखि वज्र चिन्नि सुभ रतन पुर, पार न पावै सुरनिकर ।
सिर नाय नमौ० ॥ १६ ॥

शान्तिनाथ ।

सांति जगत सब सांति, भोगि सरवारथसिधि रिधि ।
कामदेव तन कनक, रतन चौदहौं नवौं निधि ॥

(१३५)

विस्वसैन नृप तात, मात ऐरा मृगलंछन ।
हस्तिनापुरमें आय, काय चालीस धनुष तन ॥
धिति लाख वरस आसन पदम, नाम रटैं अघ जाय दरा
सिर नाय नमौ० ॥ १७ ॥

कुंभनाथ ।

कुंथु कुंथु रखवार, सार सरवारथसिधि वस ।
हस्तिनागपुर आय, काय चामीकर हर तस ॥
सूरसैन नृप जैन, ऐन ज्ञीकांता सुभ मन ।
पंचानवै हजार, वरस पेंतीस धनुष तन ॥
खरगासन लंछन छाग सुभ, तारे जिन वैराग धर ।
सिर नाय नमौ० ॥ १८ ॥

अस्तनाथ ।

अर अरि-करि-हर सिंघ, जयंत विमान जानि जन ।
भूप सुदरसन सार, मित्रसैना माता भन ॥
हस्तिनागपुर आय, चाप तन तीस विराजै ।
धिति चौरासी सहस, वरस कंचन छवि छाजै ॥
खरगासन लंछन मीन सुभ, वैन जलद सर-भविक भर ।
सिर नाय नमौ० ॥ १९ ॥

महिनाथ ।

मलि करम-रिषु-मल, धान अपराजित जानौ ।
मिथिलापुर अवतार, सार घट चिन्नि पिछानौ ॥
कुंभराज महाराज, खरगासन सरदहियै ।
धनुष पचीस सरीर, सहस पचपन धिति लहियै ॥

(१३६)

देवी प्रजायती कनक तन, अमल अचल अविकल अजर
सिर नाय नमौं० ॥ २० ॥

शुनिष्प्रत ।

मुनिषुप्रत प्रत वर्ग, स्वर्ग प्रानतके थानी ।
भूप शुमित्र पवित्र, मित्र सुभ सोमा रानी ॥
राजगृहीमैं आय, काय कज्जल छवि छाजै ।
वरस सहस धिति तीस, वीस तन चाप विराजै ॥
लच्छन कछुआ आसन खरग, दीनदयाल दया नजर।
सिर नाय नमौं० ॥ २१ ॥

नेमिनाथ ।

नमि नमि सुरनरराज, राज सरवारथसिधि कर ।
विजयराज महाराज, विष्पला रानी उर धर ॥
आव वरस दस सहस, पुरी मिथिला सुखदाई ।
पंद्रै धनुष सरीर, खरगआसन लौ लाई ॥
तन कनक वरन लच्छन कमल, र्यान भान हर ध्रम तिमर
सिर नाय नमौं० ॥ २२ ॥

नेमिनाथ ।

नेमि धरम-रथ-नेमि, जयंत विमान वास किय ।
समुदविजै महाराज, सिवादेवी जानौ जिय ॥
नगर द्वारिका नाम, स्याम तन जन-मन-हारी ।
आव वरस इक सहस, चाप दस रजमति छाँरी ॥
खरगासन आसन भोखकौ, संख चिन्न हरिवंस-नर ।
सिर नाय नमौं० ॥ २३ ॥

(१३७)

पर्वनाथ ।

पास पास अघ नास, वास प्रानत करि आए ।
अस्वसैन अवदात, मात वामा मन भाए ॥
नगर वनारसि थान, जान फनि लच्छन नामी ।
आव एक सौ वरस, खरग आसन सिवगामी ॥
तन हरित वरन नव कर धरन, वज्र प्रगट संवर सिखरा
सिर नाय नमौं० ॥ २४ ॥

वर्धमान ।

वर्धमान जस वर्ध,-मान अच्युत विमान गति ।
नगर कुण्डपुर धार, सार सिद्धारथ भूपति ॥
रानी प्रियकारनी, वनी कंचन छवि काया ।
आव वहत्तर वरस, जोग खरगासन ध्याया ॥
तन सात हाथ मृग नाथपति, तुमतैं अबलैं धरम जर।
सिर नाय नमौं जुग जोरि कर,० ॥ २५ ॥

समुच्चय चौबीस तीर्थंकर ।

रिषभ अजित संभव अभिनंदन सुमति पदम सम ।
जिन सुपास प्रभु चंद, सुविधि सीतल स्वेयांस नम ॥
वासपूज्यजी विमल, अनंत धरम पंदरमा ।
सांति कुंथु अर मल, सु मुनिसोविरत वीसमा ॥
नमि नेमि पास वीरेस पद, अष्ट सिद्धि नौ रिद्धि धर।
सिर नाय नमौं० ॥ २६ ॥

पांच कुमारतीर्थंकर ।

वासुपूज्य सुरपूज्य, मल्ल विधिमल्लजयंकर ।
नेमि देह जम नेम, पास भौ-पास-छयंकर ॥

१ दो पुस्तकोंमें 'ब्राह्मी' पाठ है ।

(१३८)

महावीर महावीर, धौर पर-पीर-निवारन ।
बड़े पुरुष तंत्रार, सार संपत्ति सुखकारन ॥
ए पंच कुमरपदई सुमर, कठिन सील वालक उमर,
सिर नाव नमौ० ॥ २७ ॥

कलपवृच्छ कलपत्रै, चिंततै चिंतामनि मन ।
पारन हूँ परत्ततै, करै हित एक जनम जन ॥
भगत अकल्प अचिंत, अपरस तिहारी नामी ।
भौ भौ चब सुख देहि, कौन उपमा है स्वामी ॥
हाँ निषट सिधिलताके विषें, चपल चित्त निसदिन फिकर।
सिर नाव नमौ० ॥ २८ ॥

महापुरान प्रवान, जान आठौं विध वरनन ।
वास्त टान बखान, जान दो लच्छन आसन ॥
होय कोय संदेहु, नेह करि तहां निहारौ ।
सुद्ध छंद सो सुद्ध, फेरिकै कवित समारौ ॥
हाँ अलपवुद्धि बुद्धनविषें, एक वात लीनी पकर ।
सिर नाव नमौ० ॥ २९ ॥

जै जै मल ब्रह्मचरिज, अटल वल सकल बनाए ।
एक एक जिन स्वाम, नाम दस दस गुन गाए ॥
सुनत सुनत चित चुनत, धुनत दुख-संतत प्रानी ।
द्यानतराय उपाय, गाय जिन पाय कहानी ॥
गद जनम जरा मृतु नहिं भगत, भगति एक ओपध विगरा
सिर नाव नमौं जुग जोरि कर, भो जिनंद भवतापहर३०
इति दशस्थानचौबोसी ।

(१३९)

व्यौहार-पचीसी ।

अरहंतस्तुति-रावेया इकतीसा ।

सरवग्यपदधारी तीनलोकअधिकारी,
क्रोध लोभ परिहारी ऐसौ महाराज है ।
सबकौं समान गिना राग दोप भाव विना,
पास नहिं तिना सक्र सौकौं सिरताज है ॥
ताहीकौं बखान्यौ धर्म सोई सांचौं सोई पर्म,
औरकौं कह्यौ अधर्म झूठकौं समाज है ।
सिवपुर वाटकै बंटाउनिकौं संबलै है,
सुखकौं दिवैया महाकौलमाहिं नाँज है ॥ १ ॥

दयाधर्मस्वरूप ।

साध और स्नावक सकलब्रत जातैं पलैं,
गलै जास विना सुख संपत्तिकी जननी ।
धर्मतरुमूल पाप धूल पुंज महा पौन,
विद्या उपजावनकौं बड़ी एक गननी ॥
उच्च मोख भौनकी नसैनी इच्छपद दैनी,
जैनी प्रान-दया करौं दोपनिकी हननी ।
अदयाकौं नाम दसौं दिसामाहिं सुन गिना,
दया पुंन विना एक वात हूँ न वननी ॥ २ ॥
दान दियैं कहा सिद्धि ध्यान कियैं कहा रिद्धि,
पाठ पढ़ैं कहा वृद्धि जीवनकौं जोरिकै ।

१ बटोही-मुसाफिर । २ कलेबा-पाथेय । ३ दुर्भिक्षके समयमें । ४ अ-
नाज-अन्न ।

(१४०)

कथिता वसान करी लोगनिमैं रीझ परी,
तपमाहि बुज्जि धरी चंचलता छोरिके ॥
एक विना सबै हेय, ऐसी दया क्यों न लेय,
छहाँ धर्ममाहि ध्येय पाप डोरि तोरिके ।
कोमलता हियेकी सहेली आप ही अकेली,
स्वर्गकी नवेली निधि करै दुख बोरिके ॥ ३ ॥

महालोभद्रश ।

पाय दो अटपटात जान हू थकत जात,
कटि हू पिरात गात घात बात बनी है ।
छाती छवि छीज गई पीठ हू सकुच भई,
हाथ हलै चलै नई जरा पौन धनी है ॥
बैन गहौ रूप और आँखि लाज तजी ठौर,
कांन वांन सुनैं कौन आन बनी अनी है ।
काल असवारीपै हुस्यारी मृत वासनकी, (?)
झूंबै जहां बांस तहां पोरी किन गनी है ॥ ४ ॥

दानस्वरूप ।

अजस विहार करै वारिधि हू जाय परै,
आपदा प्रसंग हैरै विस्त (?) एक हू कहां ।
क्रोधकी न जौन होय लोभकी न पौन होय,
नरककौ न गौन होय कौन कहै दुख तहां ॥
पापकौ विनास होय भोगभूमिवास होय,
स्वर्गमैं निवास होय शत्रु को रहै जहां ।
साधनकै दानतैं निधान—पुंज व्योम देत,
या समान दूसरौ न मोटौ गुन है इहां ॥ ५ ॥

(१४१)

सञ्जनता ।

दानकौ विसन जापै ग्यानमैं रिस न कापै,
खानकौ न तिसना पै मिसना सरलता ।
सोमता सुभाव लियैं जोमकी न बात हियैं,
मोमरीति लई गई मानकी गरलता ॥
भोगनसाँ विरमात जोगनसाँ निजरात,
लोगनकी सुनत बात दोपमैं न लरता ।
रोस रीति भाननकौं तोप प्रीति ठाननकौं,
मोखफल खाननकौं वर्झ है वर लता ॥ ६ ॥

शोकनिवारण ।

धीतम मरेका सोच करै कहा जीव पोच,
तजे तैं अनंते भव सो कद्गु सुरत है ।
एक आवै एक जाय ममतासाँ विललाइ,
रोज मरे देखैं सुनैं नैक ना झुरत है ॥
पूतसाँ अधिक प्रीत वह ठानै विपरीत,
यह तौ महा अनीत जोग क्यों जुरत है ।
मरनौ हैं सूझैं नाहिं मोहकी गहलमाहिं,
काल हैं अवैया स्वास नौवति घुरत है ॥ ७ ॥

धनतृष्णानिवारण ।

एकनकै सैकडे हजार लाख कोटि दर्व,
रोज आवै रोज जाहि ताहि ना खवर है ।
एक हाट हाट माहिं बाट बाट विललाहिं,
कौड़ी कन पावैं नाहिं नैक ना सवर है ॥

१ मिस-छल ।

(१४२)

सुभासुभ परतच्छ चच्छसौं विलोकत है,
पाप धन जोरि धन भानकौं अवर है ।
धन परजन तन सवसौं निराला आप,
सुच्छ लखै दच्छ कर्म नासकौं जबर है ॥ ८ ॥

ममतानिवारण ।

भोगक कियेतैं पापकर्मकौं संजोग भूरि,
संज्ञम धरेतैं पुन्य कर्मकौं निवास है ।
धनकै बढ़ेतैं मोह भावनकी बद्वार,
आसकै निरोधसेती बोधकौं प्रकास है ॥ ९ ॥

परगह भार गहै आरंभ अपार होय,
संग-निरवार करै दयाकौं विलास है ।
चानत कुड़ुंच माहिं ममता छूटै है नाहिं,
एकरूप भए सम सुखता अभ्यास है ॥ ९ ॥

आशा ।

कई विषै भोग पाय त्यागै मन वच काय,
हैकैं मुनिराय पाय वंदनीक भए हैं ।
कई विषैमैं निवास चित्तमैं रहै उदास,
ग्यानकौं प्रकास भववास पर गए हैं ॥
किनहीकैं विषै नाहिं वांछा हून उरमाहिं,
चाह दाह हीन आप-लीन परनए हैं ।
हमैं विषै योग उपयोग सुझ दोनौं नाहिं,
वृथा आस-पास परे दोषनिसौं छए हैं ॥ १० ॥

देस देस धाए गढ़ बांके भूपती रिज्जाय,
धल हू खुदाए गिरि ताए पारा ना मस्यौ ।

(१४३)

सागरकौं तरि धाए मंत्र हू मसान ध्याए,
पर धर भोजन संसक काक ज्याँ कस्यौ ॥
बड़े नाम बड़े टाम कुल अभिराम धाम,
तजिकै पराए काम करे काम ना सस्यौ ।
तिसना निगोड़ीनैं न छोड़ी वात भाँड़ी कोउ,
मति हू कनोड़ी कर काँड़ी धन ना सस्यौ ॥ ११ ॥

धृष्णोकत्यागके छह श्लाघन ।

आंव फल छाहिं स्वरवूजे फल छाहिं नाहिं,
नीवमाहिं फल नाहिं छाहिं ही सहाय है ।
आक फूल छाहिं नाहिं कंटक थूहर माहिं,
कांटे हैं बंवूर राह आए दुखदाय है ॥
पुन्य पाप उतकिए मध्यम जघन्य भेद,
जैसा उदै तंसा धन दारा मुत पाय है ।
हरख सोक कीयैं कहा वीज बोय वृच्छ लहा,
दावा तजि साखी होय आव वीती जाय है ॥ १२ ॥

वाद विवादमें मत पढ़ो ।

साधरमी जन माहिं जो चरचा बनै नाहिं,
भेषधारी सिष्यनिमैं कहैं जे अवन हैं ।
सेतपटधारी जे पुजारी लौंके द्वंद्विये हैं,
वांभन वैरागी औं संन्यासी जे कठन हैं ॥
मीमांसक आदि जात जिनसौं मिलै न वात,
राग दोष कियैं धात ग्यानकै पतन हैं ।
समता सरूप धरौं ऐंच खैंचमैं न परौं,
ग्रंथ नाय करौं हरौं दोष भरे जन हैं ॥ १३ ॥

(१४४)

श्रीतकालपरीषद् ।

कंज मुख्यात कपिहूँकौ मद गल जात,
दहत वृच्छनि पात रंक रोम खरे हैं ।
सीतकी विधा अपार पानी जमै बारबार,
पौन लगै तीर धार लोक दुख भरे हैं ॥
तप-भौनमाहिं साधि ध्यान ऊषमा अराधि,
नदी तट चौपथमैं कर्मनिसौं अरे हैं ।
जोगी बड़े धीर वीर पावैं भव नीर तीर,
देहु मोखलच्छि हियैं भद्र भाव धरे हैं ॥ १४ ॥

श्रीषमकालपरीषद् ।

श्रीषमकौ तेज सूर गरमी परत भूर,
सूकत है जलपूर धूर पांवकौं धरे ।
धूप है अगनिरूप ल्लु फुलिंगकौं सरूप,
दिनमैं दुखी अनूप रात नींद को करे ॥
भूमिकी तपतिसौं दसौं दिसा तपै है सैल-
सिलापर निराधार खरे साध भै हरे ।
म्यान जोत उर धार तमकी हरनहार,
वंदत हैं पाय जातैं भेरे भव भय टरे ॥ १५ ॥

वर्षकालपरीषद् ।

स्याम घटा अति धोर वरसै करत सोर,
रहै नाहिं एक ओर मूसलसी धार हैं ।
मानौं जल पियौं छार सोई वम्यौ है अपार,
नदी दौरै दूटि दूटि खरते पहार हैं ॥
कारी निस बीजली गरज और झंझा पौन,
तामैं साध वृच्छ तलैं ठाड़े निरधार हैं ।

(१४५)

आप सुख ध्यावत हैं कर्मकौं बहावत हैं,
तेई मोख पावत हैं नमौं सुखकार हैं ॥ १६ ॥

शागमी कर्मकारिता ।

सीत ताप पावसकौं सहैं धीर वीर होय,
भेदग्यान भए विना आपसौं विकल है ।
तीन कर्म सेती भिन्न सदा चेतना ही चिन्न,
ताकी न खबरि कैसैं जगसौं निकल है ॥
बरसौं लौं धूल धोय न्यारिया सुखी न होय,
धातकी पिछान विना दाम एक न लहै ।
आप म्यान जानत हैं साम्य भाव आनत है,
घोर तप ठानत हैं कर्मसौं विकल है ॥ १७ ॥

हितोपदेश ।

भस्यौ तू अनंती वार सम्यक न लह्यौ सार,
तातैं देव धर्म गुरु तीनौं ठहराय रे ।
लाग रह्यौ धन धाम इनसौं है कहा काम,
जपै क्यौं न जिन नाम अंत सो सहाय रे ॥
क्रोध है कठिन रोग छिमा ओषधी मनोग,
ताकौ भयौ है सँज्जोग संगत उपाय रे ।
पूरब कमायौ सो तौ इहां आय खायौ अब,
करि मन लाय जो पै आगैं जाय खाय रे ॥ १८ ॥
बाग चलनैकौं त्यार ढीलौं तीरथ मझार,
झूठ कहनकौं हुस्यार सांच ना सुहाय रे ।
देखत तमासा रोज दर्सनकौं नाहिं खोज,
विकथा सुनन चोज साख्रकौं रिसाय रे ॥

ध. वि. १०

(१४६)

खान पानकों खुस्ताल व्रत सुनैं विकराल,
स्थावककी कुल चाल भूलौ वहु भाय रे ।
पूरब कमायी सो तौ इहां आय खायौ अव,
करि मन लाय जो पै आगैं जाय खाय रे ॥ १९ ॥

उद्यमी पुरुष । अनंगशेखर छन्द ।

मिथ्यात जात घातकैं सुधा सुभाव रातकैं,
अवृत्तकैं निपातकैं सुवृत्तकी दसा वरी ।
कुराग दोस नासकैं कुआसकौ निरासकैं,
प्रसांतता प्रकासकैं उदास रीत आदरी ॥
सरीर प्रीत छारकैं अनेक रिद्धि डारकैं,
सुसिद्धिकैं निहारकैं स्वरिद्धि सिद्धि लौं धरी ।
अकर्म कर्म है गया सुगयान ग्यानमै भया,
महा स्वरूप देखकैं सुवंदना हमौं करी ॥ २० ॥
छुधा त्रिपा न भै करै न सीत तापसौं डरै,
न राग दोपकौं धरै न काम भोग भोगना ।
त्रिभेद आप धारकैं त्रिकर्मसौं निवारकैं,
त्रिजोगसौं विचारकैं त्रिरोगका मिटावना ॥
अराधना अराधकैं कपायकौं विराधकैं,
सु सामभाव साधकैं समाधका लगावना ।
बहाय पाप पुंजकौं जलाय कर्म कुंजकौं,
सुमोख माहिं जाहिंगे इहां न फेर आवना ॥ २१ ॥

भगवानसे यथार्थ विनती । सर्वैया-इकतीसा ।

तारक स्वरूप तेरौ जानत है मन मेरौ,
ध्यान माहिं धेरौ धिरै नाहिं को उपाय है ।

(१४७)

तात मात भ्रात नात सात-धात-ज्ञात गात,
हमसौं निराले सदा चित्त कर्या लुभाय है ॥
क्रोध मान माया लोभ पांचाँ इंद्रीविष सोन,
महा दुखदाय जीव काहे ललचाय है ।
न्याव तौ तिहारे हाथ व्यानत विलोकनाथ,
नावत हौं माथ करौ जो तुमैं सुहाय है ॥ २२ ॥

शिक्षा ।

चाह रहै भोगनिसौं लागत है लोगनिसौं,
वेज तौं फकीर तोहि कैसैं सुख करेंगे ।
जाकी छाहिं छिन माहिं चाह कटू रहै नाहिं,
ताहि क्यौं न सर्वै तेरे सब काम सरँगे ॥
ग्रीष्म तपत सैल नीचैं वहु जलकुंड,
धाराधर आए विन कौन ताप हरेंगे ।
गंगा जमना अनेक नदी क्यौं न चली जाहु,
चातककौं स्वाति वृंद महाराज झरेंगे ॥ २३ ॥
आए तजि कौन धाम चलिवौं है कौन ठाम,
करते हौं कौन काम कटू हू विचार है ।
पूरब कमाय लाय इहां आय खाय गए,
आगैकौं खरच कहा वांध्यौ निरधार है ॥
विना लियैं दाम एक कोस गामकौं न जात,
उतराई दियैं विना कौन भयौ पार है ।
आजकाल विकराल काल सिंह आवत है,
मैं कह्यौं पुकार धर्म धार जो तू यार (?) है ॥ २४ ॥

(१४८)

धर्मनहेन ।

धर्म नास करै ताकौं धर्म भी विनास करै,
धर्म रच्छा करै ताकौं धर्म रच्छा करै है ।
दुखो करै दुख जाय सुखी करै सुख पाय,
नकूँ दुखतैं निकाल मोख माहिं धरै है ॥
धर्म करै जय होय पाप करै छय होय,
नासत हैं तब लोय ताहि क्यौं विसरै है ।
आगिमैं जलत नाहिं पानीमैं गलत नाहिं,
जगन्मैं चैवंत सदा धर्म धरैं तरै है ॥ २५ ॥
चाहत धन संतान नई देह मिलै आन,
डरै कालसेती सदा तनहीमैं रहै है ।
वांछा जह भय दोऊ भाव भख्यौ दीसत है,
नाना भाँति सुख देखि साता नहिं लहै है ॥
पाप देखि रोवै पाप खोवै नाहिं महामूढ़,
स्वान-चाँन डारि कोऊ सिंह-वान गहै है ।
यानत व्यौहारकी पर्चीसी पढ़ौ संत सदा,
स्वान बुद्धि यिर होय आन नाहिं वहै है ॥ २६ ॥

इति व्यवहारपर्चीसी ।



३ आदत ।

(१४९)

आरतीदशक ।

इह विध मंगल, आरती कीजै ।
पॅच परम पद भजि, सुख लीजै ॥ इह० ॥ टेक ॥
प्रथम आरती, श्रीजिनराजा ।
भव-जल-पार उतार जिहाजा ॥ इह० ॥ १ ॥
दूजी आरति, सिद्धन केरी ।
सुमिरन करत मिटै भवफेरी ॥ इह० ॥ २ ॥
तीजी आरति सूरि मुनिंदा ।
जनम मरन दुख दूरि करिंदा ॥ इह० ॥ ३ ॥
चौथी आरति श्रीउवश्याया ।
दर्सन देखत पाप पलाया ॥ इह० ॥ ४ ॥
पंचमि आरति साध तुमारी ।
कुमतिविनासन सिव अधिकारी ॥ इह० ॥ ५ ॥
छठी ग्यारह प्रतिमाधारी ।
स्नावक वंदौं आनंदकारी ॥ इह० ॥ ६ ॥
सातमी आरती श्रीजिनवानी ।
चानत सुरग मुक्तिकी दानी ॥ इह० ॥ ७ ॥

जिनराजकी आरती ।

आरती श्रीजिनराज तुमारी ।
करम दलन संतन-हितकारी । टेक ॥
सुर नर असुर करत तुम सेवा ।
तुम हि देव देवनिकै देवा ॥ आरती० ॥ १ ॥

(१५०)

पंच महात्रत दुर्ज्जर धारै ।
राग दोष परनाम विडारै ॥ आरती० ॥ २ ॥
भवभयभीत सरन जे आए ।
ते परमारथ पंथ लगाए ॥ आरती० ॥ ३ ॥
जो तुम नाम जपै मन माहीं ।
जनम मरन भय ताकौं नाहीं ॥ आरती० ॥ ४ ॥
समोसरन संपूरन सोभा ।
जीते क्रोध मान छल लोभा ॥ आरती० ॥ ५ ॥
तुम गुन हम कैसे करि गावै ।
गनधर कहत पार नहिं पावै ॥ आरती० ॥ ६ ॥
करुनासागर करुना कीजै ।
द्यानत सेवककौं सुख दीजै ॥ आरती० ॥ ७ ॥
मुनिराज—आरती ।
आरती कीजै श्रीमुनिराजकी ।
अधम उधारन आतम काजकी ॥ टेक ॥
जा लच्छीके सब अभिलाखी ।
सो साधनि कर्दम वत नाखी ॥ आरती० ॥ १ ॥
सब जग जीति लियौं जिन नारी ।
सो साधनि नागिन वत छारी ॥ आरती० ॥ २ ॥
विषयन सब जग वौरे कीनै ।
ते साधनि विष वत तजि दीनै ॥ आरती० ॥ ३ ॥
भूकौं राज चहत सब प्रानी ।
जीरन तृन वत त्यागत ध्यानी ॥ आरती० ॥ ४ ॥

^१ बावरे (पागल) ।

(१५१)

सत्रु मित्र दुख सुख सम मानै ।
लाभ अलाभ वरावर जानै ॥ आरती० ॥ ५ ॥
छहौं काय पीहंर ब्रत धारै ।
सबकौं आप समान निहारै ॥ आरती० ॥ ६ ॥
यह आरती पहै जो गावै ।
द्यानत मनवांछित फल पावै ॥ आरती० ॥ ७ ॥
नेमिनाथ तीर्थकरकी आरती ।
किह विध आरति करौं प्रभु तेरी ।
अगम अकथ जस बुधि नहिं मेरी ॥ टेक० ॥
समुद्विजै सुत रजमति छांरी ।
यौं कहि थुति नहिं होय तुम्हारी ॥ किह० ॥ १ ॥
कोट खंभ वेदी छवि सारी ।
समोसरन थुति तुमतैं न्यारी ॥ किह० ॥ २ ॥
चारग्यानजुत तिनके स्वामी ।
सेवकके प्रभु यह वच खामी ॥ किह० ॥ ३ ॥
सुनकै वचन भविक सिव जाहीं ।
सो पुदगलमैं तुम गुन नाहीं ॥ किह० ॥ ४ ॥
आतम जोति समान वताऊं ।
रवि ससि दीपक मूढ़ कहाऊं ॥ किह० ॥ ५ ॥
नमत त्रिजगपति सोभा उनकी ।
तुम सोभा तुममैं निज गुनकी ॥ किह० ॥ ६ ॥
मानसिंघ महाराजा गावै ।
तुम महिमा तुम ही बनि आवै ॥ किह० ॥ ७ ॥

^१ पीड़ानाशक (अहिंसात्रत) ।

(१५२)

निश्चय आरती ।

इह विध आरति करौं प्रभु तेरी ।
 अमल अवाधित निज गुन केरी ॥ टेक ॥
 अचल अखंड अतुल अविनासी ।
 लोकालोक सकल परगासी ॥ इह० ॥ १ ॥
 ग्यान दरस सुख बल गुन धारी ।
 परमात्म अविकल अविकारी ॥ इह० ॥ २ ॥
 क्रोध आदि रागादि न तेरे ।
 जनम जरा मृतु कर्म न नेरे ॥ इह० ॥ ३ ॥
 अवपु अवंध करन-सुखनासी ।
 अभय अनाकुल सिवपदवासी ॥ इह० ॥ ४ ॥
 रूप न रेख न भेख न कोई ।
 चिनमूरति मूरति नहिं होई ॥ इह० ॥ ५ ॥
 अलख अनादि अनंत अरोगी ।
 सिद्ध विसुद्ध सु आतमभोगी ॥ इह० ॥ ६ ॥
 गुन अनंत किम वचन वतावै ।
 दीपचंद भवि भावन भावै ॥ इह० ॥ ७ ॥

आत्माकी आरती ।

करौं आरती आत्मदेवा ।
 गुन परजाय अनंत अभेवा ॥ टेक ॥
 जामैं सब जग वह जगमाहीं ।
 वसत जगतमैं जग सम नाहीं ॥ करौं० ॥ १ ॥
 ब्रह्मा विस्तु महेसुर ध्यावै ।
 साधु सकल जिहके गुन गावै ॥ करौं० ॥ २ ॥

(१५३)

बिन जानैं जिय चिर भव डोलै ।
 जिहि जानैं छिन सिव-पट खोलै ॥ करौं० ॥ ३ ॥
 ब्रती अब्रती विध व्यौहारा ।
 सो तिहु काल करमतै न्यारा ॥ करौं० ॥ ४ ॥
 गुरु सिख उभै वचन करि कहिए ।
 वचनातीत दसा तिस लहिए ॥ करौं० ॥ ५ ॥
 सुपर भेदकौ देखि उछेदा ।
 आप आपमै आप निवेदा ॥ करौं० ॥ ६ ॥
 सो परमात्म पद सुखदाता ।
 होहि विहारीदास विख्याता ॥ करौं० ॥ ७ ॥

गौरी राग, आरती ।

कहा लै पूजा भगत वढ़ावै ।
 जोग वस्तु कहाँतै लै आवै ॥ टेक ॥
 छीरउदधि जलमेरु न्हुलावै ।
 सो गिरि नीर कहां हम पावै ॥ कहा० ॥ १ ॥
 समोसरनविधि सरव बनावै ।
 सो न बनै मुख क्या दिखलावै ॥ कहा० ॥ २ ॥
 जल फल स्वर्ग लोकतै ल्यावै ।
 सो हमपै नहिं कहा चढ़ावै ॥ कहा० ॥ ३ ॥
 नाचैं गावै बीन वजावै ।
 सो न सकति किम पुन्य उपावै ॥ कहा० ॥ ४ ॥
 द्वादसांग सुत जो थुत गावै ।
 सो हम बुद्धि न कहा वतावै ॥ कहा० ॥ ५ ॥
 चार ग्यान धर गनधर गावै ।
 सो थिरता नहिं चपल कहावै ॥ कहा० ॥ ६ ॥

(१५४)

द्यानत प्रीतिसहित सिर नावै ।
जनम जनम यह भक्ति कमावै ॥ कहा० ॥ ७ ॥
वर्धमानकी आरती, राग गौरी० ।

करैं आरती वर्धमानकी ।
पावापुर निरवान थानकी ॥ टेक ॥

राग विना सब जग-जन तारे ।
दोष विना सब कर्म विडारे ॥ करै० ॥ १ ॥

सील धुरंधर सिव-तिय-भोगी ।
मनवचकायन कहियै जोगी ॥ करै० ॥ २ ॥

रत्नत्रयनिधि परिगह डारी ।
ग्यान-सुधा-भोजन ब्रत-धारी ॥ करै० ॥ ३ ॥

लोकअलोकव्यापि निज माहीं ।
सुखमय इंद्री सुख दुख नाहीं ॥ करै० ॥ ४ ॥

पञ्चकल्यानकपूज्य विरागी ।
विमल दिगंघर अंवरत्यागी ॥ करै० ॥ ५ ॥

गुनमनिभूषन भूषन स्वामी ।
जगत उदास जगंतरजामी ॥ करै० ॥ ६ ॥

कहै कहां लौं तुम सब जानौ ।
द्यानतकी अभिलाख प्रमानौ ॥ करै० ॥ ७ ॥

वृषभनाथकी आरती ।
कहा ले आरती भगत करैं जी ।

तुम लायक नहिं हाथ परैं जी ॥ टेक ॥

छीर जलधिकौ नीर चढ़ायौ ।
कहा भयौ मैं भी जल लायौ ॥ कहा० ॥ १ ॥

(१५५)

उजल मुक्ताफलसौं पृजौ ।
हम पै तंदुल और न दूजौ ॥ कहा० ॥ २ ॥

कलपवृच्छ-फलफूल तुम्हारे ।
सेवक क्या ले भगति विथारे ॥ कहा० ॥ ३ ॥

तनसौं चंदन अगर न लागै ।
कौन सुगंध धरै तुम आगै ॥ कहा० ॥ ४ ॥

नख सम कोटि चंद रवि नाहीं ।
दीपक जोति कहो किह माहीं ॥ कहा० ॥ ५ ॥

ग्यानसुधाभोजन ब्रतधारी ।
नेवज कहा करै संसारी ॥ कहा० ॥ ६ ॥

द्यानत सकत समान चढ़ावै ।
कृपा तिहारीतैं सुख पावै ॥ कहा० ॥ ७ ॥

परमात्माकी आरती ।
मंगल आरती आतमराम ।

तन मंदिर मन उत्तम ठाम ॥ टेक ॥

सम रस जल चंदन आनंद ।
तंदुल तत्त्व-सरूप अमंद ॥ मं० ॥ १ ॥

समैसार फूलनकी माल ।
अनुभौ सुख नेवज भरि शाल ॥ मं० ॥ २ ॥

दीपक ग्यान ध्यानकी धूप ।
निर्मल भाव महा फलरूप ॥ मं० ॥ ३ ॥

सुगुन भविक जन इक रंग लीन ।
निहचै नौधा भगति प्रवीन ॥ मं० ॥ ४ ॥

धुनि उत्साह सु अनहद ग्यान ।
परमसमाधिनिरत परधान ॥ मं० ॥ ५ ॥

(१५६)

ब्रह्म आतम भाव वहाव ।
 अंतर है परमात्म ध्याव ॥ मं० ॥ ६ ॥
 साहव सेवक भेद मिटाय ।
 व्यानत एकमेक हो जाय ॥ मंगल० ॥ ७ ॥
 मंगल आरती ।

मंगल आरती कीजै भोर, विघ्नहरन सुख करन किरोर ॥ १
 अहंत सिद्ध सूरि उवझाय, साध नाम जपियै सुखदाय ॥ मंगल०
 नेमिनाथ स्वामी गिरनार, वासुपूज्य चंपापुर धार ।
 पावापुर महावीर मुनीस, गिरिकैलास नमौं आदीस ॥ मंगल०
 सिखर समेद जिनेसुर वीस, वंदौं सिद्धभूमि निसदीस ।
 प्रतिमा स्वर्ग मर्त्य पाताल, पूजौं कृत्य अकृत्य त्रिकाल ॥ मंगल०
 पंचकल्यानक काल नमाम, परमौदारक तन गुनधाम ।
 केवल ग्यान आतमाराम, यह पटविध मंगल अभिराम ॥ मंगल०
 मंगल तीर्थकर चौवीस, मंगल सीमंधर जिन वीस ।
 मंगल श्रीजिनवचन रसाल, मंगल रत्नत्रय गुनमाल ॥ मंगल०
 मंगल दसलच्छन जिनधर्म, मंगल सोलैकारन पर्म ।
 मंगल वारै भावन सार, मंगल चार संघ परकार ॥ मंगल० ॥ ७ ॥
 मंगल पूजा श्रीजिनराज, मंगल सास्त्र पढ़ै हितकाज ।
 मंगल सतसंगति समुदाय, मंगल सामायिक मनलाय ॥ मंगल०
 मंगल दान सील तप भाव, मंगल मुक्तवधूकौ चाव ।
 व्यानत मंगल आठौं जाम, मंगल महाभक्ति जिनस्वामा ॥ मंगल०

इति आरतीदशक ।

(१५७)

दशबोल पचीसी ।

मंगलाचरण, छप्पय ।

एक सरूप अभेद, दोय विध विधि-निषेधमैं ।
 रतनत्रै करि तीन, चार विध दर्वादिकमैं ॥
 पंचम गति सुचि ठौर, आप पटकारक राजै ।
 सातौं भैकरि भिन्न, आठ गुनसहित विराजै ॥
 नव नो-कपाय दस वंध हरि, तास रूप हिरदै धरै ।
 पूजौं ध्याओं गाओं सदा, जिह तिह विध भव जल तरै ॥
 एक बोलके चौवीस भेद ।

वंदौं वानी एक, एक ध्यानी अधनासक ।
 एक दरव आकास, एक केवल सब भासत ॥
 परमानू इक चलै, एक कालानू परसै,
 एक समै निरअंस, एक तीर्थकर दरसै ॥
 इक गुरु निरग्रंथ जिहाज सम, एक दया-मारग भला ।
 इक समै जीव रिजुगति करै, एक आप अनुभौ कला ॥ २ ॥
 एक प्रान चौदहैं वंध, इक तेरम जिनवर ।
 एक मेर मरजाद, एक मिथ्यात धातकर ॥
 जघन देह इक समै, राजु चौदै अनु जावै ।
 धर्म अधर्म विमान, एक वसि सिव पद पावै ॥
 सृत ग्यान करम विन इक समै, जीव तत्त्व नौ परिनमै ।
 इक नभ प्रदेस बहु देसकौ, ठौर देत जिनवचनमै ॥ ३ ॥

दो बोलके चौवीस भेद ।
 नमौं दुविध जिनराय, जीव निरजीव वखानै ।
 सिद्ध और संसार भेद, त्रस थावर जानै ॥

(१५८)

कही प्रतेक निगोद, नित्त ईर्तर साधारन ।
 सूच्छम थूल वखान, पंचइंद्री मन विन मन ॥
 आगम अध्यातम कथन सुन, सुपर भेदकौ परनए ।
 थिरकंलप त्यागि जिन कलप धरि, केवल ग्यान दरस भए
 बंदौं बंदसरूप, साध स्नावग सुखदायक ।
 नित्त अनित्त प्रवान, गुनी गुन सबके ग्यायक ॥
 पुन्य पाप परकासि, तास फल सुख दुख भावै ।
 रूप अरूप निहार, दोय परिगह नहिं राखै ॥
 दो भेद ग्यान वरनन करै, दरव भावसाँ पूजियै ।
 निहचै व्यौहार सँभार मन, दोय दयामय हजियै ॥५॥

तीन बोलके चौबीस भेद ।

तीन साध आराध, वचन मन काय लायकर ।
 तीन पात्र सरधान, तीन विध आतम मन धर ॥
 तीन लोककौं जान, काल तीनौं अवधारै ।
 संख असंख अनंत, दरव गुन परज विचारै ॥
 संसे-विमोह-विभ्रमरहित, ध्यान ध्येय ध्याता मुनौ ।
 करतार करम किरिया समझि, ग्यान ध्येय ग्याता सुनौ ॥
 सामायिक तिहुँ बार, तीन सब सळ नसाऊँ ।
 तीनौं दरसन मोह, जनम मृत जरा मिटाऊँ ॥
 तजि तीनौं अग्यान, तीन समकित मन आनौ ।
 तीन समै अनहार, देवगुरुधर्म प्रवानौ ॥
 लखि भाव पारनामी त्रिविधि, तीन करमसाँ भिन्न है ।
 तजि राग दोष अरु मोहकौं, तीन चेतना चिन्न है ॥७

१ स्थविरकल्प ।

(१५९)

चार बोलके चौबीस भेद ।
 चतुरानन भगवान, दान विध च्यारि वतावै ।
 च्यारि अराधन धारि, च्यारि अरथनिकौं पावै ॥
 च्यारि संघ आराधि, च्यारि विध वेद वखानै ।
 नमै च्यारि विध देव, च्यारि निच्छेषै जानै ॥
 बहु घाति करम चकचूर करि, जरि संग्या चारैं गई ।
 चहु ध्यान वखान विधानसौं, च्यारि भावना मन भई ॥
 सहित अनंत चतुष, च्यारि चौकरी विनासी ।
 च्यारि कषाय जलाय, च्यारि विकथा नहिं भासी ॥
 प्रान च्यारि परकार, च्यारि दरसन परगासक ।
 पुगलके गुन च्यारि, नारि चहु सील विनासक ॥
 सहि च्यारि जात उपसर्गकौं, च्यारि भेद मन वस किया ।
 तिन बंध च्यारि परकार हरि, चहु गतिकौं पानी दिया ॥

पांच बोलके चौबीस भेद ।

नमौं पंच पद सार, पंच इंद्री वस कीजै ।
 पंच लवधिकौं पाय, पंच स्वाध्याय पढ़ीजै ॥
 चारित पंच विचारि, पंच परमाद विसारौ ।
 अंतराय विधि पांच, पांच मिथ्यात निवारौ ॥
 पांचौं सरीर ममता तजौ, नींद पांच नहिं कीजियै ।
 धरि पंच महाव्रत भावसौं, पंच समिति चित दीजियै ॥
 सिद्ध पंच ही भाव, पांच पैताले जानौ ।
 पंचाचार विचार, पंच सिवकारन मानौ ॥

(१६०)

पंच जोतिषी देव, पंच गोले साधारन ।
पढ़ पंचासैतिकाय, मूलके भाव पंच गन ॥
भव पंच परावरतनि निकलि, पंच नरक दुखसौं डरौ ।
वहु भेद पंच थावर समझि, पंच कल्यानकपद धरौ ॥१
छह वोलके चौबीस भेद ।
नमौं छमतमैं सार, दर्व पट भेद प्रकासक ।
वाहज तप पट भेद, भाव तप पट दुखनासक ॥
पट अनायतन तजौ, हानि पट वृद्धि अगुरु लघु ।
पुगलकै पट भेद, किया पट गेह माहिं अघ ॥
पट नरक जाय नारी कुमति, पट विधि समकित वरनयौ ।
पूजादि कर्म पट पापहर, पडावसिकसौं सुख भयौ ॥२॥
पट मंगल वंदामि, छहौं परजापति जानौ ।
पट सैना चक्रेस, संघनन पट परवानौ ॥
संसथान पट जान, छविधि परजै नै धारौ ।
छहौं काल परवान, काय पट दया विचारौ ॥
जिय मरन वेर पट दिसि चलै, पट लेस्या जो धारि है ।
पट अवधि ग्यानके भेद पट, विधि निहचै व्यौहार है ॥३
सात वोलके चौबीस भेद ।
सात नरक भयकार, व्यसन सातौं तज भाई ।
सात खेत धन खरचि, प्रकृति सातौं दुखदाई ॥
सक्र सात विधि सैन, रतन सब सात कृष्ण घर ।
सात अचेतन रतन, सात चेतन चक्रेसर ॥

१ स्कंध-अंडर-आवास-पुलवि-देह गौलाकार पांच साधारण हैं । २ पांच अस्तिकाय ।

(१६१)

लखि सात धातमय तन असुचि, मौन सात विधि धारकैं ।
दाता गुन सातौं सात विधि, अंतरायकौं टारकैं ॥१॥
सात भंग सरधान, जान तन जोग सात हैं ।
समुद्घात हैं सात, सात संजम विख्यात हैं ॥
तीन जोग विधि सात, सात तन मैल वखानैं ।
सात स्वरनके भेद, सीलव्रत सातौं जानैं ॥
निज नाम सात सातौं उदधि, यहां सात ही खेत हैं ।
प्रभु नाम ईति सातौं टलै, सात तत्त्व सिवहेत हैं ॥२॥
आठ वोलके चौबीस भेद ।
आठ मूलगुन पाल, आठ मद तजौं सयानैं ।
सम्यक आठौं अंग, ग्यानके आठ वखानैं ।
आठौं ठौर न निगोद, आठ गुन सुरगन छाजैं ।
आठ जुगलके देव, आठ विधि व्यंतर राजैं ।
पूजियै आठ विधि देव जिन, आठौं अंग नवाइयै ।
देहरे आठ मंगल दरव, आठ पहर लौं लाइयै ॥३॥
आठौं प्रवचन धार, जोगके आठ अंग हैं ।
आठ रिद्धि दातार, फरसके आठ भंग हैं ॥
आठ समै दंडादि, आठ उपमान वखानैं ।
आठ भेद सत आदि, आठ लौकांतिक जानैं ॥
अंगुल उत्तमभुव रोम वसु, आठ प्रातहारज भले ।
सब आठ ध्यान-पावकविषै, काठ करम आठौं जले ॥४॥
नव वोलके चौबीस भेद ।
नवौं पदारथ धार, दरसनावरनी नौ विधि ।
नौ नै नैगम आदि, चक्रधारीकैं नौ निधि ॥

१ पृथ्वी, जल, तेज, वायु, केवलीका शरीर, तथा आहारक ये छह और देव नारकीके शरीर, इन आठ स्थानोंमें निगोदजीव नहीं होते हैं ।

ध. वि. ११

(१६२)

नौ नारायण जानि, मानि नौ हैं वलभद्र ।
प्रतिनारायण नवौं, नवौं नारद हरि हितकर ॥
नौ नै गुन परजै दरवकी, आव वंध नौ वार है ।
नौ गुनथानकके भेद नौ, समकित नौ परकार है ॥१८॥
छायक गुन नौ नमौं, सील नौ वारि संभारौ ।
प्रायश्चित नौ भेद, सांत रस नौमैं धारौ ॥
नौ ग्रैवक उर धार, नौ नउत्तरे भरे बुध ।
जोनि-भेद नौ जान, मान मंगल नौ पद सुध ॥
नौ गुनथानक नव कोरि मुनि, नौ गुरु अच्छर अंक सव ।
नौ दानतनी विध जानकै, नौधा भगति विना गरव ॥१९
दश बोलके चौबीस भेद ।

पूजौं दस अवतार, जनम दस गुन जिन साहब ।
घाति घाति दस सुगुन, दसौं समकित भाखे सव ॥
इंद्र आदि दस भेद, भवनवासी दस जानै ।
पुगल दस परजाय, सूत्र दस भेद बखानै ॥
दस दोपरहित आलोचना, काम कुचेष्टा दस तजै ।
भुव आदि जीवके भेद दस, वैयावृत दस विध भजै ॥२०
दसौं दिसा मन रोकि, प्रान दस भिन्न चेतना ।
दरवतने दस भेद, संग दस साथ लेत ना ॥
दस विध हैं दिगपाल, निरजरा दस विध जानी ।
दसौं विसेख सुभाव, अंक दस सिवपदवानी ॥
दस विध कुदान फल नरक दुख, दस सामानिक गुन दरव
सुभ समोसरनमैं दस धुजा, धरमध्यान दस विध सरव ॥
पट नय ।

असत कथन उपचार, जीवकौं जन धन जानौ ।
असत विना उपचार, काय आत्मकौं मानौ ॥

(१६३)

सांच कथन उपचार, हंसकौं राग विचारौ ।
सांच विना उपचार, ग्यान चेतनकौं धारौ ॥
निहचैं असुद्ध नर भेदनै, रागसरूपी आत्मा ।
आदेय सुद्ध निहचैं समझि, ग्यानरूप परमात्मा ॥२२॥
व्यवहार और निश्चय नयसे द्रव्य कर्म, भाव कर्म, शुद्ध भावका कर्ता कौन है ?
दरव करमकौं करै, जीव व्यौहार वतावै ।
दरव करम पुद्धलसरूप, निहचै नै गावै ॥
भाव करम करतार, धार व्यौहार सु पुद्धल ।
भाव करम आत्मारूप, निहचै नैकौ वल ॥
दोनौं असुद्ध जिय मोहमैं, पुगल खंध लगावना ।
अनुभवौ सुद्ध पुद्धल अनू, जीव ग्यानमय भावना ॥२३
शिक्षारूप श्रद्धान ।

न रचौ विपयनि माहिं, करौ परचौ इनमैं नर ।
खरचौ दरव सुखेत, सदा अरचौ श्रीजिनवर ॥
चरचौ वारंवार, अतरचौ (?) मन सुखदायक ।
पुद्धल धर्म अधर्म, व्योम जम जड़ जी ग्यायक ॥
सव अकृत अनादि अजर अमर, गुन परजाय दरवमई ।
प्रतिभासै केवल आरसी, माहिं मोहि सरधा भई ॥२४॥

कविकृत लघुता ।

वृषभसैन गुनसैन, गोतम नरोत्तम गनधर ।
सकल पाय सिर नाय, पुन्य उपजाय बुद्धि वर ॥
कहे कवित हितकार, सार जहां हीन अधिक अति ।
छमा वरौ सुख करौ, दोप मति धरौ विपुलमति ॥
यह शब्द ब्रह्म वारिधि लहर, गनत पार को पाय है ।
द्यानत ग्यानी आत्म मगन, यह पुद्धल-परजाय है ॥२५
इति दश-बोल-पचीसी ।

(१६४)

जिनगुणमालसंसर्मी ।

अशोकपुष्पमंजरी (एक गुण एक लघुके क्रमसे ३१ वर्णे)
 मान थंभ देख औ सरोवरी भरी विसेख,
 खातका गभीर पेख पुष्प वारि राज हीं ।
 रूपकोट नाटसाल भाग दो वनै विसाल,
 वेदिका धुजा सताल माल आदि छाजहीं ॥
 हेमकोट कल्पवृच्छ वाग सोहने प्रतच्छ,
 रत्नपुंज धाम आवली मनोग गाजहीं ।
 वज्र कोट चार पौल वार कोट सोल भीत,
 बीच वेदिका त्रिपीठ संभुजी विराजहीं ॥ १ ॥

जन्मके दश गुण । सबैया इकतीसा ।

बल तौ अतुल वीर स्मकौ न होय नीर,
 हितमित वानी सब प्रानीकौ सुहावनी ।
 आदि संसथान है गभीर संहनन धीर,
 रूपकी सोभा अनूप सबकौ रिज्जावनी ॥
 सहस आठ लच्छन सरीर लोह है खीर,
 देहकी सुगंध और गंधकौ लजावनी ।
 मलकौ न लेस लीयै उपजै दसौं जिनेस,
 मेर करै न्हौन सो सुरेस भक्त भावनी ॥ २ ॥

धातिया कर्मोंके नाशसे दश गुण ।

जोजन सौ सौ सुभिच्छ व्योम चलै अंतरिच्छ,
 चारौं मुख चारौं दिस सब विद्यापत हैं ।
 जीवकौ न वध होय उपसर्ग नाहीं कोय,
 कौलाहार लेत नाहिं ग्यानसुधा-रत हैं ॥

(१६५)

निर्मल सरूप माहिं तनकी न परै छाहिं,
 नख केस वढ़ै नाहिं आंख ना लगत हैं ।
 धातिया करम नासि दसौं गुन परगास,
 जिनकी भगत कीयै पाप-भै भगत हैं ॥ ३ ॥

देवोंकृत चौदहु गुण ।

अरध मागधी भापा सबै रितु फल फूल,
 सिंह स्याल प्रीति रीति आरसी अवनि है ।
 पौन बुहारै मेघ जल कन सुगंध झारै,
 पाय तलै कंज धारै आनंद सवनि है ॥
 निर्मल गगन और दसौं दिसा उज्जल हैं,
 फलै खेत सोभै भूमि धर्म चक्र मनि है ।
 आठौं मंगलीक सार सुर करै जैजैकार,
 चौदै अतिसय तेरैं देवकृत धनि है ॥ ४ ॥

आठ प्रातिहार्य ।

फूल सनमुख वरखत मानौं बंदनिकौं,
 देव दुंदुभीके बाजैं भाजैं पापभार जी ।
 सिंघासन तीनसेती तीनलोकसाहव हौं,
 तीन छत्र कहैं रतनत्रय दातारजी ॥
 जानौं अच्छर सुपेद चौसठि चमर ढुरैं,
 औ कहा असोक वृच्छ हू असोक धारजी ।
 भामंडल आरसी है वानी सुधा-धारसी है,
 नमौं आठ प्रातिहारजके सिरदारजी ॥ ५ ॥

अनेतचुट्टय ।

लोकालोक दर्व गुन परजाय तिहूं काल,
 टांकी ज्यौं उकेर राखै ग्यानमैं प्रकास है ।

(१६६)

चंद भान असंख्याततैं अनंतगुनी जोति,
सोज नाहिं लगे ऐसैं दर्सनकी रास है ॥
निरावध सास्वतौ अनाकुल अनंत सुख,
अंस हूँ न लोकमाहिं इंद्री सुखभास है ।
सत इंद्रसेती जोर बलकौ नहीं है और,
अनंतचतुष्टै नाथ वंदौं अघ नास है ॥ ६ ॥
छयालीस गुणवर्णन ।

दसौं जनमत सार दसौं धात धात कर,
चौदै सुरकृत प्रातिहारज आठौं गहे ।
अनंतचतुष्टै कहिवतकौं छियालीस हैं,
गुन हैं अनंत तेरे ग्यानी ग्यानमैं लहे ॥
तारनकौं मान मेघ धारके प्रवान और,
संभूरमनि-लहर तातैं अधिके कहे ।
कौन भाँति भाखे जाहिं थिरता औ बुद्धि नाहिं,
यानत सेवकने न्यारे न्यारे सरदहे ॥ ७ ॥

इति जिनगुनमालसप्तमी ।



(१६७)

समाधिमरण ।
जोगीरासा ।

गौतम स्वामी वंदौं नामी, मरनसमाधि भला है ।
मैं कव पाऊं निसदिन ध्याऊं, गाऊं वचन कला है ॥
देवधरम गुरु प्रीति महा दिह, सात विसन नहिं जानै ।
तजि वाईस अभच्छ संयमी, वारह व्रत नित ठानै ॥ १ ॥
चक्की उखरी चूल बुहारी, पानी त्रस न विराघै ।
बनिज करै परद्रव्य हरै नहिं, कर्म छहौं इम साधै ॥
पूजा सास्त्र गुरुकी सेवा, संजम तप वहु दानी ।
पर उपगारी अल्प अहारी, सामायिकविधग्यानी ॥ २ ॥
जाप जपै तिहुं जोग धरै थिर, तनकी ममता टारै ।
अंतसमै वैराग सँभारै, ध्यानसमाधि विचारै ।
आग लगे अरु नाव जु छूचै, धर्मविघ्न जव आवै ।
चार प्रकार अहार त्यागिकै, मंत्रसु मनमै ध्यावै ॥ ३ ॥
रोग असाध्य जरा वहु दीखै, कारन और निहारै ।
बात वडी है जो बनि आवै, भार भवनकौ डारै ॥
जो न बनै तौ घरमै रहिकै, सबसौं होइ निराला ।
मात पिता सुत तियकौं सोंपै, निज परिगह अहि काला ॥ ४ ॥
कुछ चैत्यालै कुछ स्नावक जन, कुछ दुखिया धन देरै ॥
छिमा छिमा सबसौं करि आछै, मनकी सल्य हनेरै ॥
सत्रुनिसौं मिलि निज कर जोरै, मैं वहु करी बुराई ॥ ५ ॥
तुमसे पीतमकौं दुख दीनै, ते सब वकसौ भाई ॥ ६ ॥
धन धरती जो मुखतैं माँगै, सो सब दे संतोखै ।
छहौं कायके ग्रानी ऊपर, करुना भाव विसेखै ॥

(१६८)

नीचै घर बैठे इक जागै, कुछ भोजन कुछ पै लै ।
 दूधाधारी कमक्रम तजिकै, छाछि अहार पहै लै (?) ॥६॥
 छाछि त्यागिकै पानी राखै, पानी तजि संथारा ।
 भूमिमाहिं थिर आसन मांडै, साधरमी ढिग प्यारा ॥
 जब तुम जानौ यह न जपै है, तब जिनवानी कहियौ ।
 याँ कहि मौन लियौ सन्यासी, पंच परमपद गहियौ ॥७॥
 च्याराँ आराधन मन ध्यावै, वारै भावन भावै ।
 दस लच्छन मुनिधर्म विचारै, रबत्रय मन लावै ॥
 पैतिस सोलै पट पन चारौं, दो इक वरन विचारै ।
 काया तेरी दुखकी ढेरी, ग्यानमई तू सारै ॥८॥
 अजर अमर निज गुनगन पूरौ, परमानंद सुभावै ।
 आनंदकंद चिदानंद साहव, तीन जगतपति ध्यावै ।
 छुधा तृपादिक हौंहिं परीषह, सहै भाव सम राखै ।
 अतीचार पांचौं सब त्यागै, ग्यानसुधारस चाखै ॥९॥
 हाड़ चाम रहि सूकि जाय सब, धरमलीन तन त्यागै ।
 अदभुत पुन उपाय सुरगमै, सेज उठै ज्याँ जागै ॥
 तहाँसौं आवै सिवपद पावै, विलसै सुक्ख अनंता ।
 द्यानत यह गति होहि हमारी, जैनधर्म जैवंता ॥१०॥

इति समाधिमरण ।

(१६९)

आलोचनापाठ ।
 प्रथम नमौं अरहंतानं, दुतिय नमौं सिद्धानं जी ।
 त्रितिय नमौं आइरियानं, नमौं उवज्ञायानं जी ॥
 पंच नमौं लोए सच्च, साहूनं गुन गाऊं जी ॥ १ ॥
 चारौं मंगल अरहंत, सिद्ध साधु धर्म ध्याऊं जी ॥ २ ॥
 चारौं उत्तम लोकमैं, जिन सिद्ध साधु सुधर्म जी ॥
 चारौं सरन गहौ जिनवर, सिद्ध साधु धर्म पर्म जी ॥
 वृषभ चंदप्रभ सांतजिनं, वर्धमान मन वंदाँ जी ।
 हुई होहिंगी चौवीसी, सब नमि पाप निकंदाँ जी ॥ ३ ॥
 श्रीजिनवचन सुहावने, स्यादाद अविरुद्धं जी ।
 तीन भवनमैं दीपक वंदाँ, त्रिकरण सुज्जं जी ।
 प्रतिमा श्रीभगवंतकी, स्वर्ग मर्त्य पातालं जी ।
 कृत्य अकृत्य दुभेदसौं, वंदन कराँ त्रिकालं जी ॥ ४ ॥
 पूरव पाप जु मैं कियौ, कृत कारन अनुमोदं जी ।
 मन वच काय त्रिभेदसौं, सब मिथ्या होदं (?) जी ॥
 आगै पाप जु होयगौ, उनंचास विध नासौं जी ।
 वर्तमान अघ छै करौ, तुम आगै परकासौं जी ॥ ५ ॥
 सर्व जीवसौं मित्रता, गुनी देखि हरखाऊं जी ।
 दीन दया सठसौं समता, चारौं भावन भाऊं जी ।
 प्रभु पूजूं जुग भेदसौं, गुरुपदपंकज सेऊं जी ।
 आगम अभ्यासौं सदा, रतनत्रै नित बेऊं जी ॥ ६ ॥
 अच्छर मात्र अरथ अनमिल, भूलि कह्यौ सु खिमाऊं जी ।
 प्रात दोपहर सांझकौं, अर्ध रात्रमै भाऊं जी ॥
 द्यानत दीनदयालनौ, भौ भौ भगति सु दीजै जी ।
 अंत समाधिमरण करौ, राग विरोध हरीजै जी ॥ ७ ॥

इति आलोचनापाठ ।

एकीभावस्तोत्रभाषा ।

दोहा ।

वंदौं श्रीजिनराजपद, रिञ्जिसिद्धिदातार ।
विघनहरन मंगलकरन, दारिद दलन अपार ॥
चौपाई ।

मिथ्याभावकरमवृंध भयौ, दुरनिवार भव भव दुख दयौ ।
सो सब नास भगति तै होय, रहै न प्रभु दुखकारन कोय ॥१॥
ग्यान जोत अघतमछ्यकार, अघट प्रकासि कहै गनधार ।
मो मन-भवन वसै तुव नाम, तहां न भरम तिमिरकौ काम ॥२॥
पूजा गदगद वच मन काय, करौं हर्ष-जल वदन न्हयाय ।
विषयव्याल चिरकाल अपार, भाजैं तज तन वंवैङ द्वार ॥३॥
प्रथम कनकमय भू सब करौ, भविक भाग सुरतै अवतरौ ।
चित-गृह ध्यान-द्वार तुम आय, करौं हेम तन चित्र न काय ॥४॥
विन स्वारथ सब जग सुखदाय, जानौं सर्व दर्व परजाय ।
भगति रची चित-सज्या मोहि, तुम वस दुख-गन कैसे होहि ॥५॥
भम्यौ जगत बनमै चिरकाल, उपज्यौ खेद अगनि विकराल ।
तुम नय-सुधा-सीत-चावरी, पुन्य उदै लहि सब तप हरी ॥६॥
गमन प्रभाव कमल हैं देव, परमल श्रीजुते कनक अभेव ।
मो मन परसै तुम सब काय, क्यौं न मिलै मुझ सब सुख आया ।
विधि वन तजि सिवसुख घर कियौं, मदन-मानछिनमै हरलियौ
पीत-पात्र वच सुधा पिवंत, विषै रोगरिपु-न्रास हनंत ॥७॥
तुम ढिग मानसथंभ जु रहै, रतनरासि वहु सोभा लहै ।
देखत मान रोग छय होय, जद्यपि है पाहनमय सोय ॥८॥

^१ श्रीवादिराजसूरिके संस्कृत एकीभावस्तोत्रका भावानुवाद । ^२ वसीठ-
सर्पका विल । ^३ वावडी-वापी ।

तुम मूरति-गिरि सपरस वाय, लगैं कर्मरजपुंज पलाय ।
ध्यान तोहि उर कमल मझार, होइ परम पद जग निस्तार ॥१॥
भव भव पायौ दुख अपार, यादि करत लागै असि-धार ।
तुम सब जान प्रधान कृपाल, करी भगति अव होहु दयाल ॥२॥
पापी स्वान अंतकी वार, लह्यौ स्वर्ग-सुख सुनि नौकार ।
जपौं अमल मन तुम भगवान, अचरज कहा वरैं सिवथान ॥३॥
तुम प्रभु सुद्ध ग्यान-द्वगवंत, ताली-भगति विना जो संत ।
मोह जरे दृढ मोख-किवार, खोल सकै न लहै सुख सारा ॥४॥
मुकति-पंथ अघतम वहु भखौ, गढ़े कलेस विषपम विसतखौ ।
सुखसौं सिवपद पहुंचै कोय? जो तुम वच मन दीप न होय ।
कर्म धरा आतम निधि भूरि, दवी कंवी पावै नहिं कूर ।
भगति कुदाल खोद लैं संत, विलसैं परमानंद तुरंत ॥५॥
स्यादवाद हिमगिरिसौं चली, तुम पद परसि उदधि सिव रली ।
भगति गंगमै मो मन न्हाय, क्यौं न पाप मल कलुप तजाय ॥६॥
परमात्म थिरपद सुखमई, मैं सदोष तुम सम बुध ठई ।
यदपि असत यह ध्यान तुम्हार, तदपि सुवांछित फलदातार
वचन उदधि सब जग विसतखौ, स्याद लहरि मिथ्यामल हखौ ।
थिर मन द्वादसांगमै धरै, ग्यान सुधा पी जम-भय हरै ॥८॥
भूषन वसन कुसुम असि गहै, सोभा रंचक देव न लहै ।
तुम निपरिग्रह अभै मनोग, कौन काज भूपन असि जोग ॥९॥
तुम सोभा नहिं इंद्र जु नयौ, एकाअवतारी सो भयौ ।
लोकनाथ भौ-वारिधि पोत, मुकति-कंत इह विध थुति होत ॥

^१ वाय-हवा । ^२ कभी ।

(१७२)

ए शुतिवचन सु पुदगलरूप, नहिं व्यापै तुम गुन चिक्षुप ।
तव्यि भगति सुधा जो गहै, मनवांछित फल सुरतरु लहै २२
राग दोप बिन परम उदास, चाहरहित अरु सब जग दास ।
भुवनतिलक तुम ढिग रिपु नसै, यह प्रभुता कहिं आन न लसै ॥
जस गावैं सुरनारि अपार, ग्यानरूप ग्यायक संसार ।
द्वादसांग पढ़ि मोह न रहै, शुति करि सुगमपंथ सिव लहै २३
अनेंतचतुष्टयरूप निहाल, ध्यावै मन रुचि सहित त्रिकाल ।
पुन्यवान सुभ मारग होइ, तीर्थकर पद विलसै सोइ ॥२४॥
इंद्र सेव करि पार न लहै, गनधरादि सब गुन नहिं कहै ।
हम मति तनक कियौ कछु एहु, भगतनि सिव सुरतरु सम दहु
दोहा ।

सबद काव्य हित तर्कमै, वादिराज सिरताज ।
एकीभाव प्रगट कियौ, व्यानत भगति जहाज ॥ २६ ॥

इति एकीभावस्तोत्र ।

राजमल जैन
बी. ए. वी. टी.



(१७३)

स्वयंभूस्तोत्र ।
नैपदि ।

राजविवै जुगलन सुख किया, राज त्याज भवि सिवपद दिया ।
स्वयंवोध स्वंभू भगवान, वंदौं आदिनाथ गुनखान ॥१॥
इंद्र छीरसागर जल लाय, मेर न्हुलाए गाय वजाय ।
मदनविनासक सुखकरतार, वंदौं अजित अजितपदधार २
सुकल ध्यान करि करम विनास, धाति अधाति सकल दुखरास
लद्यौं मुक्तिपद सुख अविकार, वंदौं संभव भवदुखदार ३
माता पच्छिम रैन मझार, सुपनै सोलै देखे सार ।
भूप पूछि फल सुन हरखाय, वंदौं अभिनन्दन मन लाय ४
जैनधरमपरंकासक स्वाम, सुमतिदेव पद कराँ प्रनाम ५
गरभ अंगाऊ धनपति आय, करी नगरसोभा अधिकाय ।
वरखे रतन पंदरै मास, नमौं पदमप्रभु सुखकी रास ॥६॥
इंद्र फनिंद्र नरिंद्र त्रिकाल, वानी सुनि सुनि हौंहि खुस्याल ।
वारै सभा ग्यानदातार, नमौं सुपारसनाथ निहार ॥७॥
सुगुन छियालिस हैं तुम माहिं, दोप अठारै कोऊ नाहिं ।
मोह महातमनासक दीप, नमौं चद्प्रभु राख समीप ॥८॥
वारै विध तप करम विनास, तेरै भेद चरित परकास ।
निज अनिच्छ भवि इच्छकदान, वंदौं पहुपदंत मन आन ९
भवि सुखदाय सुरगतै आय, दसविध धर्म कह्यौ जिनराय ।
आप समान सबनि सुख देह, वंदौं सीतल धरि मन नेह १०
समता सुधा कोपविषनास, द्वादसांग वानी परकास ।
चारि संघ आनंददातार, नमौं स्विअंसजिनेसुरसार ११
रतनत्रय सिर मुकुट विसाल, सोभै कंठ सुगुनमनिमाल ।
मुकत-नारि-भरता भगवान, वासुपूज्य वंदौं धरि ध्यान १२

परम समाधिसरूप जिनेस, ग्यानी ध्यानी हितउपदेस ।
करम नास सिवसुख विलसंत, वंदौ विमलनाथ भगवंत २३
अंतर बाहर परिगह डार, परम दिगंबर ब्रतकौ धार ।
सरव जीव हित राह दिखाय, नमौ अनंत वचन मन काय ।
सात तत्त्व पंचासति काय, अरथ नवौ छ दरव वहु भाय ।
लोक अलोक सकल परकास, वंदौ धर्मनाथ अघनास २५
पंचम चक्रवर्ति निधि भोग, कामदेव द्वादसम मनोग ।
सांतिकरन सोलम जिनराय, सांतिनाथ वंदौ हरखाय २६
वहु थुति करै हरख नहिं होय, निंदै दोप गहै नहिं सोय ।
सीलवान परव्रह्मस्वरूप, वंदौ कुंथुनाथ सिवभूप ॥ २७ ॥
वारै गन पूजै सुखदाय, थुति वंदना करै अधिकाय ।
जाकी निज थुति कवहु न होय, वंदौ अर जिनवर पद दोय ।
परभौ रतनत्रै अनुराग, इस भौ व्याह समै वैराग ।
बाल ब्रह्म पूरनब्रतधार, वंदौ मछिनाथ जितमार ॥ २९ ॥
विन उपदेस स्वयं वैराग, थुति लौकांत करै पग लाग ।
‘नमः सिद्ध’ कहि सब ब्रत लैहिं, वंदौ मुनिसुव्रत ब्रत दैहिं २०
स्नावक विद्यावंत निहार, भगतिभावसौ दियौ अहार ।
वरखे रतनरासि ततकाल, वंदौ नमि प्रभु दीनदयाल २१
सब जीवनके वंदी छोर, राग दोप दो वंधन तोर ।
रजमति तजि सिव तियकौ मिले, नेमिनाथ वंदौ सुखनिले ।
दैत्य कियौ उपसर्ग अपार, ध्यान देखि आयौ फनिधार ।
गयौ कमठ सठ मुख करि स्याम, नमौ मेरु सम पारस्स्वाम ।
भौसागरतै जीव अपार, धरमपोतमै धरे निहार ।
द्वूबत काढे दया विचार, वरधमान वंदौ वहु वार ॥ २४ ॥
दोहा ।
चौबीसौ पदकमलजुग, वंदौ मन वच काय ।
ग्यानत पढ़े सुनै सदा, सो प्रभु क्यौं न सुहाय ॥ २५ ॥
इति खयंभूतोत्र ।

पार्वनाथस्तवन ।

शुजदप्रयात ।

नरिंदं फनिंदं सुरिंदं अथीसं ।
सतिंदं सुपूजैं भजैं नाइं सीसं ॥
मुनिंद्रं गनिंद्रं नमैं जोरि हाथं ।
नमौ देवदेवं सदा पार्सनाथं ॥ १ ॥
गजेंद्रं मृगेंद्रं गद्यौ तू छुटावै ।
महा आगतै नागतै तू वचावै ।
महानीरतै जुझतै तू जितावै ।
महारोगतै वंधतै तू खुलावै ॥ २ ॥
दुखी दुःखहर्ता सुखी सुःखकर्ता ।
संवै सेवकोंकौं महानंदभर्ता ॥
हरै जच्छ राच्छस्स भूतं पिसाचं ।
विषं डाकिनी विष्ट्रेके भै अवाचं ॥ ३ ॥
दरिद्रीनिकौं तै भले दान दीनै ।
अपुत्रीनिकौं तै भले पुत्र कीनै ॥
महा संकटोतै निकालै विधाता ।
संवै संपदा सर्वकौं देह दाता ॥ ४ ॥
महा चोरकौ वज्रकौ भै निवारै ।
महा पौनके पुंजतै तू उवारै ॥
महा क्रोधकी आगकौ मेघधारा ।
महालोभ सैलेसहीं वज्र भारा ॥ ५ ॥
महा मोह अंधेरकौ ग्यान भानं ।
महा कर्म-कांतारकौ दौ प्रधानं ॥

(१७६)

किये नाग नागी अधोलोकस्वामी ।
हर्ष्यौ मान तैं दैत्यकौ है अकामी ॥ ६ ॥
तुही कल्पवृच्छं तुही कामधेनं ।
तुही दिव्यं चिंतामनिं नास ऐनं ॥
पसू नर्कके दुःखसेती छुड़ावै ।
महा स्वर्गमैं मोच्छमैं तू वसावै ॥ ७ ॥
करै लोहकौ हेम पाखान नामी ।
रटै नाम सो क्याँ न हो मोखगामी ॥
करै सेव ताकी करै देव सेवा ।
सुनै वैन सो ही लहै ग्यान मेवा ॥ ८ ॥
जपै जाप ताकौं कहा पाप लागै ।
धरै ध्यान ताके सबै दोष भागै ॥
विना तोहि जानै धरे भौं धनेरे ।
तिहारी कृपातैं सरे काज मेरे ॥ ९ ॥

सोरथ ।

गनधर इंद्र न करि सकै, तुम विनती भगवान ।
चानत प्रीत निहारिकै, कीजै आप समान ॥ १० ॥

इति पार्थनाथस्त्रोत्र ।



(१७७)

तिथिषोड़शी ।

दोहा ।

वानी एक नमौं सदा, एक दरव आकास ।
एक धरम अधरम दरव, पड़िया सुद्ध प्रकास ॥ १ ॥

चौपर्दि ।

दोज दुभेद सिद्ध संसार, संसारी त्रस थावर धार ।
सु-पर-दया दोनौं मन धरौ, राग दोष तजि समता करौ॥२
तीज त्रिपात्र दान नित भजौ, तीन काल सामायिक सजौ ।
वै उतपात ध्रौव्य पद साध, मन वच तन थिर होय समाधा॥३
चौथ चार विध ध्यान विचार, चाह्यौं आराधना सँभार ।
मैत्री आदि भावना चार, चार वंधसौं भिन्न निहार ॥ ४ ॥
पांचैं पंच लवधि लहि जीव, भज परमेष्ठी पंच सदीव ।
पांच भेद स्वाध्याय वखान, पांचौं पैताले पहचान ॥ ५ ॥
छट छै लेस्याके परनाम, पूजा आदि करौ पट काम ।
पुगलके जानौं पट भेद, छहौं काल लखिकैं सुख वेद ॥ ६ ॥
सातैं सात नरकतैं डरौ, सात खेत धन जलसौं भरौ ।
सातौं नय समझौं गुनवंत, सात तत्त्व सरधा करि संत ॥ ७ ॥
आठैं आठ दरसके अंग, ग्यान आठ विध गहौं अभंग ।
आठ भेद पूजौ जिनराय, आठ जोग कीजै मन लाय ॥ ८ ॥
नौमी सील-वाड़ि नौ पाल, प्रायश्चित नौ भेद सँभाल ।
नौ छायिक गुन मनमै राख, नौ कपायकी तजि अभिलाख ॥
दसमी दस पुगल परजाय, दसौं वंध हर चेतनराय ।
जनमत दस अतिसै जिनराज, दस विध परिगहसौं क्या काज ।
ग्यारसि ग्यारै भाव समाज, सब अहमिंदर ग्यारै राज ।
ग्यार जोग सुरलोक मझार, ग्यारै अंग पढ़ै मुनि सार ॥ ११
ध. वि. १२

(१७८)

वारसि वारै विध उपजोग, वारै प्रकृति दोपकी रोग ।
 वारै चक्रवर्ति लखि लेहु, वारै अन्नतकौं तजि देहु ॥ १२ ॥
 तेरसि तेरै सावक थान, तेरै भेद मनुज पहचान ।
 तेरै रागप्रकृति सब निंद, तेरै भाव अज्ञोग्नि-जिनंद ॥ १३ ॥
 चौदस चौदै पूरव जान, चौदै बाहिज अंग वसान ।
 चौदै अंतर परिगह डार, चौदै जीवसमास विचार ॥ १४ ॥
 मावस सम पंद्रै परमाद, करम भूमि पंदरै अनाद ।
 पंच सरीर पंदरै रूप, पंदरै प्रकृति हरै मुनिभूप ॥ १५ ॥
 पूरनमासी सोलै ध्यान, सोलै स्वर्ग कहे भगवान ।
 सोलै कपाय राह घटाय, सोल कला सम भावनि भाय ॥ १६ ॥
 सब चरचाकी चरचा एक, आतम आतम पर पर टेक ।
 लाख कोटि ग्रन्थनकौं सार, भेद-ग्यान अरु दयाविचार ॥ १७
 दोहा ।

गुनविलास सब तिथि कहीं, हैं परमारथरूप ।
 पढ़े सुनै जो मन धरै, उपजै ग्यान अनूप ॥ १८ ॥

इति तिथिपोड़शी ।



(१७९)

स्तुतिवारसी ।

दोहा ।

तुम देवनिके देव हौ, सुखसागर गुनखान ।
 मूरति गुन को कहि सकै, करौं कहू थुति गान ॥ १ ॥
 कलै कलपतरुवेलि ज्यौं, वंछित सुर नर राज ।
 चिंतामनि ज्यौं देत है, चिंतित अर्थसमाज ॥ २ ॥
 स्वामी तेरी भगतिसौं, भक्त पुन्य उपजाय ।
 तीन अरथ सुख भोगवै, तीनाँ जगके राय ॥ ३ ॥
 तेरी थुति जे करत हैं, तिनकी थुति जग होय ।
 जे तुम पूजै भावसौं, पूजनीक ते लोय ॥ ४ ॥
 नमस्कार तुमकौं करै, विनयसहित सिर नाय ।
 वंदनीक ते होत हैं, उत्तम पदकौं पाय ॥ ५ ॥
 जे आग्या पालै प्रभू, तिन आग्या जगमाहिं ।
 नाम जपै तिस नामना, जग फैलै जस छाहिं ॥ ६ ॥
 सफल नैन मेरे भये, तुम मुख सोभा देख ।
 जीभ सफल मेरी भई, तुम गुन नाम विसेख ॥ ७ ॥
 सफल चित्त मेरौ भयौ, तुम गुन चिंतत देव ।
 पाय सफल आयें भये, हाथ सफल करि सेव ॥ ८ ॥
 सीस सफल मेरौ भयौ, नमौ तुमै भगवान ।
 नर-भौ लाहा मैं लहा, चरनकमल सरधान ॥ ९ ॥
 गनधर इंद्र न जात हैं, तुम गुनसागर पार ।
 कौन कथा मेरी तहां, लीजै प्रीत निहार ॥ १० ॥
 तातै बंदौं नाथजी, नमौ सुगुनसमुदाय ।
 तीर्थकर पदकौं नमौं, नमौं जगत सुखदाय ॥ ११ ॥
 पूजा थुति अरु वंदना, कीनी निज मन आन ।
 व्यानत करुना भावसौं, कीजै आप समान ॥ १२ ॥

इति स्तुतिवारसी ।

यतिभावनाष्टक ।

सर्वैया इकतीसा ।

जगत उदास आपकौ प्रकास संग नास,
धर सुभ ब्रत रास बनवास वसे हैं ।
मोह कर्मकौ प्रभाव संकल्प विकल्प भाव,
सबकौ अभाव करि अंतरकौ धसे हैं ॥
प्रानायाम विध साध ध्यानरीतिकौ अराध,
पौन मन ग्यान थिर एक रूप लसे हैं ।
परमानंद लीन धीर मेर ज्यौं अचल वीर,
नमौं साध पायनिकौ देखें दुख नसे हैं ॥ १ ॥
मनकौ निरोध इंद्री सांपकौ जहर सोध,
सासोस्वास पौन सोऊ थिर भाव करी है ।
सूनी कंदरामै पैठि वैठि पदमासनसौं,
सिव अभिलाखा अभिलाख सब हरी है ॥
तजि राग दोप व्याध समता चेतन साध,
धीरजसौं अंतर सरूप दिए धरी है ।
ऐसी दसा होयगी हमारी कव भगवान,
सोई पुरुपारथ है सोई धन धरी है ॥ २ ॥
धूलि करि मंडित न मंडित है अंवैरसौं,
वैठि पदमासन खड़ासन अटल है ।
तत्त ग्यान सार गहि मौन सांत मुद्रा धारि,
अध खुले नैन दिए नासिका अचल है ।
बाहर वैरागरूप अंतर निरंजन लौ,
खाजकौ खुजावै मृग जानकै उपल है ।

१ परिप्रेक्षा । २ कपड़ा ।

ऐसी दसा होयगी हमारी तव जानहिंगे,
नरभव पाय पायौ सुक्रतकौ फल है ॥ ३ ॥
सून्यवास घर वास छिमा नारिसौं अभ्यास,
दसौं दिसा अंवर संतोष महा धन है ।
सैल-सिला सेज सार दीप चंद्रमा निहार,
तपका व्यौहार सब मैत्री परिजन है ॥
ग्यान सुधा भोजन है अनुभौ-सरूप सुख,
ऐसी सौज परसेती कहा परोजन है ।
एक दसा लई महाराजकी अवस्था भई,
समता कहा है महा लोभकौ सदन है ॥ ४ ॥
जगमै चौरासी लाख जोनिकौ फिरनहार,
नर अवतार महा पुन्य उदै पावै है ।
उत्तम सुकुल दिह काय आयु पूरनता,
बुद्धि सास्त्र-ग्यान भागसेती बनि आवै है ॥
तिसपै वैराग होय तपै कृती सोय,
सोऊ ध्यान सुधापान करै लव लावै है ।
कंचन महल पर मैनिमै कलस धर,
आतमतैं सोई परमात्म कहावै है ॥ ५ ॥
श्रीषम सिखर सीस पावसमै तरु तलैं,
सीत काल चौपथमै देह नेह हस्यौ है ।
वज्र परै त्रासनसौं आगके प्रकासनसौं,
ग्रानके विनासनसौं ध्यान नाहिं रख्यौ है ॥
जप जोग तप धारि भेदग्यानकौ संभारि,
चंचलता चित्त मारिकै समाध वस्यौ है ।

१ प्रयोजन-मतलव । २ मणिमय-रबजडित ।

समरस-धाम अभिराम साध राजत है,
ऐसे कव होंहि हम ऐसौ मन कर्खौ है ॥ ६ ॥
विवहारमाहिं तत्व वैनद्वार आवत है,
निहचै विसुद्धरूप न्यारौ है उपाधसौ ।
चिदानंद जोतकौ उदोत अंतरंग भयौ,
ताहीमैं मगन सदा भीजै है समाधसौ ॥
सोई धन सोई धाम सोई सोभ सोई काम,
सोई प्रीत सोई सुख सिद्धता अराधसौ ।
ऐसे मुनिराज मम काज करौ दोप हरौ,
निज मुद्रा देहु हम छूटै आध व्याधसौ ॥ ७ ॥
पाप-अर्णि-हार चक सक सिव-सुखकार,
धीरज वढ़ै अपार वंछित दातार जी ।
भागें भोग कारे नाग प्रगटै महा विराग,
साधभावनाअष्टक पढ़ौ तिहुं वार जी ॥
चिदानंद भावमै पदमनंद राजत है,
भक्तिवस भव्यनकौ कीनौ उपगारजी ।
भूल चूक सोधि लेहु हमै मति दोप देहु,
द्यानत या मिससेती लीनौ नाम सार जी ॥ ८ ॥
दोहा ।
द्यानत जिनके नामतैं पाप धूरि हो दूरि ।
तिन साधनकी भावना, क्यौं न लहै सुख धूरि ॥ ९ ॥
इति यतिभावनाष्टक ।

^१ यह पद्मनन्दि आचार्यकी पद्मनन्दिपंचविंशतिकाके एक अष्टकका अनुवाद है ।

सज्जनगुणदशक ।

रवैया इकतीसा ।

तरैंकी कलम सिंधु स्याही भूमि कागदपं,
सारदा सहस कर सदा लिख नाथ जी ।
तुम गुनकौ न पार ग्यानादि अनंत सार,
कर्म धन हान निरावर्ण भान आथ (?) जी ॥
तिनमैं कौ कोई एक गुनद्रकौ कोई अंस,
हमैं देहु सज्जन कहायै संत साथ जी ।
तुम हौं कृपाल प्रतिपाल दीनके द्याल,
द्यानत सेवक वंदे हाथ लाय माथ जी ॥ १ ॥
धन तौ तनक पाय दानकौ पन न जाय,
काय है निवल ब्रत धीरजसौ धरै हैं ।
बुज्जि थोरी जिय माहिं पै अभ्यास किये जाहिं,
वात नाहिं कहैं जो पै कहैं सोई करै हैं ॥
कैसे किन कष्ट परै सज्जनतासौ न टरैं,
ग्रीष्ममैं चंद किरन अमृत ही झरै हैं ।
साहबसेती हजूर भोगनसौ रहैं दूर,
सुख भरपूर लहैं दुःखमूर हरै हैं ॥ २ ॥
वात कहा दुष्टनिकी सांपकौ सुभाव लियैं,
गुन दूध दियैं विष औगुन धरत हैं ।
ऐसे वहु जीव गुन दोप गुन दोप करैं,
गालागाली मुजरेसौ मुजरा करत हैं ॥
धनि आम ईखसे हैं मारैं फल पीड़ैं रस,
चंद जैसे जनदुख-तापकौ हरत हैं ।

पर उपगारी गुन भारी सो सराहनीक,
और सब जीव भव भैंवर भरत हैं ॥ ३ ॥
एकनिकै पुन्य उदै पुन्यकर्मवंध होय,
एकनिकै पुन्य उदै पापवंध होत है ।
एकनिकै पाप उदै पापकर्मवंध होय,
एकनिकै पाप उदै वंधै पुन्य गोत है ॥
उदै सारू कौन वात उदै कहैं मूढ़ भ्रात,
आलस सुभावी जिनके हियैं न जोत है ।
उद्यमकी रीत लई पर्मारथ प्रीत भई,
स्वारथ विसारैं निज स्वारथ उदोत है ॥ ४ ॥
विद्यासौं विवाद करैं धनसौं गुमान धरैं,
वलसौं लराई लरैं मूढ़ आधव्याधमै ।
ग्यान उर धारत हैं दानकौं संभारत हैं,
परभै निवारत हैं तीनौं गुन साधमै ॥
पर दुख दुखी सुखी होत हैं भजनमाहिं,
भवरुचि नाहीं दिन जात हैं अराधमै ।
देहसेती दुवले हैं मनसेती उजले हैं,
सांति भाव भैं घट परैं ना उपाधमै ॥ ५ ॥
पोषत है देह सो तौ खेहकौं सरूप बन्यौ,
नारि संग प्यार सदा जार-रंग राती है ।
सुतसौं सनेह नित 'देह देह' किया करैं,
पावै ना कदाचि तौ जलावै आन छाती है ॥
दामसौं बनावै धाम हिंसा रहै आठौं जाम,
लछमी अनेक जोरै संग नाहिं जाती है ।

नामकी विटंवनासौं खाम काम लागि रह्या,
साहवकौं जाँनै चिन होत ब्रह्मवाती है ॥ ६ ॥
काहू न सतावै छल छिद्र न वनावै सव-
हीके मन भावै परमारथ सुनावना ।
लोभकी न वाव होय कोधकौं न भाव जोय,
पांचौं इंद्री संवर दिगंवरकी भावना ॥
अरचाकी चाल लियैं चरचाकौं स्वाल हियैं,
साधनिकी संगतिमैं निहचैसौं आवना ।
मौन धर रहै कहै सुखदाई मीठे वैन,
प्रभुसेती लव लाय आपकौं रिङ्गावना ॥ ७ ॥
वृच्छ फलैं पर-काज नदी औरके इलाज,
गाय-दूध संत-धन लोक-सुखकार है ।
चंदन घसाइ देखौं कंचन तपाइ देखौं,
अंगर जलाइ देखौं सोभा विस्तार है ॥
सुधा होत चंदमाहिं जैसैं छांह तरु माहिं,
पालेमैं सहज सीत आतप निवार है ।
तैसैं साधलोग सब लोगनिकौं सुखकारी,
तिनहीकौं जीवन जगत माहिं सार है ॥ ८ ॥
पूजा ऐसी करैं हमैं सब संत भला कहैं,
दान इह विध दैहिं लैहिं मुझ नामकौं ।
सास्वके संजोग कर लोग आवै मेरे घर,
बात अच्छी कहूं मोहि पूछैं सब कामकौं ॥
प्रभुताकी फांसमैं फस्यौ है जगवासी जीव,
अविनासी वूझ नाहिं लाग्यौ धन धामकौं ।

धारी तें अनंती जोनि नाम गह्यौ कौन कौन,
तेरी नाम चेतन तू देखि आप ठामकौं ॥ ९ ॥
भाड़ा दे वसत जैसैं भौनमैं लसत ऐसैं,
आपकौं मुसाफिर ही सदा मान लेत है।
धाय-नेह वालक ज्यौं पालक कुटंव सव,
ओपध ज्यौं भोगनिकौं भोगत सचेत है ॥ १० ॥
नीतिसेती धन लेय प्रीतिसेती दान देय,
कव घर हूटै यह भावनासमेत है।
औसरकौं पाय तजि जाय एक रूप होय,
चानत वेपरवाह साहवस्तौं हेत है ॥ १० ॥
पंडित कहावत हैं सभाकौं रिक्षावत हैं,
जानत हैं हम वडे यही वडी मार है।
पूरव आचारजौंकी वानी पेख आप देख,
मैं तौं कछु नाहिं यह वात एक सार है ॥
भापत हौं कौन ठाम ठानत हौं कौन काम,
आवत है लाज दूजी वात सिरदार है ।
तीजी वात वैन सव पुद्दल दरवरूप,
चानत हम चिद्रूप लखैं होत पार है ॥ ११ ॥

इति सज्जनगुणदशक ।



बर्तमान-वीसी-दशक ।

कवित (३१ मात्रा) ।

सीमंधर परथम जिन साहव, अंत अजितवीरज परमेस ।
भविक जीव मन-पदम विकासन, मोह तिमिरकौं हरन दिनेस
समोसरन वारै जोजन धनु, पनसै पूरव कोड़ गनेस ।
वीसौं जिन अब हैं विदेहमैं, वंदि निकंदौं पाप कलेस ॥ १ ॥
जंबु सुदरसन मेर मध्यतैं, पूर्वविदेह आठमा थान ।
सीता नदी तासतैं उत्तर, नील सिखरतैं दच्छिन थान ।
देवारन वनके समीप है, पुंडरीकनी नगरी मान ।
तामैं श्रीदेवाधिदेव सीमंधर स्वामि नमौं धरि ध्यान ॥ २ ॥
जंबु सुदरसन मेर मध्यतैं, पछिम विदेह आठमा ओर ।
सीतोदाकी उत्तरकी दिसि, नील सिखरतैं दच्छिन जोर ।
भूतारन वनके समीप है, नगरी विजय वचन न कठोर ।
परमपूज जुगमंधर सूरज, भजैं भजैंगे पातिग चोर ॥ ३ ॥
जंबु सुदरसन मेर मध्यतैं, पूर्व विदेह आठमा थान ।
सीता नदी तासतैं दच्छिन, निषध सैलतैं उत्तर जान ।
देवारन वनके समीप है, पुरी सुसीमा सुखकी खान ।
करुनासिंधु सुबाहु जिनेसुर, सेऊं मनवांछित-फल-दान॥४॥
जंबु सुदरसन मेर मध्यतैं, पच्छिम दिसि अडम सुभ खेत ।
सीतोदातैं दच्छिनकी दिसि, निषध सैलतैं उत्तर चेत ॥
भूतारन वनके समीप है, नगरी वीतसोक सुखहेत ।
बाहु प्रभू सिवराह वतावत, वंदत पाऊं परम निकेत ॥५॥
विजय मेरतैं चार इही विध, अचल मेर चव इसी प्रकार ।
मंदर मेर चार याही विध, विद्युतमाली इह विध चार ॥

(१८८)

अष्टम धान नदी गिर वन पुर, पूरववत सोले जिन सार।
अनुक्रम नाम फेर अरु कछुना, बंदों वीसौं सुखदातार ॥६॥
रावेया इकतीरा ।

सीमंधर जुगमंधर औं सुवाहु वाहुजी,
सुजात स्वयंप्रभजी नासौं भव-फंदना ।
रिखभानन अनंत वीरज सौरीप्रभजी,
विसाल वज्रधार चंद्राननकौं वंदना ॥
भद्रवाहु स्त्रीभुजंग ईस्वरजी नेमि प्रभू,
वीरसेन महाभद्र पापके निकंदना ।
जसोधर अजितवीर्ज वर्तमान वीसौं जी,
व्यानतपै दया करौं जैसैं तात नंदना ॥ ७ ॥

कवित (३१ मात्रा) ।

जहां कुदेव कुलिंग कुआगम,-धारक जीव छहाँ नहिं कोय ।
तीन वरन इक जैन महामत, तहां पट् मतकौ भेद न होय ।
चौथा काल सदा जहां राजै, प्रलैकाल कव हीं नहिं जोय ।
तप करि साध विदेह होत सो, भूविदेह सरधैं बुध सोय ॥८॥
इक सौ साठ विदेह विराजै, वीसौं तीर्थकर नित ठाहिं ।
कौन जिनेस्वर कौन थानमै, यह व्यौरा सब जानै नाहिं ।
व्यानत जाननि कारन कीनै, हंसौ मती हाँ सठ बुधि माहिं ।
जिह तिह भाँति नाम जिन लीजै, कीजैसवसुखदुखमिटिजाहिं ।
दोहा ।

वीसौं तीर्थकर उहां, इहां न जानै कोय ।
सरधा निहचै मन धरै, सम्यक निरमल होय ॥ १० ॥
इति वर्तमानवीसी-दशक ।

(१८९)

अध्यात्मपंचासिका ।

दोहा ।

आठ करमके वंधमैं, वँधे जीव भववास ।
करम हरे सब गुन भेरे, नमैं सिद्ध सुखरास ॥ १ ॥
जगत माहिं चहु गतिविमैं, जनम-मरन-वस जीव ।
मुक्ति माहिं तिहु कालमैं, चेतन अमर सदीव ॥ २ ॥
मोख माहिं सेती कभी, जगमैं थावै नाहिं ।
जगके जीव सदीव ही, कर्म काटि सिव जाहिं ॥ ३ ॥
पूरव कर्म उदोततैं, जीव करै परनाम ॥ ४ ॥
जैसैं मदिरा पानतैं, करै गहल नर काम ॥ ५ ॥
तातैं वांधे करमकौं, आठ भेद दुखदाय ।
जैसैं चिकने गातपै, धूलि पुंज जम जाय ॥ ६ ॥
फिर तिन कर्मनिके उदै, करै जीव वहु भाव ।
फिरकै वांधे करमकौं, यह संसार सुभाव ॥ ७ ॥
सुभ भावनतैं पुन्य है, असुभ भावतैं पाप ।
दुहु आच्छादित जीव सो, जान सकै नहिं आप ॥ ८ ॥
चेतन कर्म अनादिके, पावक काठ वखान ।
खीर नीर तिल तेल ज्यौं, खान कनक पाखान ॥ ९ ॥
लाल वंधौ गठरी विषैं, भान छिष्यौ घन माहिं ।
सिंह पींजरमैं दियौं, जोर चलै कछु नाहिं ॥ १० ॥
नीर बुझावै आगिकौं, जलै टोकनी (?) माहिं ।
देह माहिं चेतन दुखी, निज सुख पावै नाहिं ॥ ११ ॥
जदपि देहसौं छुटत है, अंतर तन है संग ।
सो तन ध्यान अगनि दहै, तब सिव होय अभंग ॥ १२ ॥

(१९०)

रागदोपतैं आप ही, परै जगतके माहिं ।
ग्यान भावतैं सिव लहै, दूजा संगी नाहिं ॥ १२ ॥
जैसैं काहू पुरुषकौ, दरव गढ़ा घर माहिं ।
उदर भरै कर भीखसौं, व्यौरा जानै नाहिं ॥ १३ ॥
ता दिनसौं किनही कहा, तू क्यौं मागै भीख ।
तेरे घरमै निधि गढ़ी, दीनी उत्तम सीख ॥ १४ ॥
ताके वचन प्रतीतिसौं, हरख भयौ मन माहिं ।
खोदि निकाले धन विना, हाथ परै कछु नाहिं ॥ १५ ॥
त्यौं अनादिकी जीवकैं, परजै-बुद्धि वखान ।
मैं सुर नर पसु नारकी, मैं मूरख मतिमान ॥ १६ ॥
तासौं सदगुरु कहत हैं, तुम चेतन अभिराम ।
निहचै मुक्ति-सरूप हौं, ए तेरे नहिं काम ॥ १७ ॥
काल लहिं परतीतिसौं, लखौ आपमैं आप ।
पूरन ग्यान भये विना, मिटै न पुन्य न पाप ॥ १८ ॥
पाप कहत हैं पापकौं, जीव सकल संसार ।
पाप कहैं हैं पुन्यकौं, ते विरले मति-धार ॥ १९ ॥
वंदीखानामैं पखौं, जातै छूटै नाहिं ।
विन उपाय उद्यम कियैं, त्यौं ग्यानी जग माहिं ॥ २० ॥
सावुन ग्यान विराग जल, कोरा कपड़ा जीव ।
रजक दच्छ धोवै नहीं, विमल न लहै सदीव ॥ २१ ॥
ग्यान पवन तप अगनि विन, देह मूस जिय हेम ।
कोटि वरपलौं राखियै, सुद्ध होय मन केम ॥ २२ ॥
दरव-करम नोकरमतैं, भाव करमतैं भिन्न ।
विकल्प नहीं सुबुद्धिकैं, सुद्ध चेतनाचिन्न ॥ २३ ॥

(१९१)

च्यारौं नाहीं सिद्धकैं, तू च्यारौंके माहिं ।
च्यारि विनासैं मोख है, और वात कछु नाहिं ॥ २४ ॥
ग्याता जीवन-मुक्त है, एकदेस वह वात ।
ध्यान अगनि करि करम वन, जलै न सिव किम जात ॥
दरपन काई अधिर जल, मुख दीसै नहिं कोय ।
मन निरमल थिर विन भयैं, आप दरस क्यौं होय ॥ २६ ॥
आदिनाथ केवल लह्यौ, सहस वरस तप ठान ।
सोई पायौ भरतजी, एक महरति ग्यान ॥ २७ ॥
राग दोप संकल्प हैं, नयके भेदविकल्प ।
दोय भाव मिटि जायं जव, तव सुख होय अनल्प ॥ २८ ॥
राग विराग दुभेदसौं, दोय रूप परनाम ।
रागी भ्रमिया जगतके, वैरागी सिवधाम ॥ २९ ॥
एक भाव है हिरनकैं, भूख लगैं तिन खाय ।
एक भाव मंजारकैं, जीव खाय न अघाय ॥ ३० ॥
विविध भावके जीव वहु, दीसत हैं जग माहिं ।
एक कछु चाहैं नहीं, एक तजैं कछु नाहिं ॥ ३१ ॥
जगत अनादि अनंत है, मुक्ति अनादि अनंत ।
जीव अनादि अनंत हैं, करम दुविधि सुनि संत ॥ ३२ ॥
सबकैं करम अनादिके, कर्म भव्यकैं अंत ।
करम अनंत अभव्यकैं, तीन काल भटकंत ॥ ३३ ॥
फरस वरन रस गंध सुर, पाचौं जानै कोय ।
बोलै डोलै कौन है, जो पूछै है सोय ॥ ३४ ॥
जो जानै सो जीव है, जो मानै सो जीव ।
जो देखै सो जीव है, जीवै जीव सदीव ॥ ३५ ॥

(१९२)

जानपना दो विध लसै, विषै निरविषै भेद ।
 निरविषै संवर लहै, विषै आस्व वेद ॥ ३६ ॥
 प्रथम जीवसरधानसौं, करि वैराग उपाय ।
 ग्यान कियासौं मोख है, यही वात सुखदाय ॥ ३७ ॥
 पुद्गलसौं चेतन वंध्यौ, यह कथनी है हेय ।
 जीव वंध्यौ निज भावसौं, यही कथन आदेय ॥ ३८ ॥
 वंध लखै निज औरसौं, उद्दिम करै न कोय ।
 आप वंध्यौ निजसौं समझ, त्याग करै सिव होय ॥ ३९ ॥
 जथा भूपकौं देखिकै, ठौर रीतिकौं जान ।
 तव धन अभिलाखी पुरुष, सेवा करै प्रधान ॥ ४० ॥
 तथा जीव सरधान करि, जानै गुन परजाय ॥ ४१ ॥
 सेवै सिव धन आस धरि, समतासौं मिलि जाय ॥ ४२ ॥
 तीन भेद व्यवहारसौं, सरव जीव सम ठाम ।
 वहिरंतर परमात्मा, निहचै चेतनराम ॥ ४३ ॥
 कुगुरु-कुदेव-कुर्धर्मरत, अहंबुद्धि सब ठौर ।
 हित अनहित सरधै नहीं, मूढ़नमैं सिरमौर ॥ ४४ ॥
 आप आप पर पर लखै, हेय उपादे ग्यान ।
 अव्रती देशव्रती महा-व्रती सबै मतिमान ॥ ४५ ॥
 जा घदमैं सब पद लसैं, दरपन ज्यौं अविकार ।
 सकल विकल परमात्मा, नित्य निरंजन सार ॥ ४६ ॥
 वहिरातमके भाव तजि, अंतर आत्म होय ।
 परमात्म ध्यावै सदा, परमात्म है सोय ॥ ४७ ॥
 बूंद उदधि मिलि होत दधि, वाती फरस प्रकास ।
 त्यौं परमात्म होत हैं, परमात्म अभ्यास ॥ ४८ ॥

(१९३)

सब आगमकौ सार जो, सब साधनकौ धेव ।
 जाकौं पूजै इंद्र सौ, सो हम पायौ देव ॥ ४८ ॥
 सोहं सोहं नित जपै, पूजा आगम सार ।
 संतसंगतिमैं वैठना, एक करै व्यौहार ॥ ४९ ॥
 अध्यात्म पंचासिका, माहिं कह्यौ जो सार ।
 व्यानत ताहि लगे रहौ, सब संसार असार ॥ ५० ॥

इति अध्यात्मपंचासिका ।



ध. वि. १३.

(१९४)

अक्षर-बावनी ।

अँकार सरव अच्छरकौ, सब मंत्रनकौ राजा जी ।
 तीन लोक तिहुं काल सरव घट, व्यापि रह्यौ सुखकाजा जी ॥
 श्रीजिनवानी माहिं बतायौ, पंच परमपदरूपी जी ॥
 द्यानत दिह मन कोई ध्यावै, सोई मुकत-सरूपी जी ॥१॥
 अमर नाम साहिबका लीजै, काम सबै तजि दीजै जी ।
 आतम पुगल जुदे जुदे हैं, और सगा को कीजै जी ॥
 इस जग मात पिता सुत नारी, झूठा मोह बढ़ावै जी ।
 ईत भीत जम पकड़ मंगावै, पास न कोई आवै जी ॥२॥
 उसका इसका पैसा ठगि ठगि, लछमी घरमै लावै जी ।
 ऊपर मीठी अंतर कड़वी, वातै बहुत बनावै जी ॥
 रिन ले सुख हो देते दुख हो, घरका करै संभाला जी ।
 रीस विरानी करै देखिकै, बाहिर रचै दिवाला जी ॥३॥
 लिखै झूठ धन कारन प्रानी, पंचनमै परवानी जी ।
 लीन भयौ ममतासौं डोलै, बोलै अंमृत बानी जी ॥
 ए नर छलसौं दर्व कमाया, पाप करम करि खाया जी ।
 ऐन मैन (?) नागा हो निकला, तागा रहन न पायाजी ॥४॥
 ओस बूँद सम आव तिहारी, करि कारज मनमाहीं जी ।
 औसर जावै फिरि पिछतावै, काम सरै कछु नाहीं जी ॥
 अंतर करुनाभाव न आनै, हिंसा करै घनेरी जी ।
 अहि सम हो परजीव सतावै, पावै दुखकी ढेरी जी ॥५॥
 काम धरमके करै अधूरे, सुख लोरे भरपूरे जी ।
 खाया चाहै आंव गंडेरी, बोवै आक धतूरे जी ॥

दि, गौ. मुनिवर्षमाता पंथ
 (१९५) मांडार अकलूत, न.

गुरुकी सेवा ठानत नाहीं, ग्यान प्रकास निहारे जी ।
 घरमै दान देय नहिं लोभी, बंछै भोग पिथारे जी ॥६॥
 नेक धरमकी वात न भावै, अधरमकी सिरदारी जी ।
 चरचामाहिं बुद्धि नहिं फैलै, विकथाकी अधिकारी जी ॥
 छिन छिन चिंता करै पराई, अपनी सुधि विसराई जी ।
 जामन मरन अनेक किये तैं, सो सुध एक न आई जी ॥७॥
 झूठे सुखकौं सुख कर जाना, सुखका भेद न पाया जी ।
 निराकार अविकार निरंजन, सौं तैं कवहुं न ध्याया जी ।
 टेक करै वातनिकी प्रानी, झूठे झगड़े ठानै जी ।
 ठौर ठिकाना पावै नाहीं, संजम मूल न जानै जी ॥८॥
 डरै आपदासौं निसवासर, पाप करम नहिं त्यागै जी ।
 छूहै बाहिर स्वारथ कारन, परमारथ नहिं लागै जी ॥
 निसदिन बाँध्यौ आसाफासी, डोलै अचरज भारी जी ।
 तब आसा वंधनसौं छूटै, होय अचल सुखकारी जी ॥९॥
 थिरता गहि तजि फिकर अनाहक, समता मनमै आनौ जी ।
 दरसन ग्यान चरन रतनत्रै, आतमतत्त्व पिछानौ जी ॥
 धरम दया सब कहैं जगतमै, पालै ते बड़भागी जी ।
 नेम विना कछु बनि नहिं आवै, भाव न होय विरागी जी ॥१०॥
 पंच परम पद हिरदैं धरियै, सुरग मुकतिके दाता जी ।
 फिरो अनंत बार चहु गतिमैं, रंच न पाई साता जी ॥
 बिनासीक संसारदसा सब, धन जोवन धनछाहीं जी ॥११॥
 भूला कहां फिरत है प्राणी, कर थिरता मन माहीं जी ॥
 मंत्र महा नौकार जपौ नित, जपैं तिहुं जग इंद्रा जी ।
 यही मंत्र सुनि भए नाग जुग, पदमावति धरनिंद्रा जी ॥

(१९६)

राखौ संम्यक सात विसन तजि, आठ मूल गुन पालौ जी ।
 लगन लगाय प्रथम प्रतिमासौं, वारै वरत संभालौ जी ॥ १२ ॥
 वह मन महा चपल थिर कीजै, सामायिक रस पीजै जी ।
 सिव अभिलाख धरौं पोसहब्रत, भोजन सचित न कीजै जी ॥
 षट निसभोजन नारी संगत, तजिकै सील संभारौ जी ।
 सब आरंभ परिग्रह भाई, अघ उपदेस संभारौ जी ॥ १३ ॥
 हरिममता सब धन परिजनकी, करि निरभै भुव वासा जी ।
 लेहु अहार उदंड-विहारी, तजि कायाकी आसा जी ॥
 छिन छिन आतम आतम पर पर, यही भावना भाऊं जी ।
 ब्रावन अच्छर पढ़ौं अर्थसौं, अथवा मौन लगाऊं जी ॥ १४ ॥
 सुज्ज असुज्ज भाव दो तेरे, सुभ अरु असुभ असुज्जं जी ।
 असुभ भाव सरवथा विनासौं, सुभमैं हो प्रतिबुज्जं जी ।
 सुज्ज भाव जिह बिध बनि आवै, सोई कारज धारौ जी ।
 द्यानत जीवन निपट सहल है, जगतैं आप निकारौ जी ॥ १५ ॥

इति अक्षरबावनी ।



(१९७)

नेमिनाथ-वहत्तरी ।

अदिल ।

वंदों नेमि जिनंद, चंद निरधार हैं ।
 वचन किरन करि, भ्रम तम नासनिहार हैं ॥
 भवि चकोर बुध कुमुद, नखत मुनि सुक्षदा ।
 ग्यान-सुधा भौ-तपत, नास पूरन सदा ॥ १ ॥
 मथुरामैं हरि कंस, विधंस किया जवै ।
 समुदविजै दस भ्रात, किस्त हलधर सवै ॥
 जरासिंधसौं डरि, सौरीपुरकौं चले ।
 आए सागर तीर, चतुर सब ही मिले ॥ २ ॥
 होनहार श्रीनेम, जिनंद प्रभावतैं ।
 नारायनकौ पुन्य, हली लखि चावतैं ॥
 आयौ देव तुरंत, द्वारिका पुर किया ।
 महावली लखि राज, किस्तजीकौं दिया ॥ ३ ॥
 गरभ छमास अगाऊ, धनपति आइयौ ।
 जनक भवन तिहुं काल, रतन वरसाइयौ ॥
 कनक रतनमै, अति सोभा पुरकी करी ।
 मात सिवादेवी सोई, वह सुख भरी ॥ ४ ॥
 सोलै सुपने देखे, पच्छिम रातमै ।
 गज पावक अभिराम, उठी सो प्रातमै ॥
 समुदविजै पै जाय, सुपन फल सुन लिया ।
 तिहुजगपति सुत होसी, अति आनंद किया ॥ ५ ॥

(१९८)

कमलवासिनी देवी, सब सेवा करै ।
 पंद्रह मास रतन, बरसासौं घर भरै ॥
 आसन कांथ्यौ इंद्र, जनम जिनकौ भयौ ।
 ऐरावति चढ़ि आए, सब सुर सुख लयौ ॥ ६ ॥
 गजपै कोड़ सताइस, अपछर नाचहीं ।
 देवी देव चहूं विध, मंगल राचहीं ॥
 इंद्रानी प्रभु लाय, इंद्र करमै दियौ ।
 गज चढ़ि छत्र चमर बहु, मेर गमन कियौ ॥ ७ ॥
 पांडुक सिल सिंधासनपै, प्रभु थापियौ ।
 सहस अठोतर कलस, धार जै जै कियौ ॥
 पूजा अष्ट प्रकार, करी अति प्रीतिसौं ।
 नेमिनाथ यह नाम, दियौ गुन रीतिसौं ॥ ८ ॥
 मात पिताकौं सौंप, निरत बहु विध भया ।
 देवकुमारन थाप, आप धानक गया ॥
 खान पान पट भूषन, देवपुनीत हैं ।
 भए कुमर दस गुन, तिहुं ग्यान सुरीत हैं ॥ ९ ॥
 सारथ-वाह रतन ले, चक्रीपै गयौ ।
 जरासिंधु मन कोप, कृस्त ऊपर भयौ ॥
 हरि पूछै तब आय, जीत प्रभु कौनकी ।
 वदन खुसी लखि, जान्यौ हम जै हौनकी ॥ १० ॥

सोरठा ।

जरासिंधुकौं जीत, सुर नर खग सब वसि करे ।
 सोल सहस तिय प्रीत, तीन खंड राजा भये ॥ ११ ॥

(१९९)

भूप कुमर सब साथ, इक दिन कृस्त सभा गये ।
 उठे सबै नरनाथ, सिंधासन बैठे प्रभू ॥ १२ ॥
 वात चली बलरूप, एक कहैं पांडौं बड़े ।
 एक कहैं हरि भूप, कंस जरासंध जिन हते ॥ १३ ॥
 बलभद्र तिह ठाम, कहैं त्रिजग तिहुं कालमैं ।
 मति लो झूठा नाम, नेमिनाथ सम बल नहीं ॥ १४ ॥
 कृस्त कहै तिह वार, स्ववल दिखाऊं स्वामिजी ।
 सुनि आई सब नारि, लखैं झरोखेमैं खरीं ॥ १५ ॥
 नेमि सहज कर वाम, दई कनिष्ठा अंगुली ।
 मेर अचल ज्यौं स्वाम, कृस्त हलाय सक्यौ नहीं ॥ १६ ॥
 नारायन सत भाय, कहै जोर अपनो करौ ।
 ताही अंगुली लाय, कृस्त उठाय फिराइयौ ॥ १७ ॥
 छोड़ि दियौ ततकाल, दीनदयाल दयाल है ।
 बोल्यौ कृस्त खुप्याल, राज हमारौ अटल है ॥ १८ ॥
 नाम भजैं जैकार, देव पहुप-वरणा करै ।
 गुन थुति करि बहु वार, विदा किये प्रभु मान दे ॥ १९ ॥
 हरिकौं फिकर अपार, राज सुधिर मेरौ कहां ।
 जब लौं नेमिकुमार, मन सोचै देखौ हली ॥ २० ॥

मोतीदाम ।

बल तब हरिकौं समझावै, इन तिहुं-जग-राज न भावै ।
 कछु कारन देखि धरैंगे, दिच्छा सिवनारि बरैंगे ॥ २१ ॥
 तब रितु वसंत सुभ आई, सब भागि चले मिलि भाई ।
 नेमीस्वर हरि बल सारे, परिजन तिय संग सिधारे ॥ २२ ॥

(२००)

कीड़ों बहु करि वेन्माहीं, हरि तिय भेजी प्रभु पाहीं ।
 सब नाचैं गाय वजावैं, होली सम ख्याल मचावैं ॥ २३ ॥
 बोली जंववंती नारी, तुम व्याह करौ सुखकारी ।
 प्रभु रंच भए न सरागी, सुचि जल न्हाए वड़ भागी ॥ २४ ॥
 यह धोती धोय हमारी, सुनि जंववती रिस धारी ।
 मैं कृस्ततनी पटरानी, तिन हूँ न कही ए वानी ॥ २५ ॥
 जिन संख धनुष फनि साधे, ए काम कठिन आराधे ।
 जब तुम तीनौं करि आवौ, तब धोती वात चलावौ ॥ २६ ॥
 सुनि बोली रुकमनी रानी, सो दिन तू क्यौं विसरानी ।
 प्रभु कृस्त उठाय फिरायौ, तब धोती धो गुन गायौ ॥ २७ ॥
 जब नेमीस्वर मन आई, जल रेखा सम गरमाई ।
 अहिसेजा धनुष चढ़ायौ, नासासौं संख वजायौ ॥ २८ ॥
 सुर असुरन अचिरजकारी, अदभुत धुनि सुनि नर नारी ।
 भई धूम देसमै भारी, डरि कंपन लाग्यौ मुरारी ॥ २९ ॥
 जांववंती विधि सुनि आयौ, प्रभुकौं हरि सीस नवायौ ।
 तुम सम तिहु जग बल नाहीं, जिन खुसी गए घरमाहीं ॥ ३० ॥

चौपई ।

तब हरि उग्रसैनसौं भाखी, राजमती कन्या अभिलाखी ।
 उत्तम नेमि कुमर वर दीजै, समदविजै नृप समदी कीजै ॥ १ ॥
 उग्रसैन नृप सुनि हरखाया, नेमि कुमार जमाई पाया ।
 छहु सुकल सावन ठहराया, व्याह लगन नृप भौन पठाया ॥ २ ॥
 कुल आचार दुहुं घर कीने, मंगल कारज आनंद भीने ।
 दान अनेक सवानि सुखदानी, वहु ज्यौनार वहुत विधि ठानी ॥

(२०१)

चली वरात विविध विसतारी, गान नृत्य वादित्र अपारी ।
 जादौ छप्पन कोड़ि तयारी, और भूप वहु विधि असवारी ॥ ३४ ॥
 रथ ऊपर श्रीनेमि विराजैं, छत्र चमर सिंधासन छाजैं ।
 देवपुनीत दरव सब सोहैं, सुर नर नारिन के मन मोहैं ॥ ३५ ॥
 पसु पंखी घेरे वन माहीं, सवनि पुकार करी इक ठाहीं ।
 तुम प्रभु दीनदयाल कहाओ, कारन कौन हमैं मरवाओ ॥ ३६ ॥
 यह दुख-धुनि सुनि नेमिकुमारं, सारथिसाँ पूछी तिह वारं ।
 प्रभु तुम व्याह निमित सब घेरे, संग मलेच्छ भूप वहुतेरे ॥ ३७ ॥
 कंटक भै पैनही पग माहीं, जीवसमूह हनैं डर नाहीं ।
 पर प्राननि करि प्रान भरैं हैं, प्रानी दुरगति माहिं परैं हैं ॥ ३८ ॥
 धिग यह व्याह नरकदुखदानी, तत्त्विन छोड़ि दिये सब प्रानी
 खुसी सरव निज थान सिधारे, प्रभु तुम वंदी छोर हमारे ॥ ३९ ॥
 कुल हरिवंस पुनीत विराजै, यह विपरीत तहां क्यौं छाजै ।
 राज-काज हरि यह विधि ठानी, प्रभु मनमै वातै सब जानी ॥ ४० ॥

चौपई, दूजी ढाल ।

प्रभु भावै भावन निहपाप, भवतनभोग अथिर थिर आप ।
 चहुगति सब असरन सिव सर्न, सिद्ध अमर जग जंमन मर्न ।
 एक सदा कोई संग नाहिं, निहचैं भिन्न रहै तन माहिं ।
 देह असुच सुच आतम पर्म, नाव छेक जल आस्रव कर्म ॥ ४१ ॥
 संवर दिढ़ वैराग उपाव, तप निर्जरा अवंछक भाव ।
 लोक छदरव अनादि अनंत, ग्यान भान अम तिमर हनंत ॥ ४२ ॥
 काम भोग सब सुख लभ लोय, एक सुद्ध पद दुरलभ सोय ।
 लौकांतिक आए तिह घरी, कुसुमांजली दे वहु थुति करी ॥ ४३ ॥

१ देवोपनीत-दिव्य । २ जूतियाँ ।

(२०२)

चतुर निकाय देव सब आय, छीरोदधि जल कलस न्हुलाय ।
 सीस मुकुट पट भूपन माल, मुक्ति वधू-वर बने रसाल ॥४५॥
 चढ़ि सुखपाल चले भगवंत, सुर नर खग जै जै उचरंत ।
 मात सिवादेवी विललाय, दौरि पालकी पकरी आय ॥४६॥
 भई मूरछा सुधि बुधि खोय, ज्यौं त्यौं कीनी चेतन सोय ।
 अहो पुत्र तुम कुल सिंगार, मुझ दुखियाकौं को आधार ॥४७॥
 जीव भ्रम्यौं जग दुःख अपार, जनम मरन कीने वहु वार ।
 निज पर भौं भाखे समझाय, गरभवास अब वस्यौं न जाय ॥४८॥
 तुम माता, चाहो सुख मोहि, हमैं दुखी लखि दुखिया होहि ।
 मैं जग तरैं वरैं सिव नार, सुत गुन सुनि तुम हरखौं सार ॥४९॥
 हल वलभद्र कहैं वहु भाय, राज करौं हम सेवैं पाय ।
 राज विनासी सो किह काज, हम पायौं परमात्मराज ॥५०॥

दोहाकी ढाल ।

जै जै स्वामी नेमिजी, नमैं स्वपद दातार हो ।
 आप स्वयंभूनैं धरी, दिच्छा गढ़ गिरनार हो ॥ ५१ ॥
 एक सहस नृप साथ ले, सिद्धरूप उर धार हो ।
 इंद्र करी शुति बंदना, सब मिलि बारंबार हो ॥ ५२ ॥
 बेलासौं उठि पारना, प्रासुक खीर अहार हो ।
 वरदत नृप घरमैं भए, पंचाचरज अपार हो ॥ ५३ ॥
 खग मृग ले फल फूल सो, बंदैं सीस नवाय हो ।
 जाकै दरसन देखतैं, जनम बैर मिटि जाय हो ॥ ५४ ॥
 छप्पन दिनमैं पाइयौं, केवल ग्यान अपार हो ।
 समोसरन धनपति कियौं, कहत न आवै पार हो ॥ ५५ ॥

(२०३)

रजमति अति विललायकैं, ग्यारह प्रतिमा धार हो ।
 सबै आरजामैं भई, गैननी पद सिरदार हो ॥ ५६ ॥
 सूरज सम तम नासकैं, ससि सम वचन प्रकास हो ।
 मेघ समान सुखी करे, सुरतरु सम गुणरास हो ॥ ५७ ॥
 हरि वल सब पूजा करैं, पूजैं इंद्र समस्त हो ।
 गनधर ठड़े शुति करैं, पावैं वंछित वस्त हो ॥ ५८ ॥
 नारायन वलदेवनैं, पूछी प्रभुसौं वात हो ।
 द्वारापुर अरु किसनकी, कितनी थिति विल्व्यात हो ॥ ५९ ॥
 मदके दोप प्रभावतैं, द्वीपायन नर-नाह हो ।
 इनतैं वारै वर्षमैं, नगर द्वारिकादाह हो ॥ ६० ॥
 हरिकौं जरदकुमारकौं, वाण लगैगौ आय हो ।
 तातैं संजम लीजियै, धंर वासा दुखदाय हो ॥ ६१ ॥
 किसन दई पुर घोषणा, दिच्छा लों नरनारि हो ।
 मैं काहूं रोकौं नहीं, नेमि-वचन उर धारि हो ॥ ६२ ॥

दोहाकी दूसरी ढाल ।

हो स्वामी भौं जल पार उतार हो । (आंचली)
 सतभामा रुकमिनि सबै जी, प्रदमनि आदि कुमार ।
 वहुतनिनैं दिच्छा लई जी, जान अथिर संसार हो ॥ ६३ ॥
 नगर जरन हरिकौं मरन जी, कहैं वढ़े विसतार ।
 वलभद्र दिच्छा धरी जी, भयौं सुरग अवतार हो ॥ ६४ ॥
 पांचौं पांडौनैं लई, दिच्छा सहित कुटंब ।
 सुन सुन निज परजायकौं जी, जान्यौं जगत विटंब हो ॥ ६५ ॥

१ आयिकाओंमें । २ गणनी-अर्जिकाओंके संघकी खासिनी ।

(२०४)

नाम कहा लौं मैं कहूं जी, धनि धनि नेमिकुमार ।
 बंदी छोरे परमजती जी, सब जग तारनहार हो ॥ ६६ ॥
 सुगुन अनंत महंत हौं जी, प्रगट छियालिस भास ।
 दोष अठारै छ्य गये जी, लोकालोक प्रकास हो ॥ ६७ ॥
 वहु नारी प्रतिबोधिकैं जी, भेजीं सुरगति सार ।
 रजमति तिय लिंग छेदिकैं जी, सोलै सुरग मज्जार हो ॥ ६८ ॥
 बहुतनकौं सुरपद दियौ जी, बहुतनकौं सिवठाम ।
 तीन सतक तेतीस संग जी, भये अमर सुखधाम हो ॥ ६९ ॥
 तन कपूर ज्यौं खिर गया जी, रहे केस नख धार ।
 सुगंध दरव धरि अगन सुर जी, मुकट नम्यौ तिह वार हो ॥ ७० ॥
 कथा तिहारी मुनि कहैं, हमनैं लीनौ नाम ।
 दो अच्छर नर जे जपै जी, सीझैं वैछित काम हो ॥ ७१ ॥
 सांचे दीन दयाल हौं जी, द्यानत लौं तुम माहिं ।
 अपनौं पन प्रतिपाल हौं जी, चिंता व्यापै नाहिं हो ॥ ७२ ॥

इति नेमिनाथवहत्तरी ।



(२०५)

वज्रदंत कथा ।

चौपाई ।

बैठौ वज्रदंत भूपाल, माली लायौ फूल रसाल ॥ (टक) ।
 कमल माहिं मृत भ्रमर निहार, चक्री मन कंध्यौ तिह वार ॥ १ ॥
 नासा वसि इन खोई देह, मैं सठ कियौं पंचसौं नेह ॥ २ ॥
 मति सुत अवधि ग्यानकौं पाय, मैं न कियौं तप मोख उपाय ॥ ३ ॥
 भव तन भोगनिकौं धिकार, दिच्छा धरौं वरौं सिव नारा ॥ ४ ॥
 सुतकौं सर्व संपदा देय, सो वैरागी राज न लेय ॥ ५ ॥
 पुत्र हजार सवनसौं कहा, वौं जेम किनहू नहिं गहा ॥ ६ ॥
 आपनि मुकत होत हौ भूप, हमकौं क्यौं डोबौ जगकूप ॥ ७ ॥
 योतेकौं दे राज समाज, आपन चले मुकतिके काज ॥ ८ ॥
 पिता तीर्थकरके छिग जाय, नव निधि रत्न तजे दुखदाय ॥ ९ ॥
 तीस सहस नृप पुत्र हजार, साठि सहस रानी संग धार ॥ १० ॥
 आप मुकति सब सुगतिमज्जार, द्यानत नमौं सुपद दातार ॥ ११ ॥

इति वज्रदंतकथा ।

१ वमन—कैके समान किसीने राज्य नहीं लिया ।

(२०६)

आठ गणछन्द ।

दोहा ।

वरधमान सनमति महा, वीर अति महावीर ।
वीर पंच जिस नाम सो, नमौं अंत जिन धीर ॥ १ ॥

सोरथा ।

सब संसार अनित्य, नित्य एक परमात्मा ।
वंदि कहूँ सुन मित्त, आठ छंद गन आठके ॥ २ ॥

यगण ।

अकर्ता च कर्ता अभुक्ता च भुक्ता,
अनेका अनित्ता निता एक उक्ता ।
मरै ऊपजै ना मरै ना पजै है,
सदा आत्मा स्वांग ऐसे सजै है ॥ ३ ॥

रगण ।

चेतना आन है आन देही यही,
तेयपै भेद ज्यौं भेद जानौं सही ।
त्यागियै देहके नेहकी थापना,
देखियै जानियै आत्मा आपना ॥ ४ ॥

तगण ।

जो देह सो देह जो ग्यान सो ग्यान,
संवंधके होततैं होत ना आन ।
जो भेदविग्यान धारंत धीवंत,
सो नास भौ-वास स्यौ-वास वासंत ॥ ५ ॥

भगण ।

केवल दर्सन ग्यान विराजत,
लोक अलोक लखैं गुण छाजत ।
कर्म ढक्यौं नहिं आप पिछानत,
सो परमात्म क्यौं नहि जानत ॥ ६ ॥

(२०७)

जगण ।

न राग न दोप न वंध न मोप,
सदा अपने गुनमंडित कोप ।
सुभाव रमै पर भावनि खोय,
तिसै परमात्मकौ पद होय ॥ ७ ॥

सगण ।

जिसकी श्रुति इंद्र कै हरखै,
जिसके गुन साध सदा परखै ।
जिसकौं नित वेद वतावत है,
सु तुही निजमैं किन ध्यावत है ॥ ८ ॥

नगण ।

धरम गगन जम अधरम,
वध अवध पुदगल करम ।
पर विरहत सुपदसहत,
सुगुन गहत सु सुख लहत ॥ ९ ॥

मगण ।

सत्तोहं तत्तोहं गेयोहं ग्याताहं,
ग्यानोहं ध्यानोहं ध्येयोहं ध्याताहं ।
पर्मोहं धर्मोहं सर्मोहं बुद्धोहं,
रिद्धोहं वृद्धोहं सिद्धोहं सुज्ञोहं ॥ १० ॥

सोरथा ।

वारै अच्छर छंद, चार सहस अरु छ्यानवै ।
च्यानत हम मतिमंद, भेद कहां लौं कहि सकै ॥ ११ ॥

इति आठगणछंद ।

(२०८)


धर्म-चाह गीत ।

मैं देव नित अरहंत चाहूँ, सिद्धकौ सुमिरन करौँ ।
मैं सूरि गुरु मुनि तीन पदमैं, साध पद हिरदे धरौँ ॥
मैं धरम करुनामई चाहूँ, जहां हिंसा रंच ना ।
मैं साक्षग्यान विराग चाहूँ, जासमैं परपंच ना ॥ १ ॥
चौबीस श्रीजिनराज चाहूँ, और देव न मन वसै ।
जिन बीस खेत विदेह चाहूँ, बंदतै पातिग नसै ॥
गिरनार सिखर समेद चाहूँ, चंपापुर पावापुरी ।
कैलास श्रीजिनधाम चाहूँ, भजत भाजै भ्रम-ञ्जुरी ॥ २ ॥
नौ तत्त्वका सरधान चाहूँ, और तत्त्व न मन धरौँ ।
षट् दरव गुन परजाय चाहूँ, ठीक तासौं भै हरौँ ॥
पूजा परम जिनराज चाहूँ, और देव नहीं सदा ।
तिहुं कालका मैं जाप चाहूँ, पाप नहिं लागै कदा ॥ ३ ॥
सम्यक्त दरसन ग्यान चारित, सदा चाहूँ भावसौँ ।
दसलच्छनी मैं धरम चाहूँ, महा हरप बढ़ावसौँ ॥
सोलहौं कारन दुखनिवारन, सदा चाहूँ प्रीतिसौँ ।
मैं नित अठाई परव चाहूँ, महा मंगल रीतिसौँ ॥ ४ ॥
मैं वेद चाह्यौं सदा चाहूँ, आदि अंत निवाहसौँ ।
पाए धरमके चारि चाहूँ, अधिक चित्त उछाहसौँ ॥
मैं दान चाह्यौं सदा चाहूँ, भौन वसि लाहा लहूँ ।
मैं चारि आराधना चाहूँ, अंतमैं एही गहूँ ॥ ५ ॥
मैं भावना बारहौं चाहूँ, भाव निरमल होत है ।
मैं वरत बारै सदा चाहूँ, त्याग भाव उदोत है ॥

(२०९)

प्रतिमा दिगंबर सदा चाहूँ, ध्यान आसन सोहना ।
सब करमसौँ मैं छुटा चाहूँ, मिव लहौं जहां मोह ना॥३॥
मैं साहमीकौ संग चाहूँ, भीत तिनहीकौं करौं ।
मैं परवके उपवास चाहूँ, सरव आरंभ परिहरौं ॥
इस दुखम पंचम काल माहीं, कुल सरावग मैं लहा ।
सब महाव्रत धरि सकूं नाहीं, निवल तन मैंने गहा ॥७॥
यह भावना उत्तम सदा, भाऊं सुनौ जिनराय जी ।
तुम कृपानाथ अनाथ द्यानत, दया करनी न्याय जी ॥
दुख नास कर्म विनास ग्यान, प्रकास मोकौं कीजियै ।
करि सुगतिगमन समाधिमरन, भगति चरनकी दीजियै ॥८॥

इति धर्मचाहगीत ।



ध. लि. १४

(२१०)

आदिनाथस्तुति ।

रेखता ।

तुम आदिनाथ स्वामी, बंदौं त्रिकाल नामी ।
तुम शुन अनंत भारी, हम तनक बुद्धिधारी ॥ १ ॥
शुति कौन भांति गावैं, यह बुद्धि कहां पावैं ।
तुम ही सहाय हूजौ, प्रभु सम न देव दूजौ ॥ २ ॥
सर्वार्थसिद्धिवासी, तिहुं ग्यान सुखविलासी ।
गर्भ मास पट अगाऊ, सुर कियौ नगर चाऊ ॥ ३ ॥
भवि भाग जोग आए, सुर मेरयै नहुलाए ।
नाभिरायके दुलारे, मरुदेविके पियारे ॥ ४ ॥
जब आठ वरस धारे, अनुविरत सब संभारे ।
पट लाख पुच्छ आए, लखि सबनि सुख पाए ॥ ५ ॥
नाभिराय चित विचारी, संतानबृद्धिकारी ।
तुम परम गुरु सबनके, हम नाम गुरु भवनके ॥ ६ ॥
कहना हमारा कीजै, पानिग्रहन करीजै ।
प्रभु मोह उदै बूझा, चुप रहे भाव सूझा ॥ ७ ॥
तब इंद्र भी आया ही, दो भूप सुता व्याही ।
भए एक सौ कुमारं, दो सुता गुन अपारं ॥ ८ ॥
सब आप ही पढ़ाए, हुन्नर सबै सिखाए ।
जब कलपवृच्छ भागे, सब नाभि चरन लागे ॥ ९ ॥
नृप ले सबनिकौं आए, प्रभुकौं वचन सुनाए ।
यह प्रजा राखि लीजै, सबहीकौं सुखी कीजै ॥ १० ॥
प्रभु कालथिति विचारी, गई भोगभूमि सारी ।
तब ही सुधर्म आए, पट कर्म सब लगाए ॥ ११ ॥

(२११)

कलसाभिपेक कीनौं, नाभिनैं स्वराज दीनौं ।
बीस लाख पुच्छ आए, तब प्रजापति कहाए ॥ १२ ॥
सब दान सधकौं दीनैं, सब लोग सुखी कीनैं ।
कियौ राज सुख उदारं, सब भोग बहु प्रकारं ॥ १३ ॥
प्रभु भोग तजत नाहीं, इंद्र फिकर चित्त माहीं ।
तब अपछरा पठाई, सो नाचिकै विलाई ॥ १४ ॥
लखि जगत-थिति विनासी, भए पुच्छ लख तिरासी ।
वैराग भाव भाए, लौकांत इंद्र आए ॥ १५ ॥
दियौ भरत राजभारं, किय भूप सब कुमारं ।
चौ सहस भूप साथं, भए जती जगतनाथं ॥ १६ ॥
पट मास जोग दीनौं, तन अचल मेर कीनौं ।
सब साथतैं सु भागे, छुध तृपा काज लागे ॥ १७ ॥
प्रभु पाय जग परे हैं, फल फूल लै धरे हैं ।
नमि विनमि तहां आए, प्रभुकौं वचन सुनाए ॥ १८ ॥
सुत सरव भूप कीनैं, हम क्यौं विसारि दीनैं ।
धरनेंद्र तहां आया, वामनका भेष लाया ॥ १९ ॥
तुम जाहु भरत पासैं, अब राज लेहु वासैं ।
तुझकौं कवन बुलावै, को भरत कौन जावै ॥ २० ॥
इनका कहा करैगै, इनहीकै हो रहैगै ।
तब इंद्र भगति भीने, खगपती भूप कीने ॥ २१ ॥
प्रभु जोग पूरा कीना, आहार चित्त दीना ।
आए नगरके माहीं, विधि जानैं कोई नाहीं ॥ २२ ॥
वन माहिं फिर सिधारे, समताके भाव धारे ।
दिन चार सै भए हैं, गजपुरमैं तब गए हैं ॥ २३ ॥

(२१२)

नौ भौकों नेह जानौ, दाता श्रेयंस ठानौ ।
 लिया ईखरस नवीना, सुर पंचचरज कीना ॥ २४ ॥
 तब भरत भूप धाया, श्रेयांस भुवन आया ।
 मौनीकी वात जानी, क्योंकर तुमै पिछानी ॥ २५ ॥
 कही भरतसौं विख्यातं, भव आठकेरी वातं ।
 वज्रजंघ श्रीमतीका, सब कहा भेद नीका ॥ २६ ॥
 तब दान विधि वताई, सवहीके मन सुहाई ।
 तप कियौ वहु प्रकारं, भए वरस इक हजारं ॥ २७ ॥
 चहु करम तब भगाया, तब ग्यान भान पाया ।
 सुर कियौ समोसरना, सो कापै जाय वरना ॥ २८ ॥
 सुर नर असुरनैं पूजा, तुही देव नाहिं दूजा ।
 वानी सु मेघ वरसै, सुनि सरव जीव हरसै ॥ २९ ॥
 गनधर भए चौरासी, वहु मुनि भए निरासी ।
 स्वावक अनेक कीनै, सवहीकौ वरत दीनै ॥ ३० ॥
 पशु नरकतै निकारे, सुर मुकति सुख विथारे ।
 सब देस करि विहारं, इक लाख पुञ्च सारं ॥ ३१ ॥
 मुनि एक सहस संगं, भए अमर सुख अभंगं ।
 तन खिरा ज्यौं कपूरं, इंद्र भए सब हजरं ॥ ३२ ॥
 करि वंद वार वारं, नख केश संसकारं ।
 रज सीस लै लगाई, भावना चित्त भाई ॥ ३३ ॥
 जे गुन तिहारे ध्यावै, पूजा करै करावै ।
 जे नामकौ भजै हैं, सब पापकौ तजै हैं ॥ ३४ ॥
 जे कथा तेरी गावै, जे सुनै प्रीति लावै ।
 जे चित्तमै धरै हैं, सब दुःखकौ हरै हैं ॥ ३५ ॥
 तुम कथा है वहुतसी, मैं कही है तनकसी ।
 यह चूक वक्स दीजौ, द्यानतकौ याद कीजौ ॥ ३६ ॥

इति आदिनाथस्तुति ।

(२१३)

शिक्षापंचासिका ।

शोदा ।

राग विरोध विमोह वस, ऋमै जीव संसार ।
 तीनौं जीतै देव सो, हृष्म उतारी पार ॥ १ ॥
 धंधेमैं दिन जात हैं, सोवत रात विलात ।
 कौन वेर है धरमकी, जव ममता मरि जात ॥ २ ॥
 नरकी सोभा रूप है, रूप सोभ गुनवान ।
 गुनकी सोभा ग्यानतैं, ग्यान छिमातैं जान ॥ ३ ॥
 आव गलै अघ नहि गलै, मोह फुरै नहिं ग्यान ।
 देह घट आसा वढ़े, देखो नरकी बान ॥ ४ ॥
 चेतन तुम तौं चतुर है, कहा भए मतिहीन ।
 ऐसौं नर भव पायकै, विषयनमैं चित दीन ॥ ५ ॥
 ग्याता जो कुकथा करै, पीछै, निंदै सोय ।
 मूरख ग्यान वखानिकै, आदर करै न लोय ॥ ६ ॥
 त्याग करै त्यागी पुरुष, जानै आगम भेद ।
 सहज हरण मनमैं धरै, करै करमकौ छेद ॥ ७ ॥
 बालपने अग्यान मति, जोवन मदकर लीन ।
 वृद्धपने है सिथिलता, कहाँ धरम कब कीन ॥ ८ ॥
 बालपने विद्या पढ़े, जोवन संजमलीन ।
 वृद्धपने संन्यास ग्रहि, करै करमकौ छीन ॥ ९ ॥
 जाहर जगत विलात है, नाहर जममुख माहिं ।
 ता हरकै हूजै सुखी, चाह रहै कछु नाहिं ॥ १० ॥
 भमता जीव सदा रहै, ममता रत परजाय ।
 समता जव मनमैं धरै, जम तासौं डर जाय ॥ ११ ॥

(२१४)

लोभसैन विनसै भलौ, रमा विसन सविमार ।
जैत करन सुनरक तजै, रेचा जगत मग चार (?) १२
जैसैं विषे सुहात है, तैसैं धर्म सुहाय ।
सो निहचैं परमारथी, सुख पावै अधिकाय ॥ १३ ॥
सोरठा ।

सम्यक अरु साचार, सज्जनता अरु सील गुन ।
माँगै मिलै न चार, पूरवले पुञ्चों बिना ॥ १४ ॥
जे न करै दस चार, ते बारह पच-पन कहे ।
जे हैं छप्पन ठार, आठ आठ पद सिद्धकौं ॥ १५ ॥
दोहा ।

जैनधर्म सब धर्मपै, सोमै तिलक समान ।
आन धर्म लागै नहीं, ज्यों पैटबीजन भान ॥ १६ ॥
चौपई ।

विविध प्रकार राजकौं त्याग, जिन सिव साधी ध्यान समाज ।
भिन्ना मांगि उदर तू भरै, अपनौ काज न काहे करै १७
दोहा ।

चिंता चिता दुहू विषै, बिंदी अधिक सदीव ।
चिंता चेतनिकौं दहै, चिता दहै निरजीव ॥ १८ ॥
‘देहु’ वचन यह निंद है, ‘नाहिं’ वचन अति निंद ।
‘लेहु’ वचन सुभरूप है, ‘नाहिं’ महा सुभ इंद ॥ १९ ॥
जुगल राग अरु दोषकी, हानि करौ बुधवंत ।
रुकै करम सिव पाइयै, यह ‘जुहार’ विरतंत ॥ २० ॥

१ दूसरी तीसरी प्रतिमें ‘रेचा गमत (?) मग चार’ पाठ है।
२ जुगनू या खद्योत ।

(२१५)

वन वन होत न कठपतरु, तन तन तुध न अगाथ ।
फन फन होत न मन सहत, जन जन, होत न साथ २१
सुगुन वढ़ै अन्याससौं, भाग वढ़ै नहिं कोय ।
कान वढ़ावै जोपिता, आंख वड़ी क्याँ होय ॥ २२ ॥
निसिका दीपक चंद्रमा, दिनका दीपक भान ।
कुलका दीपक पुत्र है, तिहुं-जगदीपक म्यान ॥ २३ ॥
दोप तुरे सबके लगैं, आतम दोप सुहाय ।
धूआं सबहीका तुरा, अगर धूम सुखदाय ॥ २४ ॥
घरकी सोभा धन महा, धनकी सोभा दान ।
सोमै दान विवेकसौं, छिमा विवेक प्रधान ॥ २५ ॥
एक समैमैं सब लखा, ऐसा समरथ सोय ।
आगै पीछैं सो लखै, जो दगहीना होय ॥ २६ ॥
पूरन घट बोलै नहीं, अरथ भए छलकंत ।
गुनी गुमान करै नहीं, निरगुन मान करंत ॥ २७ ॥
मैं मधु जोख्यौ नहिं दियौ, हाथ मलै पछिताय ।
धन मति संचौ दान दो, माखी कहै सुनाय ॥ २८ ॥
कला बहत्तरि पुरुषकी, तामैं दो सिरदार ।
एक जीवकी जीविका, दूजै जी-उद्धार ॥ २९ ॥
सोम सुक गुरु चंद सुभ, मंद भौम रवि भान ।
बुद्ध उमैं सुर प्रात सुभ, कहै सुरोदय ग्यान ॥ ३० ॥
घर वसि दान दियौ नहीं, तन न कियौ तप लेस ।
‘जैसैं कंता घर रहे, तैसैं गए विदेस’ ॥ ३१ ॥

१ छ्वी ।

(२१६)

नर भौ पायो धरमकौं, किया अधर्म बनाय ।
 ‘विटते (?) कारन आनकैं, पूँजी चले गमाय’ ॥ ३२ ॥
 चलौ भविक तहां जाइयै, जहां वसत जिनराज ।
 दुःखनिवारन सुखकरन, ‘एक पंथ दो काज’ ॥ ३३ ॥
 कर भाजन कूआ निकट, गुन विन लहै न नीर ।
 सो गुन क्यौं नहिं धारियै, जो बुधि होय सरीर ॥ ३४ ॥
 तन बल धन बल कपट बल, टाल बांह-बल जोय ।
 अजस पापतैं ना डरै, पंच कहावै सोय ॥ ३५ ॥
 पंच परम पद नित जपै, पंचेंद्री सुख टारि ।
 पंचनके पीछै चलै, पंच वही सिरदार ॥ ३६ ॥
 एक कनक अरु कामिनी, ए दोनौं दिढ़ वंध ।
 त्यागै निहचै मोख है, और बात सब धंध ॥ ३७ ॥
 मान मुधा रस दूरि करि, दान छुधा रस देय ।
 ध्यान छुधारस ठानिकैं, ग्यान सुधारस पेय ॥ ३८ ॥
 समरथ हैं ते मीत नहिं, मीत न समरथ कोय ।
 दोनौं बातैं कठिन हैं, औषधि मीठी होय ॥ ३९ ॥
 समरथ प्रीतम प्रभु बड़े, तिन सेवौ मन लाय ।
 इह पर भौ इन सम नहीं, मनवांछित सुखदाय ॥ ४० ॥
 कहूं सफल आदर विना, कहूं आदर फल नाहिं ।
 दोनौं लहियै धर्मतैं, वृच्छ सफल अरु छाहिं ॥ ४१ ॥
 क्रोध समान न सत्रु है, छमा समान न मित्र ।
 निंदा सम न गिलान है, प्रभुकी सम न पवित्र ॥ ४२ ॥

(२१७)

गोरठा ।
 कहूं विन ग्यान विराग, कहूं ग्यान वैराग विन ।
 दोनौं विना अभाग, ग्यान विराग सहित मुश्शी ॥ ४३ ॥
 चौपाई ।
 देव धरम गुरु आगम मानि, चार अमोलक रतन समान ।
 तजि मन क्रोध लोभ छल मान, भजि जिन साहित्र मेरु समान
 दोहा ।
 पाप पुन्य दोनौं वर्सैं, दरव माहिं भ्रम नाहिं ।
 ‘द्यानत’ कीने पाप हैं, पुन्य अमानत माहिं ॥ ४५ ॥
 बड़े वृच्छकौं सेइयै, पूरन फल अरु छाहिं ।
 जो कदाचि फल दे नहीं, छाहिं बहुत तप नाहिं ॥ ४६ ॥
 ताड़ ताप छेदन कसन, कनक-परीच्छा चार ।
 देव धरम गुरु ग्रंथसौं, सम्यक परखौ सार ॥ ४७ ॥
 दाना डुसमन हू भला, जो पीतम सनवंध ।
 बड़े भाग्यतैं पाइयै, ‘सोना और सुगंध’ ॥ ४८ ॥
 धन जोरैतैं ऊच नहि, ऊच दानतैं होत ॥ ४९ ॥
 सागर नीचैं ही रहै, ऊपर मेघ उदोत ॥ ५० ॥
 यह सिच्छा पंचासिका, कीनी ‘द्यानतराय’ ।
 पढ़ैं सुनैं जे मन धरैं, सब जनकौं सुखदाय ॥ ५० ॥

इति शिक्षापंचासिका ।

(२१८)

चुगलभारती ।

दोषा ।

(१)

पंचाचार छत्तीस गुन, सात रिज्जि चहुं ग्यान ।
गनधर पद बंदौं सदा, आचारज सुखदान ॥ १ ॥

चौपाई ।

एक परम परतीति विख्याता, दो दिच्छा सिच्छाके दाता ।
तीन काल सामायिक धारी, चारौंवेद कथन अधिकारी ॥ २ ॥
पंच भेद स्वाध्याय बतावै, पठ आवस्यक सब समझावै ।
सातौं प्रकृति हनी दुखदानी, आठौं अंग अमल सरधानी ॥ ३ ॥
नौ विध प्रायचित्त सिखलावै, दस विध परिगह ल्याग करावै ।
ग्यारै विधा जोग जिन मानै, वारै अंग कथन सब जानै ॥ ४ ॥
तेरै राग प्रकृति सब नासै, चौदै जीवसमाप्त प्रकासै ।
पंद्रै मोह प्रकृति सब नासी, सोलै ध्यान-रीति परकासी ॥ ५ ॥
सत्रै प्रकृति लखै उद्बेली, ठारै खै उपसम विधि झेली ।
परनै जिन उनईस बखानै, वरतमान बीसौं जिन मानै ॥ ६ ॥
इकइस गनत भेद सब सूझै, वाइस भाव दसम गुन बूझै ।
भवनत्रिक तेर्वैस बताए, कामदेव चौबीस सुनाए ॥ ७ ॥
विकथा नाम पचीस बखानै, छविस गुन दरवैके जानै ।
क्रोध भेद सत्ताइस भाखे, अटाईस विषै सब नाखे ॥ ८ ॥
रतनत्रै उनतीस प्रकारं, तीसौं चौबीसी निरधारं ।
करम भेद इकतीस सिखाये, खेत विदेह बतीस सुहाये ॥ ९ ॥
तेतिस देव इंद्रके थानं, चाँतीसौं अतिसै परिमानं ।
पैतिस धनुष कुंथ तन बंदै, छत्तीस गुन पूरन अभिनदै ॥ १० ॥

(२१९)

दोषा ।

(२)

एक एक गुनर्म कहे, हैं अनेक समुदाय ।
'ग्यानत' प्रभुकों बंदतैं, मोह धूरि झरि जाय ॥ १ ॥

राजमल जेन

बी. प. बी. श.

सोरथा ।

ग्यारै अंग बखान, चौदै पूरव समझ सब ।
गुन पचीस प्रधान, उपाध्याय बंदौं सदा ॥ २ ॥

चौपाई ।

पहला आचारांग बखानं, पद अटारै सहस प्रमानं ।
दूजा सूत्रकृतं अभिलाखं, पद छत्तीस सहस गुरु भाखं ॥ ३ ॥
तीजा ठानाअंग सुजानं, सहस वियालिस पद सरधानं ।
चौथा समवायांग निहारं, चौसठि सहस लाख इक धारं ॥ ४ ॥
पंचम व्याख्याप्रगपति दरसं, दोय लाख अद्वाइस सहसं ।
छाडा ग्यात्रकथाविस्तारं, पांच लाख छप्पन हजारं ॥ ५ ॥
सातम उपासकाध्ययनंगं, सत्तरि सहस ग्यार लख भंगं ।
अष्टम अंतकृतं दस ईसं, ठाई सहस लाख तेर्वैसं ॥ ६ ॥
नवम अनुत्तर दस सु विसालं, लाख वानवै सहस चवालं ।
दसम प्रसनव्याकरन विचारं, लाख त्रानवै सोल हजारं ॥ ७ ॥
ग्यारम विपाकसूत्र सुभाखं, एक कोरि चौरासी लाखं ।
चार किरोर पंदरै लाखं, दो हजार पद गुरु सब भाखं ॥ ८ ॥
बारम दिष्टवाद अवधारं, तामैं पंच बड़े अधिकारं ।
प्रकरनसूत्र प्रथम अनुयोगं, पूरव अरु चूलिका नियोगं ॥ ९ ॥
चारौं पद छप्पन हजारं, तेरै कोड़ी लाख अठारं ।
पूरव प्रथम नाम उत्पातं, ताके एक कोड़ि पद ख्यातं ॥ १० ॥

(२२०)

पूरव अग्नीय जुग नामं, लाख छानवै पद् अभिरामं ।
 तीजा पूरव बीरजवादं, पद हैं सत्तर लाख अनादं ॥१०॥
 चौथा पूरव अस्त-नास है, साठ लाख पद बुध प्रकास है ।
 पंचम पूरव ग्यान प्रवीनं, एक कोड़ि पद एक विहीनं ॥११॥
 छठा पूरव सत्य वखानं, एक कोड़ि पटपद परवानं ।
 सातम पूरव आत्मवादं, पद छविवस कोड़ी सुख स्वादं ॥१२॥
 आठम पूरव करम सु भाखं, एक कोड़ि पद अस्सी लाखं ।
 नौमा पूरव प्रत्याख्यानं, पद चौरासी लाख वखानं ॥१३॥
 दसमा पूरव विद्या जानं, पद इक कोड़ि लाख दस ठानं ।
 ग्यारम पूर्व कल्यान वखानं, पद छविवस कोड़ी परधानं ॥१४॥
 द्वादस पूरव प्राणवादं, पद किरोर तेरह अविखादं ।
 तेरम पूरव क्रियाविसालं, नौ किरोर पद वहु गुनमालं ॥१५॥
 चौदम पूरव विंद त्रिलोकं, साड़े बार कोड़ि पद धोकं ।
 साढ़े पच्चानवै किरोरं, पंच अधिक पूरव पद जोरं ॥१६॥
 इकसौ बारै कोड़ि वखाने, लाख तिरासी ऊपर जाने ।
 ठावन सहस पंच अधिकाने, द्वादस अंग सरव पद माने ॥१७॥
 क्यावन कोड़ि आठ ही लाखं, सहस चौरासी छै सै भाखं ।
 साढ़ इकीस सिलोक बताए, एक एक पदके ए गाए ॥१८॥
 ए पच्चीसौं सदा विथारै, स्वपर दया दोनाँ उर धारै ।
 भौ सागरमैं जीव निहारै, धरम वचन गुन धार निकारै ॥१९॥

दोहा ।

केवलग्यानि समान पद, सुतकेवलि जग माहिं ।
 उपाध्याय द्यानत नमौं, बढ़ै ग्यान भ्रम नाहिं ॥ २० ॥

इति जुगलशारती ।

(२२१)

वैराग्यशतीसी ।

दोहा ।

अजितनाथ पद वंदिकं, कहूं सगर अधिकार ।
 साठि सहस सुत आप नृप, सरव चरम तन धार ॥१॥
 चौपाई ।

नगर अजुध्याकौ चक्रेस, सुर नर खग वस दिपै दिनेस ।
 भूप गयौ वंदन जिनराय, परभौ मित्र मिल्यौ सुर आय ॥२॥
 हम तुम हुते विदेह मझार, तुम थे मो भगनी-भरतार ।
 तुमरै दोय पुत्र थे धीर, एक पुत्र खायौ जमवीर ॥ ३ ॥
 दूजे सुतकौं देकरि राज, हम तुम तप लीनौ हित काज ।
 उपजे सोलै स्वर्ग मझार, तहां कियौं था तुमौं करार ॥४॥
 पहलै जा सो दिच्छा लेय, इहां रहै सो सिच्छा देय ।
 सुतवियोग दिच्छा परनए, तातैं साठि सहस सुत ठए ॥५॥
 भोगे भोग तृपति न लगार, दिच्छा गहौ न लावौ वार ।
 समझ बूझ नृप लह्यौ लुभाइ, पुत्रमोह छोड़यौ नहिं जाइ ॥६॥
 सुर जानौ इसकै संसार, फिरि आयौ मुनिकौ ब्रत धार ।
 जोवनवंत काम उनहार, रवि ससितैं दुति अधिक अपार ॥७॥
 चारन रिद्धि महा तपवान, नृप वंद्यौ चैत्याले आन ।
 पूछै भूप तज्यौ क्यौं गेह, व्यौरा सरव कहौ धरि नेह ॥८॥
 घर वंदीखाना सुत पास, नारी सकल दुःखकी रास ।
 राजा सुनिकै रह्यौ लुभाइ, मोह उदैवस कछुन वसाइ ॥९॥
 इक दिन सरव कुमारन आइ, कह्यौ भूपसौं वचन सुनाइ ।
 तुमैं काम करना है जोय, हमकौं आगया दीजै सोय ॥१०॥

(२२२)

भूप कहै मेरें यह काम, भोगी भोग सरव सुखधाम ।
गए विलखके सरव कुमार, फिर आए सब हैं असवार॥११॥
हमकौं काम कहौं कुछ सार, हम तव ही करि हैं आहार ।
जब हम छत्रीकुल जगमाहि, आप कमाई लछिमी खाहि ॥१२॥
खंड छहौं मैं साधे सबै, मुझे साधना कुछ नहीं अवै ।
कुमर कहैं अब होहि दयाल, हमैं काम करि करौं खुस्याल ॥१३॥
भूप कहै कैलास पहार, तहां बहतरि जिनगृह सार ।
आगैं काल होयगा दुष्ट, तिनकी रच्छा कीजै पुष्ट ॥१४॥
दंड लेह ता खाई करौं, गंगा लाइ तासमैं भरौं ।
सुनत वचन सब चले कुमार, खाई करि जल भरि सुख धार॥१५॥
इस औसर सुर है फनधार, कियौं मूरछा सरव कुमार ।
सुनी खबर मंत्रिनने सही, नृप सुत मोह जान नहिं कही ॥१६॥
तव सुर भयौं वृद्ध द्विजराय, मृतक पुत्र इक कंठ लगाय ।
धर्मभूप तू दीनदयाल, मेरौं पुत्र हन्यौं हैं काल ॥१७॥
तेरे राज दुखी नहिं कोय, मम सुख होय करौं तुम सोय ।
भूप कहै सुनि हो द्विजराय, जमसौं काहूकी न वसाय॥१८॥
सिद्ध विना सबहीकौं खाय, काल गालमैं है घटकाय ।
जो तू जीता चाहै तेह, पुत्र मोह तजि दिच्छा लेह ॥१९॥
वांभन कहै सांच जो बात, तो सुनियै विनती विख्यात ।
भूप कहै धोका नहिं कोय, दिच्छा विन जम नास न होय ॥२०॥
मेरा सुत इक मारा सार, मारे तेरे साठि हजार ।
जो तुम लखौं अधिर जग धाम, दिच्छा क्यौं न धरौं नर स्वाम ।
मेरा बैरी तनक कुतांत, तेरा बैरी बड़ा न भ्रांत ।
तुम क्यौं नहिं जीतौं जमराय, अमर होहु सब दुख मिटिजाय

(२२३)

दोहा ।
वात कहन भूपरि गमन, करन खड़ग स्वग्राम ।
कथनी कथ करनी करैं, ते विरले संसार ॥२३॥
चौपाई ।
सुन मूरछा नृपकौं भई, सीतल-दरव-जोग मिटि गई ।
भावै भावन चार, भौं-तन-भोग अधिर संसार ॥२४॥
दोहा ।
भूप कहै संसार सब, कदली वृच्छ समान ।
केले माहिं कपूर ज्यौं, त्यौं यामैं निरवान ॥२५॥
दुर्लभ नर भव पायकैं, जो मैं साधौं मोप ।
तो मेरौं जीवन सफल, मिटै सरव दुखदोप ॥२६॥
पुत्र मोह फांसी पख्यौं, मैं न लख्यौं हित काज ।
अब सब फांसी कटि गई, दियौं भगीरथ राज ॥२७॥
जहां धरम दिह जिन तहां, पहुंचे वहु नृप संग ।
दिच्छा लीनी भावसौं, सुर हरख्यौं सरवंग ॥२८॥
चौपाई ।
गयौं जहां थे साठि हजार, किये सचेतन सरव कुमार ।
पिता वारता सबसौं कही, मैं तुम कुलकौं प्रोहित सही ॥२९॥
सोरठा ।
धन्य हमारे तात, राज काज तजि बन बसे ।
हम हूं जाय विख्यात, पिता किया सोई करैं ॥३०॥
चौपाई ।
सब कुमरन तब दिच्छा लई, देव प्रगट है वानी चई ।
हम कीनौं अपराध अपार, छमा करौं तुम सब मुनि सार ॥३१॥

(२२४)

मुनि बोले सब जगत टटोय, तुम सम उपगारी नहिं कोय ।
भोग कीचत्तैं सर्व निकार, धरे मोखमैं धनि तू यार ॥ ३२ ॥
मधुर कठिन दो बात बनाय, करै धरम उपदेस खुनाय ।
सो पीतम कहियै सिरदार, इस भौं पर भौं सुखदातार ॥ ३३
दोहा ।

नरम कहै करड़ी कहै, करै पाप उपदेस ।
सो बैरी तातैं बढ़ै, दोनौं जनम कलेस ॥ ३४ ॥
देव सुखी थानक गयौं, सब मुनि करि तप धोर ।
करम काटि सिवपुर गए, वंदत हाँैं कर जोर ॥ ३५ ॥
सगर-विरागछत्तीसिका, हेत भवानीदास ।
कीनी चानतरायनैं, पढ़ौं सबन सुखरास ॥ ३६ ॥
इति वैरागछत्तीसी ।



(२२५)

वाणी-संख्या ।

दोहा ।

वंदों वानी वरन जुग, वरग किये पट जास ।
अच्छर एक घटाइक, अंग उपग प्रकास ॥ ? ॥
'नेमिचंद' मुनिराजपद, वंदों मन वच काय ।
जस प्रसाद गिनती कहै, जैनवचन-समुदाय ॥ २ ॥
नौपट्ठै ।

अच्छर दोय गनतके काज, राखे भाखे स्थीजिनराज ।
तिनकौं वरग फलै विसतार, एक वरगसौं एक निहार ॥ ३ ॥
तातैं लीजै अच्छर दोय, वरग छहाँैं इस विध अवलोय ।
पहला वरग चार परवान, दूजा सोलै वरग वखान ॥ ४ ॥
तीजा दोसै छप्पन अंक, भाखो चौथा वरग निसंक ।
पैसठ सहस पांचसै धार, छत्तिस अच्छर अधिक निहार ॥ ५ ॥
चार सतक उनतीस किरोर, लाख पचास एक कम जोर ।
सतसठि सहस दुसै छानवै, पंच वरग गिनती यह ठवै ॥ ६ ॥
दोहा ।

इक लख चौरासी सहस, चौसै सतसठि जान ।
इनकौं कोड़ाकोड़ि करि, आगैं सुनौ वखान ॥ ७ ॥
लाख चवालिस जानियै, सात सहस सै तीन ।
सत्तर एते कोर हैं, और कहूं परवीन ॥ ८ ॥
लाख कहे पच्चानवै, सहस एक पंचास ।
छै सै सोलै गनतका, छैठा वरग परकास ॥ ९ ॥

१ अंकोमें यथा—१८४४६७, ४४०७३७०, ९५५९६९६ ।
घ. वि. १५

(२२६)

बीस अंककी दूसरी, गनती कहुं समुदाय ।
सावधान है के सुनौ, सब संसे मिटि जाय ॥ १० ॥
सोरठा ।

विंजन हैं तेतीस, आदि ककार हकार लौं ।
स्वर हैं सत्ताईस, हस्व पुलत दीरघ नमौं ॥ ११ ॥
जोगवहा है चार, अं अः लख परगट वरन ।
चौसठि जैन मझार, आनमती भाखैं कभी ॥ १२ ॥
दीरघ कु लू नहि संसकृत, देस भापमै जान ।
ए ए ओ औं हस्व ए, प्राकृत भाषा मान ॥ १३ ॥
मूल वरन चौसठि कहे, अरु संजोग अनेक ।
ते अच्छर पुनरुक्त सब, परमागम यह टेक ॥ १४ ॥
ई चौसठि वरनकौं, भिन्न भिन्न करि राख ।
इक इक पर दो दो धरौ, गुनौ परस्पर साख ॥ १५ ॥
चौपहु ।

पहले दो दूजे दो चार, तीजे दो गुन आठ निहार ।
चौथे सोलैं पांच छतीस, छडे चौसठि कहे गनीस ॥ १६ ॥
सात गिनौ सौ अडाईस, आठैं दो सै छपन दीस ।
इस विध चौसठि लौं गिन सार, बीस अंक उपजै निरधार ॥ १७
दोहा ।

इंक वसु चौं चौं पट सपत, चौं चौं नभ सत तीन ।
सत नभ नौ पन पंच इक, पट इक पट गिन लीन ॥ १८ ॥
लीने थे दो एककै, पूरव गनती काज ।
सो या माहिं कमी करौ, यौं भाख्यौ मुनिराज ॥ १९ ॥

१ यथा अंकोंमें—१८४४६७४४०७३ ७०९५५९६९६ ।

(२२७)

बीस अंक गिनती विंपं, छैं सैं सोलैं अंत ।
एक घटा वाकी रहे, छैं सैं पंद्रं संत ॥ २० ॥
इंक वसु चौं चौं पट सपत, चौं चौं विंदी सात ।
तिय सत नभ नौ पंच पन, इक पट इक पन ख्यात ॥ २१ ॥
अव इनके पद वरनजं, सो पद तीन प्रकार ।
प्रथम अरथ परमान विय, त्रितिय मध्य पद धार ॥ २२ ॥
जेते अच्छर जोरिकै, कहैं परोजन नाम ।
धरम करौ यौं आदि दै, प्रथम अरथ पद धाम ॥ २३ ॥
सोरठा ।

नमः समयसाराय, आठ वरनतैं आदि दे ।
सो प्रमान पद गाय, भूपर परगट देखियै ॥ २४ ॥
दोहा ।

इक पट तिय चौं आठ तिय, नभ सत वसु वसु आठ ।
ए अच्छर ग्यारै करै, कहौं मध्यपदपाठ ॥ २५ ॥
चौपहु ।

सोलैं सै चौतीस किरोर, लाख तिरासी ऊपर जोर ।
सात सहस आठ सै वखान, अडासी अच्छर पद मान ॥ २६ ॥
दोहा ।

बीस अंक इक पांचलौं, इक पद ग्यारै अंक ।
भाग दिए कितने भए, पद गन लेहु निसंक ॥ २७ ॥
एक एक दो आठ तिय, पंच आठ नभ सुन्न ।
पंच सकल पद वंदना, कीजै लीजै पुन्न ॥ २८ ॥

१ यथा—१८४४६७४४०७३ ७०९५५९६९६ ।

(२२८)

सोरठा ।

इक सौ बारै कोर, लाख तिरासी जानिये ।
 सहस्र अठावन जोर, पंच अधिक पद होत हैं ॥ २९ ॥
 वसु नभ इक नभ आठ, एक सात पन वरन वसु ।
 बाकी राखा पाठ, यातैं हुवा न एक पद ॥ ३० ॥
 आठ कोड़ि इक लाख, आठ सहस्र अरु एक सौ ।
 पचहत्तर हू भाख, ए अच्छर बाकी रहे ॥ ३१ ॥
 पदकै द्वादस अंग, कीनै गौतम स्वामिने ।
 चौदै भेद उपंग, ते बाकी अच्छरनिके ॥ ३२ ॥
 चौपई ।

द्वादस चौदस अंग उपंग, भद्रबाहु जानै सरवंग ।
 नाम मात्र हूं वरननि करौं, अदभुत धीरज हिरदै धरौं ॥ ३३ ॥
 पहला आचारांग प्रधान, तामैं जतिआचार विधान ।
 सहस्र अठारै पद हैं तास, वंदन करौं क्रिया परकास ॥ ३४ ॥
 सूत्रक्रान्त है दूजा अंग, धर्मक्रियाके सूत्र प्रसंग ।
 पद छत्तीस हजार प्रमान, वंदन करौं जोरि जुग पान ॥ ३५ ॥
 तीजा ठाना अंग विसेख, तामैं दरव थान वहु पेख ।
 एक जीव जग सिध द्वै भेद, उतपति वै धुव तीन निवेद ॥ ३६ ॥
 गतिसौं चार भावसौं पांच, चौं दिस अध ऊरध पट सांच ।
 सात भंग वानीतैं सात, इस प्रकार वहु थानक वात ॥ ३७ ॥
 पुदगल एक खंध अनुदोय, सरव दरव थानक यौं जोय ।
 सहस्र वियालिस पद अवधार, वंदौं सुद्ध थानदातार ॥ ३८ ॥
 चौथा समवायांग विसाल, तहां कथन सम वहुविध भाल ।
 दरव खेत काल अरु भाव, जुदे जुदे वरनौं विवसाव ॥ ३९ ॥

(२२९)

दरवित धरम अर्धम समान, खेत पंच पैताले जान ।
 सर्वारथ सिध सातम जान, तेतिस सागर काल समान ॥ ४० ॥
 केवल व्यान वरावर जान, केवल दरसन भाव समान ।
 पद इक लख चौसष्ठि हजार, वंदौं मनमैं समता धार ॥ ४१ ॥
 व्याख्याप्रगपति पंचम अंग, ताके भेद कहौं सरवंग ।
 जीव अस्तिकौं क्यौं करि नास, किह विध नित्य अनित्य प्रकास
 साठि हजार प्रसनके काज, सब उत्तर व्याख्यान समाज ।
 अट्टाईस सहस्र द्वै लाख, पद वंदौं उत्तर रस चाख ॥ ४२ ॥
 धर्मकथा है छटा नाम, रतनत्रै दसलच्छन धाम ।
 पांच लाख छप्पन हजार, पद वंदौं मैं धरम विचार ॥ ४३ ॥
 सातम उपासका अध्यैन, तामैं सावककी विधि ऐन ।
 पूजा दान संब उपगार, ग्यारै प्रतिमा वरनन सार ॥ ४४ ॥
 अनाचार अतिचार विचार, घरकी सब किरिया विस्तार ।
 ग्यारै लाख छप्पन हजार, पद वंदौं सावकपदकार ॥ ४५ ॥
 दोहा ।

अंतकृतंदस अष्टमा, अंग कहे पद तास ।
 तेर्ईस लाख वखानिये, सहस्र अठाईस भास ॥ ४६ ॥
 इक इक जिन बारै भयौ, दस दस गुन उपसर्ग ।
 सहि सहि सब सिवपुर गए, कथन सकल रिषिवर्ग ॥ ४७ ॥
 अनुत्तरोउपपाददस, नौमा अंग वखान ।
 लाख वानवै पद कहे, सहस्र चवालिस जान ॥ ४८ ॥
 दस दस मुनि उपसर्ग सहि, पहुंचे पंच विमान ।
 एक एक जिनके समै, तिनकौं कथन विनान ॥ ५० ॥

(२३०)

चौपाई ।

प्रसन व्याकरण दसमा अंग, ताके भेद सुनौ वहु रंग ।
दूत प्रस्तुति भाखै वात, धन कन लाभ अलाभ विख्यात ॥५१॥
सुख दुख जनम मरन जय हार, और भेद सुनि चार प्रकार ।
अच्छेदिनी थें निज धर्म, विच्छेपिनी हरै पर मर्म ॥५२॥
धर्मप्रभावक संवेजनी, भव दुख उदास निरवेजनी ।
लाख तिरान् सोल हजार, पद वंदौं संदेह निवार ॥५३॥
विपाकसूत्र ग्यारमा देख, कर्म उदैकी वात विसेख ।
तीव्र मंद सुभ असुभ सुभाख, एक कोरि चौरासी लाख ॥५४॥
ग्यारै अंग कहे समझाय, नाम अर्थ पद संख्या गाय ।
चार किरोर पंदरै लाख, दो हजार सबके पद भाख ॥५५॥
मिथ्यादृष्टि वहु विध जीव, झूठ धर्ममैं मगन सदीय ।
जान तीनसै त्रेसठ जात, थोरे माहिं कहूं सब वात ॥५६॥
किरियावाद असी सौ जीय, अकियावादी चौरासीय ।
अग्न्यानवादी सतसठि दीस, विनैवादधारी वत्तीस ॥५७॥
सबकाँ जीतै नै समझाय, विविध भांति वहु जुगति उपाय ।
सोई दिष्टवाद है अंग, द्वादसमा जानौ वहु भंग ॥५८॥

सोरठ ।

इक सौ आठ किरोर, अड़सठ लख छप्पन सहस ।
पंच अधिक पद जोर, कहे वारमैं अंगके ॥ ५९ ॥
पंच भेद हैं तास, प्रथम परकरन सूत्र विध ।
प्रथमान जोग भास, पूरव गन अरु चूलिका ॥ ६० ॥
पंच भेद परकर्न, ससि रवि जंवद्वीप भनि ।
दीप उदधि सुनि कर्न, व्याख्याप्रगपती सहित ॥ ६१ ॥

(२३१)

चौपाई ।

चंद्रप्रगपती सुनौ वखान, ससि ग्रह नश्वत तारे जान ।
आव काय गति उद्दे निश्वार, वत्तिस लाख पांच हजार ॥६२॥
सूर्यप्रगपती माहिं विचार, देवी देव सकल परिवार ।
सूरजविंशतना विस्तार, पांच लाख पद तीन हजार ॥६३॥
जंवद्वीप प्रगपती जान, मेरु कुलाचल आदि वखान ।
तीन लाख पच्चीस हजार, वंदौं चैत्याले सिर धार ॥६४॥
दीप उदधि प्रगपती सोय, असंख्यातकी कथनी होय ।
नाम मानि वरनन पद सार, वावन लाख छतीस हजार ॥६५॥
व्याख्याप्रज्ञसी है नाम, जीव अजीव दरव अभिराम ।
रूप अरूप विंव पद दीस, चौरासी लख सहस छतीस ॥६६॥

दोहा ।

प्रथम भेद परकरन यह, पद इक कोर वखान ।
लाख इकासी जानियै, सहस पंच परवान ॥ ६७ ॥
चौपाई ।

सूत्र भेद दूजौ परवान, जीव अवंध अकरता जान ।
सुपरप्रकासक वहु विध भाख, याके पद अद्वासी लाख ॥६८॥
प्रथमानजोग तीजा जथा, त्रेसठ पुरुष सलाका कथा ।
नाम काय थिति भेद प्रकास, पंच हजार कहे पद तास ॥६९॥
पूरव चौथा भेद वखान, ताके चौदै नाम सुजान ।
साड़े पंचानवै किरोर, पंच अधिक सब पदका जोर ॥७०॥
प्रथम कह्यौ पूरव उतपात, एक कोरि पद कहे विख्यात ।
उतपत व्यय धुव तीनौं काल, नौ विध दरव भेद वहु साल ॥७१॥

(२३२)

अग्रनीय दुर्जी अभिराम, तहां सुने दुरनै वहु नाम ।
भेद सात से तिनके कहे, लाख छानवै पद सरदहे ॥ ७२ ॥
तीजा वीरजवाद विसाल, निजवल परवल जुग वल भाल ।
खेत काल तप भाव अपार, सत्तर लाख कहौ पद सार ॥ ७३ ॥
चौथा अस्तिनास्ति है नाम, तामै सप्तभंग अभिराम ।
दर्व अस्ति साधनिकौं कहे, साठि लाख पद पंडित गहे ॥ ७४ ॥
पंचम ग्यानप्रवाद विधान, पांच ग्यान तीनौं अग्यान ।
संख्या विषै रूप कल जोर, एक घाटि पद एक किरोर ॥ ७५ ॥
छठा सत्य परवाद विचार, द्वादस भाषाकौ अधिकार ।
दस विधि सत्य वचन तहां कहे, एक कोर पट पद सरदहे ॥ ७६ ॥
दोहा ।

आतम प्रवाद सातमा, पूरव सवतैं जोर ।
जीव भाव अधिकार वहु, पद छब्बीस किरोर ॥ ७७ ॥
चौपहि ।

कर्मप्रवाद नाम आठमा, ग्यानावरनादिककी जमा ।
सत्ता वंध आदि वहु भाख, एक कोर पद अस्सी लाख ॥ ७८ ॥
नौमा पूरव प्रत्याख्यान, पापक्रियाकौ त्याग विधान ।
भेद संघनन पालन काज, पद चौरासी लाख समाज ॥ ७९ ॥
दसमा पूरव विद्या भाख, पद इक कोरि कहे दस लाख ।
लघु सात से पांच से महा, विद्या अष्ट निमित सव कहा ॥ ८० ॥
कल्यानवाद ग्यारमा पेख, पंच कल्यानक कथन विसेख ।
पोड़सकारन भावन जहां, पद छैबीस कोर हैं तहां ॥ ८१ ॥
द्वादस पूरव प्रानावाद, इडा पिंगला सुपमना स्वाद ।
अंग उपंग प्रान दस भेद, तेरह कोड़ तास पद वेद ॥ ८२ ॥

(२३३)

तेरम पूरव क्रियाविसाल, कला वहतरि कही रसाल ।
चौसठ गुन नारीके कहे, सील भेद चौरासी लहे ॥ ८३ ॥
गरभ आदि सौ आठ प्रकार, सम्यक भेद पचीस प्रकार ।
नौ किरोर पद जग व्योहार, जिनवानी सवतैं सिरदार ॥ ८४ ॥
विंद त्रिलोकसार चौदहां, लोक अलोक कथन है जहां ।
अकृत अनादि अनंत प्रकास, वारे कोरि लाख पंचास ॥ ८५ ॥
दोहा ।

पूरव चौथे भेदका, कह्यौं सकल व्योहार ।
नाम चूलिका अव कहूं, पंचम भेद विचार ॥ ८६ ॥
चौपहि ।

जल थल माया नभ अरु रूप, पंच भेद चूलिका अनूप ।
पद दस कोड़ि लाख उनचास, सहस छियालिस वरन्यौ तास
सोठा ।

दो किरोर नौ लाख, सहस नवासी दोय से ।
एक एकके भाख, पांचौंके पद एकसे ॥ ८८ ॥
चौपहि ।

नाम जलगता कौ आरंभ, जलमै मगन अगनकौ थंभ ।
अगनि माहिं परवेस निकार, मंत्र जंत्र अरु तंत्र विचार ॥ ८९ ॥
नाम थलगता कहियै सोय, मेरु कुलाचलमैं गम होय ।
सीघ गमन भुवमै परवेस, मंत्रादिक किरिया उपदेस ॥ ९० ॥
मायागता नाम है तास, इंद्रजाल विक्रिया प्रकास ।
मंत्र जंत्र तप भेद वखान, जिनवानी सवतैं परधान ॥ ९१ ॥
नाम अकासगता है तहां, व्योम गमन वहुविध है जहां ।
जप तप क्रिया अनेक प्रकार, उपजै चारनरिद्धि निहार ॥ ९२ ॥

(२३४)

रूपगता है ताकौ नाम, हयगय आदि रूप अभिराम ।
चित्रकाठ अरु लेप अनेक, धातवाद रसवाद विवेक ॥९३॥
सोरथा ।

द्वादस अंग सरूप, पदसंख्या पूरा भया ।
वाहज अंग अनूप, सो चौदै विधि वरनजं ॥ ९४ ॥
चौपहि ।

इहां पदनिकी संख्या नाहिं, थोरे अच्छर हैं इन माहिं ।
आठ किरोर अधिक कछु भने, चौदै वाहज अंगनितने ॥९५॥
पहला सामायिक है सोय, समभावनिमै आयक होय ।
नाम थापना दरवित भाव, खेत काल पट भेद लखाव ॥९६॥
दूजा स्तव कहिये है सोय, चौबीसौं जिनकी शुति होय ।
तीजा भेद बंदना जान, एक जिनेस नमन विधि ठान ॥९७॥
चौथा प्रतिक्रम कहिये सोय, किया दोष निरवारै जोय ।
पंचम विनै पंच परकार, ग्यान दरस ब्रत तप उपचार ॥९८॥
छाडा कृतक्रम क्रिया विसाल, पंच परम गुरु भगत त्रिकाल ।
सातम दसवैकालिक कहा, मुनि अहार विधि सुध सरदहा ॥९९
आठम नाम उत्तराध्यैन, सब उपसर्ग परीसै जैन ।
नौमा नाम कल्प व्यौहार, मुनि विधि गहन अवधि परिहार ॥१००
कलपाकलप दसम लख लेहु, सिख्या कथन कहा गुन गेहु ।
दरवित खेत काल अरु भाव, मुनिकौ जोग अजोग लखाव
महाकलप ग्यारम अभिधान, साध क्रिया उत्किष्ट प्रधान ।
पुण्डरीक द्वादसम वखान, चउविधि सुर उपजनि तप दान ॥
तेरम नाम महापुण्डरीक, इंद्र उपजनि क्रिया तप लीक ।
चौदम नाम निषध परवान, दोष प्रमाद त्याग गुनखान ॥

(२३५)

दोहा ।

चौदै वाहज अंग ए, अगले वारह अंग ।
बीस अंककी गिनतिका, पूरन भया प्रसंग ॥ १०४ ॥
मनपरजै मति औधिकी, केवल संग्या नाहिं ।
सुतकेवलि केवल कह्यो, वड़चौ ग्यान जग माहिं ॥१०५
लिंगज सुत अच्छरहित, सबदज अच्छर रूप ।
दोय भेद सुत ग्यानके, सबदज सुत सुभरूप ॥ १०६ ॥
चौपहि ।

विकल चतुक एकेन्द्री माहिं, लिंगज सुतमै सम्यक नाहिं ।
चहुं गति सैनी सबदज ग्यान, उपजै सम्यक दरस प्रधान ॥
सीजिन गुन अनंत भंडार, ओंकार रूप धन सार ।
इच्छा विना अनच्छर झौर, अच्छरमै है संसै हरै ॥१०८॥
धुनि समझै गनधर भ्रम नाहिं, और सुनै निज भाखा माहिं ।
प्रभुकौ कथन समझ गनधार, सो गनती को लखै अपार ॥१०९
जो गनधरने रचना करी, सो बहु हम कहं तक विस्तरी ।
यामै भूल चूक जो होय, बुध जन सोध लीजियै सोय ॥११०
रवि ससि दीपक तम नहि हरै, अंतर तमवानी छै करै ।
सो वानी नित करौ उदोत, हमै तुमै परमात्म जोत ॥१११

दोहा ।

द्यानत वानी कथनतै, वढ़े ग्यान घट माहिं ।
ज्याँ नैननितै देखियै, घट पट धोखा नाहिं ॥ ११२ ॥

इति वानीसंख्या ।

(२३६)

पल्ल-पचीसी ।

दोहा ।

कल्प अनंतानंत लौं, रुलै जीव विन ग्यान ।
सम्यकसौं सिवपद लहै, नमौं सिद्ध भगवान ॥ १ ॥
जो कोई पूछै इहां, एक कल्पका काल ।
कितना सो व्यौरो कहौं, कहौं सुनौ तजि लाज ॥ २ ॥
चौपाई ।

एक कल्पके सागर कहे, कोड़ा कोड़ वीस सरदहे ।
इक सागरके पल वखान, कोड़ा कोड़ी दस परवान ॥ ३ ॥
दोहा ।

तीन भेद हैं पलके, प्रथम पल 'व्यौहार' ।
दूजा पल 'उधार' है, तीजा 'अज्ञा' धार ॥ ४ ॥
सोरठा ।

प्रथम रोम गिन देह, दूजा दीप उदधि गिनै ।
तीजा भौ-तिथि एह, चहुं गति जिय वस करमके ॥ ५ ॥
दोहा ।

प्रथम पल व्यौहारकौं, कहूं जिनागम जोय ।
अंक पंच चालीसकी, गनती जातै होय ॥ ६ ॥
सबैया-इकतीसा ।

नभका प्रदेस रोकै पुहूल दरव अनुं,
औधिग्यानी देखै नैनगोचर न सोई है ।
अनंत अनंत मिलि खंध सन्नासन्न नाम,
रजरैन त्रटरैन रथरैन होई है ॥

(२३७)

उत्तम भू मध्यम जघन कर्मभूमि वाल,
लीख तिल जौ अंगुल वारै रास जोई है ।
सन्नासन्न अंगुललौं वारै आठ आठ गुनै,
जिनवानी जानी जिन तिन संसे खोई है ॥ ७ ॥
दोहा ।

भोगभूमि उत्तम विषे, उपजेके सिरवाल ।
जनम सात दिनके कहे, महामहीन रसाल ॥ ८ ॥
तिनसेती कूवा भरौं, जोजन एक प्रमान ।
अति सूच्छम सव कतरिकैं, खंड होहि नहिं आन ॥ ९ ॥
भोगभूमि उत्तम मधम, जघन करम भुवि लीख ।
तिल जौ अंगुल आठ ए, भेद लेहु तुम सीख ॥ १० ॥
अंगुल हाथ धनुप कहे, कोस जु जोजन पंच ।
तीन भेद पांचौं लखे, संसे रहै न रंच ॥ ११ ॥
प्रथम नाम उत्सेध है, दूजा नाम प्रमान ।
तीजा आतम नाम है, अंगुल तीन वखान ॥ १२ ॥
सबैया इकतीसा ।

वाल आदि गनती सो उत्सेध अंगुलतैं,
चारौं गति देह नर्क स्वर्गके प्रसाद हैं ।
यातैं पांचसैं गुनेकौं अंगुल प्रमान तातैं,
दीपोदधि सैल नदी जैनधाम आद हैं ॥
छहौं काल वृद्ध हानि आतम अंगुल तातैं,
भौन घट रथ छत्र आसन धुजाद हैं ।
इसी भाँति हाथ चाप कोस अरु जोजन हैं,
सबकौं लखैया जीव ताके गुन याद हैं ॥ १३ ॥

(२३८)

उत्तम सु भोगभूमि मेप वाल कोमल हैं,
मध्यम जघन्य कर्म भूमिनकौ वार है ।
लीख तिल जौ अंगुल आठों आठ आठ गुनै,
अंगुल चाँचीसनकौ एक हाथ धार है ॥
चारि हाथ एक चाप दो हजार चापनकौ,
एक कोस चारि कोस जोजन विचार है ।
ऐसै पांचसै गुनैकौ जोजन प्रमान एक,
ताकौ पल्लकूप गोल ढोलके अकार है ॥ १४ ॥
वाल महा जोजन लौं गनती लंबाई करौ,
नव अंक पट सून्य सब पंद्रै दीस हैं ।
लंबाई चौराईसती गुनैं हाथ तीस अंक,
पंद्रैकी ऊंचाई गुनौं भए पैतालीस हैं ॥
गोलकी कसर काज उन्निस गुनो समाज,
चौविसका भाग देहु भाखत मुनीस हैं ।
सत्ताईस अंक ठारै सुन्य पल्ल रोम कहे,
धन्न जैन वैन सब वैननिके ईस हैं ॥ १५ ॥

८०५३०६३६८००००००० ॥ ६४ ८५२८३४६३४१३
५१४२४००००००००००००० ॥ ५२२५५५५४० ७३५१९
८०३४ ७३०६८०३२०००००००००००००००० ॥ ९९२
२८६३१२७३९६८७६२८५८८२९२६०८०००००००००
०००००००००० ॥ ४१३४५२६६३०३०८२०३१७७७४९५
१२१९२००००००००००००००००००००००००० ॥ एते एकठे भए ॥

सवेया इकतीसा ।

एक महा जोजनके उत्सेध अंगुल हैं,
अड़तीस कौड़ी लाख चालीस वताइए ।

(२३९)

बीस लाख सत्तानूं सहस्र एक सौ वावन,
अंगुलके एते रोम दुहङ्काँ फलाइए ॥
आठ कोड़ा कोड़ी पांच लाख तीस ही हजार,
सहस्र छत्तीस कोड़ी असी लाख गाइए ।
एही पंदरैकौ धन किए अंक पैतालीस,
एते काल जीव भम्यो ऐसे भाव भाइए ॥ १६ ॥

अंकनाम, अडिल ।

चौ इक तिय चउ पांच दोय पट तीन हैं ।
नभ तिय नभ वसु दो नभ तिय इक कीन हैं ॥
सत सत सत चौ नौ पन इक दो इक कहे ।
नौ दो आगै ठारे सुन्न सरव लहे ॥ १७ ॥

सवेया इकतीसा ।

चार सै तेरैकौ पट वार कोटि पैतालीस,
लाख सहस्र छब्बीस सत तीन तीन जी ।
पंच चारि कोड़ि आठ लाख बीस हैं हजार,
तीन सत सत्रै चार चारि कोड़ी कीन जी ॥
सतत्तर लाख सहस्र उन्नचास सै पंच,
बारहकौ तीन वार कोड़ा कोड़ी बीनजी ।
उनईस लाख बीस ही हजार कोड़ा कोड़ी,
पैतालीस हैं अनादि भाखे न नवीन जी ॥ १८ ॥

दोहा ।

इक इक रोम निकारिए, सौ सौ वरस मझार ।
जब जब खाली कूप है, यही पल्ल व्योहार ॥ १९ ॥

(२४०)

सर्वेया इकतीसा ।

सब रोमकों फलाय एक एक न्यारौ करों,
असंख्यात कोड़ि वर्षके समै फलाइए ।
एती एती रोम एक एक रोम पर राखौं,
सबकी गनतीकै उधार पहल गाइए ॥
कोड़ा कोड़ी पच्चीसके दीपोदधि राजू माहिं,
उच्छार रोम सौ सौ बरसमै गिनाइए ।
सोई अच्छापल्ल दस कोड़ा कोड़ीके सागर,
ऐसी धिति भोगिकै कपाय न घटाइए ? ॥ २० ॥

चौपाई ।

चहुगति माहिं रुला तू जीव, अधापल्ल धिति लही सदीव ।
तेतिस सागर नरक मझार, इकतिस सागर ग्रैवक धार ॥ २१ ॥
जगमै दुख सुख लहे अनेक, पायौ नाहीं ग्यान विवेक ।
सबमै दुष्टभ नर अवतार, आय सुघाट चलै मतिहार ॥ २२ ॥

दोहा ।

इस गिनतीका हेत यह; जानि होय वैराग ।
जो सुनिकै समझै नहीं, ताके बड़े अभाग ॥ २३ ॥
कही सुनी भोगी लखी, जिन यह धिति बहु भाय ।
सो हम जान्यौ आतमा, रहुं तास लौ लाय ॥ २४ ॥
गोमटसार निहारिकै, भाषी द्यानत सार ।
भूलचूक यामै कह्यौ, लीजौ संत सुधार ॥ २५ ॥

इति पछपच्चीसी ।

(२४१)

पद्मगुणी-द्वानि-वृद्धि-चीसी ।

दोहा ।

संख असंख अनंत गुन, भए वृद्धि पट दान ।
सुद्ध अगुरुलघु गुनसहित, नमौं सिद्ध भगवान ॥ १ ॥
पुगगल धर्म अधर्म नभ, काल पंच जड़रूप ।
छहाँ दरव ग्यायक सदा, नमौं सिद्ध चिद्रूप ॥ २ ॥

सर्वेया इकतीसा ।

धर्म अधरम नभ एक एक दर्व सब,
काल असंख्यात दर्व चेतन अनंत हैं ।
पुगगल अनंतानंत काहूकी न आदि अंत,
परजै उतपात वै गुन धुववंत हैं ॥
जीव दर्व ग्यायक सरीर आदि पुगगल है,
धर्माधर्म दर्व गति धिति हेत तंत हैं ।
व्योम ठौर देत काल नौ-जीरन भाव हेत,
ऐसी सरधासौं संत भौ-जल तरंत हैं ॥ ३ ॥
एक एक दरवमै अनंत अनंत गुन,
अनंत अनंत परजाय पेखियत है ।
एक एक गुन माहिं अनंत अनंत भेद,
एक एक भेद न्यारे न्यारे देखियत है ॥
केई भेद काहू समै वृद्धिरूप परनमै,
केई भेद काहू समै हानि लेखियत है ।
अन्धुत तमासा ग्यान आरसीमै प्रतिभासा,
दर्वित अलेख कर्मसेती भाखियत है ॥ ४ ॥

१ नवीन तथा जीर्ण (पुराना) करनेका कारण है ।

ध. वि १६

(२४२)

दोहा ।

अस्ति अमूरत अगुरुलघु, दर्व प्रदेस प्रमेय ।
वस्त अचेतन मूरती, चेतन दस गुन गेय ॥ ५ ॥

रावेया इकतीसा ।

दर्व खेत काल भाव चारौं गुन लियैं अस्त,
परसंग वात सान(?) सदा गुन वस्त है ।
उतपात वै धूव परनतसौं दर्व तत,
गढ़ै उड़ै नाहिं सो अगुरुलघु समस्त है ॥
दर्व गुन परजायकौं अधार परदेस,
आपकौं जनावै गुन परमेय लस्त है ।
मूरत अमूरत अचेतन चेतन दसौं,
गुन छहौं दर्वमाहिं जानैं ध्रम नस्त है ॥ ६ ॥
जीव माहिं चेतन अमूरत ए दोन्यौं गुन,
पुगलमै मूरत अचेतन दो पाइए ।
अमूरत अचेतन ए दोऊ हैं तिहूं काल,
धर्माधर्म नभ काल चारौंमै वताइए ॥
अस्त वस्त दरवतैं परमेय परदेस,
अगुरु लघु ए छहौं सबहीमैं गाइए ।
तातैं एक एक दर्व माहिं आठ आठ सधैं,
मुख्य गुन चेतनकौं ध्यान माहिं ध्याइए ॥ ७ ॥
जो तौं दर्व गुरु होय भूमैं वसि जाय सोय,
जो तौं दर्व लघु होय उड़ जाय तूल ज्यौं ।
ताहीतैं अगुरु लघु बड़ा गुन दर्व माहिं,
जातैं दर्व अविनासी सदा मेरमूल ज्यौं ॥

(२४३)

ताही गुनका विकार ताके बाँ भेद धार,
केवलीके ग्यानमैं विराज रहे थूल ज्यौं ।
तिन्हैं कहि सकं कोय समझै सो तुध होय,
किंचित्से भासत हैं मिट्ठ धर्म भूल ज्यौं ॥ ८ ॥
जीवमैं अनंत गुन तामैं एक ग्यान नाम,
मूल पंच भेद भेद उत्तर अनंत हैं ।
दूजे गुन दर्सनके चार भेद मूल कहे,
उत्तर अनेक भेद लोकमैं भनंत हैं ॥
तीजा गुन सुख सुखी चक्री जुगलिये जीव,
फनी इंद अहमिंद सिद्धजी महंत हैं ।
चौथा बल गज सिंघ चक्री देव जिनराज,
ऐसैं ही अनंतकौं जे ध्यावै तेह संत हैं ॥ ९ ॥
पुगल दरवमैं अनंत गुन रुखा एक,
ताके बहु भेद धूल राख रेत मान है ।
दूजे चिकनेके भेद हैं अनेक रूप पानी,
छेरी गाय भैसि ऊटनीकौं दूध जान है ॥
तीजा गुन कड़वा है भेद निंव इंद्रायन,
विष और महाविष लोकमैं निदान है ।
चौथा गुन मीठा गुड खांड सर्करा पीयूष,
ऐसैं ही अनंतनिसौं मेरौं ग्यान आन है ॥ १० ॥
दर्वमैं अनंत गुन एक जीवमैं अनंत,
एक अस्त भाव ताके चौदै गुनथान है ।
एक पुदगलमैं अनंत वीस नाम कहे,
एक फास वेल काठ हाड़ औ पखान है ॥

(२४४)

क्वारौं दर्वं माहि तौ विभाव गुन जमा नाहिं,
सुध भाव गुन भेद साधै बुधवान है ।
आतमके साधनकौं साधन वताए सब,
वस्त सिद्ध भए साध हेत दुखदान है ॥ ११ ॥
चार अंक भाग दोय गुण करै सोलै होय,
नव भाग तीन गुन एक असी धन(?) है ।
सोलहकौं भाग चार गुनतैं दोसे छप्पन,
पच्चिसका भाग पांच सवा छैसे गुन है ॥
छत्तिसका भाग पट गुन वारै सै छानवै,
सौ भाग दस गुन दस हजार सुन है ।
संख्यात असंख्यात अनंत यौही भाग गुण,
पट वृद्धि पट हानि जानत निपुन है ॥ १२ ॥
वारै अंक दोय भाग पट तीन भाग चार,
चार भाग तीन पट भाग दोय जाने हैं ।
वारै दुगुने चौबीस तिगुने छत्तीस दीस,
चौगुने अठतालीस पांच साठ ठान हैं ॥
इसी भाँति उतकिस्ट मध्यम जघन्य भेद,
भागाकार गुनाकार भावनमै माने हैं ।
आलसकौं टारि नैक अंतर विचार देखौ,
परनाम भेद जान मिथ्याभाव भाने हैं ॥ १३ ॥
अनंत-भाग-वृद्धि औ असंख्यात-भाग-वृद्धि,
संख-भाग-वृद्धि संख-गुन-वृद्धि थानजी ।
असंख्यात-गुन-वृद्धि औ अनंत-गुन-वृद्धि,
अनंत-भाग-हानि असंख-भाग-हानजी ॥

(२४५)

संख-भाग-हानि संख गुनहानि असंख्यात,
गुन-हानि औ अनंत गुन-हानि मानजी ।
एई परनामनके वारै भेद थूल कहे,
एक एक भेदमैं अनेक भेद जानजी ॥ १४ ॥
काहूसमै संख-भाग भावनिकी वृद्धि होय,
काहू समै संख-गुन भाववृद्धि रिढ़ है ।
काहू समै असंख्यात-भाग भाववृद्धि होय,
काहू समै असंख्यात-गुन-वृद्धि निढ़ है ॥
काहू समै अनंत-भाग भाववृद्धि होय,
काहू समै अनंत-गुन-भाव वृद्ध है ।
इसी भाँति छहाँ भेद हानिकौं लगाय लीजै,
धन्न ग्यान केवलमैं सब वात सिद्ध है ॥ १५ ॥
जहाँ लौं गिनै सो संख्यात अगिन असंख्यात,
जाकौं अंत नाहिं सो अनंत ठहराया है ।
संख भेद संखके असंखके असंख भेद,
जाहीके अनंत भेद सो अनंत भाखा है ॥
जातैं भेद घाट होय भाग नाम कह्याँ सोय,
जातैं भेद बाढ़ होय सोई गुन गाया है ।
संख्यात असंख्यात अनंत भाग गुन पट,
वृद्धि हानि वारै भाव सूधा समझाया है ॥ १६ ॥
ग्यान गेय माहिं नाहिं गेय दून न ग्यान माहिं,
ग्यान गेय आन आन ज्यौं मुकुर घट है ।
ग्यान रहै ग्यानी माहिं ग्यान बिना ग्यानी नाहिं,
दुहं एकमेक ऐसैं जैसैं सेतपट है ॥

(२४६)

भाव उत्तपात नास परजाय नैन भास,
दरवित एक भेद भावकौ न घट है ।
द्यानत दरव परजाय विकलप जाय,
तब सुख पाय जब आप आप रट है ॥ १७ ॥
निहैं निहार गुन आत्म अमर सदा,
विवहार परजाय चेतन मरत है ।
मरना सुभाव लीजै जीव सत्ता मूल छीजै,
जीवरूप विना काकौ ध्यान को धरत है ॥
अमर सुभाव लखै करुना अतीव होय,
दया भाव विना मोखपंथ को चरत है ।
अविनासी ध्यान दीजै नासी लखि दया कीजै,
यही स्वादवादसेती आतमा तरत है ॥ १८ ॥
पट गुनी हानि वृद्धि भाव हैं सुभावहीके,
सुद्धभाव लखैसेती सुद्धरूप भए हैं ।
सरवथा कहनेकौं आप जिनराजजी हैं,
आचारजे उवज्ञाय साधु परनए हैं ॥
कुंदकुंद नेमिचंद जिनसेन गुनभद्र,
हम किस लेखे माहिं सूधे नाम लए हैं ।
द्यानत सवद भिन्न तिहूं काल मैं अखिन्न,
सुद्ध ध्यान चिन्न माहिं लीन होय गए हैं ॥ १९ ॥
दोहा ।
बुद्धिवंत पढ़ि बुधि वढ़, अबुधनि बुधि दातार ।
जीव दरवकौ कथन सव, कथननिमैं सिरदार ॥ २० ॥
इति पटगुणी हानिवृद्धि ।

(२४७)

पूरण-पंचामिका ।
सवैया इकतीसा ।
नाथनिके नाथ औं अनाथनिके नाथ तुम,
तीनलोक नाथ तातैं सांचे जिननाथ हैं ।
अष्टादस दोप नास ग्यानजोतकौं प्रकास,
लोकालोक प्रतिभास सुखरास आथ है ॥
दीनके दयाल प्रतिपाल सुगुननि-माल,
मोखपुर पंथिनकौं तुमी एक साथ है ।
द्यानतके साहव हैं तुमही अजायव है,
पिंड ब्रह्मंड माहिं देखनिकौं माथ है ॥ १ ॥
चौदोसा-छंद (आठ रण)
भान भौ-भावना ध्यान लौ लावना,
ध्यानकौं ध्यावना पावना सार है ।
स्वामिकौं अच्चिकै कामकौं वच्चिकै,
रामकौं रच्चिकै सच्चकौं धार है ॥
सछकौं भेदिकै गछकौं छेदिकै,
अछकौं वेदिकै खेद खैकार है ।
रोपकौं नटकै दोपकौं भट्ठकै,
सोपकौं लट्ठकै अट्ठकौं जार है ॥ २ ॥
सवैया इकतीसा ।
चाहत है सुख पै न गाहत है धर्म जीव,
सुखकौं दिवैया हित भैया नाहिं छतियां ।
दुखतैं डैर है पै भैर है अघसेती घट,
दुखकौं करैया भयदैया दिन रतियां ॥

(२४८)

लायी है चबूलमूल खायी चाहे अंच भूल,
दाहजुर नासनकाँ सोवै सेज ततियाँ ।
द्यानत है सुख राई दुख मेरकी कमाई,
देखौ रायचेतनिकी चतुराई ततियाँ ॥ ३ ॥

सवैया तेईसा ।

को गुरु सार वरै सिव कौन, निसापति को किह सेव करीजै ।
कौन बली किम जीवनकौ फल, धर्म करै कव क्या अघ छीजै ।
कर्म हरै कुन कौन करै तप, स्वामिकौ सेवक कौन कहीजै ।
द्यानत मंगल क्यौं करि पाइयै, पारस नाम सदा जपि लीजैध
कौन बुरा तम कौन हरै, तजियै न कहा किहकै तजि दीजै ।
क्या न करै किहकै न धरै, किहसुं लरियै किहमै न रहीजै ।
का सहुभिन्न चलै कि नहीं, ब्रत स्वामिकौ देखिकै क्या उचरीजै ।
द्यानत काम निरंतर कौन सो, पारस नाम सदा जपि लीजै॒
का सहु दान कहा उपजै अघ, को गृह ऊपर काहि पड़ीजै ।
कौन करै थिर कैसे हैं दुर्जन, क्यौं जस कौन समान गनीजै ।
का कहु पालियै धर्म भजै किम, धर्म बड़ा कहु कौन कहीजै ।
द्यानत आलस त्याग कहा सुभ, पारस नाम सदा जपि लीजै॒

सवैया इकतीसा ।

निज नारि खोय पूछै पसुपंछी वृच्छ सब,
तुम कहीं देखी सु तौ तीनलोक ग्याता है ।
हर्नाकुस पेट फाख्यौ कंस जरासिंधु माख्यौ,
ताकौं कहैं कृपासिंधु संतनिकौ त्राता है ।
बैल असवार दोय नार औ त्रिसूल धार,
गलमै वघंवर दिगंवर विख्याता है ।

(२४९)

ऐसी ऐसी व्रात सुनि हांसी मोहि आवत है,
सूरजमै अंधकार क्याँ करि समाता है ॥ ७ ॥
चारौं गति भाव यार सोलहाँ कपाय 'सार',
तीनों जोग 'पासे' ठारं दोप 'दाव' पैरं हैं ।
जीवै मरै कर्म रीत सुभा सुभ 'हार जीत'
संयोग वियोग सोई मिलि मिलि विछरें हैं ॥
चवरासी लाल जोनि ताके चवरासी भौन,
चारौं गति विकथामै सदा चाल करें हैं ।
चौपरके ख्यालमै जगत चाल दीसत है,
पंचमकौं पाय ख्यालकौं उठाय धरें हैं ॥ ८ ॥
सुनि हो चेतन लाल क्यौं परे हो भवजाल;
बीते हैं अनादि काल दीसत कंगाल है ।
देखत दुख विकराल तिन्हीसों तेरों ख्याल,
कछु सुध है संभाल डोलत वेहाल है ॥
घरकी खवरि टाल लागि रहे और हाल,
गेह नेहके जंजाल ममता लई विसाल,
त्यागकै हूजै निहाल द्यानत द्याल है ॥ ९ ॥

सवैया तेईसा ।

संग कहा न विपाद बढावत, देह कहा नहिं रोग भरी है ।
काल कहा नित आवत नाहिं नैं, आपद क्या न नजीक धरी है
नर्क भयानक है कि नहीं, विषयासुखसौं अति प्रीति करी है ।
ग्रेतके दीप समान जहानकौं, चाहत तो बुधि कौन हरी है ॥ १० ॥

(२५०)

कोध सुई जु करै करमौपर, मान सुई दिन् भग्न (१) बहूवै ।
माया सुई परकष्ट निवारत, लोभ सुई तपसौं तन तावै ॥
राग सुई गुरु देवपै कीजियै, दोप सुई न विपै सुख भावै ।
मोह सुई जु लखै सब आपसे, द्यानत सज्जन सो कहिलावै ॥२
पीर सुई पर पीर विडारत, धीर सुई जु कपायसौं जूँझै ।
नीति सुई जो अनीति निवारत, मीत सुई अघसौं न अरुँझै ।
औगुन सो गुन दोप विचारत, जो गुन सो समतारस बूँझै ।
मंजन सो जु करै मन मंजन, अंजन सो जु निरंजन सूँझै ॥२
ध्यान सुई कछु चिंत करै नहीं, ग्यान सुई कछु वात न मूँझै ।
दान सुई जु विवेकसौं दीजियै, जान सुई दुख जानकै उँझै ।
वानि सुई सुभ ग्यान बहूँधट, ग्यान सुई परमै नहिं मूँझै ।
मंजन सो जु करै मन मंजन, अंजन सो जु निरंजन सूँझै ॥३
मालिनी ।

कर कर नर धर्म पर्म सर्म प्रदाता,
हर हर नर पारं दुःख संताप भ्राता ।
यह जिन उपदेसं सर्व संसार सारं,
भवजलनिधि धारं जान चढ़ि (१) होहि पारं ॥१४॥

वर्षततिलका ।

तूही जिनेस करनाकर दीनवंध,
स्वामी त्रिलोकपति ईसुर ग्यानवंध ।
वंदौं त्रिकाल जगजाल निकाल मोहि,
दाता महंत भगवंत प्रसन्न होहि ॥ १५ ॥

बुन्दरी ।

रहित दोष अठारै देव हैं, गुरु सदा निरग्रंथ सु एव हैं ।
धरम श्रीजिनभाख प्रमान है, मुक्तिपंथ यही सरधान है ॥६

(२५१)

भुजंगप्रयात ।

सहे दुःख नक्ष निगोदं अपारं,
अज्ञा नाहि लाङत अक्षं विकारं ।
सुहैंके विवेकी भए जात वारे,
भले जी भले जी भले प्राणप्यारे ॥ १७ ॥

करता (सर्व लघु) ।

अथिर सब जगत वन तनक नहिं कहिं सरन,
चतुरगति दुख धरन हरन साता ।
इक सु अध उरथ भुव अन सु तन अन सु तव,
असुच पुदगल अधुव तजत ग्याता ॥
ममत असरव करत निरममत स्वर रत,
सुहित निरजर भरत धरत ध्याता ।
मुनत त्रिभुवन अचल गुनत अवगम अटल,
दुलभ अनभव अमल सिव प्रदाता ॥ १५ ॥

सवैया तेइसा ।

भूख लगै दुख होहि अनंत, सुखी कहियै किम केवल ग्यानी ।
खात विलोकत लोक अलोककौं, देखि कुदर्व भखै नहिं प्रानी
खायकै नींद करै सब जीव, न स्वामिकै नींदकी नाम निसानी ॥९
केवल ग्यानी अहार करै नहिं, सांची दिगंबर ग्रंथकी वानी ॥

जिनगुणसम्पति व्रतके तिरेसठ उपवास, छप्य ।

पोड़सकारन जान, ठान पड़िवा व्रत सोलै ।
पंच कल्यानक सांच, पांच पांचै अघ छोलै ॥
दस जनमत दस ग्यान, बीस गुन बीसौं दसमी ।

(२५२)

चौदै युन सुरकृत्य, बार दस चौदस धरमी ॥
युन आठ प्रातहारजनिके, आठ अष्टमी कीजिये ।
द्यानत त्रेसठ उपवास कर, तीर्थकर पद लीजिये २०
विश्वासापातभावल्लाग, सवैया इकतीरा ।

भूमि कहै मोपै गिरि सागरकौ बोझ नाहिं,
कौलसेती टलै दुष्ट ताकौ महा भार है ।
दसरथ बोल सार रामकौं दियौं निकार,
राजनीति लंधी बात लंधी न करार है ॥
नख सिख अंगनिमैं एकै मुख गुनकार,
सांच वचन प्रभुजीकै भयौं ओंकार है ।
जंट वाड़ गाड़ी पाड़ चलता ही भला कहै,
ऐसे वे सरमके जीवनकौं धिकार है ॥ २१ ॥

वर्ध भाव ।

अंजनी सुसर सास मात तातनैं निकास,
सीता सती गर्भवती रामजीनैं छारी है ।
प्रदुमन सिला तलैं धर्खौं पाप ताप भर्खौं,
रामचंद्र वनवास महा त्रासकारी है ॥
पंडवा निकलि गए कैसे कैसे कष्ट भए,
सिरीपाल कोटी भट सह्यौं खेद भारी है ।
द्यानत बड़ौंका दुःख छोटनिकौं सीख कहै,
दुखमाहिं सुख लहै सोई ग्यानधारी है ॥ २२ ॥
दर्सनविसुद्धि विनै सदा सील ग्यान भनै,
संवेग सुदान तप साधकी समाधजी ।

(२५३)

वैयावृत अरहंतभक्ति आचारजभक्ति,
वहुश्वतभक्ति प्रवचनभक्ति साधनी ॥
पट आवस्यक काल मारगप्रभाव चाल,
वातसल्प प्रतिपाल सोलहौं अराधजी ।
तीर्थकर कारन हैं कर्मके निवारन हैं,
मोखसुख धारन हैं टारन उपाधजी ॥ २३ ॥
उनसठि लाख सहस्र सत्ताईस चालीस,
कोड़ाकोड़ि वर्ष आदिनाथजीकी आव है ।
तीन कोड़ाकोड़ि ग्यारे लाख चौं सहस्र कोड़ि,
एते वर्ष ब्रह्मा आव लोकमैं कहाव है ॥
उन्नीस लाख पचपनसै पचपन ब्रह्मा,
आदिनाथ आवमैं हुए मुए फलाव है ।
एक कोड़ाकोड़ि वहत्र लख असी हजार,
कोड़ि वर्ष वाकी रहे जानौं धर्म न्याव है ॥ २४ ॥

सवैया तेइसा ।

इंद्र अनेक विवेककी टेक, तुही प्रभु एककौं सीस नवावैं ।
मौलि महा मनि नैन दिखैं धन, लाल सुपेद नखौं महि आवैं ॥
पाटल वर्ने रमाघर चर्ने, सरोज उभै गुन प्रीति बढ़ावैं ।
भौ रज नहिं धैर जड़भाव हरैं, सुमरैं सुख क्यौं नहिं पावैं २५
बुद्धि कहै वहुकाल गए दुख, भूर भए कवहूं न जगा है ।
मेरी कह्यौं नहिं मानत रंचक, मोसौं विगार कुनार सगा है ॥
देहुरी सीख दया तुम जा विध, मोहकौं तोरि दै जेम तगा है ।
गावहुंगी तुमरौ जस मैं, चलरी जिसपै निज पेम पगा है ॥ २६

(२५४)

धर्मप्रशांता, राजेया इकतीरा ।

चिंतामन जान कहीं पारस पाखान कहीं,
कल्पवृच्छ थान कहीं चित्रावेलि पेखियै ।
कामधेनु रूप कहीं पोरसा अनूप कहीं,
बनी है रसायन जवाहर विसेखियै ॥

नृपकौ प्रताप कहीं चंद भान आप कहीं,
दीपजोति व्याप कहीं हेमरासि लेखियै ।
फैलि रह्यौ ठौर ठौर भेख गह्यौ और और,
एक धर्म भूप सब लोक माहिं देखियै ॥ २७ ॥

रतनौंकी खानि कहीं गंगाजल पानि कहीं,
सीत माहिं घाम पौन सीतल सुगंध है ।
बड़े वृच्छ फल छांहिं अतर गुलाब माहिं,
मेघकी भरन परै वहु मेवा खंध है ॥

तंदुल सुवास कहीं आभूपन रास कहीं,
अंवर प्रकास अति मोहकौ निवंध है ।
एक धर्मसेती सब ठौर जै जै कार होय,
ताही धर्म विना घर बाहरमै धंध है ॥ २८ ॥

नर्क पसुतैं निकास करै स्वर्ग माहिं वास,
संकटकौ नास सिवपदकौ अंकूर है ।
दुखियाकौ दुख हरै सुखियाकौ सुख करै,
विघ्न विनास महामंगलकौ मूर है ॥

गज सिंह भाग जाय आग नाग हू पलाय,
रन रोग दधि बंध सबै कष्ट चूर है ।

(२५५)

ऐसों दयाधर्मकौ प्रकास ठौर ठौर होहु,
तिहुं लोक तिहुं काल आनंदकौ पूर है ॥ २९ ॥
इधैं कोट उधैं वाग जमना वहु है वीच,
पञ्चमसौं पूरवलों असीन (?) प्रवाहसौं ।
अरमनी कसमीरी गुजराती मारवारी,
नरांसेती जामैं वहु देस वसैं चाहसौं ॥

रूपचंद बानारसी चंदजी भगोतीदास,
जहां भले भले कवि व्यानत उछाहसौं ।
ऐसे आगरेकी हम कौन भांति सोभा कहैं,
बड़ौ धर्मथानक है देखियै निवाहसौं ॥ ३० ॥

सहरमैं नहर है ठौर ठौर मीठे कूप,
बाजार वहुत चौरा वसती सघन है ।
आन देसौंसेती जहां स्नावक अधिक वसैं,
सुखी सब लोग अति ही उदार मन है ॥

दान नित देत पूजा भावसौं परम हेत,
साख सुनैं हैं सचेत होत जागरन है ।
इंद्रपथ नाम वन्यौ इंद्रहीकौ सांचौ धाम,
दिली सम और देस माहिं नाहिं धन है ॥ ३१ ॥

आगरेमैं मानसिंह जौहरीकी सैली हुती,
दिली माहिं अब सुखानंदजीकी सैली है ।
इहां उहां जोर करी यादि करी लिखी नाहिं,
ऐसे भाव आलससौं मेरी मति मैली है ॥

आगरेमैं बड़े उपकारी थे विहारीदास,
तिन पोथी लिखवाई तब थोरी फैली है

(२५६)

दिली माहिं लागू होय पोथी पूरी लिखवाई,
ऐसी साहिवराय सुगुननकी थेली है ॥ ३२ ॥
दिलीमैं नहरि आई तैसैं यह कविताई,
धाम धाम जल ठाम ठाम यह बानी है ।
कई पूजा पढ़ै कई पद रागसेती रटै,
सुनि सुख बढ़ै बहु धर्मबुद्धि सानी है ॥
बहुत लिखावै बहु सास्कौं बचावै सदा,
लिख लेय जावै बहु सांच प्रीत ठानी है ।
दिली माहिं सब ठारे ग्रन्थ यह फैलत है,
तैसैं सब देस फैलौ सबै सुखदानी है ॥ ३३ ॥
आगरौ गुननिकौ जहानावाद रहै कोय,
सुधरूप धरमविलासकौ प्रकास है ।
धरमविलास धर्मके कियैं सदा विलास,
धर्मकौ विलास यह धरम विलास है ॥
धर्मकौं करै है कोय आपहीमैं धर्म होय,
वस्तुकौ सुभाव सोय कभी नाहिं नास है ।
निज सुद्ध भावमैं मगन रहौ आठौं जाम,
बाहज हू हेत बड़ौ ग्रन्थकौ अभ्यास है ॥ ३४ ॥
पूजा बहु परकार दानके कवित्त सार,
चरचा अपार पट दर्वकौ विचार है ।
भगतिकौ अधिकार पदनिकौ विसतार,
अध्यात्मकौ निहार बानीकौ विथार है ॥
अखर बावनी धार लोकालोक निरधार,
कोप भाव निरवार कथा हू उदार है ।

(२५७)

धरम विलासमैं अनेक ग्यान परकास,
सब माहिं भगवान भगवान भगवान तार है ॥ ३५ ॥
अग्र नाम तपसी वसेसौं अगरोहा भया,
तिसकी संतान सब अग्रवाल गाए हैं ।
ठारे सुत भए तिन ठारे गोत नाम दये,
तहांसौं निकसिकैं हिसार माहिं छाए हैं ॥
फिर लालपुर आय व्यैक 'चौकसी' कहाय,
गोलगोती वीरदास आगरेमैं आए हैं ।
ताहीके सपूत स्यामदासके द्यानतराय,
देस पुर गाम सारे साहमी कहाए हैं ॥ ३६ ॥

छप्पय ।

पुरनि माहिं आगरौ, आगरौ आन नाहिं तुल ।
अगर सुवास प्रकास, तास सम अगरवाल कुल ॥
वीरदास महावीरदासतैं, नाम धख्यौ जन ।
नेमिनाथ तन स्याम, दासतैं स्यामदास भन ॥
धन द्यानतदार विचारिकैं, द्यानत नाम प्रवानिया ।
कवि नगर नाम दादा पिता, निज नामारथ आनिया ॥ ३७
सबैया इकतीसा ।

सत्रहसय तेतीस जन्म व्याले पिता मर्ने,
अठताले व्याह सात सुत सुता तीन जी ।
छ्याले मिले सुगुरु बिहारीदास मानसिंघ,
तिनौं जैन मारगका सरधानी कीन जी ॥
पछत्तर माता मेरी सील बुद्धि ठीक करी,
सतत्तरि सिखर समेद देह खीन जी ।

ध. वि. १७

(२५८)

कछु आगरेमैं कछु दिली माहिं जोर करी,
अस्सी माहिं पोथी पूरी कीनी परचीनजी ॥ ३८ ॥

छप्य ।

गाय हंस उतकिए, मधम मृतिका सुक जानौ ।
चलनी छाज पखान, फूटघट महिष प्रवानौ ॥
जोंक बोक फनधार, और मंजार उलू दूव ।
ए दस भेद जघन्य जान, स्रोता चौदह धुव ॥
जो जो सुभाव धारक सहज, सो सो नाम धरावई ॥
सो धन्य पुरुष संसारमैं, धरम ध्यान मन लावई ॥ ३९
सवैया इकतीसा ।

सात विस्त त्याग वारै ब्रतसौं कियौं है राग,
कंदमूल फूल साग सब त्याग करे हैं ।
बैंगन करोंदे तूत पेठा वेर तरबूज,
जामुन गौंदी अंजीर खिरनीसौं टरे हैं ॥
चामधीव तेल जल हींग वासी पकवान,
विदल अचार मुखेसौं (?) थरहरे हैं ।
जल छान लेत रात पानी नाज तजि देत,
दर्सनसौं हेत ऐसे ग्याता गुन भरे हैं ॥ ४० ॥

छप्य ।

आप पढ़ा कछु होय, सुना कछु होय जथारथ ।
समझ ग्यान वैराग, क्रिया नित करत मुक्त पथ ॥
नई उकति नहिं धरै, जुगत वहु विध उपजावै ।
पिछले आगम देखि, कठिनकौं सरल बनावै ॥
सुभ अच्छर छंद प्रगट अरथ, परमारथ वरनन करै ।
द्यानत ममतात्यागी सुकवि, जब जस बानी विस्तरै ॥ ४१

(२५९)

सवैया इकतीसा ।

कोयलकौं बोल जहां काक हू कलोल करै,
मोरनिकौं धोर तहां मैडककौं सोर है ।
तूतीकौं सबद उहां तीतुर हू बोलत है,
पानी माहिं मच्छकौं न मछलीकौं जोर है (?) ॥
खग विद्याधर खग पंछी नभ गौन करै,
बनमैं मृगेंद्र मृग चाल ताही ओर है ।
तैसैं वहु कवि तामैं मैं भी लघु कवि तामैं,
गुन लीजौं दोप मति कीजौं लखि खोर है ॥ ४२ ॥
भानके प्रकास दीपके उजास दीसैं वस्तु,
राह माहिं वारी माहिं गज दिष्टि आवै है ।
उरदू वाजार छोटे बड़े हैं दुकानदार,
थोरा ब्रत वहु ब्रत ब्रती नाम पावै है ॥
राजा परजाकै सुतका उछाह एक सा है,
नौ घ्रहमैं (?) हीरा अरु मूंगा हू कहावै है ।
तैसैं कविताकी गिनतीमैं हम कविता है,
बचन विलाससेती न्यारौ आप भावै है ॥ ४३ ॥
धातिया करम नास लोकालोक परकास,
सरवग्य कैसौं ग्यान हम कहां पायौ है ।
संसकृत प्राकृत न भाषा हू अल्प बुद्धि,
नाममाला पिंगल हू पूरा नाहिं आयौ है ॥
इस माहिं कवि चातुरी कछु करी है नाहिं,
सूधा धर्म मारगकौं उपदेस गायौ है ।
भूमंडल माहिं रविमंडल ज्यौं उदै करै,
धरमविलास सबहीके मन भायौ है ॥ ४४ ॥

(२६०)

छप्य ।

अन्धर मात्रा छंद, अरथ जो अमिल वखाना ।
जान अजान प्रमाद, दोपतैं भेद न जाना ॥
संत लेहु सब सोध, बोधधर हो उपगारी ।
बालक ऊपर कटक, कौन धारै मतिधारी ॥
इस सबद गगनमैं सुकविखग, अपना सा उद्यम गहै ।
पावै न पार सुभ धान वसि, परमानंद दसा लहै ॥ ४५ ॥
सबैया इकतीसा ।

अकवर जहांगीर साहजहां भए वहु,
लोकमैं सराहैं हम एक नाहिं पेखा है ।
अवरंगसाह वहादरसाह मौजदीन,
करकसेरनैं जेजिया दुख विसेखा है ॥
द्यानत कहां लग वडाई करै साहवकी,
जिन पातसाहनकौ पातसाह लेखा है ।
जाके राज ईत भीत विना सब लोग सुखी,
वड़ा पातसाह महंमदसाह देखा है ॥ ४६ ॥
जैनधर्म अधिकार दीसै जगमाहिं सार,
और मतके फकीरसेती जती सुखी है ।
सब मत माहिं रात दिन पसु जेम खाहिं,
सावक विवेकी निसत्यागी गुरुमुखी है ॥
जल अनछानेसौं नहारू आध व्याध होय,
पानी पीयै छान कभी होत नाहिं दुखी है ।
सांच धर्म सब लोक जान जान सुखी होय,
सांच वात कही, नाहिं कही आप रुखी है ॥ ४७ ॥

(२६१)

छप्य ।

चैत सब मास माहिं उत्तम वसंतसेती,
सर्व सिद्धा त्रोदसी कहें हैं सब लोकमैं ।
सतभिखा है नछत्र सतकौ कथन अत्र,
सुभ जोग महा सुभ धर्मके संजोगमैं ॥
गुरु पूजनीक गुरुवार कृत्स्न पच्छ धार,
सेत है है तीन वार आगम प्रयोगमैं ।
सत्रहसै अस्सी सोलै भाव रीत चित्त वसी,
ग्रंथ पूरा कीना हम सुद्ध उपयोगमैं ॥ ४८ ॥
एक सुध आतम सधै है सात भंगनतैं,
आठौं गुनमईं परभावनसे सुन है ।
यही सुभ संवतके सोलै सब आंक भए,
सोलै भावसेती वंधै तीर्थकर पुन है ॥
इसमैं अधिकार भी उनासीके सोलै आंक,
सोलहौं कपाय नासकारी महा गुन है ।
जातनमैं ग्यान जात वातनमैं ध्यान वात,
धातनमैं वडी धात जैसैं हेम हुन (?) है ॥ ४९ ॥

छप्य ।

जबलौं मेर अडोल, छोड़ि भ्रम रुचि उपजाऊ ।
जबलौं सूर प्रताप, पाप संताप मिटाऊ ॥
जबलौं चंद उदोत, जोति सबके घर भासै ।
जबलौं स्त्री जिनधर्म, सर्वकौ सुख परकासै ॥
जबलौं भुव मंगल गगन थिर, तबलौं ग्यान हिये धरौ ।
इस धर्मविलास अभ्याससौं, सब ही भवसागर तरौ॥ ५० ॥

(२६२)

सर्वेया इकातीसा ।

कथा देखो आदिनाथजीके दस परजाय,
वृत संघ निकीडत चंद्रामन भेव है ।
गनती अनंत विरलन देय औ सलाक,
दीपोदधि नाम गिनौ आवै नाहिं, छेव है ।
जीव कर्म दर्व तत्त्व ग्यान पूजा ठानी लोक,
सबै वहु भेद भाखै तीर्थकर देव है ।
भोग चक्रवर्तीजीकै समोसर्नकी विभूति,
जैनधर्मके समान जैनधर्म एव है ॥ ५१ ॥
बुद्धिका निवास होय सुद्धता प्रकास होय,
सुद्धता विनास होय उद्धता प्रभावना ।
दानकी पिछान होय ग्यानका निदान होय,
ध्यानका विग्यान होय मानका मिटावना ॥
इंद्री सब जेर होय मन जैसैं मेर होय,
मोहका अंधेर खोय जोतिका जगावना ।
जगतैं निकास लेह मोख माहिं करै गेह,
धरमविलास ग्रंथ आगमकी भावना ॥ ५२ ॥

छप्पय ।

सावन जल विन दियै, मैल गुनका सब खोवै ।
जाका डर अवधार, कवित निरदूखन होवै ॥
जो दुख देय न सोय, कौन सम ताकौं जानौ ।
दोष विराने चूरि, आपने सिरपै ठानौ ॥
यह दुष्ट पुरुष जैवंत जग, चार बड़े उपगार हैं ।
दुरजनकौं सज्जन सम लखैं, ते ग्याता सिरदार हैं ॥ ५३ ॥

(२६३)

कुरलिया ।

अच्छरसेती तुक भई, तुकसौं द्वए छंद ।
छंदनसौं आगम भयाँ, आगम अरथ सुछंद ॥
आगम अरथ सुछंद, हमाँनैं यह नहिं कीना ।
गंगाका जल लेय, अरथ गंगाका दीना ॥
सबद अनादि अनंत, ग्यान कारन विन मच्छर ।
मैं सबसेती भिन्न, ग्यानमय चेतन अच्छर ॥ ५४ ॥

छप्पय ।

धन धन स्त्री जिनराज, काज सब जियके सारौ ।
धन धन सिद्ध प्रसिद्ध, रिद्ध सब विध विसतारौ ॥
धन धन हौं तुम सुर, सुर दुखकौ निरवारौ ।
धन धन हौं उवज्ञाय, लाय अंमृत विष डारौ ।
जग धन धन सब साधु तुम, वकता सोता सुख करौ ।
चानत है माता सरसुरी, तुम प्रसाद सब नर तरौ ॥ ५५ ॥

इति पूरण पंचासिका ।



४५

जैनग्रन्थरत्नाकर कार्यालयमें मिलने-
वाली कुछ पुस्तकें ।

बनारसीविलास—बनारसीदासजीकी समस्त कविताओंका संग्रह
और उन्हींका लिखा हुआ जीवनचरित सहित १—८-०

वृन्दावनविलास—कविवर वृन्दावनजीकी कविताओंका
संग्रह ०-१२-०

प्रद्युम्नचरित्र—सरल हिन्दी भाषामें २-१२-०

सप्तव्यसनचरित्र—सात व्यसनोंके सेवन करनेवालोंकी क्या
क्या दुर्दशा होती है यह सरल हिन्दी भाषामें विस्तारके
साथ दर्शाया है ०-१४-०

चर्चाज्ञातक—सरल हिन्दी टीकासहित ... १२-०

न्यायदीपिका—मूलसंस्कृत और सरल हिन्दी
टीका सहित ०-१२-०

मोक्षमार्गप्रकाश—बचनिका पं० टोडरमलजीकृत १-१२-०

ज्ञानसूर्योदय नाटक—श्रीवादिचन्द्रसूरिके संस्कृत ग्रन्थका
सरल हिन्दी अनुवाद ०-८-०

इनके सिवाय और भी सब जगहके छपे हुए जैनग्रन्थ संस्कृत,
हिन्दी, मराठीके हमारे यहां मिलते हैं । सर्व साधारणोपयोगी
उत्तमोत्तम पुस्तकें भी बिक्रीके लिये हर समय मौजूद रहती हैं ।
बड़ा सूचीपत्र मंगाकर देखिये ।

• मिलनेका पता—जैनग्रन्थरत्नाकर कार्यालय
हीरावाग पो० गिरगांव—बम्बई.